

К. Маҳмудов

Қизиқарли ПАЗАНАДАЛИК



ТОШКЕНТ «УҚИТУВЧИ» 1987

Такризчилар:

этнограф, тарих фанлари кандидати Б. Амнянов.

Тошкент шаҳар, 55-ошпазлик билим юртининг
директори Б. Зибвуддинов.

Уста пазанда, Тошкент шаҳар, «Гулистан» ресто-
ранининг директори Р. Убайдуллаев.

M 4802009900 --- 106
353(04) --- 87 84-87

«Ўқитувчи» нашриёти, 1987.

МУАЛЛИФДАН

Пазандалик озиқ-овқат программасига бевосита боғлиқ соҳадир, эътиборингизни «СССРнинг 1990 йилгача бўлган даврга мўлжалланган озиқ-овқат программаси» да айтилган қуйидаги сўзларга тортмоқчимиз:

«Совет кишисининг овқатланиш рациони калориялигиги жиҳатидан физиологик нормаларга мувофиқ келади.

Энди партия мамлакатнинг юқсалган иқтисодий потенциалидан фойдаланиб аҳолини ҳамма турдаги озиқ-овқат билан имкони борича қисқа муддатларда барқабор таъминлашини йўлга қўйиш, совет кишиларининг овқатланиш структурасини энг қимматли маҳсулотлар ҳиобига анча яхшилаш вазифасини қўймоқда...

...Иқтисод ва тежамкорлик учун курашишдан, маҳсусот етиштириш, қайта ишлаш ва сақлашнинг илғор технологиясини кенг жорий этиш, қишлоқ хўжалик маҳсусотининг нобуд бўлишини қисқартириш.., қишлоқдаги юциал-маиший турмуш шароитларини янада яхшилашсан иборат»¹.

Албатта, бу гаплар ичида «пазандалик» деган сўз иштилмаган бўлса-да, бироқ «овқатланиш рациони», зиқ-овқат билан таъминлаш», «овқатланиш структура-

сини яхшилаш», «иқтисод ва тежамкорлик», «масаллиқларни қайта ишлаш ва тежаш» каби иборалар таом тай-ёрлаш илмининг ушбу Программани амалга өширишда муҳим роль ўйнашини кўрсатиб турибди.

Маълумки, озиқ-овқат мўл-кўлчилигини таъминлаш, ясрарш, қайта ишлаш, исроф қилмаслик каби масалаларни одамзод ўзининг пайдо бўлган даврлариданоқ ҳал қилишга уриниб келади. Бизнинг давримизда бу масалаларга илмий ёндашиб, юксак муваффақиятларга эришилмоқда. Илгари мана шу масалалар эмпирик тарзда «ҳал қилинар» эди. Китобда турли мамлакатлардаги турли шароитларда ҳамда ўзгача ижтимоий-иқтисодий тузумда яшаган халқларнинг бу масалаларни ҳал қилишига оид лавҳалар, ҳикоялар, тарихий ва этнографик материаллар берилади.

«Умумий таълим ва ҳунар мактабини ислоҳ қилишнинг асосий йўналишлари» тўғрисидаги КПСС Марказий Комитетининг лойиҳасида: «Мактаб тежамкор хўжалик ходими бўлиш, жамоат бойлиги ва она табиатга.. озиқ-овқат маҳсулотларига, айниқса нонга ғамхўрлик ва тежамкорлик билан қарап фазилатини тарбиялаб, вояга етказиши керак»¹ — дейилади. Тежамкорлик, озиқ-овқат масаллиқларига ғамхўрлик ва нонга ҳурмат борасида жаҳон пазандалигидан келтирилган мисоллар ушбу китобда анчагина. Лойиҳада яна касб танлаш тўғрисида гап юритилади. Бизда янгидан-янги заводлар, фабрикалар, совхозлар қурилмоқда ва буларнинг қошида мактаблар, яслилар, боғчалар ташкил этилмоқда, ҳар бир корхона ҳамда муассасанинг албатта ўз ошхонаси бор, буларга ошпаз кадрлар жуда кўп керак бўлади. Шунинг учун китобда касб танлаш чегарасида турган ўқувчиларни ошпазлик ҳунарига қизиқтириш ва пазандаликнинг санъат эканини исботлашга қаратилган кўплаб фактлар келтирилади. Айниқса «Рўзгоршунослик»дан дарс берув-

¹ «Совет Узбекистони», 1984 йил 5 январи.

чи ўқитувчилар учун, пазандалик билим юртлари ҳамда ошпазлик мактабларининг ўқувчилари учун касбни улуглаш борасида анчагина мисоллар келтирилади. Одамларнинг қандай овқатланиши халқ моддий фаровонлигигининг асосий кўрсаткичи ҳисобланади. Шундай экан, пазандалик ҳар бир халқнинг шуғулланадиган хўжалик типига (севчиликми, чорвачиликми, дехқончиликми), яъни она табиатдан масаллиқларни қай тарзда уидириб олиш усулига боғлиқ ҳолда келиб чиқади ва ривожланади. Сирасини айтганда, овқатланиш одамларнинг қандай усульда моддий неъмат ишлаб чиқаришларига ва не хил табиий шароитларда истиқомат қилаётганликларига боғлиқ шаклланади. Бу ҳол «Овқатланиш модели» деб юритида. Чунончи, чорвадор халқлар кўпроқ гўшти, ёғли, сутли, қатиқли, таомларни истеъмол қилишга мослашгандар, дехқончилик билан машғул бўлганларнинг овқатланиш модели эса асосан дон-дун, сабзавот ҳамда мева-лардан иборат бўлади. Ёки иссиқ миңтақаларда яшовчи халқлар кўпроқ мева-чева, енгил овқатлар, ўз шароитида мавжуд бўлган ҳайвонотларнинг гўштини истеъмол қилишга одатланишган бўлса, денгиз соҳилларида яшовчи аҳолининг овқатланиш модели асосан балиқ, денгиз ҳайвонларининг бошқа турлари ва ўсимликлардан иборат бўлади.

Натижада турли миллат пазандачилигида ҳадсиз антиқа таомлар ижод этилади. Масалан, жаҳонда шундай халқлар борки, сиз билан биз мутлақо оғизга олиб бўлмайди, деб ҳисоблайдиган масаллиқлардан ажойиб таомлар тайёрлашни билишади ва ҳузур қилиб ейишади. Овқатланиш модели этнография фанининг учта асосий аспектларидан биринчисидир. Китобда ана шунга оид талайгина материаллар берилади.

Пазандалик ҳар бир халқнинг турмуш маданияти доирасидаги эстетик, ахлоқий, эътиқодий алоқаларни ифодаловчи расм-руссум, анъаналар, меҳмондўстлик каби бир қатор урф-одатлари, халқнинг турмуш тарзи ва ҳатто та-

рихига боғлиқ бўлади. Бинобарин, овқатланиш модељ билан бирга пазандалик санъатини ўрганиш мазкур миллатнинг характеристини очишга ёрдам беради. Қитобда уй бекалари, ҳаваскор пазандалар, ҳатто мутахассис ошпазлар ҳам билиб қўйсалар фойдадан ҳоли бўлмайдиган маълумотлар жамлангандир. Сиз бу китобдан келин танлашга восита бўлган таомлар, масаллиқ пуллар, муқаддас ва шарафли деб ҳисобланадиган овқатлар, одамларнинг номи билан аталадиган таомлар, пазандалик равнақига ҳисса қўшган машҳур одамлар, севикли таоми деб ҳалок бўлган кишилар, рамзий масаллиқлар ва бошқалар ҳақида маълумотлар оласиз.

Сиз ҳар гал таом тайёрлаганингизда ёки ҳузур қилиб танаввул этганингизда ушбу таомни ким ва қачон, қандай ижод этган, деган масала устида бош қотириб ўтирумайсиз, албатта. Бироқ таом ижод этиш ғоят мураккаб иш. Бинобарин, ўқувчилар қадимда пазандаларнинг янги таомларни ижод этишлари билан боғлиқ бўлган воқеалардан воқиф бўлсалар, ҳамда ўзбек пазандалигига ишлатиладиган масаллиқларнинг баъзи-лари қачон ва қаердан келиб қолганлигини билиб олсалар, фойдадан ҳоли бўлмас, деб ўйлаймиз.

Бизнинг давримиз илмий-техника равнақи даври бўлганингидан ҳам истеъмолдаги овқатларимизга бе-фарқ қарамасдан, балки фан нуқтаси назаридан ёндешини мұхим аҳамият касб этади. Шу боисдан китобда ҳар бир пазанда ҳам, ҳар бир хўранда ҳам пиширилаётган ва ейилаётган таомга фақат қорин тўйдирувчи нарса деб қарамасдан, балки шифо ҳам эканлигини билиб олишларига оид илмий далилларни келтириш автор олдига қўйилган вазифалардан бири эди.



I. ПАЗАНДАЛИК САНЬЯТИ

Пазандалик таърифи

Негадир кўпчилик пазандаликка косибчиликка ўхшаган бир ҳунар деб қарайди. Ҳунарликка ҳунарку-я, бироқ бу ҳунарнинг бошқа соҳалардан кескин фарқ қиласидиган ўзига хос томонлари бор. Айтиш мумкинки, пазандалик ҳам бир санъат, яъни косиб ўз фаолиятида меҳнат малакаси, тажрибасига таяниб иш кўради. Пазанда ҳам шундай, лекин масаллиқларни саралаб, ювиб, арчиб, тўғраб, пишириб дастурхонга тортишгача бўлган барча жараёнларда у ўз маҳоратига, истеъоди ва дидига таянади. Буни қўйидагича тушунтириш мумкин, яъни косиблар ўз ишларининг натижаси бўлган предметларни доим бир қолипда, ўзгартиришсиз ясай берадилар (агар билимларини, орттириб, ясаётган буюмларига ўзгартириш киритиб, янги моделлар устида излансалар эди — улар ҳам ижод қилган бўлардилар). Маълумки, санъаткорларда ижод доимо асосий ўринда туради. Чунончи, бир хил ролни ижро этадиган бир неча актёр ўз қаҳрамонини ўзича талқин қилиб, персонаж характеристини ўз ижрочилик санъати заминида турлича очади.

Худди шунга ўхшаш бир хил таом тайёрлаётган турли пазандаларнинг ҳар бири ўзининг пазандалик маҳоратига кўра шу таомнинг лаззатли, тўйимли, ташқи кўриниши ва бошқаларга ўз усдуби, ўз тажрибасидан келиб чиқсан ҳолда ёндашади. Бинобарин, истеъдодли пазандалар бундайроқ масаллиқлардан ҳам дурустроқ таом тайёрлай олишлари, ёки аксинча, истеъдодсизлари эса сифатли масаллиқлардан бемаза таом тайёрлаб қўйишлари мумкин.

Пазандалар ҳам санъаткорлар каби ўзлари тайёрланган таомларини вақт-вақти билан намойиш қилиб, кўрик-конкурсларда мусобақалашиб турадилар. Голиб чиқсанлар муносиб тақдирланади ва талантига қараб маҳсүс пазандалик мактабларини битирмаган бўлсалар ҳам малякалари оширилади, уларга биринчи классли ресторандарда ишлаш ҳуқуқи берилиши мумкин.

Пазандаликнинг бошқа санъат тармоқлари каби ўзига хос «жанрлари» ҳам бор, булар ўзбек пазандалигига ошпазлик, паловпазлик, кабабпазлик, нонвойлик (нонпазлик), қандолатчилик (шакарпазлик), мантипазлик, яхнапазлик кабилардир.

Ошпаз қуюқ-суюқ овқатларнинг барчасини тайёрлашга моҳир бўлади. Паловпаз турли хил палов ва шовланинг хилларини тайёрлашни билади. Самсапаз ўнларча сомсалар, кабобпаз, ҳар турдаги кабоблар пиширишнинг устаси. Нонвой тандир нонларнинг — оби, ширмой, гижда, патир каби кўп хилларини ёпа олса, қандолатчилар ҳолвадан новвотгача бўлган ширинликларни тайёрлай олади, мантипаз манти, чучвара каби таомларнинг ўнлаб турини тайёрлашни билса, яхнапаз эса гўшт, қази, хасип, калла-поча каби турли таомлардан яхна овқат тайёрлай олади. Мана шу пазандалик жанрларининг барчасидан хабардор мутахассислар умумий ном билан пазанда деб юритилади. Агар улардан фақат биттасини эгаллаган бўлсалар, унда тегишли жанр номи билан: ошпаз, паловпаз, кабобпаз, нонвой ва ҳоказо деб аталади.

Пазандалик форс-тожик тилидан олинган «пазидан» (пиширмоқ) феълининг ноаниқ формасига ўзбекча «лик» суффикси қўшилмасидан таркиб топган бўлиб, «пиширмоқлик» деган маънони англатади ва у шундай таърифланади: *Пазандалик санъати деб, ўсимлик ва ҳайвонот масаллиқларидан инсон аъзолари учун зарур бўлган, меҳнат ва яшаи қобилиятини орттирадиган турли хил лаззатли, тўйимли ва покиза таомларни тайёрлаш ҳамда*

дид билан дастурхонга тузанинг муайян үсуллари йиғиндисига айтилади.

Пазандалик санъати инсониятнинг энг қадимги фаолиятларидан бири бўлиб, унинг ривожланиши ҳар доим жамият иқтисодий равнақига боғлиқ бўлган. Ўтган барча ижтимои-иқтисодий формацияларда ҳам таомларнинг хилма-хиллиги, сифати инсоннинг ҳёт кечиришида муҳим восита бўлиб хизмат қилган. Инсон барча тирик орнизмлар каби ташқи муҳит қуршовида яшайди. Ташқи муҳит шароитлари орасида инсон аъзоларига доимий ва энг муҳим таъсир қилиб турадигани таомдир. Ташқи муҳит шароитларининг бошқа жабҳаларидан фарқли ўлароқ, киши овқатлангандан сўнг энди таом ички муҳит шароитига айланади. Натижада овқат таркибидаги элементлар аъзоларимиз билан уйғунлашиб, физиологик фаолиятимизни таъминлайдиган энергия ҳосил қиласди. Шунинг учун ҳам овқатланиш одам сиҳат-саломатлигининг воситаси, энг муҳими меҳнатга бўлган қобилиятининг омилидир. Одам узоқ вақт овқатланмаса — ҳаёти тугайди, оз, ноchor, нотўғри овқатланса ёки аксинча кўп, пала-партиш овқат еса турли касалликларга дучор бўлади. Шундай экан, пазандалик санъати орқали таомларни қоидали қилиб тайёрлаш уларнинг парҳезли хусусиятини келтириб чиқаради, одамларнинг режали истеъмол қилиши эса ҳар бир таомнинг шифобахшлик хусусиятини орттиради. Бинобарин, таом тайёрлаш ва уни истеъмол қилиш ҳам табиий, ҳам ижтимоий характерга эга бўлган муҳим масаладир. Ушбу масаланинг тўғри ҳал қилинишида пазандалик муҳим роль ўйнайди.

Оловнинг кашф қилиниши

Пазандалик аксарият пишириш билан боғлиқ бўлганлиги учун унинг тарихи албатта оловнинг кашф қилинишига бориб тақалади. Бизга тарихдан маълумки, ибтидоий одамлар оловни кашф қилмасларидан аввалроқ оловдан фойдаланганлар. Бу албатта табиий олов эди. Яшин оқибатида ўрмонларга ўт кетиши, вулқон лаваларининг қайнаши табиий энергия манбаи бўлган эдик, ибтидоий одамлар буларнинг ёруғлиги ва иссиқлигидан фойдаланишларига имкон туғилиб қолган. Ҳали тошни тошга ишқалаб, олов ҳосил қилгунга қадар ана шу табиатнинг ўзида ҳосил бўлган олов уларга асқотган. Жаҳон-

нинг кўнгина жойларида олиб борилган археологик қа-
зилмалар натижасида қалинлиги то 10 метргача етадиган
кул қатламлари топилганлиги маълум. Бу шу билан
изоҳланадики, ибтидоий одамлар табиий олов ўчиб қол-
маслиги учун унга узоқ вақт шох-шаббалар ташлаб тур-
ганлар ва зарурат туғилганда упдан фойдаланаверган
бўлишлари керак.

Уша кезларда ўрмонларнинг ёниши натижасида пи-
шиб қолган ҳайвон гўштини тотиб кўрган ёки масаллик
ни хомлигидан кўра пинирилгани лаззатли эканлигига
ақли етган ибтидоий одам дастлабки пазандা ҳисобла-
нади. Ибтидоий даврининг ўрта босқичига келиб одамлар
тошни тошга, ёғочни ёғочга ва бошқа қаттиқ нарсаларни
бир-бирига ишқалаш натижасида олов ҳосил қилишини
ўрганиб оладилар. Олов кашф қилингандан сўнг овлаб
олинган турли ҳайвонот гўшtlари ва балиқни доим пиш-
ган ҳолида истеъмол қилина бошланди.

Ф. Энгельс ўзининг «Маймуннинг одамга айланиш
процессида меҳнатнинг роли» номли машҳур асарида
шундай ёзади: «Гўштлик овқат истеъмол қилиш ҳал қи-
лувчи аҳамиятга эга бўлган икки янги ютуқقا: оловдан
фойдаланишга ва ҳайвонларни қўлга ўргатишга сабаб
бўлади. Биринчиси овқат ҳазм қилиш процессини яна
ҳам қисқартириди, чунки у оғизга ярим ҳазм қилинган
ҳолдаги овқатни тайёрлаб берди, дейиш мумкин; иккин-
чиси эса гўштлик овқат запасини кўпайтириди, чунки ов-
чилик билан бир қаторда мунтазам суратда озиқ олиб
туриш мумкин бўлган янги манба очди, бундан ташқари
сут ва унинг маҳсулотларидан иборат бўлган, ўз тарки-
би жиҳатидан кам деганда, гўштга баробар келадиган
янги озиқ-овқат берди. Шундай қилиб, бу ҳар иккала
ютуқ одам учун тўғридан-тўғри янги эмансипация* воси-
талари бўлди!»¹.

Оловнинг кашф қилиниши чорвачилик каби эманси-
пация воситасидан ташқари яна деҳқончилик эмансипа-
цияси ҳам келиб чиқишига сабаб бўлади. Бундан ташқа-
ри яна оловдан фойдаланиб, одамлар гишт пишириш, ку-

* Эмансипация— ибтидоий одамларнинг табиат қуллигидан ха-
лос бўлишларини таъминлайдиган воситалар, масалан оловдан фой-
даланиш, чорвачилик, деҳқончилик, ҳунарманчилик ва бошқалар.

¹ Ф. Энгельс. «Маймуннинг одамга айланиш процессида меҳнат-
нинг роли» К. Маркс., Ф. Энгельс. Танланган асарлар, Т., II, Т.
1959 йил, 87-бет.

ЛОЛЧИЙК ҚИЛШИ, маъданлардан металл эритиш имкониятига ҳам эга бўладилар, бу эса уларни ўртоқ бўлишларига, кўчманчаликни тарк этиб бир жойда муқим яшаб, дехқончилик билан шуғулланишларига сабаб бўлади. Ана энди овчиликдан чорвачиликка, териб-термачлашдан дехқончиликка ўтиш эса пазандаликнинг равнақига катта имкониятлар туғдиради. Оловнинг кашф қилиниши табиатни тобора ўзлаштириб бориш учун катта энергия манбай сифатида ҳам хизмат қиласи. Олов ёвойи ҳайвонлардан ўзини ҳимоя қилишнинг ҳам ўзига хос қуроли бўлган. Олов туфайли одамлар иссиқ минтақалардан совуқ минтақаларга бориб яшаш имкониятига эга бўладилар.

Одамларга олов ҳамроҳ экан, дараҳтларни кесиб ёкишигина эмас, энергия манбай бўлган ўрмонларга қараш, дараҳт ўстириш, кейинчалик эса ер ости ёқилгилари (кўмир, нефть, газ) ни ковлаб олиш, ёнилғи манбай электр станциялар қуришни ўрганиб олдилар. Буларнинг ҳаммаси ўз навбатида пазандаликнинг тобора равнақ толишига кенг йўл оча бошлади. Яъни ана шу юқорида атаб ўтилган эмансипация воситаларининг барчаси, масалан чорвачилик билан дехқончилик пазандалик учун масаллиқ манбай бўлган бўлса, кулолчилик билан темирчилик эса пазандалик учун идиш-товоқ, қозон ва ҳар турли асбоб-ускуналарни муҳайё қиласидан бўлди. Ўз-ўзидан маълумки, ўрмончилик (ўтин), кончиклик (кўмир, нефть, газ) ва электр станциялар қуриш таом пишириш учун энергия манбайдир.

Чорвачиликнинг келиб чиқиши

Пазандалик оловсиз тарақкий эта олмагани каби чорвачилик ва дехқончиликсиз ҳам ривожлана олмас эди. Ўз-ўзидан маълумки, хўжаликнинг бу икки соҳаси пазандалик учун турли табиат неъматларидан масаллиқлар этиштириб беришга қаратилгандир. Териб-термачлаш билан машғул бўлган ибтидоий одамлар ёлғиз ўсимлик мевалари, уларнинг тана ва илдизларинигина йиғмасдан, айrim секин ҳаракат қиласидан майдага ҳайвонларни (чувалчанг, мидия ва б.) ҳам териб еб юрганлар, албатта. Ибтидоий жамоа тузуми ишлаб чиқарувчи кучларининг ўша даври тараққиёт даражасига кўра бамисоли ҳайвонлар сингари одамлар ҳам ўзлаштирувчи

хўжалик олиб борганлар. Яъни табиатдаги барча тайёр нарсаларни шундайлигича меҳнатсиз олиб яшашга мажбур бўлганлар.

Агар аждодларимиз шу тарзда қолиб кетаверсалар эди, уларнинг ҳайвонлардан ҳеч фарқи қолмаган ва жамият ҳам ривожланмай қолаверган бўлур эди. Узоқ-узоқларга кўчиб юриб териб-термачилик қилина бергач, бари бир, осонликча ўзлаштириб олинадиган атрофдаги масаллиқлар тугайди. Энди тез югурувчи, учувчи ва сувда сузувчи ҳайвонларни овлаш зарурияти туғилади. Бунинг учун эса қуролдан фойдаланиш керак бўлиб қолади. Қурол ясаш — бу энди меҳнатнинг бошланишидир. Овчилик ва балиқчilik орқали овқат хиллари кўпайди ва нуқул ўсимликдан олинадиган тайёр маҳсулотларга ўрганиб қолишлика барҳам берилди, бу эса ўз навбатида инсон миясининг янада такомиллашув шартларини вужудга келтирди. Витаминдор мевалар, крахмалли илдизлар ва дон-дунларга энди оқсиidor гўшт ҳам келиб қўшилди.

Тош даврида юдамларнинг турлича группалари оила, уруғларга бирлашиб дарё водийлари, денгиз соҳилларида, шунингдек ҳайвонларга бой ўрмонларда истиқомат қилганлар. Ниҳоят шундай бир давр бошланганки,attrofda овланадиган ҳайвонлар ҳам озайиб кетганлиги сабабли уларни ўлдириб юбормасдан тирик тутиш ва чуқур жойларда, тоғ дараларида ходалардан тўсилган говлар ясалиб, уларнинг ичидаги шу ҳайвонларни боқиб урчтила бошланган. Худди мана шу ҳол чорвачиликнинг ибтидоийисидир. Бу давр варварликнинг ўрта босқичи даври бўлиб, у Шарқий ярим шар учун характерлидир. «Шарқда варварликнинг ўрта босқичи сут ва гўшт берадиган ҳайвонларни қўлга ўргатишдан бошланган, — деб уқтиради Ф. Энгельс. Ҳайвонларни қўлга ўргатиш ва урчтиш ҳамда катта-катта подалар ташкил қилиш айтидан, орийлар билан семитларга бощқа варварлардан ажralиб чиқишига имкон берган бўлса керак. Европа ва Осиё орийларида ҳайвонларнинг номлари ҳали бир хил, аммо экиб ўстириладиган ўсимликларнинг номлари деярли ҳеч қачон бир хил бўлмаган.

Подаларнинг пайдо бўлиши чўпонлик ҳаёти учун яроқли жойларда: семитларда — Фрот ва Дажла соҳилларидағи ўтли текисликларда, орийларда — Ҳиндистондаги, шунингдек Оқсус ва Яксарт (Амударё ва

Сирдарё), Дон ва Днепр соҳилларидағи худди шундай текисликларда чўпонлик ҳаётига олиб келди»¹.

Одамлар асосан ёввойи ҳайвонларни, кўп ҳолларда умуртқалилар (сут эмизувчилар ва қушлар)ни қўлга ўргатишга уринганлар. Ит ва мушуклар эса одамлар янайдиган манзиллар яқинида нишхўрд овқат топилиши сабабли ўзлари уларга яқинлашаверганлар. Чорвачилик овқат запасини янада кўпайтиради, гўшт, ёғдан ташқари яна сут ва тухум истеъмол қилишга имкон беради. Ҳайвонларнинг терисидан кийим сифатида фойдаланилган. Оловдан фойдаланишини ўрганиб олган одамлар энди иқлими совуқроқ минтақаларда ҳам яшай бошлигандар.

Чорвачилик меҳнат тақсимотининг келиб чиқишига ҳам сабаб бўлди. Овчилик билан машғул бўлган эркакларнинг зиммасига чорвачилик ҳам тушди, аёллар эса унча оғир бўлмаган ишлар, чунончи сут софиш, қатиқ ивitiши, гўшт пишириш билан машғул бўлганлар. Чорвачилик пазандаликни янада ривожлантириши билан бирга эмансиپация воситаси сифатида дехқончиликнинг равнақ топишига ҳам сабаб бўлди.

Дехқончиликнинг келиб чиқиши

Кишиликнинг илк давларидаёқ меҳнат жинсга ва ёшга қараб тақсимланган. Бунда хавфлироқ ва кўпроқ жисмоний куч талаб қиласиган овчилик билан эркаклар шугулланган бўлсалар, нисбатан енгилроқ териб-термачлаш билан аёллар ва қариялар машғул бўлганлар. Йиғиб-териб келинган овқат қолдиқлари, илдиз, данак, уруғларни яшаб турган манзиллар атрофига ташлаш натижасида униб чиқиши ибтидоий аёлларда: «буларни экиб кўпайтиrsa бўлар экан-да» деган фикрининг туғилишига сабаб бўлган бўлиши керак.

Пазандалик билан чамбарчас боғлиқ бўлган, унга ўсимлик масаллиқлари етказиб берадиган соҳа — дехқончиликни асосан аёллар кашф қилганлар. Фикримизнинг исботи учун ушбу мисолни келтирсан бўлади. Жанубий Америкада яшовчи арикара номли ҳинду қабилаларида дехқончилик ҳозиргacha ҳам аёллар иши ҳисобланиб келинار экан.

¹ К. Маркс ва Ф. Энгельс. «Уч томлик танланган асарлар», «Ўзбекистон» нашриёти, 1981 й, 3-том, 238—239-бетлар.

Ёввойи бошоқли экинларни муттасил экиб кўпайтириш эрамиздан тақрибан 10.000—15.000 йил муқаддам бошланган. Экинни экиб кўпайтириш янги меҳнат қуролларининг кашф этилишига сабаб бўлган. Тош болта, чўқмор ўрнига энди бронза кетмон, белкурак ёки омочдан фойдаланила бошланди. Дехқончилик одамларни ўтроқ бўлиб яшашларига сабаб бўлди, бу эса маданиятнинг равнақ топқишига, бутун бошли қишлоқлар пайдо бўлишига олиб келди. Фақат дон-дунларнигина эмас, балки сабзавотларни, гул мевали ҳамда илдиз мевали ўсимликларни ҳам маданийлаштирилиши натижасида инсон таомномаси борган сари мураккаблаша бошлайди. Илгари ёввойи ҳолда ўсан мевали бута ва дарахтлар энди боғ-роғларни ташкил қила бошлайди. Тариқ, арпа, буғдой, макка, шоли каби крахмал берадиган бошоқли донларнинг катта-катта майдонлари пайдо бўла бошлади. Ловия, соя, мош, нўхат, ясмиқ каби оқсил берадиган дуккаклилар, шакар қамиши, қанд лавлагиси, қовун, тарвуз, хурмо каби ширинликка бой ўсимликлар, кунгабоқар, зигир, кунжут, ерёнғоқ, зйтун, пахта ва бошқа ёғ берадиган ўсимликлар, карз, сабзи, шолғом, турп, помидор, пиёз ва бошқа кўпгина витамин, минерал моддалар берадиган сабзавотлар минг йиллар давомида қайта-қайта экилиб сунъий равишда, янги-янги новлар олина бошланди. Дехқончиликнинг ибтидоси дастлаб Ғарбий ярим шарда бошланиб, бу ҳам варварликнинг ўрта босқичига тўғри келади. Бу босқич... «ғарбда овқат бўладиган экинларни сугориш воситаси билан экишдан бошланади,— дейди Ф. Энгельс.— Янги Мексикадаги пуэбло деб аталадиган ҳиндулар, мексикаликлар, Марказий Америка аҳолилари ва перуликлар истило вақтида варварликнинг ўрта босқичида турар эдилар: улар... сунъий равишда сугориладиган полизларда ўзларининг асосий озиқ-овқат манбалари бўлган маккажӯҳори ва турган жойлари ҳамда иқлимга қараб, овқат бўладиган бошқа экинлар экиб ўстирганлар»¹. Ҳосилдорликни ошириш, тупроқнинг мелиоратив ҳолатини яхшилаш, янги-янги ўсимликларни маданийлаштириш ва интродукциялаш (озиқ-овқат берадиган турли ўсимликларнинг ёввойи

¹ Ф. Энгельс. «Онла, хусусий мулк ва давлатнинг келиб чиқиши», К. Маркс., Ф. Энгельс, Тацланган асарлар, II том, Т., 1959 йил, 200-бет.

ҳалда ўсган дастлабки ватанларидан ер шарийнинг бошқа жойларига ҳам олиб келиб экиш) дәхқончилик-нинг кейинги равнақидир.

Қоида, усул ва сирлари кўп соҳа

Пазандалик қатор фанларга ҳам алоқаси бор соҳадир. Пазанда таом тайёрлар экан ўзи билган ёки сезмаган ҳолда физика, химия, биология, медицина, микробиология ва ҳатто психология каби илмларга амал қиласди. Пазандаликнинг таом тайёрлаш илми **технология** деб аталади.

Барча санъат ва фан соҳалари ўз қоида ва усуллари-га эга бўлади. Пазандалик ҳам қоидаси кўп соҳадир. Энг содда қоидалардан тортиб энг мураккаб, муҳим қоидалар шу қадар кўпки, булатни саронжом-саришта қилиш учун ўнлаб китоблар ёзилиши керак.


Пазандаликда ҳатто энг содда қоидаларга амал қилмаслик ҳам тайёрланётган таомнинг бузилишига сабаб бўлиши мумкин. Мисол учун дуккакли донларни (ловия, мош, нўхот) тузсиз совуқ сувга солиб аста қайнатиб пиширилади, акс ҳолда улар қотиб қолади ва пишмайди, угра, шилпилдоқ, макарон, вермишель, чучвара каби хамир маҳсулотларини қайнаб турган тузли сувга солиб пишириш керак, акс ҳолда улар эзилиб атала бўлиб кетади. Шарақлатиб қайнатилган гўшт bemaza, милтиратиб қайнатилгани эса тотли бўлади ёки шўрвага тузни қайнамасдан олдин ташланса татимайди, суви хўп пишгандан сўнг тузи ростланса, лаззатли бўлади ва ҳоказо.

Таом тайёрлаш технологиясидаги тартиб, қоида ва усуллар асосан икки группага бўлинади: а) олов таъсирисиз тайёрлаш ва б) пишириш. Бунда масаллиқларни пиширишга тайёрлаш тартиб-қоидалари қўйидагилардан иборат бўлиши мумкин: саралаш, чайқаш, ювиш, арчиш, пардозлаш, териш, элаш, сўйиш, юлиш, тозалаш, кесиш, бўлиш, тўғраш, майдалаш, қиймалаш, чопиш, қирқиш, қириш, ивitiш, қориш, ясаш, чўзиш, тузлаш, ачитиш, сиркалаш, қўшиш, аралаштириш, қуритиш (офтобда, кўланкада) ва ҳоказо.

Пишириш қоидалари ўзбек пазандалигига беш хил: қовуриш, қайнатиш, буғлаш, тандирда пишириш ва мураккаб комбинацияли усулда пишириш.



1-расм. Шолғом олма ва шу каби думалоқ маҳсулотларни арчиш қоидаси



2-расм. Сабзи, болдинг ва шу каби узунчоқ сабзавотларни арчиш қоидаси.

Арчиш қоидалари

Масаллиқни пиширишга тайёрлаш ёки хомлигича истеъмолга яроқ қилиш анчагина технологик жараёнлардан иборат бўлади.

Маълумки, арчишнинг анчагина қоидалари бор, шу лардан бири мумкин қадар юпқа, кам чиқим қилиб арчишдир. Агар 1 килограмм картошка ёки сабзидан чиқадиган пўчоқ 150 граммни ташкил этса, шундан атиги 10 грамми чиқитга чиқармасдан арчилса, жамийки ошхоналарда ва хонадонларда пўчоқни камайтириш ҳисобига юзларча тонна масаллиқ иқтисод қилиб қолинган бўларди.

Сабзи, бодлинг каби узунчоқ масаллиқлар ичидан бандига қараб юпқа тахтакач усулида; картошка, шолғом каби юмалоқ масаллиқлар бандидан учига қараб спираль шаклда ўткир пичноқ билан арчилади (расмга қаранг).

Иложи борича масаллиқнинг этидан камроқ олиб ташлаш пазандаликда маҳорат ҳисобланади. Пўсти этидан арчилиб, истеъмол этиладиган масаллиқлар ўзи «мана мен» деб туради. Улар: пўчоғи аччиқ (масалан анор), қалин (қовун, тарвуз), дағал (турп, шолғом), лавлаги, картошка ва бошқалар бўлиб, албатта арчилиши керек.


Лекин шундай масаллиқлар борки, буларнинг этидан

кўра пўчоқ қисмида фойдали моддалар кўп бўлади. Масалан, редисканинг учи, банди ва тивит томирлари олиб ташланиб, яхшилаб ювиб пўчоғи билан ейилса, фойдадан холи эмас. Бодрингни ҳам майдалари пўчоғи билан ейилиб, фақат қари ва сарғайганлари арчилса айни муддао бўларди.

Расмда сабзи таркибидаги фойдали моддалар қандай жойлашганлигини кўрсатувчи схема берилган. Сабзидағи энг фойдали, яъни организмда А витаминни ҳосил қиласиган каротин моддаси ўрта эти ва учидан кўра пўчоғи ва банд қисмида кўпроқ жойлашган, чунончи: учидан ва ўрта этидан бу модда 2,6—3,5 миллиграмм процентни ташкил қиласидан бўлса, пўчоғи ва банд қисмида 10—13 миллиграмм процента борар экан. Демак, сабзидан тўла фойдаланиши учун яхшилаб ювиб, арчимай тўғраш зарур, ёки юпқа қилиб қириб ташланса бас, қолаверса сабзининг пўсти нафис ва этидан ажралмаган.

Умуман, этидан маълум ҳужайралар билан ажралмаган масаллиқларни арчимай ювиб истеъмол қилишни тавсия этамиз. Масалан, олманинг пўчоғи этига мустаҳкам бириккан, уни арчимай еган фойдали.

Баъзилар «олманинг пўсти яхши ҳазм бўлмайди, шунинг учун уни арчиш керак» дейдилар. Яхши ҳазм бўлмаслиги тўғри, лекин арчиш хато. Помидор, қалампир, узум, гилос, ўрик, олма, олхўри ва бошқа шу каби масаллиқларнинг пўчоқлари ҳам яхши ҳазм бўлмайди. Лескин булар арчимай истеъмол қилинади-ку. Гап шундаки, ўша ўзи ҳазм бўлмайдиган пўчоқлар бошқа овқатларнинг ҳазмланиши учун зарур. Бу масаллиқларнинг пўчоғида, жумладан олма ва нокда ҳам клетчатка деган модда бор. Клетчатка серёғ, сергўшт, оғир ва калорияси баланд таомларнинг ҳазмланишида бамисоли тегирмон ролини бажаради. Баъзи сабзавот (бодринг, сабзи, помидор, редиска, қалампир) ва меваларнинг (олма, нок, ўрик, олча, гилос, олхўри, олиёр шафтоли, беҳи) пўчоқларида бу модда кўп бўлади. Ҳазмловчи клетчатка вазифасини қовун, тарвуз ва бошқа полиз'экин витлари (яъни ҳужайрасидаги протоплазмани урган целилёза қатлами) ҳам бажариши мумкин.



3- расм. Сабзавотлар таркиби-даги фойдали моддалар кўпроқ пўсти ва банд қисмида бўлади.

Қарангки, масаллиқни пўчогидан ажратиб ейиш керакми ёки пўчоги билан ейиш керакми — буни қодир табиатнинг ўзи белгилаб қўйибди. Масалан, ёнғоқ, писта ва бодомнинг пўчоги ёғочсимон қаттиқ бўлганлиги учун чақиб мағзи ажратиб ейилади. Мандарин ва апельсиннинг пўчоқлари этидан ажраб турари ва аччиқ бўлганлиги учун арчиб ейилади. Аммо лимоннинг пўчогини зинҳор ажратиб ташламаслик керак. Лимончилик билаң машҳур бўлган Италия, Кавказ ва бошқа жойлардаги ҳалқлар лимоннинг пўстини сира арчиб ташламайдилар, паррак-паррак қилиб кесиб шакарга ботириб чайнашади, ҳамма ҳузур ана шунда.

Лимонни кесганда зангламайдиган пўлат пичноқдан фойдаланишни маслаҳат берамиз. Зангламайдиган пўлат пичноқлар бу мевадаги аскорбин кислотаси (С белгили витамин) нинг анчагина қисмини гойиб қилиб юборади. Шунингдек, олмани ҳам арчимасликни келишиб олмогимиз керак. Ўзингизга маълумки, арчилган олмадарҳол қорайиб кетади. Бунинг маъноси шуки, пичноқ таъсирида унинг ҳужайралари кесилиб, шарбатидаги темир моддалари ҳаводаги кислород билан реакцияга киришади-да, занглайди. Ундан кўра олмани карс-карс тишлиб еган маъқул. Шунда унинг фойдаси кўп, исрофи кам бўлади.

Тўғраш усуллари

Арчишни ўрганган одам тўғрашни ҳам билиши керак.

Дарвоқе тўғрашнинг таом тайёрлаш технологиясида аҳамияти катта. Чунончи сиз масаллиқни бир хил шаклда тўғрасангиз, овқатнинг кўриниши чиройли бўлади ва масаллиқ бир текисда пишади.

«Таом ҳар жойда, лаззат бир жойда» деган мақол ҳам таом тайёрловчининг тўғраш маҳоратига ишорадир. Бир хил масаллиқдан икки киши, иккни жойда таом тайёрласа, биринчиси лаззатли, иккинчиси bemaza чиқиши мумкин. Бу жуда лаззатли масаллиқ бўлишига қарамай баъзи «пазандалар» тўғрашни хато бажарганликлари учун гўштнинг ғозини қирқиб қўйишади. Аслида гўшт баъзи таомлар учун (кабоб, палов, қовурма ва бошқалар) лўнда-лўнда усулда, бодомдай, аниқроғи бош бармоқнинг биринчи бўғими катталигига бир хил тўғралади. Энди агар гўшт бўлакларининг бирини кагта ёнғоқдай, бирини майда пистадай қилиб тартибсиз тўғралса,



4-расм. Сомонча усулда тұғраш.



5-расм. Кубик шаклида тұғраш.


таом албатта bemaza чиқади. Сабаби: майда бүлакчалар қовурилғанда куйиб жингаги чиқади, катта бүлаклар нинг эса сирти пишиб, ичи ҳали хом-хатала бүлади. Бир қозоннинг ўзида куйған гүшт билан чала пишган гүшт мазасининг үйғунлашувы белаззат, бадхүр бүлади.

Тұғрашнинг усуллари жуда күп, қуйида баъзилари билан таништириб ўтамиз:


«Сомонча» усулда тұғраш. Палов, шовла, мастава учун сабзи, салат учун турп ва редиска ана шу усулда тұғралади. Бунда сабзавот таxта устига қўйилиб, чап қўл билан ушланиб, ўнг қўлдаги ўткир пичноқ ёрдамида аввалига узунасига, юпқа тахтакач қилиб кесиб олинади-да, сўнг қаватлаб «сомонча» қилиб қирқилади. Бунда масаллиқ бүлаклари гугуртнинг чўпидай бир хил чиқади. Ҳар бир бүлакнинг узунлиги тахминан 4—5 сантиметр, кўндаланг қирқими эса 3 квадрат миллиметр бўлади.

Кубик шаклида тұғраш. Бу усул «шоди беги», «нўхатча» тұғраш деб ҳам юритилади.

Асосий масаллиқнинг шаклига қараб сабзи, шолғом, картошка, гүшт, думба ёр ва бошқа масаллиқлар шу усулда тұғралади. Кубик қилиб тұғралганда масаллиқ аввалига узунасига, қалинлиги тахминан 1 сантиметр келадиган тахтакачга, гүшт бўлса шапалоқдек қилиб кесиб олинади-да, сўнг бу тахтакачлар яна узунасига эни 1 сантиметр келадиган ва кўндаланг қирқими 1 квадрат сантиметр келадиган қаламчаларга бўлинади. Қаламчалардан эса 1 куб сантиметр шаклида бүлакчалар кесилади. Буниси майда кубик бўлиб, тахминан нўхатга тенгдир. Ўрта кубик эса 2 куб сантиметр ҳажмидағӣ бў-



6-расм. Ҳалқа-ҳалқа қилиб түғраш.



7-расм. Лўнда-лўнда қилиб түғраш.

лакчалардан иборат бўлади. Катта кубик 3 ёки 4 куб сантиметр шаклида кесилади.

Ҳалқа-ҳалқа қилиб түғраш. Кўпгина салат, суюқ ош, шўрва, палов, қовурма ва бошқа таомларга асосан пиёз шу усулда тўгралади. Узунчоқ, тухумсимон пиёzlар арчилағач, чап қўл билан муаллақ ушлаб, ўнг қўлдаги ўт-кир пичоқда пастдан юқорига (агар тахтакачга қўйилса, юқоридан пастга) қараб шилиш асосида «ҳалқа» ёки «ярим ҳалқа» қилиб кесилади. Юмалоқ, шолғомсимон пиёzlар эса тахтага қўйилиб, пичоқни устидан юргизиб кесилади.


Паррак-паррак қилиб түғраш. Қовуриладиган картошка, салат учун бодринг, шўрвага солинадиган сабзи арчиб тайёрлангандан сўнг тахта устида муаллақ ушлаб учидан бандига қараб бир хил қалинликдаги «ғилдиракчалар»га кесиб чиқилади. Пиширилган хасип, қази ҳам истеъмол қилиш олдидан ана шу усулда кесилади.

Тилиш. Салат ва баъзи таомлар учун помидор, мурраб болар учун олма, беҳи шу усулда кесилади. Ҳандалак, қовун кесиш усулларидан бири ҳам тилиш. Бунда масаллиқнинг бандидан учига қараб бир хил катталикдаги тилимлар кесилади.

Лўнда-лўнда қилиб түғраш. Асосан гўшт-ёғ шу усулда, жуда хилма-хил таомлар тайёрлаш учун тўгралади. Бунда масаллиқ бўлакларининг шаклини бир-бирига монанд қўйлиб түғраш қийин, лекин ҳажми ва оғирлиги бир хил бўлишига эришиш зарур. Маҳсулотни тахтага қўйиб, бир чеккасидан бошлаб «лўнда» бўлакларга, яъни юқо-



8-расм. Қиймалаш.



9-расм. Қириш.

рида айтилганидек бодомдай ёки бош бармоқнинг биринчи бўғимиға ўлчаб кесилаверилади.

Қирқиши. Кўк пиёз, кашнич, укроп ва бошқа ошкўкларни кўндалангига майда тўғраш усули қирқиши деб аталади. Қирқиши чопишга ва қиймалашга ҳам ўхшаб кетади, лекин қирқиилган масаллиқ қиймаланганига қараганда хиёл йирикроқ бўлиб, қийма каби бир-бирига ёпишиб кетмаган бўлиши керак.

Қиймалаш (чопиш). Сомса, чучвара, манти, дўлма ва бошқа қиймали таомлар учун асосан гўшт шу усулда тайёрланади. Баъзи сабзавотлар (пиёз, карам) ҳам тегишли таомларга қиймаланади. Бунинг учун қаттиқ дарахтлар (ўрик, тут, қайрағоч, чинор) дан кўндаланг араланган тўнкача ҳамда маҳсус эни энлик оғир ошпичноқ бўлиши шарт. Гўштни чопгандан таркибидаги мушак, пай ва ёф тўқималаридан иборат масса қийма ҳосил бўлади. Қиймаланганда шу қисмлари бир-бирига яхши илашсин учун сув ёки намакоб савалаб турилади. Гўштни мясорубкадан ўтказилганда эса сув саваланмайди, иш анча осонлашади ва қийма ҳам покиза чиқади. «Мясорубканинг қиймаси мазасиз бўлади» деган фикр юради, бу — хато. Аксинча тўнкада қиймаланган гўшт bemaza бўлади, негаки кўпчилик тўнкани ишлатгандан сўнг ювиб қўймайди, қолаверса, қиймага ёғочнинг қипиқчалари ҳам аралашиб кетиши мумкин. Баъзи таомлар учун сабзавотлар ҳам қиймаланади. Чунончи, сомсага, писэз ва шўрвага — карам. Аммо бу масаллиқларни мясоруб-

кадан ўтқазиб бўлмайди — ортиқча сели чиқиб кетиб қолади, буларни чопиш керак.

Қириш. Асосан сабзавотлар турли таомлар учун қирилади. Бу мақсадда турли қиргичлардан фойдаланилади. Сомса учун ошқовоқ қирганаңда эса маҳсус тишли қошиқсимон тунука қиргичдан фойдаланган маъқул.

Хуллас, шу кўрсатилган қоидаларга амал қила ғлангизгина лаззатли таомлар тайёрлаб, ҳузур қиласиз.

Пишириш сирлари

Пишириладиган масаллиқларнинг тури кўп: дон, сабзавот, мева, гўшт, ёг, балиқ, сут, тухум, хамир маҳсулотлари ва ҳоказо. Буларнинг ҳар бири бошқаларига қарандан ўзига хос усулда пиширилади. Шунинг учун ҳам пиширишнинг бир неча хил технологик усуллари келиб чиқкан.

1) Қовуриш: а) очиқ қовуриш (кабоб пишириш); б) ёқقا қовуриш (аввал хўп доғланган ёғда масаллиқ ғизартириб пиширилади). Бу усул билан тайёрланган таомнинг лаззати яхши, калорияси ортиқ бўлади; в) жазлаш (озгина ёқقا кўп масаллиқ солиб сели чиққач, милдиратиб пишириш).

2) Қайнатиб пишириш: а) сувда қайнатиш; б) сутда қайнатиш.

Қайнатиш усулларининг пиширишда аҳамиятлилиги шундаки, қанча кучли олов берилса-да, масаллиқ суюқликка ботиб тургани учун ҳароратнинг 100 градусдан ҳеч ошиб кетмаслигини таъминлайди. Бинобарин, инсон организми учун зарур моддалар куйиб кетмайди. Улар эриб суюқликка қўшилади — таом тотли бўлади. Бироқ шарақлатиб қайнатиш ярамайди, чунки қаттиқ қайнаганда пиширилаётган маҳсулотнинг сирти қотиб, бағридаги моддалар эритмага айланмай қолади ва натижада қайнатилма таом кўп ҳолда бемаза чиқади. Милдиратиб қайнатилганда эса масаллиқ хил-хил бўлиб, таркибидағи озуқа моддалари яхши эриди ва ғоят лаззатли чиқади. Демак, таомни тез ва лаззатли қилиб пишириш кучли олов берилишига боғлиқ бўлмай, маълум технологик усуллардан тўғри фойдалана билишга боғлиқдир.

3) Буғлаш: а) қасқонда буғлаш; б) қозонда димлаш. Бу усулда тайёрланган таомларнинг физиологик аҳамияти ғоят катта. Улар организмга яхши сингади. Буғлаш ва димлаш идишнинг қопқоғини жипс ёниқ ту-


ТАОМЛАР УЧУН МАСАЛЛИК ТАЙЕРДАШ

САРАЛАШ

ЮВИШ

АРЧИШ

ТҮГРАШ



ТАОМ ТАЙЕРДАШ

**ПИШИРМЕЙ
ТАЙЕРДАШ**

**ХАМИЮ КИРИШ ВА
ТАНДЫРДА ПИШИРШИ**

БУФЛАШ

КИЙАНАТШ

**СУДА
КИЙАНАТШ**

ЖАДАШ

**ЕРДА
КОВУРШИ**

**ОНИК
КОВУРШИ**

**КЕРГЕРДА
КАБОЛАДАР**



**ХАР ТҮРДИ
САЛАТЛАР**

**МУДАСКАБА
КОМБИ-
НАЦИОНДА ПИШИРШИ**

АСАШ

**ДИХОВЛАДА
ПИШИРШИ**

**КИСНОЧА
БУГЛАШ**

**ЕР
ТАНДЫРДА
ПИШИРШИ**

ЗИАШ

**СУДА
КИЙАНАТШ**

**КАЙНАТМА
ШІРДАЛАР,**
**СУДА
ШІРДАЛАР**

**ОТРИМА
КОВУРДАЛАН
ГІЛДЕСАЛАР,**
**ХАМИЮ
МАСУЛОЛАМАН**

**ХОВДИНЕ-
КИМАМАТ-
ПАЛАДАУ**

**КОЙРІС-
КИНАТШАУ**

**КОЗОДА
ДИНАТШАУ**

**МАНГИЛ,
ХІОНДЫЛ**

**МАНГИЛ,
ХІОНДЫЛ
АЖАСАЛДА**

**МАНГИЛ,
ХІОНДЫЛ
АЖАСАЛДА
ТАЙМАДА**

**ХОВДИНЕ-
КИМАМАТ-
ПАЛАДАУ**

**КОЙРІС-
КИНАТШАУ**

**КОЗОДА
ДИНАТШАУ**

**МАНГИЛ,
ХІОНДЫЛ**

**МАНГИЛ,
ХІОНДЫЛ
АЖАСАЛДА**

**МАНГИЛ,
ХІОНДЫЛ
АЖАСАЛДА
ТАЙМАДА**

**ХОВДИНЕ-
КИМАМАТ-
ПАЛАДАУ**

**КОЙРІС-
КИНАТШАУ**

**КОЗОДА
ДИНАТШАУ**

**МАНГИЛ,
ХІОНДЫЛ**

**МАНГИЛ,
ХІОНДЫЛ
АЖАСАЛДА**


**МАНГИЛ,
ХІОНДЫЛ
АЖАСАЛДА
ТАЙМАДА**

ришини талаб этгани учун буғ билан бирга ҳавога учеб кетадиган моддалар, шунингдек витаминлар ҳам таом таркибида кўпроқ сақланиб қолади.

Буглаш пиширишнинг энг осон усулидир. Шунинг учун таом тайёрлашни энди ўрганаётган кишилар дастлаб ушбу ~~усулдан~~ бошласалар айни муддао бўларди. Қасқонда фақат мантинигина эмас, кўп хил маҳсулотларни ҳам пиширса бўлади. Сиз бир парча гўшт олиб туз ва зира сепинг-да, арчилган картошка билан бирга қасқонга қўйинг. Ярим соатдан сўнг лаззатли ва фойдали таом тайёр бўлганини кўрасиз, вақтингиз беҳуда сарф бўлмайди.

4) Тандирда пишириш: а) девор тандирда пишириш, б) ер тандирда пишириш, в) духовкада пишириш. Бу усувлар анча мураккаб бўлиб кўникма ва тажрибакорлик талаб қиласиди. Тандирдаги хамир маҳсулотларига инфрақизил нурлар ва тандир деворининг тапти таъсир қиласиди, хамир маҳсулотидан ажраган буғнинг иссиқлигига мураккаб технологик ва химиявий процесс содир бўлади. Шу сабабли тандирда пиширилган сомса ва нонлар шифолик хусусиятларига эга.

5) Мураккаб комбинацияли усулда пиширишга: а) қовуриб қайнатиш, б) қовуриб қайнатиб дамлаш усувлари мисол бўлади. Яъни мураккаб комбинация усулида мавжуд усувларнинг бир нечтаси бирин-кетин бажарилади. Палов тайёрлаш шу мураккаб усулга киради (қовурилади, қайнатилади, дамланади). Қимки палов тайёрлаш усулини яхши эгаллаб олган бўлса, бошқа таомларни ҳам тайёрлаш bemalol қўлидан келади.





II. НОН, ТУЗ, ПАЛОВ ВА ЧОЙ ТАРИХИ

Энг азиз ризқи-рўзимиз

Улуг табиатшунос олим К. А. Тимирязев: «...Бўрсил доққина пишган буғдой нонни синдириб ейилаётганда, мана шу маҳсулот инсоният донолигининг буюк кашфиётларидан бири эканлиги ҳамманинг ҳам эсига келавермайди», — деб ёзган эди. Аслида инсоният бу мўъжизани кашф қилишга бундан 15 минг йил муқаддам киришган, орадан 6 минг йил ўтгач, яъни 9 минг йил илгари бошоқли ўсимликлар — макка, буғдой, арпа, шоли кабилардан нон тайёрлана бошланган. Унга қадар одамлар нонга бўлган эҳтиёжларини «дараҳт иснлари» ҳисобига қондиришган.

Дараҳтда битган «нонлар»

Илмий номи Артокарпус интегра деб аталган бу ўсимлик жуда қадимдан маълум бўлган нон дараҳтидир. Унинг мевалари шохларида эмас, танасининг йўғон қисмида жойлашган бўлиб, анча йирик — узулиги 30 дан 90 сантиметргача, айланаси 25 дан 30 сантиметргача,

қовунсимон, оғирлиги эса 10—15 килограмм келади. Олимлар бунинг таркибини текшириб кўришади: унда крахмал, шакар моддаси ва бир оз мой бор экан. Ўшбу дараҳт тропик мамлакатларда, асосан Африкада ўсади. Қадим замонларда инсониятнинг дастлабки нони шу бўлғанлигига сира шубҳа йўқ.

Ерли аҳоли ҳануз ҳам бу дараҳт мевасидан нон тайёрлаб ейди. Тайёрлаш усули ҳам ибтидоий: чуқурлиги 1 метр, эни эса 1,5 метр ўра қазилади, ўранинг ости ва деворларини тупроқдан муҳофаза қилиш мақсадида банаң дараҳтининг барглари билан ёпилади. Нон дараҳтининг етилган мевалари узиб олиниб, бир неча жойидан қозиқ билан тешиб чиқилади ва ўрага ташлаб қўйилади. Бир неча кун ўтгач, мева ачиб, эзилиб худди хамиртурушли хамирга ўхшаб қолади. Энди бу хамирдан кулчалар, буханкалар, патирлар ёки батонлар ясаб тандирда, қозонда ёки қўрга кўмиб пиширилади.

Нон тайёрланадиган ўсимликнинг яна бир хили маниок деб аталувчи бута илдизидир. Бундан нон тайёрлаш усули Доминиканда яшовчи аравак қабиласида сақланниб қолган. Бутанинг илдизи ўта заҳарли бўлиб, илон заҳарига тенг кучга эга. Шунинг учун бу илдиз ов қуроллари — ёй ўқи ва найза учига суркалади.

Бу илдиздан нон бундай тайёрланади: илдиз кавлаб олингач, майдалаб туйилади ва сув қўшиб хамир қорилади. Хамирни чипта қопга солиб оғзини боғлаб, қунт билан узоқ вақт эзилади, шунда сув ўзи билан заҳарни ювиб чиқиб кетади. Сўнгра хамир қопи билан сопол хумга солиниб, устидан оғир тош бостирилади. Бунда суви яна охиригача силқийди ва бир неча соатдан кейин ачий бошлияди. Ана шу хамирдан олмадек зувалачалар ясаб чўпга илинади-да, худди кабоб пиширгандек лахча чўғ устига тутиб сингдирилади. Авараклар тилида бу нон касобо деб аталиб, уларнинг энг севган ризқиларидан биридир.

Дараҳтда битган «нонлар» қаторига яна ёнғоқ, жийда, дуб ва каштан дараҳтларининг мевалари ҳам киради.

Ибтидоий аждодларимиз бу меваларни нон ўрнида истеъмол қилганлар. Ёнғоқ билан жийдан шундоқ ўзини, дуб билан каштан меваларини эса офтобда қуритиб, қўрга кўмиб, тош орасига олиб эзиб, талқон қилиб, сўнг сув қўшиб хамир қориб, қўрга кўмиб (кўмач) пишириб еганлар.

Биз еяётган ноннинг таркиби асосан крахмал, оқсила, шакар, мой, минерал моддалар ҳамда витаминлардан

иборат. Юқорида санаб ўтилган «дараҳт нонлар» таркибида ҳам улар бор, фақат фарқи шундаки, бирида мой (ёнғоқ), бирида шакар (жийда), бирида крахмал (дуб меваси), бирида витаминалар (қаштан меваси) кўп бўлади. Жийданинг бир нави «Нон жийда» деб аталиши ҳам бежиз бўлмаса керак. Энг яхши нон-буғдой нони ҳисобланишига сабаб, ана шу юқорида санаб ўтилган моддаларни табиат бу нонда шундай мужассамлаштирганки, кунига неча бор есак ҳам кўнгилга тегмайди.

Буғдой нонининг кашф этилиши

Ўз-ўзидан маълумки, агар одамзод дараҳт нонларини териб-термачлаш даврларида истеъмол қила бошлиган бўлса, демак бошоқли донлардан нон тайёрлаш усулени деҳқончиликка ўтган даврларида кашф қилган деб тўла айтишимиз мумкин. Ижтимоий ҳаёт равнақида бу варварликнинг қуи босқичи «кулоллик санъатининг жорий қилинишидан бошланади», деб уқтириб ўтади Ф. Энгельс. Кулоллик эса хамир қорадиган идишлар ва нон ёпадиган тандирларни ясаш билан боғлиқ бўлади.

Дон-дун масаласига келганимизда яна Ф. Энгельс ёзади: «...эски дунё деб аталадиган Шарқий материкда... экиб кўпайтириш учун ярайдиган доилли ўсимликларнинг биттасидан бошқа (маккажўхоридан бошқа — К. М.) ҳаммаси бор эди¹. Бинобарин, Шарқий материк ёинки Шарқий ярим шар — Европа, Осиё, Африкада буғдои, арпа, шоли, тариқ, оқ жўхори каби бошоқли донларнинг аввал ёввойисидан, кейинчалик эса экиб ўстирилганидан фойдаланила бошланган дейиш мумкин. Донларни ун қилиб тортиш эса қўл тегирмони ёрдамида бажарилган. Қолаверса, Шарқий материкдаги турли мамлакатларда кўплаб олиб борилган археологик қазилмалар буни тўла тасдиqlайди. Маълумки, бошоқли доилар жуда тўқтутардир, лекин уларни хомлигича еб бўлмайди, албатта пишириб ейиш зарурдир.

Буғдойни ун қилиб, хамир қориб, тандирда ёпиб пишириш ҳам ўз-ўзидан келиб чиқсан эмас, албатта. Аввалига донларни бошоғи билан чўғ устида қовуриб еганлар. Бу одат ҳали ҳам сақланади. Бунга маккажўхорини думбил ҳолатида чўғда қовуриб ейиш усули мисол бўла олади. Кейинчалик донлар бошоқдан ажратиб, тош би-

¹ К. Маркс ва Ф. Энгельс. «Уч томлик танланган асарлар», «Ўзбекистон нашриёти, 1981 й., 3-том, 237-бет.

лан туйилган ёки қўл тегирмонидан ўтказилган. Ана шу унни атала қилиб қайнатиб ейишган — бу ҳам нон. Буғдой, макка ва оқ жўхорини туймасдан қайнатса сира пишмайди, аммо гуручни унга айлантиrmай қайнатилса яхшигина бўтқа бўлади, мана шу ҳам нон ўрнига ўтган, хитой, корейс, япон, ява, вьетнам, ҳинд ва Осиё қитъасида яшовчи бошқа халқларнинг пазандалигида қуруқ ўзи қайнатилган гуручни нон ўрнида бошқа овқатлар билан ейиш одати ҳанузгача давом этади.

Буғдой ёки маккажўхори унини тандирда пиширишни ўрганиб олиш учун ҳам ибтидоий одамлар узоқ тажриба орттиришларига тўғри келган. Аввалига хамир зувалани чўққа, қўрга кўмиб кўмач қилиб еганлар ёки қизитилган ясси тош, сополга ёпиштириб олов устида пиширганлар. Бироқ бундай тайёрланган нонлар бўрсилдоқ эмас, берч бўлиб, чайналиши ҳам, ҳазм бўлиши ҳам анча қийин бўлади.

Нонларни тандирда пишириш хамиртурушнинг кашф қилиниши билан ҳам боғлиқ. Хамиртурушнинг қандай кашф қилинганини түғрисида ҳеч бир маълумотга эга эмасмиз, шунинг учун тахмин қилишга тўғри келади. Эҳтимол, тогорада қолиб кетган хамирга тасодифан ачитқи бактерияси тушиб қолгандир. Негаки, ибтидоий одамлар кўзга кўринмайдиган жониворлар — ачитқи бактериаларидан онгли равишда фойдаланган эмаслар. Бироқ хамирнинг ўз-ўзидан кўпайиб, тогорадан тошиши ўша даврдаги нонвойларни ҳайратга солган бўлиши мумкин. «Нега пуфакчалар пайдо бўляпти?», «Ажабо, худди типик нарсадай нафас оляпти; кўпаяяпти?». Бундай саволларга у даврларда жавоб тополмаганлар, албатта. Ачиған хамирни илоҳийлаштирган ва унга сифинган ёки «тирилган хамирдан» қўрқсан бўлишлари эҳтимолдан ҳоли эмас. Чунки нонни улуғлаш, нон билан қарғаниш одатлари жуда кўп халқларда ҳанузгача сақланиб келади.

Ачиған хамирдан бир зувалачани чўққа ташлаб кўрган ибтидоий нонвой қарайдики, бўрсилдоқ, юмшоқ пишибди, чайналиши осон, бир оз нордон таъми бўлса ҳам мазали. Тасодифий бўлган бу кашфиёт инсоният учун тоҳозиргача ғоят аҳамиятли бўлиб келди ва бундан буён ҳам шундай бўлиб қолаверади.

«Тасодифий» кашфиёт дейишимизнинг боиси шундаки, барча ачитувчи, бижитувчи бактериялар воситаси билан тайёрланадиган вино, сирка, қатиқ, қимиз кабилар ҳам хамиртуруш каби тасодифий кашфиётлардан-

дир. Узоқ ўтмишдан буён бу маҳсулотларни қайта-қайта тайёрлашда аввалгисидан худди хамиртуруш каби бир оз ачитки олиб қолиб кейингисига қўшиш усули ҳануз-гача сақланиб келади.

Нон тайёрлайдиган лой идишлар орасида тандир жуда ибтидоий бўлиб, у деярли ўзгартирилмасдан биз-гача етиб келган. Шарқий материқдаги кўпгина мамла-катларда ерга ва деворга қуриладиган лой тандирлар ҳозир ҳам мавжуд. Лекин бундай тандирлар ёрдамида нонга бўлган катта талабни қондириб бўлмаганлиги учун, кейинчалик фиштдан, металлдан ҳам тандирлар ясай бошланди. Эндиликда нон заводларида худди станоклар қатори доим ишлаб турадиган механизациялашган тандирлар мавжуд.

Нон рамзи

Ҳар куни календарь варагини йиртаётиб ундаги мана бундай **Θ** белгига кўзингиз тушади. Шумер иероглифларида бу белги «РА» деб аталган бўлиб, қуёш маъғо-сини англатган. Кейинчалик нон ҳам худди шу белги билан ифода этиладиган бўлган. Қуёш ва нонни бир хил рамзий белги билан ифодалаш ҳар иккаласи ҳам ҳаёт-нинг асосий омили деб билингланлигидан бўлса керак. Қуёш бўлмаса нон етишириб бўлмайди, нон бўлмаса кун кўриб бўлмайди. Шу сабабли қуёшга сифиниш билан бир қаторда нонга ҳам сифиниш келиб чиқсан. Жуда қўп халқларда нон билан қарғаниш, бирон муҳим масалани ҳал қилаётганларида ўртага нон қўйиш, нонни оёқ ости қилмаслик, дон экувчи дәхқонга, нон ёпувчи нонвойга ҳурмат билан қараш ҳанузгача сақланиб қолган.

Нонни шарга ўхшатиб зувала ясаб, қўрга кўмиб пишириш (кўмач) ёки яримшар шаклида тўгарак қилиб ясаб печкада пишириш (буханка) ёинки доира шаклида ликопчасимон қилиб ясаб тандирга ёпиш усуллари жу-да қўп халқларда сақланиб қолганки, бу ҳам ноннинг шаклини қуёшга ўхшатишнинг ёрқин мисоллариdir. СССР давлат гербига аҳамият беринг. Буғдойпоя дас-талари тонги қуёш заррин нурларини ўраб турибди. Ит, тифоқдош республикаларнинг давлат гербларида ҳам қуёш нурлари ва буғдой бошоқларини кўрамиз. Албат-та, бунинг нон ва қуёшга сифиниш каби ибтидоий одат-га сира ҳам алоқаси йўқ. Жаҳонда дон экиладиган май-

донларнинг кенглиги жиҳатидан СССР биринчи ўринда туради. Шунинг учун ҳам Гербимиз бизнинг мамлакатимиз донни кўп етиширувчи иш мамлакати эканлигидан далолат бериб турибди.

Бир татим тузу юз оғиз сўз

Туз назарга илинмас нарсадек туюлса-да, аммо ҳар бир таом учун бу асосий масаллиқдир. Ошни гўштсиз тайёрласа бўлади, бироқ тузсиз иш битмайди. Бир чимдим туз бир коса шўрвадаги турли хил масаллиқнинг мазасини рўёбга чиқарниб, бир-бирига қўшиб умумий бир лаззат гаммасини ташкил қиласди.

Шу сабабли ҳам бу исъматин «ош тузи» деб ҳам атайдиз. Ош тузининг формуласини ҳар биримиз мактаб ёшимиздаёқ билиб олганмиз, яъни у икки химиявий модда — натрий билан хлордан таркиб топган. Ош тузидан узоқ вақт двомида истеъмол қилинмай қолинса, одам шишшиб кетади, боши айланади, бўшашади ва беҳуш бўлади.

Туз инсон аъзоларидағи барча физиологик жараёнларда ғоят муҳим ўрин тутади. Сўлакда ҳам, меъда ширасида ҳам, сафродада ҳам, ҳужайралар таркибидаги суюқликда ҳам, қонда ҳам албатта туз бор. Мисол учун қон таркибида туз старли бўлмаса осматик босим деб аталадиган махсус босим содир бўлмай қолади, натижада ҳужайралар фаолияти нормал кечмай қолади. Шунингдек юракнинг бир маромда ишлаши учун ҳам қон таркибидаги туз бир меъёрда бўлиши керак.

Сиз ҳар куни, бир ойда, бир йилда, умр бўйи қанча туз истеъмол қилишингизни билгингиз келар. Ўрта ҳисобда биз турли таомлар билан бирга кунда 20 грамм туз еймиз. Бу миқдор бир ойда 600 граммни, бир йилда 7 килограммдан кўпроқни ташкил қиласди.

Ибтидоий одамлар ош тузи нима эканлигини билишмаган, албатта. То ош тузини топиб истеъмол қилишга ўргангунларига қадар денгиз сувидан хўплаш, таркиби тузга бой ўсимликларни чайнаш, гўштни хомлигича ейиш ёки овланган ҳайвонларни бутунилигича ўтга ташлаб писириш билан кун кечиришган. Бундай қилинганда, тери ва жун таркибидаги туз этга сингиб, ҳар ҳолда таомни бир оз тотли этган бўлиши керак.

Рус сайёҳи Н. Миклухо-Маклайнинг ҳикоя қилишича папауслар денгизга ёғоч ташлаб қўяр эканлар, маълум муддат денгизда турган ёғоч шўр сувни шимиб олгандан

сўнг уни олиб қуритишар ва ёндириб кулинни овқатларги қўшар ёки ўзини ейишар эканлар. Шўр кул Янги Гви-неядаги папаусларнинг энг лаззатли таоми ҳисобланар экан.

Инсоният тарихида ош тузининг топилиши, худди олов кашф этилиши каби аҳамиятли бўлган. Йўқ деганда лаззатли овқатланиш, пазандалик санъатининг равнақи ва инсон сиҳат-саломатлигининг бир чеккаси ана шу бир чимдим тузга боғлиқ-да!

Тузнинг табиий конлари топилгач, одамлар уни олтиндек қадрлайдиган бўлишган. Ҳозир ер шарида туз запаслари жуда ҳам кўплиги аниқланиб, қазиб олиниши осон бўлгани учун у оқиб турган сувдек беқадр. Лекин бир вақтлар-чи? Тузнинг қадри жуда баланд бўлган.

Туз номи билан боғлиқ шаҳарлар

Географик харитага назар солсангиз, ер шарининг турли жойларида туз билан боғлиқ бўлган номларни кўн учратасиз. Булар туздай шарофатли неъматнинг номини абадийлаштириш учун одамзот томонидан барпо қилинган ёдгорликлардир.

Номлар асосан аҳоли яшайдиган обьектларга қўйилган бўлиб, ҳар бирининг ўзига хос тарихи ва афсоналари борки, мазкур китобда булар тўғрисида муфассал тўхтабиб ўтирумай, фақат номларни кўрсатиб ўтамиш, холос.

Хинди斯顿даги Леванапутра шаҳрининг номланиш мазмуни ўзбекчада «Туз шаҳри» деганидир.

Россияда: Солигалич, Усольск, Соликамск, Сольвычегородск, Устьсисольск каби бир неча шаҳар ва қишлоқлар борки, булар қадим замонларда туз конлари атрофида барпо этилгандир. Фарбий Германия ва Австриядаги Зальцгиттер, Зальцзуген, Зальцбург шаҳарлари ҳам туз номидадир, чунки «зальц» — туз дегани.

Франциянинг энг катта шаҳарларидан бири Марсель шаҳрини олинг. Унинг луғавий маъноси «денгиз тузи» дейилганидир. Америкадаги Солтвил шаҳри ҳам «туз саройи» деган тушунчани англатади.

Урта Осиёдаги: Тузкон, Шўртепа, Намаккан (Наманганд) ва бошқа географик номларнинг маъноси ўзидан маълум.

Душанба шаҳаридаги Кўлиоб районига борадиган йўл ёқасида Хўжа Мўмин тоғи бор. Бу узоқдан улкан мақбаранинг юмалоқ гумбазига ўхшаб кўринади. Бу

тогни ерли аҳоли «Кўҳи Намак», яъни туз тоги деб ҳам юритишади. Тепасига чиқиб ҳар хил гиёҳлар билан қопланган, дарз кетган тошларга назар солсангиз, бу тоғ турган-битгани тош тузидан иборат эканлигига ишонч ҳосил қиласиз. Бу ўн миллионлаб тонна бойлик деган сўз, Хўжа Мўмин тогининг этакларида эса шўр сув булоқлар отилиб ётибди.

Туз — муқаддас...

Тузнинг муқаддаслиги турмуш урф-одатлари-ю, диний ақидалар билан чамбарчас боғланиб кетган. Туз ҳатто сиёсий воқеаларга ҳам сабабчи: тарихда «Туз қўйғолонлари», «Туз урушлари», «Туз солиқлари» бўлганлиги тўғрисида маълумотлар анчагина.

Славян ва бошқа баъзи ҳалқларда азиз меҳмон ва иш кўрсатган қаҳрамонларни қутлаб «нон-туз» билан пешвоз чиқиб кутиб олиш одати ҳам тузнинг худди ноң каби муқаддаслиги билан боғлиқдир.

Арман ва бошқа кўпгина ҳалқлар янги туғилган чақолоқни намакобда чўмилтиришади, бу ҳам тузнинг муқаддас саналишига бир мисол.

Атлантик ва Тинч океанлари оролларида яшовчи қабилалар ўзларини «инсу жинслардан қутқариш учун» «мен туз еганман» деган сўзларни тўхтовсиз қайтараверишар экан.

Узоққа бориб нима қиласиз, Ўзбекистонда туз билан боғлиқ бўлган мақол, тушунча, ранжиш ва ҳатто қарғишилар борки, булар қадимда тузни муқаддас деб билиш ва бу неъматнинг овқатланишда қадр-қиммати кучли бўлганлигидан дарак беради. Чунончи, «бир кун туз ичган жойга, қирқ кун салом қил» (мақол, овқатланмоқ маъносини англатади). «Тузни оқламоқ», «Тузни қораламоқ», «тузимга топширдим сени» (боқиб катта қилғанилигига ишора берувчи тушунчалар). «Тузим кўр қилсин сенни!», «Берган тузимга асло рози эмасман!» (Қарғиши). Агар бирор одамнинг бахти юришмаса: «Шўр пешона экан» деб қўйишади. Жабрланган одамга нисбатан «Шўри қуриб қолибдику!» — дейишади, яъни тузидан — энг асосий бойлигидан ажрабдику, деган маънони билдиради. Агар бирор кимса томонидан яхшилик учун ёмонлик қайтарилса «Тузимни ичib тузлиғимга тупурди» деган ибора ишлатилади. «Бугун сира туз тотмадим» (қорни очиб овқатланмаганлигига ишора). «Тузлаб таш-

ларни шарку!» (масаллиқларни жуда кўп ғамлаб олганингликка ишора). Бу хил мақол, ибора, ишора, ранжиш ва қаршишларнинг туз билан боғлиқлиги бежиз эмас, чунки туз азиз ва лазиз нарса.

Туз — дори

Тузнинг дорилиги тўғрисида Абу Али ибн Синонинг «Ал қонуни фи ал тибб» китобида ажойиб фикрлар бор. Масалан: «баъзи тузларда аччиқлик ва буришириш хоссаси бор...

...Тузнинг баъзиси уваланадиган, баъзиси қазиб оли надиган, баъзиси эса кристалли оқ туздир. Яна қора нефтли туз ҳам бўлади...

Табиати. Иккинчи даражада иссиқ ва қуруқ.

Туз қанча аччиқ бўлса, шунча иссиқлик бўлади...

...Туз сасишга тўсқинлик қиласди. Талоқнинг қалинлашувига фойда қиласди...

...Уваланадиган туз тез тозаловчанроқдир.

Агар уни совуқлик овқатларга аралаштирилса, унинг табиати ўзгаради. Оқ туз елларни ҳайдайди...

...Тузнинг ҳамма тури ҳам қотган хилтларни эритади.

...Оқ туз зеҳнни ўткир қиласди. Туз, айниқса, оқ туз бўшашган тиш милкларини мустаҳкамлайди.

...Туз қора ўтни ҳайдаб чиқаради. Шу сабабли тузни хукна (клизма) қилувчи дориларга киритилади...»¹

Тузнинг ўзи дизентерия учун энг яхши тузатувчи во-ситадир.

Халқ табобатида тиш милклари шамоллаб оғриганида тузли қайнатма билан чайқалса, таққа тўхтатадиган дори тайёрланади: катта қошиқда туз, кичик қошиқда қора чой, ярим литр сув обдан қайнатилиб оғизга олиб бир оз турилади, яна хўпланади, токи лўқилламагунча. Лўқиллаш милклардаги капилляр қон томирларининг кенгайинини билдиради, қон юришиб шамоллаш барҳам топади.

Тузли қайнатмадан оёқларга ванна қилинади, бунинг учун иккى пақир сувга ярим кг туз солиб қайнатилади, тоби бир оз чиққач 200 г хордал (горчица) солиб аралаштирилади-да, иккала оёқни солиб 30 минут ўтирилса, бодни қайтаради ва ҳ. к.

¹ Абу Али ибн Сино. Тиб қонунлари, содда дорилар ҳақида. 11 китоб, УзССР ФЛ пашриёти, 1956 йил, 401, 402, 403-бетлар.

Иссиқ олов, ёғлиқ палов

Сарлавҳа қилиб қўйилган ана шу ҳалқ иборасиниң ўқишинингиз билан ҳузурбахш бир маңзара — улфатларнинг палов дамлаб ширин сұхбат қуриб, дам олиб ўтиргани кўз ўйгингизда намоён бўлади. «Иссиқ олов, ёғлиқ палов» қоғияси келиб чуқунинга қадар бу неъмат ича минг йилларни саёҳат қилиб бизгача етиб келдийкин?

Ҳалқ ушбу таомни жуда шарафлаб: «таомлар шоҳи», «паловхонтўра», «ош—луқмаи ҳалол», «ўликка едирилса тирилтирадиган ош» каби турли эпитетлар билан атайди. Палов гўрисида шеърлар ҳам ёзилган, маталлар ҳам бор, ҳалқ достонларида, эртакларида бу таомни кўп учратамиз. Хонадонда бола туғилса ҳам палов, тўй бўлса ҳам палов, ҳатто азада ҳам палов, азиз меҳмоннинг ҳурмати учун ҳам палов дамланади. Бирор бирорни уйга таклиф қиласа ҳам «чой қўйиб бераман, ош дамлаб бераман», «марҳамат қилинг, бир ошам ошимиз бор», дейди. Тўртта улфат йигилса, дарҳол чойхонада ош ташкил қилишга киришади. Оғир меҳнатни бошлишдан олдин ҳам ош еб олинади, катта иш бажарилгандан сўнг ҳам палов пиширилади. Байрамларда ҳам ҳар бир хонадон палов дамлайди. Шаҳарлардаги одам гавжум жойларда катта қозонларда палов пишириб тортаётганларини кўрганисиз. Нега шундай?

Чунки, ҳар бир миллатнинг маданияти, тили, урфодати, кийимлари ва уй анжомларида ўзига хос хусусиятлари бўлади. Бундай хусусиятлар ўша ҳалқнинг истеъмол қиласидиган таомларида ҳам «мана мен» деб кўриниб туради. Миллий ошпазликларда юзлаб, ҳатто миннаб таомлар ижод этилган бўлиб, шулардан баъзилари энг асосий таом, миллий ошхонага хос хусусиятни ўзида яққол акс эттирадиган маҳсус таомлар ҳисобланади. Чунончи: русларда «шчи», «блини», украинларда «боршч», «вареники», қозоқларда «бесбармоқ», венгрларда «перкельт», руминларда «мамлига», французларда «ромтекс», итальянларда «маккарони», кавказликларда «кабаб», сибирликларда «пельмен», араб ҳалқларида «шовурма», ҳиндӣ ҳалқларида ҳар хил зиравор ва синкўклар солиб тайёрланган гуручли таомлар ана шу жумлагага киради. Худди шунингдек ўзбекларда ҳам палов хилма-хил миллий таомлар орасида маҳсусе ва энг шарафлиси ҳисобланади. Сарлавҳадаги «иссиқ олов» ибораси бевосита ўчоқ-

да ёнаётган ўтни билдирмайди, балки мажозий маънода меҳмондўстликдаги қалби қўрликни англатади.

Азиз меҳмонга бўлган ҳурмат ва палов ошни шарафлаш ушбу таомнинг турли вариантиларини келтириб чиқарган. Бу битта таом эмас, балки турли хилдаги таомлар комплексидан иборат бўлган овқат системасидир. Палов оши тайёрлаш усулининг (технологияси) мураккаблиги, керакли масаллиқлар (рецептурасининг) таркибининг бойлиги, ана шу масаллиқларни тўғраб тайёрлашнинг мукаммаллиги ҳамда турларининг ҳар хиллиги каби омиллар айни таомнинг жуда қадим замонлардан бўён ривожланиб, мураккаблашиб, шу билан бирга пишириш усули умумий бир қолипга тушиб келаётганлигини кўрсатади. Ўзбекистоннинг ҳар бир областида палов тайёрлашнинг ўзига хос, бошқа жойлардагидан фарқ қиласиган усууллари ҳам йилдан-йилга такомиллашиб келган. Чунончи, Фарғона аҳолиси паловни самарқандиклардан бўлакчароқ, тошкентликлар тайёрлаган палов эса Бухоро ёки Хоразмда тайёрланадиганидан ўзгачароқ бўлади. Гап шундаки, бунинг сабаби ўша жойларда етиштириладиган масаллиқса, албатта иқтисодий ва иқлимий шароитларга ҳамда халқнинг урф-одатларига боғлиқ. Азалдан шоли экилиб келинадиган Наманганд, Андижон, Фарғона, Марғилон, Қўқон шаҳарлари атрофидаги сой бўйи қишлоқларида, Сирдарё, Зарафшон ва Амударёнинг воҳа оралаб ўтган ерларида, Самарқанд ва Бухоро каби қадими шаҳарларда палов тайёрлашнинг юзлаб усууллари мавжуд бўлган бўлиши керак. Лекин илгари пазандалик ҳақида китоблар ёзилмаганлиги ёки ёзилган бўлса ҳам булар бизгача етиб келмаганлиги, ёхуд тарихнинг тўзонли қатламлари остида абадий қолиб кетганлиги сабабли паловнинг кўпгина турлари бизгача стиб келмаган. Китоб муаллифи палов хилларини Ўзбекистоннинг турли шаҳар ва қишлоқларига саёҳат қилиб 30 йил давомида излади, ақли қаймоқ кексалардан сўраб суриштириди, халқ пазандалари орасида юриб ўрганди ва натижада бу таомнинг 20 дан ортиқ турини йиғиб 1979 йили «Ўзбек палови»¹ номли китобига киритди.

¹ Махмудос К. «Ўзбек палови», «Ўзбекистон» нашриёти, Т., 1979.

Палов тарихи гуручдан бошланади

Дон маҳсулотлари орасида гуруч Осиё халқларининг асосий озукаси ҳисобланади, бинобарин, дунё аҳолисининг тенг ярми гуруч билан тирикчилик қилади. Ёввойи шолининг ватани бўлмиш Осиёда бу ўсимлилар узоқ-узоқ ўтмишлардаёқ маданийлаштирилган ва илк бор селекцияга киритилган. Чунки инсоният маданиятига салмоқдор ҳисса қўшган Ўрта Осиё ўлкасида деҳқончиликнинг турли жабҳалари келиб чиқкан эди.

Каспийдан Тяньшангача, Ҳиндиқуш ва Эрон тизма тоғларидан то Урал дарёси-ю Фарбий Сибирь ва Қозоғистон яйловларига чўзилган мана шу ўлка сунъий сугоришга асосланган энг ҳосилдор деҳқончиликнинг ватани бўлган.

Қадимданоқ Амударё, Зарабашон, Сирдарё каби улкан оби ҳаёт соҳилларида, гўзал Фарфона, Тошкент, Самарқанд, Бухоро ва Хоразмининг ибтидоий табиати бағрида деҳқончилик кенг тармоқ отган эди. Неолит даврига хос топилдиқлар орасида дон янчадиган тошлар, сопол идишлар сиртидаги похол излари, буғдой ва ария донининг гулханга тушиб кўмирга айланган қолдиқлари топилган¹.

Демак бундан сал кам беш минг йил муқаддам асос өслингап деҳқончиликда шоли ҳам экилган бўдиши керак. Бироқ бу тўғрида ҳозирча аниқ маълумотга эга эмасмиз. Бободеҳқонлар гарчи шоли етиштирган бўлсалар-да, бироз кейинроқ, сунъий сугориш жорий этилган кезларда бажарган бўлишлари мумкин, негаки серсув майдонларни хоҳлайдиган гуруч ўсимлигига сунъий ишлов берпни анича мураккаб иш. Эҳтимол улар шоликорликда ботқоқлик ва анима срлардан фойдаланишгандир.

Юқорида айтиб ўтилганлардан ташқари деҳқончиликнинг келиб чиқиши тўғрисида совет олими М. О. Косвен яратган назария ҳам бор. Шу назарияга асосланниб одамзод дастлабки кезларда меҳнат қуроллари етишмаганлигидан ёки булар асосан, ёғоч, суюқ, тошдан ясалган бўлганлиги учун ҳам ибтидоий деҳқончи-

¹ «Вестник древней истории», 1948 йил, З-сони. Б. Ф. Гайдуко-вичнинг «К истории древнего земледелия в Средней Азии» номли мақоласига қаралсин.

лик юмшоқ, ботқоқ ва балчиқ ерларда бошланган бўлиши керак, деган хуносага келишимиз мумкин. Ботқоқ ва балчиқ ерларда олиб бориладиган бу деҳқончиликни биз бир қатор халқларда ҳануз ҳам учратамиз... бунинг устига шу усул билан экиладиган асосий ўсимлик ишолидир¹. Юқоридаги фикрни тарих фанлари доктори, профессор Я. Ф. Фуломовнинг қадимги Ўзбекистонда деҳқончиликнинг келиб чиқиши тўғрисидаги фикрлари ҳам тасдиқлайди.

Эҳтимол шоли буғдой сингари қурғоқ ерларга ҳам экилиб фақат ёмғир сувигина унга кифоя бўлгандир. ҳар ҳолда Ўрта Осиёда шоликорлик мавжудлиги тўғрисидаги энг қадимги ёзув манбаси юон тарихчиси ва географ олими Стробоннинг «Жуғрофия» китобида келтирилган.

Хитой тарихчиси Си-Ма-Сяннинг (эрэмиздан аввалги 186—146 йил) «Тарихий ёзишмалар» номли китобида Ўрта Осиёда 138 йилдан то 126 йилга қадар элчи бўлиб турган хитойлик Чжан Цянь келтирган бир далил бор. унда айтилишича:

«Парпия (Ўрта Осиё) мамлакатида аҳоли ўтроқ яшайди ва деҳқончилик билан шуғулланади, экишлари гуруч ва буғдой, узумдан шароб ҳам тайёрлайдилар... Иқлими иссик, тупроғи нам ерлардаги давонликлар (фаргоналиклар) ҳам деҳқончилик қилишади, утроқ, гуруч ва буғдой экишади»².

Юқоридаги маълумотларга асосланиб шоли (гуруч) Ўрта Осиёга эрамиздан аввалги V—II аср ўрталарида тарқалган ва у маданий ўсимлик сифатида ўша давр оралиғида экила бошланган дея оламиз.

Шолининг асли ватани қаер?

Бу тўғрида жуда хилма-хил фикрлар бор. Шулардан америкалик ботаник А. Декондаль (1885 йил), Совет табиатшунос олимлари Н. И. Вавилов (1926 йил), Р. Ю. Рожинец (1938 йил), Г. Г. Гушчин билан П. М. Жуковский (1932 йил) ва В. И. Комаров (1938 йил), инглиз олими Баркилл (1933 йил), францууз ботаниги

¹ Қаранг: М. О. Косвен. «Очерки истории первобытной культуры». Москва, 1953 йил, 62—64-бетлар.

² Қаранг: Н. Я. Бичурин. «Собрание сведений о народах обитавших в Средней Азии в древние времена», изд. АН СССР, Москва, 1958 йил, II том, 110-бет.

Шевалье (1937 ва 1948 йиллар), ҳиндистонлик табиатшунослардан Рамях билан Гхош (1951 йил), вьетнамлик тарихчи Тао Зюй Ань (1957 йил) ва ботаник Дао Тхе Туан (1960 йил) ёзган асарларида ёввойи шолининг учта ватани мавжудлиги ҳақида фикр юритадилар, яъни Жэнубий Хитой, Ҳиндистон ва Ҳиндистон.

Ўрта Осиёга шоли шу давлатларнинг қайси биридан кириб келганилиги масаласида ҳам тарихий фактларга мурожаат қилиб кўрамиз.

Олдиндан айтиш мумкинки, шоли бизга Ҳиндистондаги келгаи бўлиши сира ҳам мумкин эмас, чунки **бу давлатдан Ўрта Осиёга узоқ ўтмишда бевосита йўл ва алоқа бўлмаган**.

Эрамиздан аввалги 3000 йилга оид Жайтун маданиятига хос топилдиқлардан маълумки, Ўрта Осиёнинг азалдан кўпроқ Шимоли-Фарбий Ҳиндистон билан алоқаси бўлгани тасдиқланади.

Жайтун манзилидан топилган сопол идишлар Ҳиндистонда топилган шу каби идишларга жуда ўхшаш. Бу фикрни профессор М. Е. Массон ҳам тасдиқлади, у Шимоли-Фарбий Ҳиндистон дэҳқончилигига Жанубий Туркманистондаги неолит даврининг дэҳқончилиги таъсир кўрсатган бўлиши керак, деган фикрни илгари сурдид¹.

Ўрта Шарқ мамлакатлари, шунингдек, Шимолий Ҳиндистоннинг эрамиздан аввалги III асрига оид ёдгорликларида Ложуворд тошидан ясалган бирмунча нарсалар борки, ушбу тош Ўрта Осиёдан олиб борилган бўлиши керак. Чунки ўша даврларда Ложуворднинг яккаю ягона кони Бадаҳшон (Тоҷикистон) тогларида бўлган эди. Ўзбекистон территориясидаги эрамиздан аввалги III—II асрга оид қабр қазилмаларида эса Ҳинд океани оролларидағина мавжуд бўладиган вулқоний жилвир тошидан ишланган мунҷоқ ва тақинчоқлар топилган².

Демак, юқоридаги далиллар Ҳиндистон ва Ўрта Осиё халқлари ўргасида эрамиздан олдинги IV—III асрлардаёқ алоқа бўлганини кўрсатади. Дэҳқончи-

¹ «Вестник древней истории». 1957 йил, 1-сонидаги М. Е. Массоннинг «Древнеземледельческие племена Южного Туркменистана и их связи с Ираном и Индией» номли мақолосига қаралсан.

² История УзССР, 1-том, УзССР ФА, Тошкент, 1955, 53-бет.

лик борасидаги шундай алоқаларда ёввойи шолини олиб келиниб сунъий сугоришнинг илк ватани бизнинг ўлкамизда экилган бўлиши ўз-ўзидан маълум.

Хитой билан эса алоқамиз анча кейин (эрэмиздан аввал таҳминан II асрда) элчи Чжан Цянь томонидан «Ипак йўли» очилгандан сўнг йўлга қўйилган. Бу кўпгина тарихий китобларда ёзилган. Мана шунинг ўзидан ҳам маълумки, шоли бизга Хитойдан ўтмаган, чунки бу мамлакат билан алоқа бошлангунга қадар шоликорлик Ўрта Осиёнинг ўзида анча авж олган бўлади.

Шоли Ҳиндистондан келган деган версия эса анчали тўғрироқдир. Агар шундай бўлса, у Бақтрия (Афғонистон) ва Ҳиндиқуш тоғлари орқали ўтган бўлади. Буни лингвистик маълумотлар ҳам бир қадар тасдиқлайди. Масалан, қадимги ҳинди санскрит тилида экиладиган гуруч уруғи «шоли» деб аталади. Энди афғон, тоҷик ва ўзбек тилларида ҳам бу дон «шоли» шаклида бир хил аталади. Яна санскрит тилида гуруч «брише» деб юритиларкан. Худди шу нарса афғон тилида «беренж», тоҷик тилида «биринч» ва ўзбек тилида «гуруч» деб аталадики, булар ўртасида ғоятда яқин акустик ва транскрипцион ўхшашлик борлиги аниқ сезилиб турибди.

Префоссор С. П. Толстов Ўрта Осиё халқларининг анчагина манзилларида варварлик даврининг қўйи босқичига оид қазув ишлари олиб борган эди. 4 ва 5 сонлари билан белгиланган Жанбас қалъа манзилларини олим Келтимишор маданияти деб атади. Ушбу маданият эрамиздан аввалги IV асрнинг охири ва III асрнинг бошларига тўғри келади. Бундаги топилдиқлар орасида ўша даврининг ўзига хос унча сайқал берилмаган кели (ўғирча) нинг тош сопи эътиборимизни ўзига тортади. Мана шу топилдиқ ҳам узоқ ўтмишдаги Ўзбекистон ғаллакорлиги (шоликорлиги) дан бир далолат.

Варварликнинг ўрта босқичига тўғри келган 6 сонли Жанбас қалъада ҳам тошдан ясалган дон янчигининг синиқлари топилган. Буни 1945—1946 йилларда ўша жойда илмий ишлар олиб борган профессор Я. Г. Гуломов Суярғон маданияти деб номлади. Суяргонини мис ва сопол буюмлари ҳам ўша пайтда дехқончилик анча ривож топганлигидан далолат беради.

Ўрта Осиёда сунъий сугориши анча кенг ривож топгани туфайли хўжаликнинг бошқа соҳаларида бўлгани каби ғаллакорликдек қийин соҳада ҳам қулларнинг меҳнати асосий бўлиб қолади. Бу даврларда барча дон экинлари билан бир қаторда шоли ҳам анча кўп экилган бўлиши керак.

Эрамизнинг VI асрларидан эътиборан Ўрта Осиёда феодализм даври бошланиб, унинг кўп асрлик тарихи орқали то бизнинг давримизгача етиб келган шоликорлик касбини авлод-аждодларга мерос қолдирган дехқон боболаримиз турли навлардаги шолиларнинг ҳақиқий селекционерлари ҳисобланадилар.

Маданийлаштирилган ўнларча навлар билан бир қаторда Ўрта Осиёнинг ушбу жайдари гуручлари: арна-шоли, буғдой гуруч, қирмизи шоли, хўжа Аҳмат, оқ шоли, девзира, қазақи шоли, ўзбеки шоли, қора қилтириқ ва бирмунча бошқа навлари борки, булар ҳануз ҳам экиласди.

Шундай қилиб, Ўрта Осиё бутун Осиё қитъаси тарихида сунъий сугоришга асосланган дехқончиликнинг энг қадимги маркази ҳисобланади. Олтин тупроққа оби ҳаёт сувини бериб, ёввойи шолини маданийлаштириб дурдана гуручга айлантирган унинг инжу яратувчи меҳнаткаш бобокалон дехқонлари ҳам шу ерликдир.

Палов ош — ҳалқ ижоди

Хузур қилиб паловни еб ўтириб оғзаки гурунглерда: «Бу неъматни ким ижод қилган экан?»— деган савол туғилиб қолади. Бунда ҳар ким ҳар хил фикрий айтади. Бирорлар: «бу таомни Луқмони Ҳаким ижод қилган», деб тилимиздаги «бир луқма ош», «луқмадан ҳалол», «палов ҳокимлар овқати» каби ибораларга таяниб «исботламоқчи» бўлинади.

Еки «Тожик пазандалиги» китобининг автори Содиқ Аминовнинг фикрича, «паловни Афлотун ижод этган» эмиш. Чунки,— дейди у киши,— бу таомнинг «палови Афлотуни мусаллам» деган хили бор. Лекин Содиқ Аминович паловнинг бу хилини ўз китобларига киритмаганлар ва «Афлотун палови» нинг рецепти ва технологияси ҳақида тўхталиб ўтмаганлар ҳам.

Шуни айтиш керакки, паловни Ўзбекистондан хорижда алоҳида шахс ижод этиб бу ерга олиб келиб

тарқатган эмас. Қолаверса бу таомнинг масаллиғи хил-ма-хил эканлиги, уларнинг ҳар бирининг пишиш жараёнини белгилаш, тўғраш усулларини аниқлаш ўша масаллиқларни бир-бирига қўшиб бафоят лаззатли, мураккаб химиявий бирикма ҳосил қилиш, пишириш усулиниң мукаммал, пухта эканлиги, палов турининг анча кўплиги ва ҳар бир турдагиси бир-биридан кескин фарқ қилишлиги каби бир қатор омиллар ушбу таом бир кишининг ижоди бўлиши сира-сира мумкин эмаслигини кўрсатиб турибди.

Пазандалик санъат экан, бунда ҳам ижод бўлади. Пазандаликдаги ижодкорлик худди бошқа санъат жанрларидағи каби ҳалқ ҳаёти, урф-одати, ҳалқ ижодкорлигидан келиб чиқади ва ҳамма вақт ўша ҳалқ яшаб турган мамлакат ва даврнинг иқтисодий асосларига таяниади. Ижодни албатта алоҳида шахслар амалга оширади, аммо лекин ўша шахслар ўз ижодини ҳалқнинг тажрибасидан келтириб чиқармаган бўлса, йўқ деганда, кўпчиликнинг амалий фаолиятига таяниб иш тутмаса, бундай ижоднинг умри қисқа бўлади. Яна ҳар бир ижодкор ўз ижодининг самарасини ҳалққа манзур тушира олиши керак ва ҳалқ уни қўллаши керак. Ҳалқ қўллаб-қувватлайдиган нарса эса омманинг юқсак дид-табиати, унинг меҳнати самаралари, ҳаёт кеширишга ва маданиятни олға суришга бўлган интилишларига мос тушибоги жониз.

Мана шундай бўлмаса ҳар қанақа ижод, шу жумладан, таоминиоеникдаги ижодкорлик ҳам узоқ ўтминидан, то ҳанузгача сақланиб қолмаган бўлур эди. Бинобарни, паловни биз ҳалқ ижодидан келиб чиқсан таом дейинига ҳақлимиз. Уни тайёрлаш усули (технологияси) ни ва зарур масаллиқлар (рецептураси) ни мукаммал бир даражага келтиришда турли касб эгаларининг ҳиссалари бор эканлиги ўз-ўзидан маъдум бўлиб турибли. Асрлар мобайнида ғаллакор, боғбон, чорвадор, деҳқон ҳам, косиб ва пазанда ҳам, уй бекаси-ю, шифокор табиб ҳам, кимёгар ва илми ҳикмат эгаси бўлмиш аллома ва бошқа мутахассислар ҳам ўз амалий фаолиятларининг бир қисмини паловпазликка багишлаганларни турган гап. Паловни ҳалқ бирданига ижод этган эмас, балки жуда кўп асрлар давомида бунинг рецепти ва технологиясини мураккаблаштириб борган. Аввалига гуручни қуруқ қайнатиб бунга сабзавотлар ва гўштни қўшиб ейиш одати бўлган бўли-

ши мумкин. Худди шундай одатни биз Шарқий, Жанубий ва Марказий Осиё халқарининг пазандалигида учратамиз. Корея, Хитой, Япония, Индонезия, Бирма, Вьетнам, Ҳиндистон ошхоналарида гуручни қуруқ пишириш ҳанузгача сақланиб қолинган.

Қайнатилган гуручга қўшиб ейиладиган масаллиқ-ларни (гўшт-ёғ, сабзи-пиёз) бирга пишириш Эрон, Афғонистон, Тожикистон ва Ўзбекистон ошхоналарига хос услубдир.

Ёки Европа мамлакатларининг пазандалигини олиб қарайдиган бўлсак, унда ҳам гуруч алоҳида пишириб олиниб, гўшти, балиқли, сабзавотли овқатларга гарнир қилиб берилади. Аммо ўзбек паловининг мураккаб технологияси ва хилма-хил рецептни барча жаҳон пазандалигидаги гуручли овқатлардан кескин фарқ қиласиди. Палов ижодиёти уни овқат тарзида пиширишдан бошланган бўлиши ҳам мумкин (масалан, мастава). Сўнгра бундан ўртacha қуюқликдаги — «шовла», пировардида энг қуюқ овқат — «палов»га келиб тўхталган бўлиши ҳам мантиққа тўғри келади. Мастава—шовла — палов схемасида рецепт ва технология асосан бир хил. Ҳар учала таомда ҳам қозонга аввал ёғ солиниб, пиёз жазлаб, гўшт қовурилади. Сўнг сабзи ва бошқа масаллиқларни пиширилгач гуруч солинади. Фарқат фарқ шундаки, маставага сув кўп қўйилиб гуруч оз солинади (суюқ ош), шовлага сув ўртacha қўйилиб гуруч ҳам ўртacha солинади ва илашимли қилиб пиширилади (бўтқа), паловга эса сув озроқ қўйилиб гуруч кўпроқ солинади (титроқ дона-дона ош). Маставадан шовлага, шовладан паловга ўтиш қисқа вақтда юз бермаган ва буни айрим кишига хос фаолият деб бўлмайди. Бу халқ ижодидир.

Албатта барча ноз-неъматларининг сарасига синфий жамиятларда эксплуататор синфлар эга бўлиб олганидек, палов ҳам бора-бора кўпроқ бой хонадонларда тайёрланадиган бўлиб қолди. Бу ҳақда «Ўзбекистон халқлари тарихи» да айтилган фикр жуда қизиқарли: «Ўзбекистоннинг аксарият жойларида меҳмондорчилик пайтидаги севимли ва энг шарафли таом палов ҳисобланган. Бу таомни тайёрлашнинг ўнларча усуllibар мавжуд эди. Бой хонадонларда палов деярли ҳар куни, ўртаҳол хонадонларда эса ҳафтада бир марта — жума бозор арафаси (пайшанба куни) кечқурун пиши-

рилган. Қамбағаллар учун эса ғоят ноёб таом ҳисобланган»¹.

Шунга қарамай халқ оммаси энг сир иқтисадий шароитларда ҳам паловнинг унут бўлиб кетмаслигига ҳаракат қилинадар, чуончи паловпазлик мусобақалари ташкил этиб турилган. Бу тўғрида ўша китобда яна шундай фикрлар бор:

«Онлода овқатни ҳамиша аёллар тайёрлашган, аммо... ҳар бир эркак киши палов тайёрлашин ўрганиб олишни ўзи учун мажбурий бир иш деб билган ва бу санъат кўпинча ифтихор ва паловпазлик мусобақаларининг мазмунни бўлиб хизмат қилган»².

Паловнинг Ўрта Осиёда ижод этилиб сўнг бошқа жойларга тарқалганилиги тўғрисида мана бу фикр ҳам далолат бериб турибди: «Покистон ва Шимолий Ҳиндистонда яшовчи бадавлатроқ мусулмон аҳолиси ўртасида Пулао (палов) анча машхур таомдир. Ушбу таом Ўрта Осиёда келиб чиққандир. Буни Ҳиндистонга илк ўрта асрларда мусулмон фотиҳлари тарқатиш гандир»³.

Палов тўғрисидаги фикрлар адабиёт, тарих ва бошқа фан соҳаларига оид манбаларда ҳам бор. Хусусан, ёзувчи В. А. Смирнова-Ракитинанинг «Абу Али Ибн Сино қиссаси» номли китобида X—XI асрлар бўсағасидаги тарихий воқеаларни бадиий баён қилиш билан бирга улуг табиб яшаган даврда ҳам «юзига зираворлар сепилган... девзира гуручдан пиширилган ва ғоят лассатли... хушбўй, серёг шоҳона палов» мавжудлиги тўғрисида анчагина гаиларин айтади⁴.

Утган асрнинг машҳур шарқшунос олими венгриялик Герман Вамберининг «Бухоро ва Мавороуннаҳр тарихи...» номли нодир асарида XIV асрда ҳам палов шарафли таом ҳисобланганлиги ва умуман ўша даврдаги дастурхон ноз-нельматларига этнографик нуқтаи назаридаи алоҳида тўхталиб ушбу фикрлар ёзиб қолдирилган: «Бунингдек хилма-хил таомнома бошқа

¹ «Ўзбекистон халқлари тарихи». II том, Тошкент ЎзФА нашриёти 1947 й. 317-бет.

² Ўша асар, 318-бет.

³ Коллектив. Этнография питания народов стран зарубежной Азии. Из-во «Наука», М., 1981 г. 53-54-бетлар.

⁴ В. А. Смирнова-Ракитина. «Абу Али инб Сино қиссаси», «Ёш тардига измиричи», Тошкент, 1966 йил, 98, 99, 100, 101 ва 109-бетлар.

жойларда сира бўлмаса керак, ғоятда сийрак маълумотларга кўра ҳукм қилганимизда ҳам уларнинг (ўзбекларнинг К.М.) энг севимли таомлари қуидаги лардир: қовурилган қўй ва от гўштлари, палов, қийма солинган хамир таомлари, мевали тортлар ва ширин нонлар¹.

XV аср ёдгорлиги «Бобурнома» да ҳам палов тўғрисида анчагина фикрлар айтилган.

Машҳур энциклопедист олим ва давлат арбоби Абулфазл Алломийнинг XVI асрга оид ажойиб қомус характеридаги «Оинни Акбарий» номли китобида 35 хил таомни тайёрлаш усули, жумладан, гўшт қийма, девзира гуруч, муҳашибир нўхат ва бошқа масаллиқлардан пишириладиган «қийма палов» тўғрисида фикрлар бор. Ушбу таом Бобурйлар сулоласидан Жамолиддин Акбар ҳукмронлигига (1556—1605) мавжуд бўлган².

XVII асрда яшаган географ ва тарихчи олим Маҳмуд ибн Вали қаламига мансуб «Баҳр ул-асрор» китобида эса Мавороунаҳрда ўсадиган дон, сабзавот ва мевалар, уларнинг навлари, экиладиган жойлари, хусусиятлари, озуқали қиммати тўғрисида батафсил баён бор. Бизни қизиқтирган нарса гуруч бўлди. Олим гуручнинг «девзира» аталмиш нави борлиги ва у ғоят серлассат ва инсон учун жуда фойдали эканлигини айтади³.

Ўзбеклар паловни ажойиб неъмат деб билади. Уни исроф қилмаслик, ҳатто бир дона гуручини ҳам оёқ остига, нопокиза жойларга тушиб қолмаслигига ҳаракат қилиш, гавҳардек асраш халқимизнинг энг яхши одатларидан биридир. Чунки палов таркибиға кирадиган ҳар бир масаллиқ халқнинг машаққатли меҳнати эвазига яратилади.

Бу таомнинг ижод этилиши териб-термачлашдан

¹ Г. Вамбери, История Бухары и Трансоксании с древнейших времён до настоящего», Издание Я. А. Исакова. С-Петербург, 1873 г. 225-бет.

² Шайхи Абулфазл Алломий. «Оинни Акбарий», Калькутта, Мукши Нулкишвар матбааси, 1893 йил, Тошбосма, З-нашри, 36-бетида (мазкур асар форс тилида ёзилганлиги учун ЎзССР ФА Тил ва адабиёт институтининг илмий ходими, шоир Чустий шарҳловидан фойдаланилди).

³ Ҳ. Ҳасанов. «Урта Осиёлик географ сайдёхлар», «Ўзбекистон нашриёти, Т., 1964 й., 197-бет ҳамда Б. Аҳмедов — «Маҳмуд ибн Вали», Т., Бирлашган нашриёт, 1966 й., 18-бет.

дехқончиликка, ёввойи ҳолда ўсувчи донларни (шолини) маданийлаштириш ва овчиликдан чорвачиликка, ҳайвонларни қўлга ўргатиш, сўнгра яна илдизмевали ўсимликлардан сабзи, пиёз кабиларни ҳайдалган ва суфориладиган ерларга экиб кўпайтиришга ўтиш билан бошланган.

Палов ўзбек пазандалик санъатининг энг юқори чўққисидир. У пишириш-қовуруш, қайнатиш ва дамлаш каби мураккаб технологик жараёнлардан иборатки, албатта бу таомни тайёрланашни ўрганиб олган ҳар бир киши бошқа ўнлаб таомларни ҳам bemalol пишириши мумкин.

«Палов ош» этиологияси ҳалқ афсонасида

Пулингдан бир пулинг қолса, палов е,
Кунингдан бир кунинг қолса, палов е.

Ўзбек ҳалқининг ушбу матали палов ошнинг фоят серлассат тўй ва меҳмондорчиликларда тайёрланадиган шарафли таом эканлигига ишорадир. Чунки палов Ўрта Осиё, асосан, ўзбек ва тожик ҳалқларининг миллий таоми ҳисобланиб, жуда қадим замонлардан бўён маълум.

Агар паловни ҳар бир хонадон меҳмон келишига атаб ёки маросимлардагина дамланадиган бўлса, ёхуд ўз оила аъзолари учунгина тайёрлансанга кўпинча бунга фақат ҳафтанинг найишанба кунларигина тайёр гарлик кўриларди. Буниг сабаби ҳаммани қизиқтиради, лекин ҳеч ким аниқ билмайди. Ёки «палов» сўзи нимани англатади? Фақат ўзбеклардагина эмас, балки дунё ҳалқларининг кўпгина тилларida «палов» маъносини англатадиган сўзлар борки, булар асли қаердан келиб чиқдийки? Чунончи: Россияда «палов», Гарбий Европа ва Америкада «палов», Ҳиндистонда «пулао» (ҳинди), «плав», (урду), Қозогистон ва Шарқий Туркистонда «палов», Арманистон билан Грузияда «плав», Озарбайжонда «чилав», Хоразмда «чалов, Тожикистонда «ош палов», Ўзбекистонда «палов ош» тарзида талаффуз этиладиган бу таомнинг номи қайси тилга хос?

Балки, ўзбекча «палов ош» термини ўйларниң биронтасидан олинмадимикини?

Бу тўғрида ҳеч қандай лингвистик маълумотга эга эмасмиз.

Аммо, гуручининг ватани бўлмиш Ҳинди-Хитой, Ҳи-

тойда палов тайёрланмайди. Уларда гуручдан тайёрланадиган хилма-хил таомларнинг номларидан биронтаси «палов» га ўхшаш сўз билан талаффиз этилмайди.

Лекин, урду тилидаги «плав» сўзининг талаффузи ўзбекча «палов» сўзига ўхшаш бўлиб, у ҳам «гуручли ош» ни билдиради.

Қозоғистон ва Шарқий Туркистонда (уйғур тилида) «палав» ибораси билан юритиладиган таом номи заминида ўзбекча «палов» ифодаси ётади ва улар қисман, «палав» деб шовлани ҳам аташади.

Арман ва грузин тилларидаги «плав» термини ҳам гуручдан тайёрланган «қуюқ таом» маъносида юритилади. Булар ўзбек паловини ва бундан анча фарқ қилидиган арманча ва гурузинча паловни ҳам худди шундай аташади.

Муқаддас номлар, қизиқарли атамалар, кундалик кўп ишлатиладиган терминлар этимологияси илмий ишланмаган бўлса, бундай тушунчаларнинг маъносини халқ ўз оғзаки ижодиётининг афсоналаридан «ҳал қилишга» уринади. Буни лингвистлар «ҳалқ этимологияси» деб аташади.

Халқ орасида «палов ош» атамасининг келиб чиқиши ҳақида бир афсона юради. Бу афсона Абу Али ибн Сино номи билан боғлиқ бўлганлиги учун ҳам қизиқарлидир.

«Қадимда бир шаҳзода гўзалликда тенги йўқ, бироқ камбағал оиласдан бўлган бир қизга ошиқ бўлиб қолади.

Бироқ шаҳзоданинг косиб қизига уйланиши қийин бўлганлигидан ошиқ кўп изтироб чекади. Пировардида у кўкрагини заҳга бераб, бир неча кун овқат танаввул этмай, афгор бўлиб қолади.

Шоҳ Абу Али ибн Синони чақирибири ўзининг касаллигини аниқлаш ва даволаш кераклигини буюради.

Ингит ўз дардини ҳеч кимга айтмайди. Лекин улуғ табиб уни синчиклаб текширгач, аъзоларида зарур моддалар камайиб кетганлигини билади. Олим очликнинг сабаби ишқ дардига мубтало бўлганликда эканлитини аниқлайди. Ушбу касални тузатишнинг иккӣ йўли бор. Бири — ошиқни маъшуқага қовуштириш, иккинчиси — етти хил масаллидан тайёрланган серқувват таом «палов ош» едириш.

Шаҳзода ўз дардини айтмагани ҳолда, унинг касалини исбот қилиш керак, бу — шоҳнинг талаби. Шунда Абу Али ибн Сино шаҳардаги барча маҳаллаларнинг номини биладиган бир мўйсафиидни топтириб келишини шоҳдан илтимос қиласди. Бундай одам топтириб келинади.

Табиб унга:

Шаҳар маҳаллаларнинг номини бир чеккадан қаттиқ овоз билан санаб чиқсан, — деб буюради, ўзи эса беморнинг томирини ушлаб туради.

Мўйсафид маҳаллаларнинг номини атаб-атаб, битта маҳалла-
нинг номига келганида йигитнинг томираидан қон айланиш кескин ўз-
гариб кетганлиги Абу Али иби Синога маълум бўлади:

— Энди, дейди олим,— ўша маҳаллада яшайдиганларнинг бар-
часини танийдиган одамни топтиришинингизни илтимос қилиардим,

Шоҳ бундай одамни ҳам дарҳол топтиради. Олим унга:

— Ҳамманинг номини қаттиқ овоз билан айтиб турасан,— деб
буюрди. Ўзи яна беморнинг томирини ушилади. Исламлар бирма-бир
саналиб, бир косибининг номи аталганда шаҳзода яна ўзгариш найдо
бўлди.

Абу Али иби Сино шунда очиқ айтди:

— Шаҳзаданинг касаллик сабаби фалон маҳалладаги фалонен
косибининг қизига очиқ бўлганингидадир, уни тузатиш учун тўй қи-
лиш керак ва албатта шу бугундан иборат ҳафтада бир марта пав-
лов ош едириб туриш керак. Шунда бемор тузалиб, бақувват бўлиб
кетади,— деб маслаҳат берган экан».

Эҳтимол, пайшанба куни ош дамлаш ўшандан ке-
йин расм бўлгандир?

Эҳтимол, очиқ-маъшуқларни қовуштириладиган
тўй куни албатта ушбу шарофатли таомни тайёрлаб
барчага тортиш ҳам шунга боғлиқдир? Эҳтимол, ка-
салга мадад берган табиб иби Синонинг илми ҳам
халқ этимологиясида «Мадади Сино» деб аталиб, ке-
йинчалик «Медицина» бўлиб кетгандир?

Албатта бу ҳам фақат бир фараз бўлиб, илмий асос-
ланмаган фактлардир. Ўша афсонанинг давомида
айтилишича:

Улуғ ҳаким:

— Касалга палов ош пишириб беринглар,— дега-
нидан кейин, ушбу таом рецепти учун керакли масал-
лиқларнинг бош ҳарфларидан иборат бундай ёзув қол-
дирган эмиш:

پا ل او آش

(яъни «палов ош»). Бу етти хил масаллиқдан иборат бўлиб,
П — пнёз; А—аёз, яъни сабзи ёки бехи; Л-лаҳм, яъни гўшт; О-олио,
яъни ёғ; В - вет, яъни туз; Ш - об, яъни сув; Ш - шоли, яъни гуруч.

Ана шу ҳарфлар жамланса, «Палов ош» тушунчаси ҳосил
бўлади.

Шундай хулоса чиқаришга ҳақлимизми, йўқми, бун-
дан қатъи назар мазкур схемани бошқалар ҳам кел-
тиришади, хусусан тожик давлат педагогика институ-
ти химия кафедрасининг доценти А. Ражабов «Палов
кимёси» номли мақоласида келтиради¹.

Бунинг аниқ шундай эканлигини тасдиқлайдиган

¹ «Фан ва турмуш» журнали, 1963 й. 4-сонига қаранг.

бирон-бир тарихий манба йўқ, албаттa, А. Ражабов ҳам худди ҳалқ орасида тарқалган афсонага асосланган бўлиши керак. Бироқ у тожик тилининг хусусиятларига қараб тушунчани «Ош палов» тарзида ифода этади.

Афсона афсоналигича қола турсин, ҳақиқатга кўчганимизда палов ош ана шу етти хил масаллиқдан (пиёз, ёғ, гўшт, сабзи, гуруч, сув, туз) тайёрланади. Эндиликда паловга майиз, нўхат, қалампир, мурч, зира, зирк ва яна бир қанча масаллиқлар солиб дамланади. Булар асосий эмас, балки қўшимча масаллиқлардир ва буларсиз ҳам палов ош пиширса бўлаверади.

Чой—қувватга бой

«Чой нима?»— деган саволга кўпчилик: «Ичимлика» — деб жавоб бериб қўя қолади. Лекин Узбекистонда чой оддий ичимликини эмас, балки одамлар ўтасидаги муносабатнинг анъанавий элементидир. Бизда чой номи билан боғлиқ бир неча издаҳомлар ва меҳмоннавозликнинг турлари келиб чиқсан бўлиб, бу ичимликда гап кўплигидан далолат беради: «Чайхона базми», «Бир пиёла чойга таклиф», «Келинчак қўлидаги чой» ва ҳоказо. Эрталаб туриб нонуштани чой ичишдан бошлаймиз. Меҳмондорчиликнинг бошланиши ҳам, ўртаси ва охири чой билан. Танишингизни учратсангиз салом-алиқдан сўнг «қани, марҳамат, чой қуйиб бераман» деб таклиф қиласиз. Бир ўзингиз, ёки улфатлар билан чойхонага кириб бир чойнак чойни майдалаёттириб ҳордиқ чиқарасиз. Нега шундай? Чунки чой ажиб бир неъматдирки, унинг ранги мусаффо, гўзал, маҳаси хуштаъм, ҳиди хушбўй бўлиб ичган кишига чинакам ҳузур бахш этади. Неча бор синааб кўргандирсиз, ахир ҳаво ҳарорати совуқ бўлганда чой иссангиз танангизни иситади, иссиқ пайтларда ичилган чой — салқинлатади. Корин очликда чой ичилса бир оз таскин топилади, овқатдан сўнг ичилган чой ҳазм қилдиради. Барча ичимликлар ичида чанқоқни яхши қондирадигани ҳам чой ҳисобланади. Ташна бўлмасангиз ҳам, шунчаки, бекор ўтириб чой иссангиз — эрмак, ишдан чарчаб келиб чой иссангиз — ҳордиқ. Уйқу босиб келганда чой ичилса киши сергак тортади, уйқудан кейин туриб чой ичилса чеҳрани очади. Кўнгил айнишини, бош оғригини чой қолдиради.

Шу сабабдан бўлса керакки, чойни гўдаклардан тортиб, қарияларгача, соғлом кишилардан тортиб хасталаргача — барча ичади.

Чой шундай неъматки, у асабларга ором бериб, кишини бардам ва бақувват қиласди. Ўзбек халқида: «Агар чой ичмасанг, қувватни қайдан оласан?»— деган нақл бежиз айтилмаган бўлса керак.

Чойнинг ажойиб хусусиятлари шоирларни ҳам илҳомлантирмай қўймаган, у ҳақда анчагина шеълар битилган. XIX асрда бухоролик шоир Шоҳ Ниёз Бухорий «Чойнома» номли достон ҳам ёзган. Чой тўғрисидаги энг мақбул шеълардан бири ҳинд шоири ва мутафаккири Рабиндренат Тагор қаламига мансуб бўлиб, шундан бир мисол келтирамиз:

Чиқардир ҳордиқ — доим иссанг чой,
Чойдир нафосат, куй, ғазал, чирой.
Чоп азизим, кел, чой ичайлик, чой,
Чойдан ол мадад, чой қувватга бой!

Чой кимёси ва чой давоси

Чойнинг шифобахшлиги жуда қадим замонлардан бўён маълум. Япония ва Хитойда, Ҳиндистон, Шри Ланка ва бошқа давлатларда жуда кўп касалликларни қадимдан чой билан даволаб келинади. Ўзбек халқ табобатида ҳам шамоллаш, ич кетиш, иштаҳасизлик, бош оғриғи, тиш оғриғи каби касалликларни чой билан даволаганлар. Кўз оғриғига қуюқ дамланган қора чойнинг нафи борлиги кўпчиликка маълум, посотли яра-чақаларни ҳам илиқ чой билан ювилса тозалайди. Чунки чойда бактерияларга қарши қирон келтириш хусусияти ҳам бор. Чойнинг хушбўйлиги ҳам, мазалилиги ҳам, шифобахшлиги ҳам унинг таркибидаги химиявий моддаларнинг хилма-хиллиги ва мураккаблигидадир. Олимлар чойда 120 хил модда борлигини аниқлаганлар. Чойда, қайноқ сувда эрийдиган моддалар бор, булар экстрактив моддалар деб аталади ва дамланган қайноқ сувга ўтиб ранг беради. Бу моддалар чой совигандан сўнг идиш тагига чўкиб қолади, суви буғланиб кетса, пиёла тагида қизғиши жигарранг қуйقا ҳосил қиласди. Баъзилар бу қуйқани заарли деб ўйлайдилар, аксинча чойнинг энг фойдали жавҳари худди ана шудир. Шу хил экстрактив моддалардан бири — танин ҳисобланади. Бу модда овқатни ҳазм қилишда актив иштирок этади.

Замонавий медицинада турли ошқозон-ичак касалликларини танин билан даволашади.

Чойда яна катехин ва эвикатехин деб аталувчи моддалар ҳам бўлиб, булар Р витамини хусусиятига эгадир. Унинг шарофати шундаки, Р витамини қилтомирларни мустаҳкамлайди ва кенгайтиради, натижада қон яхши юриниб кишини тетиклаштиради. Айнанка, бош мия ичидаги ва юрак мушаклари орасидаги капилляр томирлар учун унинг фойдаси катта.

Чойнинг муҳим таркибий қисми бу кофеинидир. Кофеин дастлаб кофе таркибида топилгани учун шундай деб аталади. Кофеин кофе, какао ва чойдагина мавжуд. Бу алкалоид модда ҳали бошқа ўсимликларда кашиф қилинганича йўқ. Кофеин кайфиятни чор қиласиган алкалоид бўлиб, у марказий асаб системасини мулойим қўзғатади, натижада мия нейроиларининг толиқиши барҳам топиб кишининг ақли пешланади. Кофеин билан танин биримаси аввало юрак ва бошқа муҳим аъзоларимизнинг физиологик фаолиятини яхшилади.

Чой таркибидаги ифор (эфир) моддаси ичимликининг оромбахш хушбўй ҳидини таъминлайди, натижада чой ичган кишининг иштаҳаси очилади.

Чой ҳам витаминларга бой неъматлар қаторига киради. Унда С, В₁, В₂, ва РР витаминлари мавжуддир.

С витамини жуда шифобахш бўлиб, ўпка шамоллаши, кўкйўтал, бўғма каби оғир касалликлардан тезроқ қутулишга ёрдам беради. Жароҳат, яра ва синган суякларнинг тезроқ битиб кетишига восита бўлцб, аъзоларимизни чарчашдан сақлайди. Агар ушбу витамин этишмаса кишининг милклари хилвираб, тинлари тўкилиб кетади, яъни у цинга касалига мубтало бўлади.

Асаб системаси билан юрак фаолияти учун В₁ витамини яхши шифодир. Эт ва мушакларнинг ӯшашиб кетиши ва қўл ёки оёқлар ҳаракатга келмай шол бўлиб қолишдан сақлайди.

В₂ витамини кўздан тинмай ёш оқиб турадиган касаликдан ва лабларнинг бичилиб кетишидан асрайди.

РР витамини эса модда алмашинувига ижобий таъсир қиласиди ва дармон қуриб кучсизланишдан сақлаб аъзоларимиз фаолиятини яхшилади, қон томирларимизнинг мўртлашишининг олдини олади. Маълумки замонавий медицинада қон босимишининг ортиши (хафақон

ёки гипертония) ҳамда зеҳи пасайиши (атеросклероз) каби оғир касалликларда никотин кислотаси деб атальувчи РР витамини билан аскорбин кислотаси деб юритилувчи С витамини бирикмасидан иборат дорилар таъсия этилади. Чойда эса бундай дорилар табиий ҳолда мавжудdir.

Чой тарихи

Чой тўғрисида ёзилган китобларда бу ичимликини ичишни одамлар 3500 йил муқаддам кашф этганлар, дейилади. У дастлаб Хитойда кашф этилган. Унинг номи ҳам хитойча «ча-ийе» деган икки сўздан келиб чиққан бўлиб «яшил барг» деган маънони англатади.

Чойнинг кашф қилиниши тўғрисида анчагина ривоятлар бор, шулардан ҳақиқатга яқинроғи мана бунаси:

Бундан 35 аср муқаддам ўтган Хитой хоқонининг канизларидаи бири кечирилмас гуноҳ қилиб қўяди ва ҳомиладор бўлиб қолади. Аёлни ўлимга ҳукм қилиш гуноҳиз гўдакни ҳам жазолаш бўларди. Шунинг учун у аёлни бир неча кунлик озиқ-овқат билан таъминлаб, кимсасиз биёбонга ҳайдаб юборадилар. У бир тоғ ёнига келганида ейишга овқати, ичишга суви қолмаган эди. Яшашдан умидини узуб бир бута тагига келиб ётади. У мадорсиз қўлларини бутанинг яшил баргларига узатади — ҳеч бўлмаса ташиналикни қондирав-ку, деган умидда уни чайнай бошлайди. Маълум фурсадтан сўнг аёл ўзини бардам ҳис қила бошлайди, тетиклашиб ўрнидан туради. Барглардан анчагина юлиб олиб келган йўлидан орқага қайтади. Шаҳарга келиб уни ўлимдан асраб қолган ана шу мўжизакор ўсимлик тўғрисида одамларга сўзлаб беради. Биёбонда яшиаб турган ям-яшил баргли бу бута чой ўсимлиги эди. «Ча-ийе» — яшил барг овозаси саройга етиб боради. Хоқон собиқ канизакни саройга келтиришларини буюради. Келган аёлнинг соғлом, тетик кўриниши ва тиниқ юзларига қараб таажжубланди.

— Менинг табибларимга ўша гиёҳни кўрсат, гуноҳингдан ўтдим, — дейди.

Табиблар ўша ўсимликни қидириб топадилар ва унинг хусусиятларини ўрганиб, уни экиб кўпайтиришга киришадилар.

Аввалига чой доривор ўсимлик сифатида қўлланилган, экин майдонлари кенгайгач, кейинчалик у кундаклик ичимлика айланган.

Чой ўстириш Хитойдан Японияга ва Ҳинд-Хитой мамлакатларига тарқайди. Ривоят қилишларича чой Ҳиндистонда ҳам қарийб 3500 йилдан бери маълум экан. Эрамизнинг IV асрида будда динининг раҳнамо-

лари беморларга чой дамлаб ичишни тавсия қилған-ликлари тўғрисида маълумотлар бор.

Араб савдогари Сулаймон IX асрда Ҳиндистонга қилган саёҳатида ўша жойда чойхўрлик жуда авжидаги эканлигини ёзиб қолдирган.

Европада чой XVI асрга келиб маълум бўлади. Чой тўғрисида 1517 йили дастлаб венецияликлар хабар топганлар. Кўпгина тарихий манбаларга қараганда инглизларга 1598 йилда, португалияликларга 1600 йилда маълум бўлади. Чой тўғрисидаги хабар голландияликларга 1610 йилда, францияликларга 1636 йилда, германияликларга 1667 йилда етиб келади. Португалияга қуруқ чойни Ҳиндистондан олиб келиб сотмоқчи бўлган бир савдогар катта зарар кўради, бозорда қанча уни мақтамасин, дамлаб ялиниб-ёлвориб одамларга ичириб кўрмасин, ҳеч ким чойнинг қадрига етмайди.

Голландияда ҳам дастлаб бу ичимликдан юз ўғирганилар. Лекин бир куни қирол табиби Бантено кўпчиликни тўплаб чойнинг фойдалилигини мақтаб узуидан узоқ маъруза ўқингандан сўнггина бу ичимликка нисбатан муносабат ўзгаради. Англияда чой гарчи XVI асрнинг охирида келтирилган бўлса ҳам бу ичимликнинг ҳузурбахшилиги ва дори-дармонлигини исботлаш учун қарийб юз йил зарур бўлган. Халқда уни ичишга мойнлик туғилганда аксига олиб у жуда қиммат нархда согилган. Шу сабабли, чойни қирол ҳона-дони-ю ва бадавлат оиласаргина ичганилар, холос. Германияда XVII асрнинг иккинчи ярмида тарқалган чой тез шуҳрат қозонади. Уша даврдаги немис императори инглиз чойфурушларини ўзига ром қилиб олади. чой савдосидан сира бож олмайди. Натижада Хитой ва Ҳиндистон деҳқонларидан арzon-гаров ҳарид қилинган бир неча юзлаб килограмм чойнинг ҳар грамини тиллага сотоверадилар.

Чойни денгиз сувига дамланганини эшитганмисиз? Бу воқеа 1773 йилда содир бўлиб «Бостон чойхўрлиги» номи билан тарихда машҳур. Ҳиндистондан келтирилган чой Лондонда катта бож тўлаб сотишга мажбур қилингач, чойфурушлар ўз кемаларини Америка томон бурадилар. Бу ерда эса колонизаторлар «чой балосидан» қутулиш учун бутун бошлиқ бир кемадаги 340 яшик чойни «денгизга дамлайдилар», яъни нобуд қиладилар. Шундан сўнг анча вақтгача Америкага

ҳам, Англияга ҳам чой келтирилмай қўяди. Натижада чойхўрларнинг ғалаёнлари бошланади. Аҳвол шу дарражагача бориб етадики, масалани Англия парламентида кўриб чиқилади. Ҳукумат чойфурушлар учун анча имтиёзлар бериб, божни эса кескин камайтиришига қарор қиласди.

Россияга чой 1638 йилда келтирилганлиги тўғрисида аниқ тарихий маълумотлар бор. 4 пуд (64 кг) чойни Монголиядан подшо Михаил Феодоровичнинг элчиси Алексей Стариков олиб келади. Русларга чой жуда маъқул бўлади. Шундан сўнг унинг савдоси авж олдирилади. Сант-Петербург ва Москва шаҳарларида «ўзи қайнар»— самовар идишлар ишлаб чақарила бошлайди. XVIII асрдан эътиборан самоварлар Тула шахрида кўплаб чиқарила бошлайди.

Чойга бўлган талабнинг кучайганлиги сабабли уни шу ернинг ўзида ўстириш зарурияти келиб чиқади. Дастлаб ёввойи чойнинг кўчати 1818 йили Қrimдаги Никитин ботаника боғида ўтқазилган, сўнгра бу ердан 1833 йили бир неча чой кўчат Закавказияга олиб келинади.

1895 йилда проф. А. Н. Краснов билан агроном И. М. Клингер Хитойга борадилар ва чойнинг уруғини олиб келиб Батуми шаҳри яқинидаги Чақва деган қишлоқда экадилар. Бироқ тиллага тортиб олинган уруғ атиги 5% ўсимта беради, холос. Маълум бўлишича, хитойлар Россияда чойкорлик ривожланиб кетиб «бозорлари касод» бўлишидан чўчишиб уруғни сотиш олдидан қайноқ сувга пишиб олган эканлар. А. Н. Краснов билан И. М. Клингер ўша 5% унган чойни 20 йил давомида қайта-қайта экиб кўпайтириб 1915 йилга келиб 500 гектар чой майдони ҳосил қиласдилар.

Эндиликада чой Грузияда, Озарбайжонда, Краснодар ўлкасида етиштирилади ва умумий майдони 80.000 гектарни ташкил этади.

Совет ҳокимияти даврида чойкорликка алоҳида эътибор берилади. Чойнинг агротехникаси, мелиорацияси, тупроқшунослиги, агрономияси, селекцияси, механизацияси тўғрисида катта-катта китоблар ёзилган, илмий текшириш институти ишлаб турибди. Чой Узбекистонга дастлаб XIII асрда монголлар истилоси даврида келтирилган. Чой келтириб сотиш онда-сонда, мавсумий характерга эга бўлиб, у ҳам бўлса жуда примитив усулда амалга оширилган. Чунончи чойни

қопларга сомон сингари солиб, от ва туяларга ортиб олиб келинар, натижада чой узоқ йўлдаги ҳар хил ўсимликларнинг, шўрхок чўлларнинг қўланса ҳидларини ўзига сингдириб олиб айниб қолар эди. У вақтларда чойин ўзга ҳидни ўзига тортмаслиги учун қўрғошиб қофозларга ўраб яшикларга солиб ташиш йўқ эди-да.

Кейинчалик чой баргини сигир қаймоғи ва ҳўкиз қонига аралаштириб тахта орасига олиб пресслаш (тахта чой) усули келиб чиққач, уни узоқ мамлакатларга элтиш қулагай бўлган.

Чойни Монголиядан Ўзбекистонга олиб келиш ғоят қимматга тушгалиги учун экспорти тўхтатиб қўйилган. Чойга ўрганган халқ эса ноиложликдан «дала чой» деб аталувчи ўсимликни ва «тош олма» нинг қобиғини дамлаб ичиб юрган. То XIX асрнинг ўрталари гача Андикон, Наманган, Кўқон савдогарлари Қашқарга қатнаб «Син-ча-йие» (хитой чойи) олиб келиб сотиб юрганлар.

Тарихдан маълумки XIX асрнинг 60—70-йиллари Ўрта Осиё Россияга қўшилди. Ана шу даврдан эътиборан Ўзбекистоннинг савдо-сотик ишлари, Оренбург, Саратов Самара, Қозон, Москва, Тула каби шаҳарлар билан чамбарчас боғланиб кетди. Бу ерга олиб келиб сотиладиган бошқа хил товарлар орасида чой, самовар, чойнак ва пиёла каби чой билан боғлиқ анжомлар ҳам бор эди. XIX асрда чойни Ўзбекистонга Россиядан келтирилганлиги ҳақида аввал эслатиб ўтилган Шоҳ Ниёз Бухорийнинг «Чойнома» достонидан ушбу тўртликка эътибор беринг:

Хушбўй, мазам тотли, раигим каҳрабо тусда,
Шукриллоки, соғу касал ҳимоясман.
Мақбул бўлдим кўп дилларга, хижроним Русдан,
Чун ҳаётнинг жондек ширин сармоясман.


Тошкент, Самарқанд ва Қўқонда Байзон фамилияли капиталистнинг чой магазинлари очилган. Тўртбурчак тунука қутиларнинг қопқоғига «Байзон» деб ёзилган чойлар Ҳиндистондан келтирилиб Россияда қадоқланарди. Ўзбеклар бу чойни «байзан чойи» деб атайдилар, руслар эса «фамильний чай» дейдиган. Шундан келиб чиқиб ўзбеклар ҳам «фамил чой» дейдиган бўлишган. Биласизми, тилимиздаги «самовар», «чойнак», «пиёла» сўзлари ҳам русчадан олинган. Чунончи «сам»— ўзи, «о»— сўз боғловчи ҳарф, «вар»— варить —


қайнатмоқ бўлиб, «ўзи қайнатадиган» маънони англатади.

«Самовар» Андижон шевасида яна чойхона маъносини ҳам англатади. «Самоварчи»— чой дамлайдиган шахс. «Самовар палов» — чойхонада дамланган ош ва ҳ. к.

«Чойнак» аслида «чай—ник». Маълумки рус тилида «ник» суффикси ичига бирор нарса солинадиган идишни билдиради. Демак, ўзбекча «чойнак» сўзи русча «чайник» сўзидан олинган. «Пиёла» ҳам русчада «пиала». Бу сўз «пить» — ичмоқ феълидан ясалган бўлиб, ичиш учун керак бўладиган идиш маъносини англатади.

Юқоридаги тарихий фактларга асосланиб Ўзбекистон чойхўрлик борасида Россия билан қадимдан алоқадор экан.





III. МАСАЛЛИҚЛАР... МАСАЛЛИҚЛАР... ТАРИХЛАРИ, ТАЪРИФЛАРИ, ТАЪСИРЛАРИ

Минг дардга даво неъмат

Инсоният бундан 9—10 минг йиллар муқаддам ҳайвонларни қўлга ўргата бошлаган. Дастреб от, фил, сигир, кейин эса қўй, эчки, эшак, товук, ўрдак, гоз, курка ва ҳоказолар қўлга ўргатилган. Кейинчалик эса фақат ҳайвон ва қушларгина эмас, ҳатто ҳашаротлар ҳам қўлга ўргатила бошланган Булардан бири ипак қурти, иккинчиси боларидир.

Асалари қайси асрда қўлга ўргатилгани ҳозирча номаълум. Аммо археолог ва геолог олимлар ер шарининг турли жойларида қазув ишлари олиб бориб шуни аниқлаганларки, асалари учламчи даврда ҳам мавжуд экан, бунга тахминан 56 миллион йил бўлган. Одамнинг пайдо бўлганига эса 3 миллион йилдан ортиқроқ вақт ўтди.

Қадимги маданият ёдгорликларига қараб аниқлашишича, ибтидоий одам ўрмон ва тоғларга бориб ёввойи асаларининг асалидан баҳраманд бўлиб юрган. Асалнинг ширин шираси уни ўзига ром қилганда, акир! Фақат ширасигина эмас, балки унинг шифобахш

нельматидан қадимги табиблар ҳам фойдаланишгай. Шунинг учун бўлса керак қадимги Миср эҳромларининг деворларига нилуфар гули ва унга қараб учиб келаётган асалари суратлари солинган,

Қадимги Ҳиндистонда эса Вишна ва Кришна номли маъбудаларнинг тошга ўйилган суратлари ёнида албатта асалари ҳам учрайди. Эрамизга қадар 2 мингичи йилларда Ассурия мамлакатида ўлганларнинг танасини мум билан қоплаб, асалга ботириб қўйишган.

Асаларидан фойдаланиш барча халқларда, жумладан, Урта Осиё халқлари, Қадимги Русь, Юнон, Румо аҳолиси ўртасида ҳам мавжуд бўлган.

Асалари ва асал тўғрисида ҳар бир мамлакатда китоблар ёзилиб турилган. Асалнинг озуқалик ва шифолик қиммати тўғрисида икки оғиз сўз.

Табобат илмининг бобокалони Абу Али ибн Сино асални «иккинчи даражада иссиқ ва қуруқ»,— дейди. «Унда тозаловчи, томирларни очувчи, ҳўлликларни шимдирувчи қувват бор... Кўз хираланишини кетказади... Асални танглай билан эзиб сўриш ва ғаргара қилиш бўғмаларни тузатади ва бодом безларига фойда қиласди... Асал суви меъдани кучайтиради ва иштаҳани оширади...¹.

Аниқланишича, асалда 70 хил фойдали неъматлар бор экан. Шулардан шакар моддалари — глюкоза ва левулезадир. Бу моддалар асални тўйнимли қиласди. Унда витаминалардан А, В₁, В₂, В₆, Вс, Н, К, С, Е ва бошқалар бўлиб, бу моддалар турли дардларга даво эканлигидан далолат беради. Қолаверса, асалда инсон ҳаётида зўр аҳамиятга эга бўлган ферментлар ҳам бор. Яна бирмунча маъдан моддалар: калий, кальций, фосфор, кобальт, магний ва бошқалар унда мавжуд. Булар инсон аъзоларига худди женишень каби ижобий таъсир қиласди ва асални узоқ вақт бузилмай туришини ҳам таъминлайди. Халқда — «Сариёф — сасимас, асал — айнимас» деган мақол бор. Бу бежиз айтилмаган экан. Олимлар Миср эҳромларидан бир хум асал топиб олишди. Бу хумнинг ерга кўмилганига 3.300 йил бўлган экан. Буни қарангки, ичидаги асал ҳали ўз хушбўй ҳидини ва ширин мазасини йўқотмаган.

¹ Абу Али ибн Сино. Тиб қонувлари. II том, 488—489-бетлар.

Деҳқончиликда «етти хазина» деган гап бор. Бунга «саккизинчи хазина» қилиб асаларичиликни қўшса бўлади, чунки асални халқ «Минг дардга даво неъмат» деб атайди.

Зайтун ёғининг хосиятлари

Бизда зайдун ўсмайди, у Ўрта денгиз ҳавзасидаги мамлакатлардан келтирилади. Ўсимлик мойлари орасида энг тотлиси бўлган бу ёғнинг ҳам ўз тарихи ва энг муҳими ғоят шифобахш хусусиятлари бор.

Ушбу ёғ Испания, Италия, Франция, Греция, Турция, Сурья, Ливан, Фаластин, Миср, Жазоир, Мароккаш каби мамлакатларда ўсадиган зайдун дараҳтининг хом ёки етилган мевасидан сиқиб олинади. Бундай дараҳт ёввойи ҳолда ўрмон ҳосил қилиб ўсади ёки маданийлаштирилиб, боғларда парвариш қилиб ўстирилади.

Зайдун ёғини олиш технологияси дастлаб Мисрда бундан таҳминан 2500 йил муқаддам кашф этилган. Фиравн Набуходоноссор даврида зайдун ёғини ишлаб чиқарпи технологияси маҳфий тутилган. Мабодо бу сир қўшни мамлакатларга тарқаладиган бўлса, айборд ўлим жазосига маҳкум этилиб, сирдан воқиф мамлакат устига қўшин тортилган. Урушларга сабаб бўлавергани учун қўшини мамлакатлар ҳам зайдун экишиб парвариш қилишган ва қилич кўтариб келаётган тажовузкорларга қарши меҳнаткаш халқ қилич билан жавоб бермасдан, зайдун дараҳтининг шохчасини кўтариб чиқишиган: «Бизнинг бошимизни эмас, мана шу инсонни тўйдирадиган муқаддас дараҳтни кес! Бу дараҳт кесилса биз қуриймиз, биз кесилсан зайдун қурийди», дейишган улар. Шу-шу зайдун уруш баҳоначиси бўлмай, балки тинчлик рамзига айланган. Тинчлик мақсадларини кўзлайдиган қадимги дипломатлар ҳам бошларига зайдун шохчасидан чамбарак кийиб олишар экан.

Шу дараҳтдан олиниган бир томчи ёғнинг шарофати нимада? Аввало бу энг яхши гизо, худди сариёғдай тез ҳазм бўладиган, серлаззат озуقا. Уни доғ қилмасдан ишлатаверса ҳам бўлаверади. Турли таом totли чиқади, тўғралган сабзавотларнинг юзига саваласангиз яхши салат, палови хушбўй, ўзига нон теккизисиб еса ҳам бўлаверади.

Зайдун ёғи қадимда чироқ ёги вазифасини ҳам

ўтаган. Уни бирон идишга солиб пахтадан пиллик ясаб хоналарни ёритишган. Силлиқ ва мулойим қилини учун соч ва баданларга суртишган. Ишлайвериб қадоқ бўлиб кетган қўлларга суртилган.

Зайтун ёғининг турли дардларга даво эканлигини биз Абу Али ибн Сино асарларидан ўқиймиз: «Зайтун ёғининг ҳамма тури бадани қувватли қилувчи, ҳаракатга мойил қилувчи ва ҳароратни сўндирувчидир... Зайтун ёғи кўп жиҳатдан гул ёғидекдир. Сочни тўкилишдан сақлади, ҳар куни ишлатилса унинг тез оқаринини тўхтатади.

Зайтун ёғи сарамас, учук ва эшакемига қарши дори сифатида ҳам ишлатилади, иссиқ яллиғли шишларни йўқотади...

Чиркӣ яраларни тозалайди... ҳамда жароҳатларнинг малҳамлари таркибиға киради...

Зайтун ёғи бош оғриғига фойда қилишда гул ёғидекдир...

Зайтун ёғи билан оғиз чайқалса, қонайдиган милкка фойда қиласи ва қимирлайдиган тишларни мустаҳкамлайди.

Чаён солиб қўйилган зайтун ёғи қулоқ оғриғига томизиладиган дориларнинг энг қимматлисидир»¹.

Қуёш қуши

Бирор кафтлари орасига тухумни яшириб, Насриддин афандидан сўрабди:

- Тонинг? Бу нима?
- Ейдиган нарсами, ўзи?
- Ҳа,
- Үндай бўлса, белгиларини айтинг, топаман,— дебди Насриддин.
- Белгилари шуки,— деб жавоб берибди у шахс,— ўзи юмалоқ, тайланг, ўртаси сариқ, тепаси эса оқ.
- Ҳе бўлди, топдим. Сиз пиёзни ўйиб ўртасига сабзи жойлагансиз,— деган экан афанди.

Ушбу латифани келтиришимиздан мақсад шуки, бир вақтлар одамлар тухум нималигини билашмаган. Тухумнинг мазасини билмагач, товуқ гўшти ҳам ўзўзидан ейилмаган.

¹ Абу Али ибн Сино. Тиб қонунлари. II том, ЎзФА нашриёти, 1956 йил, 240—241-бетлар.

Қадим замонда Ҳиндистон осмони қора либосга ўралиб, сон-саноқсиз юлдузлар чарақлагандан қандайдир бир қушнинг ўткир овози чангалзорларнинг сокинлигини бузиб, мақбараларга урилиб, акс-садо берарди. Шунда одамлар:

— Ана, қуёш қуши сайрайти, ярим кеча бўлибди, инсу-жинслар офтоб ёғдуси устидан ғолиб чиқиб, олами зулматга чўмдиришгани ва ўзлари ер юзида изғиб юришгани тўғрисида дарак беряпти,— дейишарди.

Саҳарда узоқ-яқинлардан яна ўша «қу—қу—қуқ-қуув»,— деган жарангдор овозлар олами тутиб кетар, гўдакларни ширин уйқусидан уйғотар, деҳқонни далаға, брахманни бутхонасига йўрғалатарди. Тағин одамлар:

— Ана, инсу-жинслар анжуман қурадиган қоронғу зулмат устидан энди қуёш ғолиб чиққанлиги тўғрисида қуш дарак беряпти, демак тонг отиби,— дейишар эди.

Номаълум сайёҳлар Ҳиндистондан ўта туриб, бу қушни Хитойга келтирган эмишлар. Сўнг бундан икки ярим минг йил муқаддам, бу гўзаллик ўлкасига эрон лашкарлари ҳам борган. Саркарда Доро чавандозлари шикордан қайтишларида ўзлари билан олмос, рангли бўёқлар, зираворлар ва бошқа катта бойликлар олиб келадилар, шулар орасида қуёш қушлари ҳам бор эди.

Бу фоят зебо, кўкраги тилласимон товланувчи, патлари олов ёлқинларига ўхшаш, пешонасида қип-қизил чўғдай тожи бор, думлари тим яшил, гажак, бамисоли ўроқдай эгилган, ёш бола минса оёғи ерга тегмайдиган каттагина бир қуш эди.

Булар эндиликда бутун дунёга тарқаб кетган сершифо гўшт, лазиз тухум, ҳатто юмшоққина пар берадиган товуқ ва хўрозларнинг ёввойи авлоди бўлган. Уларнинг асли ватани ҳинд ўрмонлари, Хималай тоғининг этаклари ва Малайя оролларидир.

Табиатшунослар ўша жойларга бориб текширсалар, ёввойи товуқлар ҳануз ҳам бор бўлиб, асосан бутазорлар ва ғаровзорлар орасида ҳаёт кечиришар, у дарахтдан бу дарахтга осонликча учиб ўтиб мева, уруғ, қуртқумурсқалар билан овқатланар экан. Ёввойи товуқларнинг туси ҳар хил: тим яшил, жигар ранг, сап-сариқ, ола чипор, оппоқ ва қоп-қора бўларкан. Гўштини татиб кўрганларнинг айтишича лахими бизнинг қўл-

бода товуқларимизни кидек бўлмай балки қаттиқ, лаззати камроқ ва ранги қорароқ эмиш.

Қадимги эронликлар юқорида келтирилган қуёш қуши ёргуликнинг қоронғулик билан кураши тўғрисидаги эртаксимон ривоятга паққос ишона қолишибди. Шоҳ ҳар бир хонадон макиён ва айниқса, хўрот боқиши ҳамда сўймай ёки ҳаром ўлдирмай парвариш қилиши мажбурий, деб фармон берган экан.

Тахминан икки минг йил муқаддам, қуёш қушларининг овозаси — Ўрта Осиё, Кавказ, Қора денгиз бўйларида ва ҳатто Шимолий Россияда ҳам тарқалганлиги тўғрисида маълумотлар бор.

Эндиликда бутун дунёда товуқ боқмаган халқ йўқ. Етти хазинанинг бири бўлмиш бу уй паррандасидан ер юзидағи барча халқлар баҳраманд бўлишмоқда.

Ҳозирги товуқлар семизлиги, гўштининг нафислиги, кўплаб йирик тухум тувиши билан ёввойисидан тамомила фарқ қиласди. Олимларнинг ҳисоблашларига қараганда бутун дунёда атиги бир йилгина бирорта товуқ сўйилмай турйлса, бирорта тухум товага чақилмай, ҳаммасидан жўжа очириб чиқарилса, Ер шаридаги барча қуруқликни «қуёш қушлари» эгаллаб олиб, одамларга ҳатто қадам қўйгани ҳам жой қолдирмасликлари, бунинг устига ўша муқаддас «қу—қу—қуқ—қуув» овозларидан бирон дақиқа ҳам минжга қоқтирмасликлари мумкин. «Пиширсанг гўшт бўлади, пиширмасанг қуш бўлади» деган топнишмоқ ҳам бекиз айтилмаган. Лекин қадимги ҳинил афсоналарида айтилишича: Тун ўзининг юлдуз гулли қора либосини Ҳиндистон осмонидан йиғиншириб олишига муқаддас «қу—қу—қуқ—қуув» овози сабаб бўлган экан. Агар бу қуш сайрамаса тонг ёришмайди, қуёш ўз юзини кўрсатмайди» дейилган. «Қуёш қуши» туфайли биз қуёшдан баҳраманд бўламиз,— деган тушунча орқали уни кўпайтиришган ва унга сифинишган.

«Ер олмаси»нинг тарихи

Доҳиймиз В. И. Ленин картошкани «иккинчи ион» деб таърифлаган эди. Дарҳақиқат, бу неъмат таркибидаги озуқа моддаларининг тўқтутарлиги нондан қолишмайди. Картошкада 18 процент крахмал, 2 процент оқсил, 1 процентча шакар моддаси ва бир қанча витаминлар бор.

Мана шундай фойдали, серлаззат масаллиқ XVI асрда Жанубий Америкадан Ёвропага келтирилганда уни ҳеч ким истеъмол қилмаган. Картошканинг тарихий йўли билан танишайлик. Ботаника тарихи билан шуғулланувчи олимларнинг келтирган далиллариға кўра, картошканинг ватани Чили ва Перу бўлган. Маҳаллий халқ буни тоғ ёнбағирларида ўстирган ва номини «Паппа» деб атаган. Жанубий Американи қамал қилган испанияликлар картошкани дастлаб 1536 йилда Ёвропага олиб келадилар. Лекин бир мамлакатдан иккинчи мамлакатга бу ёввойи ўсимлик сифатидагина ўтиб юради. Италияга тарқалганда уни «тартуфоли» деб атайдилар, шундан «картофель» тушунчаси келиб чиқади. Францияга картошка XVIII асрда ўтади, бу ерда у «Пом де терр» номини олади, маъноси «Ер олмаси» демакдир.

Францияда картошканинг қимматли озуқа ва фойдали шифо эканини дастлаб доришунос олим Пармантье пайқаган. Пармантье картошка тўғрисида китоб ёзди, кўплаб экди ва ундан турли таомлар тайёрлаб кўпчиликни меҳмон қилди. У картошкани кенг тарғибот қилди, ҳатто қиролга ҳам мурожаат қилиб, шу ўсимликни кўплаб экиш зарурлигини айтди. Қирол олимнинг сўзига қулоқ ҳам солмайди, фақат саройга келтирилган картошка гулини чаккасига тақиб олади. Шушу бўлади-ю, картошкани озуқа сифатида эмас, декоратив экин — гул сифатида тувакларда ва гулхоналарда ўстира бошлайдилар. Сарой оқсоқоллари эса камзулларининг соат чўнтакларига доим картошка гулини тақиб юришни одат қилиб оладилар.

Англияда 1565 йилда картошка тарғиботчиси денизчи Жон Хоукенс деган шахс бўлган. У Перудан Ирландияга анчагина картошка олиб келиб экади. Ж. Хоукенс катта банкет ташкил қилиб, сарой зодагонларини картошкали таомлар билан сийламоқчи бўлади. Бироқ афсуски, ошпаз тушмагур овқатни картошканинг илдиз доналаридан эмас, шундоққина кўқатини ўриб келиб пиширган экан. Ейилишидан олдин ҳамдусанолар ўқилган «таом» дастурхонга келтирилгач, ҳамма ҳанг-манг бўлиб қолади. Меҳмонлар мезбонга қараб: «Бизни ўзингизга ўхшаб хашакхўр деб фараз қилган бўлсангиз керак, йўқ, биз инсонмиз!» — дейишиб чиқиб кетишади. Шундай қилиб узоқ мамлакатларда сафарларда ном қозонган капитан Жон Хоукенс кар-

тошкани тарғиб қиласман деб, ўз обрўсини тўкиб қўйган эди.

Яна Францияга қайтайлик. Кartoшка фидоийси Пармантъе қиролга мурожаат қилиб, ҳеч бир иш чиқара олмаганидан кейин илдиз тугунчаларини далага экади. Ҳосни гулга киргандан эътиборан чор томонга миљтиқли соқчилар қўйиб қўриқлатаверади, бу ишдан қўшини деҳқонлар ҳайрон бўлиб: «У даласига олтин экканмидики, қўриқласа» — дейишади. Ҳар ҳолда шундай одат бор: эҳтиёт қилинган нарсага ўғри ўч бўлади. Соқчилар ухлагач, Пармантъе даласидаги картошкани кавлаб олиб кетадилар. Сўнг уни гулханга ташлашади, хашаги куйиб, илдиз тугунчалари кўрда пиниб қолади. Эрталаб бир чўпон буни татиб кўрса, ҳай-ҳай «ер олмаси»ни емабсиз — оламга келмабсиз!

Шундан сўнг ўзининг оч халқини бўқиншга боши қотиб юрган подшолар жонига картошга оро беради. Шундан сўнг картошка барча Европа мамлакатларида экила бошлайди.

Россияга дастлабки бир қоп картошкани Голландиядан туриб император Петр I жўнатган эди. Лекин картошка экиш рус деҳқонлари ўртасида ҳам жуда сенкин авж олди. Ўтган асрда деҳқонлар картошкага экишгачарши ғалаён қилганликлари тарихдан маълум.

Шундай қилиб, бизда картошка бундан 120 йил муқаддам экила бошлаган. Эндиликда картошка экмаган мамлакат йўқ. Картошка тўғрисидаги илмга совет олимлари жуда катта ҳисса қўшдилар. Чунончи, ялаҳонда 450 йил давомида картошканинг фақат бир чил нахи экилиб келинар эди. Аммо 50 йил давомида совет олимлари картошканинг 150 дан ортиқ нахини селекция қилдилар.

«Ер олмаси»нинг қисқача тарихи ва таърифи ана шундай.

Помидор бизга қачон ва қаёқдан келди?

Помидорни «Олтин олма» деб атайдилар, унинг тарихи ҳам «Ер олмаси»нинг тарихига ўхшаб кетади.

Хозирда озқатларимизнинг лаззатли масаллиқларидан бирни бўлган помидорни бундан бир аср илгари ҳеч ким емас эди. Уша вақтда помидорнинг таркиби бутунлай ўрганилмаган бўлиб, одамлар уни заҳарлди

мева деб тахмин қилишарди. Европа мамлакатларида бу ўсимликни тувакларга ўтқазиб, гуллар билан бир қаторда парвариш қилганлар. Заҳарлилиги түғри. Помидорнинг кўк, ҳомдонида тирозин деган модда бўлиб, у ўта заҳарлидир, тузламай емаса заҳарлайди, шунинг учун уни хатто мол ҳам емайди.

Кўнгина манбаларда айтилишича, помидор Жанубий Америкада Перуда тарқалган. Мексикаликлар бу ўсимликни «таматель» деб атаганлар. Испания Перуни босиб олгач, помидор Европага келтирилган. XVI асрда бу ўсимлик Европанинг Ўрта денгиз ҳавзаларида ги мамлакатларга тарқалган. Италияда помидорни «помо — д' оро», яъни «олтин олма» деб атаганлар. Бу вақтда помидор Европанинг шимолий томонларига тарқалмаган эди. Помидорнинг 1754 йилда манзарали ўсимлик сифатида биринчи марта селекцияга киритилганлиги тўғрисида маълумотлар бор.

Кейинчалик помидор Греция орқали Туркияга ва бу ердан 1850 йилда Қrimга келтирилган. Қrimда уни «муҳаббат олмаси» деб атаганлар. Шундан кейин кўп ўтмай бу сабзавот Россиянинг жанубий районларида экила бошлаган ва озуқа сифатида дастлаб шу ерда қўлланилган. Ўтган асрнинг тахминан 70-йилларидан бошлаб помидор ўсимлиги Россиянинг марказий ва шимолий районларида ҳам ўстирила бошланган, Узбекистонда помидор ўстириш Ўрта Осиё Россияга қўшилгандан кейингина расм бўлди. Бу даврда Узбекистондаги солдат ошхоналари, Европача ресторонларда ажойиб мевалар ва сабзавотлардан турли таомлар тайёрланар эди. Бу ерга кўчиб келган рус деҳқонлари қулупнай, малина, смородина, қирмиска (кримский) узум ва Россия (российская) гилоси, шунингдек картошка, қанд лавлаги, карам, редиска ва шу каби сабзавотлар қатори помидор ҳам етиштира бошладилар. Бироқ ўша вақтларда помидорни маҳаллий халқ емас эди. Чунки шариат пешволари «бутпарастларнинг таомини емоқ макрdir» деб фатво чиқарганлар. Улар помидорга «одам қонидан пайдо бўлган мева» деб ҳам қараганлар. Аммо помидорнинг ажойиб озуқалик сифатини билиб олган маҳаллий аҳоли уни тобора кўпроқ истеъмол қила бошлади. Ўша вақтларда баъзилар помидорни «падижон», яъни «жон ато қилувчи мева» деб атар эдилар. Ҳануз ҳам қариялар помидорни айтадилар.

дорни патижон деб атайдилар. Ҳалқда шундай ашула ҳам бор:

У токчада патинжон, о
Бу токчада патинжон.
Шу вақтинг қизлари, ё,
Бир-биридан отинча.

Эндиликда помидорнинг ўнлаб навлари яратилган бўлиб, юзлаб таомларда ишлатилади.

Шолғомнинг шарофати

Рус халқининг «шолғом» номли эртаги бор, буни барчамиз ёшлигимиздаёқ мароқ билан ўқиганмиз. Деконбобо етиширган шолғом шунча улкан бўлиб етилибдики, уни бобо, момо, набираси-ю, кучук, мушук, сичқонгача бирлашиб базур ердан суфуриб олишибди. Шу эртакда андак ҳақиқат бор. Шолғом ҳамма жойда ўсади, лекин у ҳавоси салқинроқ жойларга экилса таҳирлиги йўқ, камтомир, ҳандалакдек катта, ширин, бир қайновда сариёғдек мулойим пишадиган бўлиб етилади. Уни қўрга кўмиб еса ҳам бўлади. Шамоллазганда дори сифатида истеъмол қилса ҳам бўлади. Утмишда чоризм ҳукмронлик қилган кезларда рус дехқонларини помешчиклар эксплуатация қилишдан ташқари серҳосил ерларини тортиб олиб ғоят қашшоқлаштириб қўйган эди. Натижада кўпгина губерниядаги дехқонлар кулба ва қишлоқларини ташлаб чиқиб янги ерлар қидириб, кенг Россия бўйлаб дарбадар юрганликлари тарихдан бизга маълум. Ана шу дарбадарликда ақлли кексалар: «Олдин кетганлар кейин қолганларга кўприк» деган нақл тўқиганлар. Шунинг учун илгари кетганлар орқада қолганларга ҳар ҳолда егулик нарса бўлади, деб йўл бўйларига шолғом экиб кетишади. Шолғомдан бошқа экин экиб кетишса ҳам бўларди, бироқ шолғом шундай сабзавотки, уни баҳорда, ёзда ёки кузда экса ҳам кўкараверади, тез етилади ва кўп парвариш талаб эмас. Бизнинг Ўзбекистон ерда шолғом оқ, қизил ва зангори пўчоқли ва сал таҳирроқ етилади. Россия шолғомининг пўчоғи ҳам, эти ҳам сариқ ва таъми ширин, картошкасимон бўлади. Илгари бу хил шолғом бизда экилмас эди, яқин йиллардан буён экила бошланди.

Шолғом айниқса куз, қиш ва баҳор фаслларида шамоллаш ва грипп касалликларига қарши яхши даво-

дир. Ибн Сино дейлики: Ҳар қандай шолғомнинг энг яхшиси — семиз гўшт билан қайнатилганидир... Семиз гўшт билан пиширилган шолғом кўкракни ва томоқни юмшатади. Гўшт билан қайнатилган шолғом кучли озуқа бўлади... Шолғомнинг қайнатмаси бод бўғинларнинг зирқираб оғришига қарши шу ўринга қўйиб боғланса кўп манфаат етади... Шолғомни пишириб ёки хомлигича сийлса кўзга фойда қиласди»¹.

Яқинда олимлар шолғомнинг яна бир шарофатини аниқладилар. У энергия манбаи ҳам экан. Жаҳон энергетика кризиси олимларни турли нарсалардан ёқилғи сифатида фойдаланиш услубини топишга даъват этмоқда. Франциялик олимлар шолғом устида иш олиб бориб шундай хulosага келдиларки, шолғом арzon ёнилғи бериши мумкин экан. Унинг 1000 килограммидан 100—120 литр ёнилғи спирти ажратиб олинади. Бу деган сўз бу ўсимликни кўплаб экиб, ундан олинган спирт билан автомашиналарни юргизиш ва спирт лампалари ясаб электр энергияни ҳам тежаш мумкин.

Ҳар ҳолда шолғомни пазандаликда ва табобатда қўлланиш инсон учун кўпроқ манфаат беради. Ушбу неъматнинг шифолиги тўғрисида фақат Ибн Синогина эмас, қадимда Ҳасрат исомли табиб ҳам ўзининг «Хусайн тухфаси» номли тибий достонида қўйидагиларни ёзади:

Иссиқ бўлар шолғом ким еса такрор,
Кўрлар шолғом есин, деган масал бор.
Чунки у кўзларга беради қувват,
Хому пишиғида бор шундай хислат.
Шишганда совуқдан қўл ёки оёқ,
Наф қиласди шолғом суркалгани чоқ.

Заҳриддин Муҳаммад Бобур саройида табиблик вазифасини ўтаган Юсуфий ал Хиравий (Юсуф табиб) нинг «Яхши нарсаларнинг фойдалари» номли тибий рисоласи бор. Унда ҳам шолғом, айниқса унинг уруғи кўпгина дардларга даво эканлиги ёзилган:

Шолғом уруғини туйиб-майдалаб,
Асал билан қўшиб қилсанг истеъмол
Ичингни юмшатар, заҳарни кесар,
Белингни бақувват қиласди дарҳол.

¹ Абу Али ибн Сино. Тиб қонунлари. 11 китоб, 594-бет.

Музқаймоқ тарихи ва таърифи

Ёзниг жазирама кунлари кишига ором берадиган айниқса ёш болалар учун роҳатижон, шифобаҳаш неъмат—морожнийдир. Морожний жуда қадимда, иқлими иссиқ Шарқ мамлакатларида ижод этилган бўлиб, уни Ўрта Осиё ҳалқлари «яхқаймоқ» деб аташган. Эрон ва Ҳиндистонни забт қилган Искандар Зулқарнайн аскарлари ушбу мамлакатларнинг аҳолиси иссиқ кунларда аллақандай «яхлатилган сутни» шимиб юрганикларини кўриб ҳайратда қоладилар. Маълум бўлишича, сут ёки қаймоққа асал, тухум, ваниль ва жавҳарилму қўшиб музлатилар ва маҳсус кўзаларда сақланар экан. Гоҳо мева шарбатларига тоғлардан олиб келингган тоза қор ва қирилган музни қўшиб ҳам тайёрлаганлар. Араблар шу усулда тайёрланган яхна таомни ал-желати деб атаганлар. Музқаймоқ рецепти ва технологиясини македонияликлар Европага олиб келган бўлсалар ҳам, у кенг эътибор қозонмади. Фақат XIII асрда италиялик саиёҳ Марко Пало Шарқ мамлакатларига қилган саёҳатидан кейингина музқаймоқни гарбий мамлакатлarda тайёрлаш авж олиб кетди. Италиялик шакарпаз Проколио Кольтелли 1630 йилда Парижга келиб ресторонлардан бирида морожний тайёрлашни жорий қилганлиги тўғрисида маълумотлар бор. Шундан қарийб бир ярим аср ўтгач, яъни 1770 йилда яна бир италиялик қандолатчи Нью-Йоркда морожний тайёрлашни жорий қилган. Орадан 230 йил ўтгач — 1860 йилда бошқа бир италиялик Лондонда морожнийхона очган. Россияда морожний тайёрлаш XIX асрнинг ўрталарига тўғри келади. Бу ерда морожний тайёрлаш мустақил равишда ижод этилган деган далиллар бор, чунончи россиялик савдогар Иван Излеров 1845 йил музқаймоқнинг янги рецепти ва технологиясини кашф қилганлиги учун патент ва мукофот олганлиги солномаларда қайд қилинган.

Ўзбекистон аҳолиси ҳам музқаймоқ тайёрлашнинг турли хонаки усулларини билган, бироқ Октябрь революциясига қадар таомшуносликдан маҳсус китоблар ёнилмаганлиги сабабли унинг рецептни ва технологиялари унут бўлиб кетган. Фақат унинг «Роҳатижон» деб аталувчи энг содда хили сақланиб қолган. Унисини ҳам ёлғиз Самарқанд ва Бухоро каби қадимий шаҳарларининг аҳолиси билади, холос.

«Роҳатижон»нинг бизгача етиб келганлигининг иккита сабаби бор, бири — тайёрланиш жараёнининг жуда оддий эканлиги, иккинчиси—шифобахшлигидир.

Роҳатижон тайёрлаш учун ейишга яроқли музни цириб қиоров ҳолига келтирилади ва юзига узум ёки тут шинниси ёки қиём севалаб берилади. Шифолиги шундаки, ёзда дизентерия, ичбуруғ касалига мубтало бўлган киши бир порция роҳатижон еса таққа тўхтатади.

Морожнийни замонавий озиқ-овқат саноати усулида тайёрлаш жуда яхши йўлга қўйилган бўлиб, унинг дунё бўйича олганда юз хилдан ортиқ сортлари бор:

Музқаймоқни гўдаклардан тортиб қарияларгача барча севиб истеъмол этишининг асосий сабаби унинг шифобахшлиги ва тўқ тутарлигидадир. Чунончи бир кило сутли морожнийда — 1370, қаймоқлисида — 1890, пломбирда эса — 2400 катта калория бор. Музқаймоқни оғир операциядан чиқсан касалларга, яъни дағал овқат ейиш мумкин бўлмаган bemорларга берилади, ошқозонда яраси борлар, сил касалига мубтало бўлгандар, озиб, абгор бўлиб кетганларга ва кам қонли кишиларга ҳам тавсия этилади. Музқаймоқ таркибида 3,5 процентдан 15 процентгача мой, 14 процентдан 25 процентгача шакар бўлиб, қолгани оқсидан иборатдир. Яна бунда А, В, С, Д ва Е витаминлару фосфор билан кальций жавҳарлари ҳам мавжуд.

Илоҳий ичимлик нима?

1516 йилда Испания Мексикани босиб олади. Бу ўлкада тилла кўп деган хаёлга борган фотиҳлар бозорларга киришса мексикаликлар савдо-сотиқда тилла пул эмас, балки қандайдир бир дараҳтнинг қуритилган мевасидан танга сифатида фойдаланишар экан. Ҳар кимнинг киссасида бир ҳовуч, икки ҳовуч ана шунаقا «мева танга»лар... Нимаики харид қилинадиган бўлинса «уруг пулдан» санаб бериб олиб кетиша беرار эканлар.

Ажабо, бу уруғнинг қандай каромати бор. Уни ҳатто тиллага ҳам алмаштиrsa бўлар экан. Синчиклаб суриштиришса, бу ўзига хос «танга»лар Мексика чангальзорларида ўсуви шоколад дараҳтининг меваси экан. Одам ўтиб бўлмайдиган қуюқ ўрмонзорларда, қолаверса илон ва йиртқич ҳайвонларнинг маконига

бориб ўша дарахтнинг мевасини териб келиш **ғоят** мурракаб бўлганлигидан ҳам уни тиллага тейғ деб билишар экан. Фотиҳлар сўриштириб кўришса мексикаликлар ҳалиги мевани туйишар, сўнг элаки қилиб қайноқ сувга чой каби дамлаб ичишар, унинг номини «чокоатл», яъни «аччиқ сув» деб аташар экан. Агар шу «аччиқ сувга» асал, шакар, ваниль қўшилса ҳозирги биз еб юрган шоколаднинг мазасини эслатадиган **ғоят** шифобахш ичимлик ҳосил бўлар экан. Ана шу ичимликдан ичган кишининг юзига қон югуриб уни бардам ва бақувват қилган, бир зумда чарчоқни ёзиб юборган киши қанчалик оғир иш бажармасин бари бир ўзини тетик сезаверган.

Испаниялик фотиҳлар учун бу нарса жуда қўл келади. Босқинчиларнинг каттаси Фернандо Кортес ўз қиролига ёзган мактубида бундай дейди: «Жаноби Олийлари! Биз ацтеклар мамлакатида дарахтда ўсадиган тилла топдик, мевасини туйиб асал билан қайноқ сувга аралаштириб бир стаканини ичиб олган киши эртадан кечгача тўқ ва бардам юраверар экан. Биз жангдан олдин аскарларингизга ана шундан ичиряпмиз. Бунда қандайдир илоҳий қувват борга ўхшайди. Бу ичимликнинг номи...! Фернандо Кортес «чокоатл» сўзини испанча талаффузда «шоколаде» деб ёзиб юборган. Ана шундан буён бу дарахт «шоколад дарахти» деб юритилади. Ацтек тилининг бир шевасида «какахуатл» дейилар экан, бундан «какао» термини келиб чиқкан.

Ботаника фанининг бобокалони Карл Линнией ўсиммилкларнинг систематикасини тузганда какао дарахтнга «теоброма» деган ном беради, «теос»—худо, «бромос»—ичимлик, яъни илоҳий ичимлик берадиган дарахт маъносида. Шу вақтгача бу ичимликнинг сири яшириб келинди. Кўпчилик халқлар чиндан ҳам бунга худо қувват ато қилган деган тушунчанинг қули бўлиб қолавердилар, ҳатто какаога сифиндилар ҳам. Унинг шохчаларини тумор, кўзмунчоқ қилиб бўйинларига тақиб юрдилар.

Ўтган асрда кимёгарлар какаони анализ қилиб кўрдилар. Таркибида 52 процент ёғ, 20 процент оқсили, **10** процент крахмал, 1,5 процент шакар моддаси борлиги аниқланди. Кишини тўқ тутадиган, қон таркибини яхшилайдиган моддалар ҳам ана шулар. Яна 1,5 процент неҳрани очадиган, ҳордиқ чиқарадиган, чарчатмайди-

ган модда ҳам бор экан. Бу молла бирмунча дориларга қўшилади, лекин номи ўша даврнинг одатига кўра «тебромин» деб аталган. Бу термин учта сўздан таркиб топган бўлиб, лотинчасига «оллоҳ», «ичимлик», «дори» маъносини англатади.

Албатта, шоколадда ҳам какаода ҳам ҳеч қанақа илоҳий қувват йўқ, унинг қуввати моддийлигидадир. Айниқса шоколад ёғи катта аҳамиятга эга. Бу мой хона ҳароратида қотади, қўлга ушланса ёки оғизда эрийди. Бинобарин, бошқа ёғларга нисбатан қонга тез сўрилади ва узоқ вақт тўй тутади.

Шоколад билан какаонинг ширинлиги бошқа шираворлар каби кўнгилга урмайди. Таркибидаги оқсил моддаси эса тухум ёки гўштдаги оқсил ўрнини босиши мумкин. Шу сабабли сайёҳлар, геологлар, учувчилар, космонавтлар, қутбни ўзлаштирувчилар дастурхонида шоколад ва какао рациони бўлади.

Бироқ шуниси ҳам борки, бу «илоҳий ичимлик» экан деб какаони кўп ичиб ёки шоколадни кўп еб бўлмайди. Бир кунда бир стакан какао кифоя, у ҳам бўлса куз, қиши ва баҳор ойларида. Ёзниң жазирамасида қонни тез айлантириб юракни ўйнатади, баданини қиздиради. Шоколадни ногоҳонда бир бўлак тангадеккинасини ейилса бас, айниқса ёш болалар хуш кўриб катта бир плиткасини еб қўйишса, баданига қип-қизил тошма тошдириб юборади, «Дорининг ози—соз», деган мақол какао билан шоколадга ҳам тегишлидир.

Қора ичимлик тарихи

Бир стакан кофени ҳўплаб ўтириб хаёл сурасан кими: «Қачондан бўён инсоният кофе ичадиган бўлган, Бу ичимлик қаердан келиб чиққан, унинг инсонга фойдаси қандай, нега кофе деб аталади ва ҳоказо...?» Бу саволларга жавоб турли китобларда бор, шуларни жамласак, «қора ичимлик» тарихидан андак воқиф бўламиз.

Кофенинг ажойиб хушбўйлиги ҳар кимни ўзига жалб қиласди, у чой сингари чанқоқни босади, овқатни ҳазм қилдиради, қорин тўйдиради, бош оғригини қолдиради, кишини тетик ва бақувват қиласди.

Кофенинг жаҳонга тарқалишига унинг уйқу келтирмаслик хусусияти сабаб бўлган. Чунки кечки сменада ишловчилар, ёзувчилар ва олимлар, посбонлар учун

кофе жуда қўл келади. Кофе ўз номини **Жанубий Африкадаги Каффа қишлоғидан олган экан**. Негаки, дастлаб шу қишлоқнинг Галла номли аҳолиси атроф чангальзорларда бир хил ёввойи ўсимликнинг қаттиқ мевасини қовуриб туйиб, қайнатиб ичишган. Лекин бу одат қачон бошланганини ҳеч ким билмайди. Феодализм даврига келиб, кофени маданий экин сифатида экишини араблар одат қилишган. Ҳали ҳам араб мамлакатларида ўстириладиган кофе энг сифатли ҳисобланиб, европаликлар буни кофе-маккао деб аташади. Чунки дастлабки кофе қопланган қоплар Европага Арабистоннинг Макка шаҳридан жўнатилган эди-да.

Кофени Стамбулда 1454 йилдан, Римда 1642 йилдан, Лондонда 1652 йилдан бошлаб, Парижда эса 1672 йилдан ичишга одатланилганлиги тўғрисида маълумотлар бор. Лондонда XVII асрнинг ўрталарида қурилган қаҳвахона Виргония Кафхехаузе ҳануз ҳам бор дейишади.

Парижда 1690 йилга келиб 380 кофехона бўлганлиги маълум, яна шу нарса маълумки, буюк француз мутафаккирлари Жан Жак Руссо ва Франсуа Вольтер ўз асарларининг кўпини ана шу кофехоналарда ёзишган.

Англияда эса, кофега қарши руҳонийлар ғалаён кўтаришган. Улар 1675 йили қирол Карл II га шундай ривоятнома ёзганлар: «Қаҳвахоналар жаҳаннамнинг дарчасидир, кимки кириб кофе ичаркан, қиёматда юзи қозондек қора бўлиб кўринади. Чунки кофе мусулмон ҳабашларининг қорақонига қора этикларини солиб қайнатмасдан ҳосил қилинган ичимликдир, кимки буни ичар экан, маҳшарда кўп оҳ уради...»

Лекин кўп ўтмай олимлар кофенинг фойдали эканлигини исбот этишгач, ўша руҳонийлар кофедан лаззатланшиб «маҳшарда оҳ уришларини» ҳам эсади чиқариб юборганлар.

XVII асрнинг врачлари «кофе ақлий қувват ато қилали» деган фикри олга ташлайдилар. Физиолог Малешотт бундай ёзади: «Кофе хотирани яхшилайди, бинор нарсани диққат билан кўриши ёки тинглашни кучайтиради, ижодкорни илҳомлантиради... Умрнинг ярмини бекорга ўтказадиган уйқуни ҳайдайди».

Франциядаги кофега аталган поэма, ашула ва кантаалар пайдо бўлади.

Лекин шуниси ёмон бўлганки, кофехўрлар жуда кўпайиб кетиб, Европа ва Америкада бу ичимликка

талаб ғоят ошади. Натижада тупроғида кофе ўсадиган мамлакатлар колония қилиб олиниб, аҳолиси оғир эксплуатация остида жуда азоб чекади. Ява, Шри-Ланка, Малгаш республикаси, Африка, Арабистон, Зоир республикаси, Кения, Ямайка, Бразилия, Мексика каби мамлакатларда йилига икки мартадан олинганд кофе ҳосили билан ҳам жаҳон талабини қондириб бўлмагач, савдогарлар иммитация ўйлаб чиқарадилар. Иммитация дегани ўхшатма. Ўрнига ўтадиган бошқа маҳсулот деганидир. Чунончи, мўмиёғга талаб кучайганда, капиталистлар асфальтни иммитация қилиб сотишган. Америкада бир вақтлар тухум етишмаганда, тошбақа, тимсоҳ ва ёввойи қушлар тухумидан порошок қилиб сотишган ва ҳоказо. Шунингдек, кофеининг иммитацияси сифатида цикорий ўсимлигининг меваси, дуб ёнғофининг мағзи, ер ёнғоқ ва қора булканинг қаттигини туйиб, элаки қилиб сотилган. Бундай сохта кофе складлари Гамбургда жуда кўп бўлиб, XIX асрга келиб, улар мусодара қилиниб, эгалари фош этилмагунча одамларни лақиллатиб, пулни ҳамёнга ураверишган.

Кофега талаб шунчалик ортиб кетишига сабаб нима? Бу неъматда бош оғригини қолдирадиган дори—кофеин бор. Кофеин дастлаб кофедан, сўнг чойдан олинган. Аммо, бу модда бошқа бирор ўсимлик таркибида мавжудлигини ҳанузгача аниқлангани йўқ.

Ая, Айва, Ҳайва

Гап дастурхонимиз кўрки, ажойиб мева бўлган беҳи тўғрисида боради. Тилшунос олимлар Маҳмуд Қошғарий асарида бу мева «авя» шаклида ёзилганини таъкидлашади. Рус, озарбажон ва турк тилида эса «айва» деб юритилади. Абу Али ибн Синонинг «Тиб қонунлари»нинг II китобида ушбу ёзувга кўзимиз тушади: «Беҳи сўзи форсча бўлиб, эски ўзбек тилида «ҳайва» дейилади.»

Қўйида биз ана шу неъматнинг инсонга фойдали томонлари тўғрисида фикр юритамиз.

Беҳи жуда қадимги мева дарахтларидан бўлиб, ватани Эрон, Кавказ, Туркия територияларидир. Жаҳонга, жумладан Ўрта Осиёга ана шу жойлардан таркалган. Дехқонлар беҳини 4000 йилдан ҳам кўпроқ

давр ичида экиб, парвариш қилиб келадилар ва мева-
сидан баҳраманд бўладилар.

Ўзбекистонда беҳининг 20 нави етиштирилади. Бу
мева консерва саноати учун энг яхши хом ашё ҳисоб-
ланади. Чунончи ундан қиём тайёрланади, нектар
олинади, шарбатини чиқариб, консерва қилинади. Тар-
кибида 75—80 процент сув, 8—15 процент шакар мод-
даси, 0,2 дан 1,5 процентгача А, Д, С витаминлари,
турли органик кислоталар мавжуд. Беҳида яна дубил
ва пектин моддалари сероб бўлгани учун у хушбўй
ҳидга эга.

Ўз таркибида витаминларнинг кўплиги жиҳатидан
беҳи олма, нок ва олчадан афзалроқдир. Кислота (яъ-
ни жавҳар) кўплигидан эса лимонга яқин туради.

Табобат илмининг бобакалони Абу Али ибн Сино
беҳининг шифобахшлиги тўғрисида қуйидагиларни ай-
тиб ўтган: «...чўққа кўмилган беҳи енгилроқ ва фой-
далироқ бўлади. У шундай пиширилади, ичини кавлаб
уруги чиқариб ташланади ва ичига асал солиб, устига
лой чаплаб қўрга кўмилади.

Беҳи терлашни тўхтатади...

...Беҳининг сиқиб олинган шарбати «тикка нафас
олиши» ва астмада фойдалидир. У қон туфлашини ҳам
тўхтатади. Уруғи эса томоқ қирилишида фойда қила-
ди ва ўпка найини юмшатади, шиллиғи ҳам ўпка
найини юмшатади.

..Беҳи қусишини тўхтатиша фойда қиласди, чан-
қовни босади, меъдани кучайтиради. Жуда ҳам камай-
ган иштаҳани кучайтириш учун беҳидан шарбат тайёр-
ланади. Бу шарбат яна меъдани кучайтириб, балғам-
ни ҳам тўхтатади...»¹.

Қўриниб турибдики, беҳи билан анчагина касаллик-
лар даволаб келинган. Беҳидан ўпка, меъда ва бошқа
органларни даволашда, гигиена нуқтai назаридан, ус-
тига лой чаплаб, қўрга кўмиш усулидан воз кечам-
изда, ўрнига духовкада ёки қасқонда пишириш усу-
ларини тавсия этамиз. Бунинг учун беҳи яхшилаб
ювилади ва ичи ўйиб олиниб «косача» ҳосил қилина-
ди. Ичига хоҳласангиз сарёғ, хоҳласангиз асал ёки
янчилган ёнгоқ мағзига шакар аралаштириб, ёхуд бо-
дом мағзи билан кишмишнинг гўшт қиймалагичдан

¹ Абу Али ибн Сино. Тиб қонунлари. II китоб, ЎзССР ФА наш-
риёти, 1956 йил, 467—468-бетлар.

ўтказилганини солиб тўлдирасиз. Ҳар бир беҳини лип-
копчага қўйиб, қасқон лаппагига жойлаштирасиз-да,
35—45 минут давомида буғлаб пиширасиз. Агар газ
духовкасида пиширмоқчи бўлсангиз, ликопчага сув
қўйиб, духовка патниси устига қўйинг. Тепадан таъ-
сир қиласидиган иссиқ ва ликопчадаги сувнинг буғи би-
лан ҳил-ҳил пишади.

Куз ва қиш ойларида паловга беҳи солиб дамлаш-
нинг ҳам катта физиологик аҳамияти бор. Агар тўй
паловларига беҳи солиб дамлаш урф бўлса эди, бун-
дан кўпчиликнинг сиҳат-саломатлигига катта наф те-
гарди.

Беҳи палов, беҳи жаркоп, беҳи димлама ва беҳи
мураббоси тўғрисида кўпчилик билса керак.

Ҳасрат табиб «Хусайн тұхфаси» шеърий рисоласи-
да беҳи тўғрисида шундай ёзади:

Совуқдир тўртинчи ўринда ҳарон,
Иккинчи ўринда қуруқ бегумон.
Мудом ичса ҳар ким майдеҳдан* агар
Меъдасига яхши куч-қувват етар.
Сиқилганда юрак ёзилар ундан
Қусқи келса уни қайтарар тандан.

Пиёз — етти дардга ниёз

Кундалик ҳаётда қуюқ-суюқ овқатларга солиб ёки
салатлар билан бирга қўшиб кўплаб истеъмол этиб
туриладиган пиёзнинг шифобахшлиги тўғрисида рус
халқининг мана шундай ажиб мақоли бор: «Лукот
семи недуг»

Баъзи табиатшунослар пиёз Нил дарёсининг бўйлари-
дан келиб чиққан деб ҳисоблайдилар. Йўқ. Эндиликда
аниқ фактлар билан исбот этилишича, пиёзнинг ватани
Тяншань тоғ ёнбағирларидир. Бу ерда «Суган тоғ» деган
жой ҳам бор, бу жойни Тяншанинг шарқий томонида
яшовчи халқлар «Дзунг-Линъ» деб юритишади, яъни
«пиёзли тоғ» деганидир. Тоғ ёнбағри ва текисликларда
ёввойи пиёзнинг яшил барглари қишин-ёзин гуркираб
туради.

Ўрта Осиё халқарида шолғомдай қаттиқ ёввойи пи-
ёздан узум сиркасига ботириб «Пиёзи анзур» деган та-
мадди тайёрлаш усули ҳозир ҳам бор. Бу ўлкада яшаган
ибтидоий одамлар териб-термачлашдан деҳқончиликка

* Майдеҳ — Беҳи шарбати.

ўтиш дәврларида ёқ пиёзни Фарфона водийсининг сугори-ладиган ерларига, Зарафшон ва Амударё қирғоқларида-ги жойларга энг яхши сабзавот сифатида экиб маданий-лаштиришган. Бу ердан Яқин Шарқ мамлакатлари, улар орқали эса Европага тарқалган. Америка қитъасига эса ниёз Хитой ва Япония орқали ўтган.

Ботаника фанининг тарихи ҳамда қадимий ёдгорлик-лар, қабр тошлари ва қояларга чизилган жуда кўплаб ниёз суратига қараб фикр юритадиган бўлсак, инсоният бу неъматни беш-олти минг йиллардан буён экиб келган-лигининг гувоҳи бўламиз.

Пиёзниг шифобахшилигини жаҳоннинг барча ҳалқла-ри билади. Дарҳақиқат, «Пиёз — етти дардга ниёз»дир. Гап шундаки, ниёз таркибида фитонцид леб аталувчи ач-чиқ ҳидли модда бор, мана шу модда атиги бир минут фурсат ичиди миллиардлаб бактерияларни қириб таш-лайди. Мисол учун: ёнғоқдакгина кичик бир пиёзни чай-наб-чайнаб, сўнг сўлаклар текширилганда оғиз бўшли-гида битта ҳам микроб қолмаганлиги аниқланган. Ёки олимлар ўтказган мана бу тажриба ҳам қизиқарли: идишдаги шўрвани заарли микроблар билан заҳарлаб, устига тўғралган пиёз сепиб қўйилган. Маълум вақт ўт-гач, оғатли бактериялар кўпайишдан тўхтаб, аста-секин қирила бошлаган, шўрва эса ейишга яроқли бўлиб қол-ган.

СССР Давлат мукофотининг лауреати, профессор Б. Н. Токин пиёздаги фитонцид моддаси микробларни-гина эмас, амёба каби бир ҳужайралиларни, ҳатто бақа, сичқон, каламуш каби ҳайвонларни ҳам ҳалок қилас-екан, дейди.

Халқ табобатида пиёз анчагина касалликларни даво-лашда қўлланилиши бизга маълум. Яъни қўрга кўмил-ган пиёзни пасотли ярага боғлаш, шамоллаганда, грипп-га йўлиққанда пиёзниг сутсимон сувини бурунга томи-зиб нафас йўлларини очиш ёхуд кўк пиёз қўшилган қатиқ уйқусизликдан халос этиши кабиларни эслатиб ўт-сак, пиёз ҳақиқатан ҳам шифо неъмат эканлигининг гув-воҳи бўламиз. Булардан ташқари пиёзниг турли навла-ридан юқори нафас йўлларининг яллиғланишида, сил, атеросклероз, астма, цинга, овқат ҳазмланишининг бу-зилиши, гижжаларга қарши курашда ҳам фойдаланил-ган.

Табобат илмининг бобокалони Абу Али ибн Сино дейдики, «...Пиёз латифлаштирувчи ва парчаловчиидир.

Бунда буруштириш, кетказиши ва кучли очиш таъсири бор...

Ейладиган пиёз турли сувларнинг заарини кетказади. Сасиган сувга пиёз пўчоғи ташлаб қўйилса ҳидини кетказади...

Суви бурунга томизилса, мияни тозалайди. Бошнинг оғирлашганида, қулоқ шанғиллашида, йиринг ва сув пайдо бўлганида қулоққа пиёз сели томизилади.

Пиёз суви кўзни равшан қиласди. Сариқ касалига ҳам пиёз фойдали.

Пиёз селини туз билан бирга қутурган ит тишлаган жойга суртилса фойда қиласди....»¹.

Пиёз сабзавот сифатида шолғомсимон, тухумсимон, кўп ярусли, қўк пиёз (барра), саримсоқ ва лукпор каби турларга бўлинади. Ҳар бири ўз навбатида ўнлаб навларга эга бўлиб, булар турли тупроқ ва об-ҳаво шароитларида ўстирилади.

Совет Иттифоқида пиёзнинг саксондан ортиқ навлари бўлиб, РСФСР да кўпроқ сомон сариқ ва камроқ нафармон рангли шолғомсимон навлари, Қавказда асосан нафармон ранглиси, Ўрта Осиёда эса оқ тухум пиёз, нафармон шолғом пиёз ва ноксимон сарғиши ва ўнлаб бошқа навлари етиширилади.

Пиёзнинг кимиёвий таркиби, эндиликда тўла ўрганилган бўлиб, унда кўп миқдорда шакар моддалари, азот, витаминалар (A, B, B₂, C), ҳар турли егулик жавҳарлар, минерал тузлар, фитонцидлар, ифори мойлар, ноазот (экстравитамин) моддалар ҳамда клетчатка (хужайра) моддаси мавжуд.

Ушбу фойдали моддаларнинг миқдори пиёзнинг нарави, ўстириш услуби, тупроқ таркиби, об-ҳаво шароити ва сақлаш методига боғлиқ бўлади.

Ўрта Осиёда экиладиган тухумсимон, шолғомсимон ва ноксимон пиёзларда ва саримсоқда юқорида санаб ўтилган моддаларнинг ҳаммаси тўла бор, чунки бу пиёзлар қуёш радиациясининг максимал фойдали таъсири остида ўсади. Қолаверса С ва В витаминалар саримсоқда, қўк ва лукпор пиёз баргларида икки баробар кўплиги аниқланган.

Пиёзнинг овқатда қўлланилиши жуда кенг бўлиб, уни хомлигича қайнатилган ҳолда, қовуриб ҳамда саб-

¹ Абу Али ибн Сино. Тиб қонунлари, II китоб, ЎзССР ФА нашриёти, 1956 йил, 122—123-бетлар.

завоётларни тузлани ва сиркалашпайдың күшиб истеъмол этилади. Пиёз таомларга лаззат бахш этади, овқатнинг яхши ҳазмланишига восита бўлади, меъда ширасини кўплаб чиқаради, иштача қўзғайди ва аъзоларга ором беради.

Пиёзиз тайёрланган таом тузсиз овқат каби ўта бемаза бўлар эди. Доим ва кўплаб пиёз еб юриш сиҳат саломатликнинг ва ички аъзоларнинг яхши ишлашига гаровдир.

Табиб Муҳаммад Юсуфий «Тибиий рисоласи»да пиёз тўғрисида шундай ёзади:

Овқатнинг ҳар куни сен
ташласанг кўп-кўп пиёз
Пуштга қувват бахш этиб,
дилда ҳиссинг қўзғатар.

Ҳаким Шоҳобиддин табибнинг «Сабзавотлар ҳақида»ги рисоласида ҳам:

Пиёз киши пуштини оширад
ўғлон,
Жигарга тозалаб берар
яхши қон.

дэйилган. Ҳар ҳолда «пиёз — етти дардга ниёз» деган рус халқининг мақоли бежиз айтилмаган экан.

Ошқовоқ — қишининг қовуни

Сершарбат қовун ва тарвуз хазанагидан сўнг резавор истеъмоли ошқовоққа кўчади. Маълумки, серёғ, сергўшт таомлар билан бирга резавор еб юришнинг ғоят муҳим физиологик аҳамияти борлиги ҳақида ҳурматли шифо-корларимиз кўп айтишган. Табобат илмининг бобокалони Абу Али ибн Сино: «Қовун танани тозалайди» деб бежиз ёзмаган.

Ошқовоқ ҳам, қовун ҳам битта ботаник оиласига — қо-воқгулдошлар оиласига мансубдир. Бироқ фарқи шуки, қовун сершарбат, мулойим, пиширмай еса бўладиган, таркиби шакар моддасига бой. Ошқовоқ эса қаттиқ, эти зич, хом еб бўлмайди. Аммо таркибини текширган олимларнинг айтишича, қовундаги шакар моддаси (асосан глюкоза, сахароза ва фруктоза) 6% дан 18% гача бўлса, ошқовоқдаги шакар моддаси 4% дан 12% гачадир.

Оқсил моддаси қовунда ҳам, ошқовоқда ҳам бир хил. Ҳужайра моддаси биринчисида 2 процент бўлса, ик-

кинчисида 1,5 процент. Кўриниб тўрибдики, улар ўртасида фарқ кам. Минерал моддалар (калий, кальций, фосфор, магний ва ҳоказо) ҳар иккаласида бир хил. Қовунда ҳам, ошқовоқда ҳам А, В₁, В₂, С витаминлари бор. Ҳар ҳолда витаминдорликка келганда ошқовоқда А ва С витаминлари мўлроқ.

Ошқовоқда яна аъзоларимиз учун зарур бўлган пектин моддаси ҳам бор экан. Уруғини айтмайсизми, ҳалқ табобатида гижжаларни туширадиган дори сифатида қўлланилганлиги маълум. Бунинг учун тивитларидан тозаланган уруғ намакобда ювилади ва қизитилган қозонга солиб, ковлаб-ковлаб қиздирилади. Осони духовка патнисига солиб қовурилса ҳам бўлаверади. Дорилиги шуки, доим еб юриш билан гижжалардан қутилиш мумкин ва оғиздаги қўланса ҳидни ҳам йўқотади.

Ошқовоқнинг ўттиздан ортиқ нави мавжуд. Турлари уч хил: смишлиқ, ҳашаки ва идиш-асбоб тайёрларидигани. Шу охиргисининг номи қовоқ. Ичи бўш, сирти ёғочсимон қаттиқ бўлганлиги учун уруғлари шилдирраб туради. Шаклининг ҳар хиллигидан фойдаланиб аҳоли ундан хурмача, ёғ идиш, чилим, носқовоқ, қошиқ, чўмич, ликоп, тўрқовоқ, чолғу асбоблари (карнай, ногора, дутор) кабилар тайёрлаган. Кейинги йилларда негадир қовоқнинг бу хили экилмаяпти. Идиш ва асбоб кўп ишлаб чиқарилаётгани учун унга эҳтиёж бўлмаса керак.

Ўзбекистонда ошқовоқнинг қуйидаги навлари экилади: дастор, сомса ошқовоқ, чилим ошқовоқ, картошка ошқовоқ, палов кади, А—бешинчи, бодоммазали, витаминли, каратинли, томоша қовоқ (патиссон), қовоқча (кабачка) ва бошқалар. Патиссон билан кабачканинг ёш мевалари консерваланган ҳолда истеъмол қилинади. Бошқа навларининг фақат етилганигина мазалидир. Бундан бизда ҳар хил овқатлар тайёрланади: манти, сомса, сутли суюқ ош, қаймоқ шўрва, ширгуруч, кадибийрон, ошқовоқ яхнаси, ошқовоқ балиш, мошқовоқ, қаймоқли пюре ва ҳоказо. Ҳатто қадимда паловга қўшиб ҳам пиширишган.

Абу Али ибн Сино ошқовоқ тўғрисида ажойиб фикрлар айтган:

«...Ошқовоқни қайнатиб шарбати ичилса, йўтал ва кўкракда пайдо бўлган оғриқни қолдиради...

...Хом (пиширилмаган) ошқовоқдан олинган шар-

батни бурӯнга томизӣш билан тиш оғриғини тӯҳтатиш мумкин...

...Ошқовоқ киши ошқозони учун ғоят фойдалидир, У намлантирадиган ва ҷанқоқии босадиган дорилардан биридир...

...Ошқовоқни қайнатиб, асал билан еса, нафи катта бўлади...»¹

Табиб Ҳаким Шаҳобиддин «Сабзавотлар ҳақида» номли шеърий асарида ошқовоқ тӯғрисида бундай ёзган:

Совуғу, бод қўзғар танда
 ошқовоқ,
Совуқ мижозлилар емасин мутлоқ.
Иссиқ мижозларга кўп фойда
 этар
Халқум билан танини яна юшшатар.

Ошқовоқни ёш гўдаклардан тортиб қарияларгача тез-тез еб туриши керак. Сутга қайнатилган ёки паллапалла қилиб қасқонда буғлаб қаймоқ суртилгани ҳам лаззат бахш этади, ҳам саломатлик ато қиласди. Мана шу овқатлар халқ табобатида ёш организмнинг тӯғри ўсишига ва қариган аъзоларнинг фаолиятини чўзишига восита бўладиган бир шифо тарзида истеъмол қилинган.

Эндиликда шифохоналаримизда ҳам ошқовоқ таомлари юрак-томир касалликлари билан оғриғанларга дори сифатида едирилмоқда. Бу яна гастрит, ошқозон жароҳати, буйрак хасталиги, йўтал, астма ва томоғи насотлаб бўғма бўлганларга ҳам шифодир.

Қовун ҳам шунақа. Ҳақиқай миришкор қўли билан этиштирилган тилни тилим-тилим қиласдиган қовун буйракдаги тошни майдалайди. Ошқовоқ эса қишининг қовунидир.

Ҳидсиз саримсоқ

Пиёзбошларга мансуб икки йиллик сабзвот ўсимлиги бўлган саримсоқнинг асли ватани Тяншань тоғларидир. Эндиликда у жаҳон пазандалигига жуда кенг тарқалган, чунки унинг таркибида углеводлар, оқсиллар, ҳужайра моддаси, ифори мой, витаминлар ҳамда

¹Абу Али ибн Сино. Тиб қонуилари. II китоб, УзССР ФА нэшрияти, 1956 йил, 450—451-бетлар.

минерал молдалар кўпдир. Саримсоқ пиёз таркибидан фитонцид деган аччиқ модда ҳам бўлганлигий сабабли бу сабзавотни доривор ўсимликка айлантиради-ки, айниқса грипп, ўпка касалликларида, ошқозон, ичак, буйрак хасталикларида, йирингли яраларни тузишда ҳалқ табобатида ундан фойдаланиб келинган.

Саримсоқнинг шифолиги тўғрисида Абу Али ибн Сино асарларида ҳам ажойиб фикрлар бор. Заҳириддин Бобурнинг шахсий табиби Юсуф бин Муҳаммад Юсуфийнинг «Тиббий рисоласида» эса саримсоқ ҳақида шундай дейилган:

Саримсоқ пишириб танавул қилсанг,
Эски йўталларга қилғуси у наф.
Агар нонуштада ҳомини есанг,
Қориндаги құртни айлагай у даф.

Шу қадар фойдали бу неъматни кўпчилик ҳомлиги-ча ейишни хоҳламайди, чунки унинг ўта қўланса ҳиди бор ва бирмунча вақт оғиздан буруқсиб туради. Бу эса кишининг ўзигагина эмас, балки суҳбатдошининг ҳам ғашига тегади. Пиширилган саримсоқнинг ҳиди анча қирқилса ҳам, барибир батамом йўқолмайди. Масалан, ўзбек пазандачилигига уни лағмонга, шўрвага, паловга солиб пиширилади. Унинг қўланса ҳиди сабабли ўзбек таомларида саримсоқ кам ишлатиладиган бўлиб, қолган. Аммо Япония, Корея, Хитой пазандалигига бу сабзавот жуда кенг қўлланилади ва ҳомлигича ҳам кўп истеъмол этилади.

Саримсоқнинг қўланса ҳидини пиширгандагина эмас, ҳомлигида қандай қилиб йўқотиш бир неча асрлардан бўён муаммо бўлиб келарди, жуда кўп уринишлар сира натижка бермасди.

Япониялик селекционер Цузуки Теки 1950 йилдан бошлаб ҳидсиз саримсоқ яратиш устида тинмай иш олиб боради. Бу борада у сунъий танлаш методини ҳам қўллади, пиёзгулдошларнинг бошқа турлари билан чатиштириб кўрди, турли хил ўғитлардан фойдаланиб ўстирди, тупроқнинг таркибини ўзгартирди, вулқоний кулга экиб кўрди ва ҳоказо. Минглаб тажрибалари 30 йил деганда, охири яхши натижка берди. У саримсоқнинг кимёвий таркиби, мазаси — барча фойдали хусусиятларни сақлаган ҳолда, аммо қўланса ҳиди йўқолган бир навини яратди. Бундай нав чой плантацияларида ҳар бир тупнинг қатор ораларига экил-

ганди ҳосил бўлар экан. Чой томири саримсоқ бошидаги, чой барглари саримсоқ баргларидағи қўланса ҳидни батамом нейтраллаштирар экан.

Ўзбекистонда чой экилмайди, лекин сиз қуруқ чой ҳам саримсоқ ҳидини йўқотувчи неъмат эканлигини ушбу тажрибада синаб кўришингиз мумкин: бир паррак саримсоқни хомлигича чайнанг ёки қора булка сиртига суртиб енг. Бунинг шарофати катта бўлиб, оғиздаги микробларни қириб ташлайди. Ҳидини йўқотиш учун эса бир дамлам қора чойни оғизга солиб шиминг, кейин чайнанг, лекин ютиб юборманг, сўнгра оғизни чайқсанг, вассалом, сассиқ саримсоқ ҳидидан асар ҳам қолмайди. Саримсоқ яхши неъмат, ҳидсизи ундан ҳам яхши.

Паловнинг жони

Сабзи олиб, сувга солиб, қайнатиб сўнгра уни Кимки еса асал билан бўлғай анинг тоза хуни.

Қадимги тиббий китоблардан олинган бу байтда сабзи одамнинг қонини тозаловчи бир неъмат эканлиги айтилади. Пазандалигимиизда сабзидан асал ёки шакар қўшиб мураббо тайёрлаш усули ҳам қадимдан маълум. Лекин паловнинг дони гуруч бўлса, қони ёғу, жони эса сабзидир.

Ҳамма ўсимликларнинг ҳам барги яшил бўлади, шу яшил барглар ичда сабzinики ўзига хосдир. Чунончи кўз китоб ўқишдан толиққан бўлса ва хиралаша бошлиса сабзи баргига тикилиб ўтирсангиз равшанлашади. Сабзи «сабза» сўзидан келиб чиққандир, яъни баргининг сабза-яшиллигига ишора. Сабзавот тушунчаси эса сабзидан келиб чиқадики, сабзи барча сабзавотлар орасида энг ажойиби ва фойдалиси ҳисобланади. Соябонгул дошлар оиласига мансуб бу икки йиллик ўсимликларнинг ватани Волга дарёсидан тортиб то Ўрта денгиз қирғоқларигача кенг майдон бўлган. Мана 4000 йилдирки инсоният сабzinи уруғидан экиб кўпайтириш, яъни маданийлаштиришни ўрганиб олган ва у барча мамлакатларга тарқалган. Ибтидоий термачлаш даврларида яшаган одамлар илдизмевали барча ўсимликларни, жумладан сабzinи ердан суғуриб олиб чайнаб кўрганлар, егулик нарса эканлигини аниқлаганлар. Шу ёввойи сансириқ томир дармонсизларга дори эканлигига фаросатлари етадиган бўлган.

Кейинчалик дәхқончилик келиб чиққанида уруғини юмшатилган ерга экиб, кўкартириб ёввойисига нисбатан йирикроқ ва мазалироқ бир неъмат яратгандар ажаб бир қашфиёт эди. Териб-термачлашдек кам унум фаолият ўрнига дәхқончилик каби серҳосил хўжаликнинг келиб чиқишига эҳтимол ана шу сабзи ва бошқа сабзавотлар сабаб бўлгандир. Кейинчалик ибтидоий дәхқонлар фақат сабзи ва сабзавотларнингина эмас, дондун, полиз экинлари ўстиришни ва боғ-роғлар парвариш қилишни ўрганиб оладилар. Улар кўп минг йиллар давомида ерга ишлов бериш, уни ўғитлаш, бегона ўтлардан тозалаш суғориш ва ер ҳайдашда от, хўқиз қаби ҳайвонлар кучидан фойдалана оладиган бўладилар.

Дәхқонлар ҳар қандай ёввойи ўсимликларни маданийлаштирганларида худди циркдаги ваҳший ҳайвон ўргатувчилар каби иш тутадилар, экинни тарбиялайдилар, тупроқнинг ва ҳар бир ўсимликнинг одамзотга қанчалик фойда келтиришини аниқлайдилар ва уни хоҳлаганича бошқарадиган бўлиб оладилар. Мисол учун ўша сабзи. Бунинг навлари эндиликда юздан ҳам ортиқдир. Шакли ҳам турлича: узунчоқ, юмалоқ, банди йўғон, учи учлик — конуссимон (мирзойи нави), учи тўмтоқ, бандининг йўғонлигига баробар бодринг тахлит (мушак сабзи), ясси юмалоқ шолғомсимон (карател нави) ва ҳ. к. Ҳажми жиҳатидан ҳам сабзи ҳар хил: унинг эрта баҳорда пишадиган бармоқдай келадиган майда 20—25 граммлиги ҳам бор. Лекин фақат Японияда ўсадыган айланаси косадай, узунлиги бир метрча, оғирлиги 15—20 килограммларни ҳам бор. Улкан сабзи стишириш гупроққа обдан ишлов бериш ва маҳсус ўғитлашга боғлиқ албатта. Япон сабзисининг агротехникаси қизиқ: ер 1,5 метр чуқурликда ҳайдалади (эксекватор билан чопилади), ўғит сифатида эса чавақ балиқларни янчиб вулқон кулига аралаштириб солинади ва жуда захлатиб экилади.

Сабзининг ранги ҳам турлича: бизда унинг сариқ ва оч қизил ранглиси бўлади, бошқа мамлакатларда редискага ўшаган оқ сабзи, пушти ва сапсар рангдагилари ҳам бўлади.

Халқимиз сабзини паловнинг жони дейишида албатта жон бор. Унинг химиявий таркибида ўрта ҳисобда 9—10 процент шакар моддаси, 1 процентгача ҳужайра моддаси (яъни сабзининг скелети) 1—1,5 процентга-

Ҷа азотли моддалар, бирмунча минерал моддалар ҳам мавжуд. Сабзи поливитамили сабзавот ҳисобланади, унда А витамини 7 процентгача, В —0,07 процентгача, В—0,6 процентгача, РР эса 0,2 процентгача ва анчагина С витамини бор. Қизил рангли сабзида шакар, азотли модда (оқсил), А витамини, тўқ сариқ сабзида эса минерал моддалар, С ва В группасидаги витаминлар кўпроқ бўлади. А витаминининг бир суткалик нормаси ҳар бир кишига 3 миллиграмм ҳисобида тўғри келади. Бу витамин ёғда яхши эрийди. Шу сабабли паловни сер-сабзи қилиб пишириш унинг шифолигини орттиради. Шифобахш серсабзи тўй паловига, Самарқанд ва Бухорода тайёрланадиган тўғрама паловлар мисол бўлади. Тўй паловига сабзи гуруч билан тенгма-тенг миқдорда солинади. Тўғрама паловда эса сабзи ҳам зирвакда пиширилади, ҳам алоҳида идишида бутунлигича қайнатилган сабзини сомонча шаклида тўғраб тайёр паловга гарнир қилиб берилади. Яна паловнинг «Мажнун палов» деб аталадиган қадимий хили ҳам бўлиб, буни дамлашда зирвакка сув эмас, сабзидан сиқиб олинган шарбат қуйилади. Ҳар ҳолда паловнинг тез ҳазмланиши ва парҳез хусусиятлари сабзига боғлиқ бўлади. Бу хил паловларни ёш гўдаклардан тортиб қарияларгача ва ҳатто bemорлар ҳам истеъмол қилса оғир ботмайди.

Илгари баъзи мурғак гўдакчаларни думба ёғли шўрвада қайнатилган ёки паловда дамланган бутун сабзи докага ўраб сўрдириб боқишишган. Қизиги шундаки, бу одатнинг илмий асоси эндиликда аниқланди. Франциялик олим В. Вильморен узоқ йиллар давомида сабзи ҳақида тадқиқотлар олиб бориб уни «сабзавотлар қироли» деган хulosага келади. Бу неъматнинг таркибида ҳали ўрганилмаган моддалар ҳам бор экан. В. Вильморенning фикрича сабзидаги барча мавжуд моддалар она сути таркибига тенглаша олар экан. Сабзининг хусусияти ҳақида иби Сино шундай дейди:

«Сабзи — ер кўки. Ҳиди ва чайнами ёқимлидир. Боғларда ўсадигани Рим петрушкасига ўхшайди, у мазали ва ҳиди ёқимлидир. Учинчи хилининг пояси кашнич япроғи каби бўлиб, оқ гуллайди. Боши ва меваси укропнинг боши ва мевасига ўхшаш бўлади. Уруг дони зира каби серуруғ бўлади. Ундан тайёрланган мураббонинг ҳазми енгилдир. Истисқо хасталикига (сув чечакка) фойда қиласи. Ёввойи сабзининг уруғи ичак

оғриқларини босади... Уруғи ва илдизи бўғоз бўлишнинг қийинлигига фойда қиласди»¹.

Халқ табобатида сабзидан анчагина касалликларни даволашда фойдаланиб келинади. Чунончи, ёғлиқ гўшт билан қайнатилган сабзи юрак-қонтомир ва ошқозоничак касалликларида парҳез қилинади. Сабзи мурабобси сариқ касали ҳамда жигар ва буйрак хасталигига дори бўлади. Сабзи шарбати дармонсизланиш ва камқонликда қўлланилади. Ўзингиз ҳам неча бор синааб кўргансиз: бир дона хом сабзи жифилдон қайнашини тўхтатади.

«...Бир туп турп турипти...»

Турпни кўп егилики танда балғамни даф қилур,
Гар йўтал бўлсанг ўшанга дори бўлгай — наф қилур.

Мана шу ажойиб сабзвотни етишириб берган деҳқонларимизга минг раҳматки, серсув, нокдаккина турпдан кўп баҳраманд бўламиз. Лекин шу неъматнинг тарихини, химиявий таркибини, шифолик хусусиятларини ҳам билиб қўйишимиш керак.

Турп бутгулдошлар оиласига мансуб икки йиллик, илдизмевали, кўкат ўсимлиги дейишади ботаниклар. Унинг асли ватани Япония бўлиб, тақрибан 300 йил муқаддам Ўрта Осиёга келтириб экиладиган бўлинган. Буни «шарқ турпи», «дунган турпи» деган ном билан атаганлар. Аммо қарийб бир аср илгари у «Марғилон турпи», «Олтиариқ турпи» каби янги номлар олди. Чунки Фарғона водийсининг ана шу ерларининг тупроғи ва суви тури етишириш учун жуда мос келиб қолган: ҳосили ҳам яхши, энг муҳими таъми лазиз, тахирлиги ҳам аччиқлиги ҳам мутглақо йўқ бўлиб, нозик эти сувликкина, картиллама, ширин бўлади. Пўчоғи яшил тусда, эти оч яшил, оқишироқ, ҳиди унча билинмайди, аммо қирганда ва қирғанда бу ҳиди сезилади, уни совуқ сувга ботириб, сўнг ювиб юборилса бу ҳид йўқолиб кетади. Бундай турпни еган киши ҳузур қиласди. Фарғона водийсидан бошқа жойларга экилган турп негадир аччиқ таъм, тахир мазага эга бўлиб, эти ва сирти оқ, дағалроқ ҳиди қўланса бўлади ва кишида иштаҳа қўзғатмайди.

¹ Абу Али ибн Сино, Тиб қонунлари, II китоб, 1956 й, 179-180-бетлар.

Шарқий Осиёда турпнинг пўсти ҳам, эти ҳам қипқизил, худди помидорга ўхшаган нави етиштирилади. Унинг оч сариқ ранглиси ҳам бўлади. Шулардан энг сараси япон нави бўлиб, у Сакурадзима оролида етиштирилади ва ҳар бир донаси 20 килограммгача тош босади. Баъзи олимларнинг фикрича турп Ўрта денгиз ҳавзаси, қадимги Греция, Рим ва Мисрда бундан 5000 йил муқаддам ҳам экилганлигини қайд қилишади. Бу фикр ҳам тўғри, лекин у ерларда ўстириладиган ўзига хос мустақил нав бўлиб, пўсти қора, эти оппоқ, мазаси аччиқроқ бўлади. Турпнинг ана шу аччиқлигига ҳам бир манфаат бор. Қора турп Европа мамлакатларида ҳанузгача ҳам экиласди, хивиявий таркибида минерал моддалар, дармондорилар ва беқарор аминокислоталар кўп бўлганлигидан сиқиб олинган суви пешоб ҳайдовчи дори сифатида аптекаларда сотилади.

Турпнинг турли мамлакатларда ўстириладиган турли навларининг таркиби ҳам турлича бўлади, албатта. Шулардан ўрта ҳисобда олиб қарасак: 86—87 процент сув, 1—1,5 процент ҳужайра моддаси, 1,5—2 процент оқсил, 0,5—1 процентгача шакар моддалари, бирмунча минерал тузлар, калий, кальций, фосфор, магний, марганец, темир, микроэлементлардан эса йод ва кобалт бор. А витамини жуда кам, В витамини сира йўқ, аммо С витамини 40 миллиграмм процент бўлиб нақ лимонга teng ва бодрингдагидан 8 марта кўп. Турп таркибида ферментлар ҳам бўлиб бу неъматни foят ҳазмли қилаади. Жуда ёғли овқатлар билан ейилган турп аъзоларимизда модда алмашинувининг бузилишидан сақлайди. Турпнинг ҳидли бўлиши ҳам унинг ёмон сифати ҳисобланмайди. Бу унинг таркибида ифори мойлар борлигидан дарактир. Глюкозоидлар билан бирлашган ифор мойи турпнинг ўзига хос мазасини билдиради.

Албатта турпнинг химиявий таркиби фақат бизнинг давримиздагина ўрганилди. Қадимда турп минглаб марта синовдан ўтказилиб у ёки бу дардга даво эканлиги аниқланган. Олимлар ўз фикрларини кўпинча наср билан эмас, назм билан баён этганларки, у хотирада узоқ сақланган. Масалан, «Мажмуи ҳикоят ва тиб» китобида назмий мулоижалар берилган бўлиб, унда турп тўғрисида бундай байтлар бор.

Гар саримсоқ пишириб турп уруғи бирлан киши,
Еса буйрак тошидан бўлмас анинг ҳеч ташвиши.
Ёки:

**Ҳар кишининг оғзидан сув оқибон дод айлагай,
Турпни туз бирлан қўшиб еснини, озод айлагай.**

Энди Абу Али ибн Синонинг «Тиб қонунларига» мурожаат қилсак, унда аллома ёзади: «Гурпнинг сиқиб олинган суви ва уруғининг ёғи қулоғдаги ел (бод) га жуда фойда қиласди... Суви кўзга томизилса, тозалайди. Турпнинг қайнатилгани эски йўталга ва кўкракда тўплланган қуюқ қаймусга фойда қиласди... Турп овқатдан кейин ейилса, ични юмшатади». Ибн Сино турпни заҳарларга қарши дори эканлигини алоҳида таъкидлаб ўтади. «Турп афо илони чаққанда фойда қиласди. Агар турпни қириб чаённинг устига қўйилса, чаён ўлади. Турп суви синаб кўрилганда бу жиҳатдан яна кучлироқ бўлиб чиқди. Турп еган кишини чаён чақиб олса зарири унча бўлмайди». Турпнинг бу хусусияти нимада эканини ибн Сино фақат тажриба қилиб билган, бироқ чаённи ундаги қайси модда ўлдиради. буни билмаган. Эндиликда совет олимни Б. П. Токин турп таркибидаги бундай модда фитонцид эканлигини илмий асослаб берди.

Турпнинг ҳосияти жуда кўп. Унинг бошқа томонларини қадимги табиблардан Юсуф бин Муҳаммад Юсуфий ҳам синаб кўрган. У ўзининг «Яхши нарсаларнинг фойдалари» номли тиббий рисоласида бундай ёзади:

Турп есанг йўгалга яхши даводир,
Нешоб равон бўлар, кўз эса равшан.
Белга куч-қувват ато қиласди,
Мум бўлсанг, гўёки бўласан оҳан.

Саккара, суккар, шакар...

Кўпгина кашфиётлар сингари қанд ҳам тасодифий кашф қилинган. Одамзод қандсиз яшай олмайди, негаки ширинлик бошқа таомларга нисбатан жуда тез ҳазм бўлиб, қонга яхши сўрилади. Шунинг учун ҳам ақлий ва жисмоний меҳнат қилувчилар, ёш гўдаклар ҳамда қариялар ширинлик истеъмол қилиб турмасалар, дармонсизланиб қолишлари мумкин.

Баъзи физиологларнинг фикрича, узоқ вақт қанд емаслик ҳатто фикрлаш қобилиятини ҳам сусайтирап экан. «Ундай бўлса, қанд кашф қилингунга қадар одамлар нима еб тирикчилик қилишган?» деган савол туғилади. У пайтда кўпроқ ёввойи ҳолдаги асал ейилган. Турли масаллиқларнинг таркибидаги глюкоза, фруктоза,

сахароза крахмал ва бошқа умумий номи карбонсув деб аталувчи моддалар танаввул этилган. Бундай модда ҳамма меваларда: узумда, қовун-тарвуз, нон, гуруч, картошка, маккажүхори, ошқовоқ, лавлаги, қўйингчи, истеъмол этиладиган ўсимлик масаллиқларининг кўпчилигида мавжудdir. Қанд моддаси яна қўқон жўхори ва шакарқамиш поясида ҳам кўп бўлади.

Қанд дастлаб Ҳиндистонда кашф қилинганд. Лекин қачон кашф қилинганлиги номаълум. Аммо ҳиндтилида қанд «саккара» деб аталади, шундан ўзбекча «шакар» ва русча «сахар», арабча ва немисча «суккор» атамалари келиб чиққанлиги юқоридаги фикрнинг далилидир.

Фотиҳ Исқандар Зулқарнайн лашкарлари Ҳиндистон тупроғини топтаб юрганларида ҳиндлар қандайдир бир қамишини янчиб, қайнатиб шинни олиб, уни оппоқ қандга айлантиришларининг гувоҳи бўладилар. Аскарлар орасида Теофаст исмли бир ботаник бўлиб, шакарқамишнинг тузилиши, биологияси ва қандай иклимий шароитларда ўсишини дастлаб қаламга олади. Шундан бошлаб қанд Европага келтирилади. Айниқса, чой, кофе, какао ичиш одат бўлгандан кейин қандга талаб ғоятда ортди.

Ибн Синонинг бу неъмат ҳақида ҳам айтганлари бор: «Суккарқамиш шакари... юмшатувчи, тозаловчи ва юувучи... Тозалаш ва жило беришда шакар асалдан қолишмайди. Шакар эскирган сари латифлиги орта боради... Елимга ўхшатиб қамишдан олинган шакар кўзни тозалайди... Кўкракларни юмшатиб ғижжилашни кетказади... Шакар тиқилмаларни очади»...¹

Сут ва унинг шифолиги

Сут нима? — деган саволга оддийгина қилиб «эмизувчи ҳайвонлардан соғиб олинадиган оқ рангдаги суюқлик-да» — деб жавоб бериб қўя қолиш мумкин. Аслини олганда эса сут инсон организми учун жуда зарурдир. Тўғри, шу оқ суюқликнинг 87% и сувдан иборат, аммо қолган 13% и оқсил, ёғ, шакар, минерал моддалар ҳамда витаминлардан ташкил топган. Инсон организми учун зарур бўлган олтига модда сут таркибида мавжуд. Идишга соғилган сут бир оз тиндириб қў-

¹ Абу Али ибн Сино. Тиб қонунлари, II китоб, 457-бет.

йилса, «бет олади» — широбча ҳосил қиласди. Олимтар ана шу широбчани микроскоп остига қўйиб кузатгандаридан унда жуда майдашарчалар мавжудлигини пай-ҳадилар. Бир томчи сутдаги мавжуд юз миллиондан ҳам кўпроқ ана шу доначалар ёғ эканлиги маълум бўлди. Сутни бир оз ачитиб қайнатилса кўкимтири сувга ва пахтасимон оппоқ парчаларга ажралади. Ана шу парчалар оқсил моддаси бўлиб олимлар буни козеин деб атадилар. Сутда яна альбумин ва глобулин номи билан аталган оқсиллар ҳам бор.

Оқсил — ҳаётимизнинг асоси, бу неъматнинг ўрнини ҳеч нарса боса олмайди. Ҳаёт нима? — деган саволга Ф. Энгельс шундай жавоб қиласган эди: «Ҳаёт — оқсил жисмларнинг яшаш усулидир, бу яшаш усули эса ўз мояддияти билан мазкур жисмларнинг кимёвий таркиби қисмларининг доимо ўз-ўзини янгилаб туришидан иборатдир... Биз ҳаётни учратадиган ҳамма ерда ҳаёт бирон-бир оқсил модда билан боғлиқ эканлигини кўрамиз»¹. Бир литр сутдаги оқсил саккизта тухум оқсилига баробар келар. Қатиқда гўшт ва балиқдагидан кўпроқ оқсил бор. Сут-қатиқ оқсили нон ва бошқа барча оқсилли масаллиқлардан кўра тез ва осонроқ ҳазм бўлади.

Сутда яна шакар моддаси ҳам борки, буни билиш учун сут зардоби узоқ қайнатилади ва у қуйилиб оч жигар ранг тусга кирганда оловдан олиб музлатилади. Маълум муддат ўтгандан кейин у майда, новват ранг кристалларга айланади. Мана шу модда сут қанди — лактозадир. Зардоб олимларга кўп моддаларни аниқлашга ёрдам берган. Ҳалиги кристаллга айланган зардобни яна оловга қўйилса уқаланиб кукун ҳолига келади. Анализ қилинса унда бир оз оқсил, ёғ ва шакардан ташқари яна темир, алюминий, магний, кальций, фосфор ва ош тузлари мавжудлиги аниқланган.

Сутнинг бешинчи таркиби қисми витаминалардир. Сут биокимёвий анализ қилинганда таркиби А, В, С, Д витаминаларга бой эканлиги аниқланган. Ёзда яхши кўкатларни еган сигирлар сutiда витаминалар бундан ҳам кўп бўлади.

Сутнинг олтинчи таркиби қисми — сувга яна қайтамиз. Бунда водопровод суви ёки тоза булоқ сувини тушунмаслик керак. Сут суви энг соф химиявий сув

¹ Ф. Энгельс. Анти-Дюринг, «Ўзбекистон» нашриёти, 1983 й. 77-бет.

(H₂O) бўлиб, ҳалиги беш хил молдани ўзида ажойиб тарзда синтезлайди. Сут сувисиз биз ўша моддалар мазасини билмаган бўлар эдик.

Сутнинг таркибий қисми ҳали тўла ўрганилган эмас. Аммо одамлар сутни жуда қадим замонлардан буён истеъмол қиласидилар. Россияда, Украинада, Қозоғистонда, Кавказда, Ўрта Осиёда, Монголияда, Арабистонда, Грецияда, Ҳиндистонда ва бошقا кўпгина чорвачилик билан азалий машғул бўлган мамлакатлар териториясида олиб борилган археологик қазилмалар натижасида топилган сут солинадиган, қатиқ ивтиладиган, пишлоқ тайёрланадиган идишлар ва сут эмизувчи ҳайвонлар суюкларига қараб сутни одамлар беш минг йил муқаддам ҳам истеъмол қилганлар, деган холосага келинди. Бизга тарихдан маълумки, ибтидоий чорвачиликни бошлаган одамлар дастлаб сут эмизувчи ҳайвонларни қўлга ўргатилганда улардан олинадиган сутни кўзлаб эмас, гўшт, ёғ, тери, жунуни кўзлаб ҳамда кучидан фойдаланиши кўзлаб иш кўрган бўлишлари керак. Бузогини эмизиб турган сигирни ибтидоий аждодларимиз ҳам эмиб кўрган бўлишлари ва сутнинг нақадар лаззатли ва фойдали неъмат эканлигини билб олган бўлишлари ҳам мумкин.

Ф. Энгельс ёзади: «Эҳтимол, орийлар билан семитлар кўзга яққол ташланадиган даражада ривож топганликларини бу икки ирқнинг гўшт ва сутни кўп истеъмол қилганлиги ва гўшт билан сут болаларнинг ўсишига жуда яхши таъсир қилганлигидан келган деб билишга тўғри келар. Дарҳақиқат, нуқул ўсимлик овқат билан деярли қорин тўйдиришга мажбур бўлган Янги Мексика Пуэбло ҳиндиларининг мияси варварликнинг қуи босқичида турган ва лекин гўшт билан сутни кўпроқ истеъмол қиласидиган ҳиндиларнинг миясига қараганда кичикроқ»¹.

Сутнинг шифобахшлик хусусиятини дастлаб бундан 2500 йил муқаддам машҳур грек табиби Гиппократ кашф қиласан. Бир зодагон йигитча буйрак касалига гирифтор бўлганида Гиппократ унга «Наҳорда сут ичгин, тушликка ҳам сут ич, кечқурун ҳам сут ич—шифо то-

¹ K. Маркс, Ф. Энгельс. Танланган асарлар, II том, Т., 1959, 200—201-бетлар.

пасан,— дейди. Аввалига эшак сутининг сувга аралаштириб ичишни, 10 кун ўтгач фақат сигир сути ичишни тавсия қиласи. 1 ойга қолмай касал тузалиб кетади.

Гиппократ ёлғиз буйракнигина эмас, асабий касалликларни, ошқозон-ичак, юрак ва қонтомир касалликларни ҳам сут билан даволаган.

Қадимги Мисрда палаж касаллигини эшак сутидан илиқ ванна қилиб тузатишган. Сутнинг шифолигини биз шарқ табобатининг бобокалони Абу Али ибн Сино асарларидан ўқиймиз: «Сут уч хил моддадан таркиб топган: сувлилик, оғиз ва ёғ моддасидан. Сигир сутида ёғ моддаси кўп бўлади. Туя сутида ёғ ва оғиз моддаси оз ва ўзи жуда суюқ бўлади. Эчки сути эса мўтадиллар. Кўй сути қуюқ ва ёғли, аммо сигир сути ундан ҳам қуюқроқ ва ёғлироқ бўлади. Бия сути эса туя сутига ўхшаш суюқ ва сувли бўлади»¹.

X—XI асрлар бўсағасида яшаган ибн Сино Бухоро атрофида маҳсус майдонлар танлаб унга турли доривор ўсимликларнинг уруғини септирган ва униб чиққан ўтлар билан сигирларни боқтирган. «Сут берувчи ҳайвон яхши ўтлар билан боқилиши керак»— дейди аллома. Сўнгра «Бўғозлик даври хотинларнинг ҳомиладорлигидан узоқроқ ёки озроқ чўзилган ҳайвонларнинг сути ёмон бўлади. Шунинг учун бўғозлик муддати жиҳатидан инсонга яқин турган ҳайвоннинг, масалан, сигирнинг сути энг яхши ҳисобланади»². Абу Али ибн Сино сутнинг моҳияти, табиати, хоссалари тўғрисида гапириб унинг инсон озиқланиш аъзоларига, шиш ва тошмаларга, жароҳат ва яраларга, бўғинларга, бош аъзоларига, кўз аъзоларига, нафас аъзоларига шифолиги ҳамда иситма ва заҳарларга қарши даволиги тўғрисида жуда кўп ёзган. Биз булардан фақат баъзиларнингина келтириш билан кифояланамиз: «сут кекса кишиларга уларнинг табиатида ҳўллик (мижоз) ҳосил қилгани учун ва уларда бўладиган қичимани йўқотгани сабабли фойда қиласи. Аммо уларнинг сутни ҳазм қилишларига асал билан ёрдам бериш керак. Сут кўпинча ўз ишини ични суриш ва ичаклардаги чиқин диларни чиқариб ташлашдан бошлайди... Сутни шакар билан ичилса, юзнинг рангини, айниқса хотинларни чиройли қиласи... Сут қуруқ мижоздан бўладиган ғамгин-

¹ Абу Али ибн Сино. Тиб қонунлари. Содда дорилар тўғрисида. II китоб, ЎзФА нашриёти, 1956 йил, 362-бет.

² Уша ерда.

лик ва васвасага ҳамла эсда сақлай олмаслик касаллигін га (склерозга) яхши даводир... Қўй сути эса қон туфлашга кўпроқ фойда қилади. Сут ўпка яраси ва силга қарши ишлатиладиган дорилардандир. У билан оғиз чайқаш ва гаргара қилиш томоқ оғриққа, томоқ шишига, тилчанинг ва бодомсимон безларнинг шишларига фойда қилади... Туя сути астма ва нафас қисишига фойда қилади... Сувли қисми кетгуңча қайнатилган сут ични қотиради ва қонли ич кетишини тўхтатади. Туя сути ҳайз қонини ҳайдайди, сигир сутининг айрони эса сафроли ич кетишда фойда қилади... Қайнатилган қатиқ сафро ва қон аралаш ич кетишини тўхтатади¹.

Жуда кўп халқларда янги соғилган эчки ва қўй сутлари, сигир сутидан қатиқ ивитиб, туя сутидан қимрон ва бия сутидан қимиз тайёрлаб жуда хилма-хил касалликларни даволаб келинади.

Доривор ўсимликлар едириб боқилган ҳайвон сутига не етсин. Бу унутилган удумни ҳозирда ҳам бир синааб кўриш керакдир, балки. Лекин ҳар ҳолда чўл ва тоғларда ўсган ва қуёш радиациясини ўзига яхши сингдириб фотосинтези нормал бўлган ўсимликларни еган ҳайвонларнинг сути энг шифобахшдир.

Қалампир ва мурч

Таомларимизни хушхўр қиласидиган, иштаҳабахш ана шу зираворлар тўғрисида анчагина китоблар ёзилган бўлиб, илмий ишлар ҳам олиб борилмоқда. Бу асарларнинг кўпида бундай зираворларнинг зааридан кўра кўпроқ фойдали эканлиги тўғрисида маълумотлар бор.

Абу Али ибн Сино узунчоқ қалимпирни «дар фул-фул» деб атайди. Қалампирни у энг содда дорилар қаторига қўшиб «учинчи даражали иссиқлик ва иккинчи даражали қуруқ нарса» дейди. Қалампир «... Эритувчи ва совуқдан бўлган касалларни кетказувчи... Эчкининг қовурилган жигари сели билан бирга қўшиб истеъмол қилинса шаб кўрлик касалига нафи бор... Ҳазм қилдиради, сингдиради ва меъданни қувватли қиласиди².

¹ Абу Али ибн Сино. Тиб қонунлари, II китоб, ЎзССР ФА нашриёти, 1956 йил, 363, 364, 365, 366 ва 367-бетларидан терма қилиб олинади.

² Абу Али ибн Сино. Тиб қонунлари. II китоб, ЎзССР ФА нашриёти 1956 йил, 192—193-бетлар.

Абу Али ибн Синонинг қалампир тўғрисида айтган фикрларидан шу нарса аниқ бўладики, айни зиравор албатта дори нарса, бироқ у касал кишига эмас, балки соғлом одамларгагина доридир. Ошқозон ва ичак касалларига чалингандар, ҳомиладор ва эмизикли аёллар буни вақтингча емай туришлари керак. Аммо шамоллаган одамларни терлатишда қалампирнинг фойдаси зўр.

Келинг, энди мурч билан яқиндан танишайлик. Бунинг учун пича унинг тарихига мурожаат этайлик. Ушбу неъматнинг асли ватани Ҳиндистон, Шри Ланка ва Ява оролларидир. Ўрта асрларда мурч олтин каби қимматбаҳо бўлган.

Географик кашфиётлардан Васко де Гама, Магеллан, Колумб кабилар фаолиятининг бир чеккаси «Зираворлар ороли» бўлган Ҳиндистонга энг қисқа йўл топиш эканлигини ҳам ҳисобга олайлик-а!

Нима учун мурч шу қадар қимматли? Бу саволимизга ҳам табобат илмининг бобокалони бундай жавоб қиласди:

«...Фулфул — мурч» шифоларнинг шифоси бўлиб, иссиқлиги ва қуруқлиги тўртинчи даражададир...

... Мурчда тортиб олиш, сўриш ва тозалаш хусусиятлари бор. Уни майизга қўшиб чайналса, аъзолардаги ҳар қандай шилимшиқ моддани чиқариб юборади, у оғриқни босадиган ва нервларни иситадиган воситалардан ҳисобланади ҳамда тамомила соғлом кишилар учун нафи тегади...

... Сода билан бирга қўлланилган қора мурч баҳак касалини даволайди. Мурч семиз одамни оздириш хусусиятига ҳам эга.

... Асаб ва мушак тўқималарини қиздиришда бунга етадиган дори йўқ...

... Сиркага қўшилган мурчнинг тишларга ҳам фойдаси бор...

... Яланадиган дориларга қўшиб ишлатилган мурч йўтални ва кўкракда пайдо бўладиган оғриқни қолдирди... Уни асалга қўшиб танглайига босилса, ангинани даволаб, ўпкани ҳам тозалайди.

...Мурч овқат ҳазм бўлишига ёрдам қиласди ва иштаҳани очади: уни янги узилган лавр япроғи билан бирга ичилади. Бу ичакларда пайдо бўладиган санчиқни ва қорин шишиб кетишини тўхтатади. Қора жи-

гар шишиб кетса мурчни сиркага қўшиб ичиш ёки суркаш билан даволанса бўлади...¹

Демак, қалампир билан мурч зираворгина эмас, балки доривор ҳам экан. Бироқ Абу Али ибн Сино айтганларига асосланиб, ҳар ким ўзича дори тайёрлашини маслаҳат бермаймиз. Йигаки, ҳар қандай дорининг ҳар қайси касал учун аниқ мсъёри бўлади.

Узбек пазандалигида ҳам қалампир билан мурч хушхўр қилувчи масаллиқ сифатида салатлардан тортиб шўрва, суюқ ошларга, қовурма, палов ва шовлаларгача кенг қўлланилади. Ҳатто янги узилган қизил қалампирни жizzга билан чопиб қатирмага ва патирларга солиб пиширилади. Нўҳат хўрак, яхна гўшт, каллапоча каби таомларининг юзига мурч, туз ёки қалампиртуз аралашмаси сепилади.

Халқ табобатида эса қалампир билан мурчдан айрим парҳез таомлар ҳам тайёрланади. Масалан, қокурум —тоби қочиб бўшашган кишиларга майда тўғраган пиёс ва қалампир қўшилган қатиқни қайноқ сувга ийлаб ичирилади. Қаттиқ шамоллаган одамни терлатиш учун эса памил чой билан бирга мурч дамлаб ичирилади. Айрим жойларда донадор мурчнинг ўзини чойнакка дамлаб асал билан ичадилар. Сира иштҳаси йўқ одам қалампир талқонга белангтан сузма ёки қуртоб еса нафи тегади. Туйилган мурч ёки қалампир талқонни янчилган саримсоқ билан бирга доғлаб ёққа қориштириб тайёрланган лозижон ҳар қандай оғир хамир таомларнинг ҳам тез ҳазмланишига ёрдам беради.

Хуллас, соғлом одамлар учун қалампир билан мурчнинг зааридан кўра фойдаси кўпроқ.

Сирканинг хосиятлари

Овқатларга зиравор сифатида сепиб истеъмол этиладиган бу суюқликнинг тайёрланиши қуидагича:

Боғда чумчуқ чўқиган, ари еган, эзилган ва умумистеъмолга яроқсиз узумларни сирли хумчага шингил-шингили билан солиб борилади ва устини дока билан ёпиб, кўланка жойга бир мавсум тиндириб қўйилади. Идишга пича ачитқи, яъни эски сиркадан қўйиб қўйилади. Узум ачиб-бижғиб «қайнай бошлайди».

¹ Абу Али ибн Сино, Тиб қонунлари, II китоб, 1956 й., 500—501-бетлар.

Кузга бориб уши эзиб шарбати 3—4 марта сузилатида, тоза шишаларга қўйиб, оғзи маҳкам бекитилади. Бу қизил сирка бўлади.

Оқ сирка қўйидагича тайёрланади: ёғоч бочкага буқ дарахтининг қипиқ ва қириндилари солиниб, устидан таркибида сирка ачитувчи бактериялари бўлган сирка суюқлиги қўйилади. Микроорганизмлар бочканинг ҳаво тегиб турадиган устки қисмида «фаолият кўрсатадилар». Бочканинг остида эса маҳсус тешикча бўлиб, тайёр сирка шундан томиб-томиб туради. Бу 6—9 процеентли оқ сирка бўлади. 80 процентли сирка эсценциясини эса ҳар хил ёғочлар қипиғидан ҳаво кирмайдиган идишга солиб қиздириб ва бошқа кимёвий усувлар қўллаб тайёрланади.

Қизил узум сиркаси пазандаликда палов, манти ва бошқа овқатларнинг юзига севалаб ейиш, кабоб гўштини сиркалаш (мариновкалаш) учун ҳамда бадҳазм овқатларнинг тез ҳазм бўлиши учун қўлланилади. Оқ сирка эса консерва саноатида сабзавотларни сиркалаш, сиркаланган селёдка балиқ тайёрлаш ишларида қўлланилади.

Шуни ҳам эслатиб ўтиш зарурки, сиркани кўп истеъмол қилишнинг саломатликка зарари бўлади. Шу сабабли, нордонлик даражаси 5,5 процентдан ортиқ бўлган сирка санитария қоидалари бўйича ман қилинади.

Қизил узум сиркасининг зарари йўқ, аксинча ибн-Сино таъбири билан айтганда «...сиркани қон кетишига қарши ичилади ёки қон бадан ташқарисидан оқаётгаш бўлса, у қўйилади, шунда у қонни тўхтатади, қаерда бўлмасни пайдо бўлган шишни қайтаради, ҳазм қилишга ёрдам беради ва балғамга қаршилик кўрсатади. Сирка сафроли кишилар учун фойдали ва савдоли* кишилар учун заарлидир»¹. Юсуфий табибининг шеър билан ёзилган тиббий рисоласида бундай дейилади:

Истеъмол қилинса
сиркадан сафро,
Йўқолур ташниалик
кам бўлар ҳар он,
Оғриқдан бутунлай
халос қиласди,
Чаён чаққан жойга
суркалган замон.

* Савдо — қора сафро.

¹Абу Али ибн Сино. Тиб қонунлари, II китоб, 1956 йил, 654-бет.

«Мажмуаи ҳикоят ва тиб» китобида ҳам сирка тӯғрисида шундай байт бор:

Қайси аъзони совуқ урган бўлса бўлғай даво.
Сирка-ю кашнич сувини суркаса яхши даво.

Зарчава

Сап-сариқ порошок ҳолдаги бу зиравор Ҳиндистон ва Афғонистонда ўсадиган бир турли бута ўсимлиги-нинг томиридан тайёрланади. Номи форсча «зар» ҳамда «чӯба» сўзларидан таркиб топган бўлиб, «олтин чўпак» маъносини англатади. Бута томири қазиб олиниб, яхшилаб ювилади, офтобда қуритилгач, махсус усулда қовурилади, сўнг уни туйиб, элакдан ўтказилиди.

Узбек пазандалигида зарчава фақат палов гуручини бўяшда таом бўёғи сифатида қўлланилади. Тўйларда, жамоат овқатланиш корхоналарида кўпчилик учун дамланадиган паловнинг кўриниши сап-сариқ, тилла ранг эканлигига аҳамият бергандирсиз. Зарчава порошоги иссиқ сувда ивитилади, гуручни ювиб юборилгач, шу сариқ суюқлик қуилади, у оппоқ гуручни дарҳол сап-сариқ туслага бўйди.

Ҳиндистонда буни жуда кўп овқатларга, ҳатто ширгуручга ҳам соладилар.

Иbn Сино зарчавани «Уруқ ус-сабағин» деб арабча атамасини келтиради, унинг маъноси бўёқчилар илдизи демакдир. Унда кучли тозалаш хусусияти бор. Уни чайнаш тиш оғриғига фойда қиласиди. Зарчаванинг ширраси кўзни ўткирлаштиришга, қорачиғидаги катаракка ва оқни кетказишга жуда фой қиласиди¹ дейди.

Куб шаклидаги тарвузлар

Тарвуз деганда биз юмалоқ, ичи қизил, эти ширин полиз экинини тушунамиз. Дарвоқе сиз: «тарвуз нега юмалоқ, нега ширин, нега қизил? Бу хусусиятларнинг тарвузнинг ўзига қандай нафи бор?»—деган саволлар устида ўйлаб кўрганмисиз? Йўқ, албатта. Бундай саволларни олимлар ҳам ўртага ташлашмоқда. Маълумки, тарвузнинг илк ватани Жанубий Африкадаги Ка-

¹ Абу Али ибн Сино. Тиб қонунлари. II китоб, 1956 й., 480—481-бетлар.

лахари саҳролари бўлган, ана шу ердан у бошқа жойларга тарқалган. Уларнинг тарқалишига одамлар сабаб бўлган эмас, чунки у даврларда одамзод пайдо бўлмаган эди. Тарқалишига ўша тарвузнинг ўзидағи хусусиятлари сабаб бўлган: ёввойи тарвуз майда, апельсиндек келадиган бўлиб саҳрода шамол турганда узоқ-узоқларга юмалаб кетган ва бирон кесақ, тош ва бошқа нарсага урилиб ёрилиб кетган. Тарвузнинг ширин шарбати эса уруғини ерга ёпиштириб қўйган ва тупроқни намлаган, шамол уни чанг билан кўмган ва униб чиқиши учун имконият туғдирган. Тарвуз қизил бўлганлиги учун қушларни ўзига жалб қилган, қушлар уруғини тўйгунча, еб, жигилдонига тўплаб, узоқ-узоқларга олиб бориб тўккан. Шундай қилиб тарвузни ижодкор табиат кенг тарқатган. Кейинчалик одамзод тарвузни бутун Ер шари бўйлаб тарқатди. Селекция қилинавериш натижасида тарвузнинг сирти ва шакли жуда ўзгариб кетади. Чунончи бу неъматнинг яшил, олачипор, йўл-йўл, оқ, қора рангдагилари пайдо бўлади. Шакли ҳам турлича бўлиб кетади, яъни энг кичик тарвуз нави — «солди-пишди» деб аталади ва тенис тўвидан сал йирикроқ бўлади. Энг катта нави «антоновка» деб аталиб, Тоҷикистон ва Ўзбекистонда етишириладигани то 25 килограммгача тош босади. Тарвузнинг нави кўп, «қўзивой» дегани ҳам бор, буниси қовунсимон узунчоқ бўлади. XX асрда тарвузнинг шакли яна ўзгарди, энди унинг куб шаклидагилари пайдо бўлди. Куб тарвузларни япониялик селекционер Оно Томоюки ижод қилган. Катта-кичиклиги бир хил 25Х25×25 сантиметрли, мазаси, этининг қизиллиги ва шарбатлилиги бинойидек. Тарвузнинг куб шаклда бўлишлиги уни узоқ жойларга ташишда жуда қўл келади. Арава, автомашина ва юк вагонларига худди қутичаларни тахлагандек устин қатор терилади, ора-орасида бўш жой қолмайди, қулай. Аммо деҳқони тушмагур Оно Томоюки мана кўп йил ўтиб кетяптики, бундай тарвузларнинг сирини ҳеч кимга айтмаяпти. Лекин тарвуз билан боғлиқ бир тажрибадан ҳурматли деҳқонларимизни хабардор қилмоқчимиз. Ўттизинчи йиллар эди. Андижон районининг Хартум қишлоқ советига қарашли «Маориф» колхозида Ёқубали бобо исмли боғбон, полизчи, маришкор деҳқон бўларди. Бобо қовун-тарвуз экарди. У киши қовунни улама қилаоладиган нодир деҳқон бўлган экан, афсус ўша вақтда у кишининг

тажрибаларини бирон-бир кимса оммалаштирунган. Мана ярим аср ўтиб кетибдикি, «кўкча»ни «шакарпаплак»ка улай оладиган бошқа миришкор борлиги тўғрисида ҳеч қандай хабар йўқ. Аммо одамларнинг гапига қараганда Ёқубали бобонинг тарвуз билан ўтказган бир тажрибаси бор экан. Тарвуз туғиб катталиги чақалоқнинг калласидай бўлганида палак остидан ўра ковлаб, устига шох-шаббаларни ёпиб, ўранинг ичига тарвузни тушурив тупроқ тортиб қўяр экан. Тарвузнинг палагида ҳозирги тарвузникидай жингалаги бўлади, у кини бандидаги жингалагини ташқари да қолдириб кўмар экан. Вақти келиб пайкални оралар эканда — «мана буниси ҳали хом, буниси эса пишган»— деб ўранни очиб катта тарвузни олиб сўйиб берар экан. Бирам маза, тиш синдирап муздай бўларкан, киши роҳат қилиб ер экан.

— Бобо! Сиз ерга кўмилган тарвузларнинг пишган-пишмаганини қандай биласиз? — деб сўраганларга:

— Жингалагига қарайсан, жингалаги қуриган бўлса, ўшениси нақ пишган бўлади. Жингалаги қуримаганини узсанг, тарвуз каттагина бўлса ҳам ҳали хом, ичи оч қизил, оқ уруғи кўп чиқади. Бунақаси одамии касал қиласи, болам,— дер экан у киши. Баъзан кўмилган тарвузлар ўрага сифмай қолар, қаттиқроқ кесакка теккан жойи ичига букилган, юмшоқроқ тупроқ-қа тўғри келган жойи эса бўртган — одатдагидек юм-юмалоқ эмас, балки бужмак тарвузлар ҳосил бўларкан. Бобо бу ишни бужмак тарвузлар олиш учун қилас эканлар, албатта, балки жазирамада муздеккина туриши учун шундай қиларканлар, чунки ўша вақтларда холодильниклар йўқ эди-да. Куб тарвузлар тўғрисидаги хабарни ўқиганимдан кейин Ёқубали бобонинг ўша тажрибаларини эсладим. Тарвузни узмай бирор нарсанинг ичига солиб етиштирилса, ўшанинг шаклига киради. Тахминимизча япониялик деҳқон тарвузларни куб шаклидаги металл ёки ёроч, ё пластмасса қутичаларга солиб етиштириса керак, ёинки куб шаклида ўралар ковлаб, деворларига фонер ёки тахта қўйиб, тарвузни шунга кўмиб «пиширса» керак.

Албатта, бу мулоҳазалар синаб кўришни талаб қиласи. Кимдир бу ишга бир ҳафсалан қилиб кўрсин, «интилганга толе ёр» — дейдилар-ку ахир.

Қовун тўғрисида эртаксимон ҳақиқат

Картиллама этли, сершарбат хушбўй қовундан бир тилик еди-ю, Деҳқон буванинг ҳордиги чиқди. Сунбула сувидек тиниқ манглай терлари пешонасидан томиб, бир зумда чарчоғи унут бўлди. Бува мамнунлигидан ўз-ўзинга мақтаниб ҳам қўйди:

«Сенинг томирингга селтира эмас, шакар сепиб парвариш қилганиман, жонивор, шакар! Шунинг учун ҳам қанд-у, асалсан-да!

Қовуннинг ташқи кўриниши ҳам бувага зўр нафосат баҳш этарди. Табиш унга росмана четан гул солган, улкан тухумдай тавасига турли бўёқлар бериб, ажиг мўъжизага айлантирган. Деҳқон бува қовунни силади, ҳидлади, яна бир тилик кесиб, ҳузур қилди. Бекасам тўн кийган йигитдай қовунжон ҳам жуда эриб кетди, у тилга кириб, бувага қаратса ҳазиломуз оҳангда ашула бошлади:

Танда тўрларим бор менинг,
Турли гулларим бор менинг,
Кесди пичоқ бағримни эй,
Қандай гуноҳим бор менинг?

Шундан сўнг суҳбат авжига чиқди.

— Сенинг «гуноҳинг» асаллигинда-да, Қовунжон.

— Тўғри айтасиз, буважон, ахир менинг таркибимда глюкоза, сахароза, фруктоза деб аталувчи қанд моддаларидан 17—18 процентча бор.

— Қовунжон! Асли сен қаерликсан?—деди бува. Масалан, тарвуз Африкадан, картошка билан помидор Жанубий Америкадан дунёга тарқалган, сен-чи?

— Мемми? Асли Ўрта Осиёданман, лекин баъзи олимлар мени дунёга Эрондан ёки Ҳиндистондан тарқалган дейишади, бу хато, буважон.

— Ҳиндистонда сени Заҳириддин Муҳаммад Бобур соғиниб байт ёзганини биласанми?

— Ҳа, албатта, эсимда, Бобур XVI асрда Ҳиндистонда подшолик қиласар эди, у она Ватани — Андижонни кўп қўмсайди. Оқар сувлари-ю, ишкомдаги узумлари ва полизлардаги қовунлари кўз ўнгидан ўтаверади. Шунда у мен тўғримда ушбу байтни тўқиб йиғлади:

Қовун бирлаи узумнинг ҳажрида кўнглимда ҳар жу,
Оқар сувнинг фироқинда кўзимдан кўп оқар сув.

Шундан сўнг чопарлар Асакага келиб, мени унинг ҳузурига олиб борадилар. Бобур мендан еб ҳузур қилади, уруғимнинг бир донасини ҳам исроф қилмасдан экишларини буюради. Шундай қилиб, мен Ҳиндистонга бориб қолганман, буважон. Бу ерга Эрон, Румо ва Фаранг мамлакатларидан сайёҳлар келиб турар эди. Улар мени ўз элларига олиб кетадилар.

— Қовунжон! агар сир бўлмаса, бир воқеани сўрайман. Қандай қилиб Рим папаси билан император Клавдий Альбии ўлдирганингни сўзлаб бер-чи.

Қовун пайкалда дурустроқ ўрнашиб олди, бир оз ўй сўргандай жиддийлашди, сўнг деди:

— Бунинг ҳеч қандай сири йўқ бува. Тарихий рисолаларда ҳам ёзилган. Румо императори Клавдий Альби жуда мечкай одам экан, бир ўтиришда ўнта қовунни еворса бўладими, кечасига бориб қориши

иоғорадек шишиб кетди. Тонг ёришганда ёрилиб ўлди, қолди. Хўш менда нима айб? Қовун ейишни ҳам мөвёри бор-да.

Яна бир мечкай — Рим папаси, исми эсимда йўқ, ёш бола минса оёғи ерга тегмайдиган қовуидан иккитасини еб олди. Шарбати лабини-лабига ёпишириб қўйди. Юраги ўртаб, совуқ сувни ичаверди, шуидан сўнг, ўша бутхонасининг ичидаёт жаҳаннамга жўнади. Қарасам иш чатоқ бўладиганга ўхшаб қолди. Бу мамлакатдан Фарғистонга кетдим. Уша вақтларда қироли Генрих IV исмли одам экан. Бу ҳам ширин қовундан тўйғанча еб, орқасидан вино ичувди, касал бўлиб қолди. Дарғазаб ўчини кимдан олишини билмай юрди. Бир куни чор атрофга чопар чоптирибди. Нима дейсан, қирол барча қовун эккан дэҳқонларни қовун-повуни билан Парижнинг марказий майдонига йиғилишларига фармон берганмиш.

Уша майдонга тўпландик... Кўкракларига салб таққан, этаклари ер супуриб юрган поплар, чучвара шапкали ва қора либосли сұдьялар, атрофда пайза ва ойболта кўтарган аскарлар... Уртада дэҳқонлар қовуилари қўлларида маъюс турибдилар. Ана қиролнинг тўрт отли файтони келиб тўхтади. Генрих IV тахтга чиқиб ўтириди. Ҳамма сукутда. Нима бўлар экан, энди... Қирол попларга қарата: «Қовунга лаънати малъун ўқинглар!» — деб буюрди. Поплар зикрга тушиб жавраб кетишиди. Сўнгра судьяларга қараб: «Сўроқ қилинглар!» — деди. Судьялар дэҳқонлардан нима учун қовун экканликларини суришири бошлидилар ва ҳаммаларини гуноҳкор деб эълон қилдилар.

«Жазоланглар!» деган буйруқ эшитилди. Аскарлар дарҳол «ишига» кириши кетишиди. Улар бечора дэҳқонларнинг каллаларини танларидан жудо қилиб, ҳар битта дэҳқон калласига биттадан қовуни жуфтлаб ҳандаққа ташлай бошлиди. Генрих эса: «Қовун экканларнинг жазоси шу бўлади» — деди.

Энди мен бу мамлакатда ҳам қола олмадим.

— Қаерга кетдинг ўшандо? — сўради бува тўкилган уругларни биттадан тераркан.

— Қаерга бўларди, буважон, ўз ватанимга-да. Бу ерда ҳурматим жойида, уруг-авлодларим ҳам кўп: шакарпалак, қирқма, кўкча, ҳандалак, қўзи калла, тогора қовун, амири, тошбости, жўро қанд, бешак, босволди, оқ уруг, эски чопон, қора қовун, умир боқий — хуллас 200 дан ҳам кўпроқмизда, эй.

— Қовунжон! Минг йил муқаддам табобат илмининг бобокалони Абу Али ибн Сино сени дори деб мақтаганини биласаним?

— Бундан хабарим йўқ экан, буважон.

— Юр кетдик, буни сенга китобдан кўрсатаман,— дея қовуниннавайлаб қўлтиқлаб олди ва тўғри колхоз кутубхонасига борди. Жонондан ибн Синонинг болишидек келадиган «Тиб қонунлари» китобининг II томини олди, хатчўл қистирилган бетини очиб ўқиб берди:

«Қовуннинг эти етилтирувчи ва тозаловчиdir. Терини ҳам тозалайди, айниқса уруғи ва ичидаги эти юздаги сепкил дор ва бошнинг кепаклашишида суркалса фойда қиласи. Пўчоини манглайга ёпиширилса, кўзга тушадиган назлаларга жуда яхши тўйқинлик қиласи. Қовуннинг озуқалиги яхши ҳазмланганда ҳосил бўладиган ҳилти аъзоларга мувофиқdir. Буни бошقا таомдан кейин ейиш керак»¹. Агар сени экканлар селитра солишимаса борми, ўша иби Сино айт-

¹ Абу Али ибн Сино. Тиб қонунлари, II китоб, ЎзССР ФА нашриёти, 1956 йил, 129—130-бетлар.

қандай даволигингча қолаверасан. Кўп яша, навларинг йўқол-
масин!

Қовуннинг юзига табассум югурди.

— Сизнинг ҳам, буважон, умрингиз боқий бўлсин!

Шу тобда радиодан Faafur Fуломнинг ушбу шеъри янграб
кетди:

Тилими тилимни минг тилим қилган,
Қирқмалар боғлади юкни қовгага,
Асалжон Шакаров паспорти билан,
Бебилет жўнайди, дўстга совғага.

Масаллиқлар... имтиҳон топширади

Ҳурматли деҳқонлар етиштирган хилма-хил масаллиқлар — ошпаз ва уй бекаси учун тайёрланадиган масаллиқ. Бироқ текширувчи олим учун эса булар илмий материалdir. Чунончи: гўшт, сут, тухум, сабзи, пиёз, дон-дун, узум, олча, шафтоли ва бошқа барча егулик нарсалар... Бу масаллиқлар дастурхонга қўйилса, ҳамма ҳузур қилиб ейди, аммо олим уларга савол ташлайди: «Эй, нозу неъмат, насли насабинг нима?», «Қайси моддалардан таркиб топгансан?», «Бағрингда одамларга инъом қилинадиган қандай озуқа ва қанча қувват-бор?» «Инсонга нечук фойда келтирасан?» ва ҳоказо.

Масаллиқлар шу қўйилган саволларга жавоб бериш учун ўзига хос имтиҳондан ўтадилар — печда қиздирилади, ҳовончада туйилади, тарозиларда тортилади, микроскоплар орқали бағри-бағрига мўраланади. Ана шундан сўнг ноз-неъматларнинг тузилиши, аҳамияти, инсонни тўйдириши ва сиҳат-саломат олиб юришидаги хислатлари рўёбга чиқади.

Ярим аср мобайнида олимлар дастурхонимиздаги анчагина «зим-зиё ганиматлар» билан танишиб олишга муваффақ бўлдилар. Буни қарангки, ана шу ганиматлар туфайли биз оғир дардлардан халос бўлиб юрарканмиз, болаларимизнинг тез ўсишларига восита бўларкан, меҳнат қобилиятимиз йўқолмас экан, бош миямиздан тортиб асаб толаларигача соғлом бўлишимиз ҳам ана шу узоқ асрлардан бери «киши билмас» деб келинган озиқ-овқатлар таркибидаги алланечук нарсаларга боғлиқ бўларкан.

Тарихга мурожаат қиласайлик. Сайёҳлар, айниқса шимолий мамлакатларга борган йўловчилар еган овқатларида аллақандай бир модданинг етишмаслигидан ҳалок бўладилар. Чунончи: Шимолдаги Янги Ер оролига борганд капитан Баренц ана шундай ҳалок бўл-

ганди. Қапитан Седовни айтмайсизми, Арктика музларидан совуқдан эмас, балки ейдиган таомларидаги махфий моддаларнинг етишмаслигидан ҳалок бўлган. Бутун бошлиқ пароходдаги одамларнинг барчаси қирилиб кетганлигига ҳам мисоллар кўп.

Узоқ сафарга чиқсан матрослар ҳеч оч қолмай, тузланган гўшт, консервалар, ёғ, дон-дун, нон еб турган бўлсалар ҳам цинга касалига мубтало бўладилар. Кимки кўк пиёз, саримсоқ, лимон топиб еган бўлса, тузалиб кетган-у, пасиб қилмаганлари ҳалок бўлаверган. Цингани ана шу масаллиқлар тузатишни олимлар сезган бўлсалар ҳам, лекин уларнинг таркибидағи қайси модда дори-дармонлик вазифасини ўтаяпти, ҳеч ким билмасди. Фақат 1912 йилда полъшалик биокимёгар олим Қазимир Функ ана шу номаълум модда нима эканлигини кашф қилишга муваффақ бўлади. Бунинг учун у кўк пиёз, лимон, саримсоқ, қорағот каби масаллиқлардан имтиҳон олади. Синов «беш» баҳо билан якунланади. Уша масаллиқларнинг насл-насаби турли-ча бўлишига қарамай, таркибида бир хил модда бор экан. Инсон аъзоларига дармон берадиган, касалларга дорилик вазифасини ўтайдиган бу моддани олим лотинча ҳаёт амини витамин деб атади ва С ҳарфи билан белгилади.

Қадимги ўзбек олимлари ва ҳалқ табиблари бундай моддани очмаган бўлсалар ҳам дармон бўлувчи неъмат масаллиқларда бўлади, деб тахмин қилганлар. Кишини тўқ тутишдан ташқари масаллиқлар таркибида силлани қуритмайдиган, бардам тутадиган нарса ана шу дармон бўлувчи модда дер эди улар. Буни витамин тўғрисидаги дастлабки фикр десак ҳам бўлаверади. Узоқ вақтгача олимлар Ҳитой, Япония, Индонезия, Вьетнам ва бошқа гуруч кўп истеъмол этиладиган мамлакатларда «бери-бери», деб аталувчи касалнинг келиб чиқиши сабабини билмай келардилар, «Бери-бери» касалига чалинган кишиларни безгак сингари қалтироқ босади, тааси абгор бўлиб кетади, ёёқлари чалмashiб юра олмай қоладилар. Қўпчиликнинг ёстигини қуритган бу касалликнинг сабаби оқланган гуруч эканлиги аниқданганда, ҳамма ҳайратда қолади. Ҳа, гуруч нечоғли пардозлаб оқланса, шунча ёмон бўлар экан. Гуруч кепаги, билан бирга энг зарурват ажойиб фанимат «В» витамин еллиб юборилар экан-у, организм ушбу витаминни муттасил олмай тур-

са — «бери-бери»га чалинар экан. Буни ҳам Казимир Функ аниқлаган.

Утган асрнинг 80-йилларида яшаб ижод қилган олим Николай Дунин фаолияти ҳақида гапирмай иложимиз йўқ. У сичқонлар устида тажриба олиб боргандা ажаб бир фактга аҳамият беради. Сут ичириб соқилган сичқонлар яхши ўсиб соғлом юришган. Аммо, сут таркибига ўхшаш: оқсил, мой, шакар, турли минерал тузлар аралашмасидан иборат емиш едирилган сичқонлар эса бирин-кетин ўла бошлаган. Олим бундан шундай хулоса чиқаради: демак, сутда оқсил, мой, шакар, сув ва тузлардан ташқари яна қандайдир модда бўлиши керак, ана шу модданинг озгинаси ҳам ҳаёт учун катта нафи тегади. Бу ҳам витамин мавжудлигига ишора эди.

Хозирги даврда ҳар турли масаллиқлар таркибида 30 дан ортиқ витамин борлиги аниқланган, шулардан энг аҳамиятлилари лотин ҳарфлари билан белгиланган: A, B, B₁ B₂ B₆, B₁₂, PP, C, D, E, H, K кабилардир.

Синчков олимлар ўзларининг олижаноб ишларини шу кунларда ҳам давом эттироқдалар, улар сабзавот ва мева сирларини изчиллик билан ўрганмоқдалар. Биз буни «имтиҳон» деб атадик. Мана, ана шундай ўзиға хос имтиҳондан бир намуна: катта лаборатория. Сабзавот ва мевалар жамул-жам. Олимлар ўз креслоларида савлат тўкиб ўтиришибди. Ассистент ўзлой қиласди: алфавит бўйича бугун номи «C» ҳарфи билан бўшланадиган масаллиқлар синовдан ўтказилиди.

Мақсад: «C» витамин мавжудлигини текшириш. Марҳамат, учтадан кираверинглар!

Профессор сўрайди:

- Исл ва фамилиянигиз?
- Сабзивой Мирзоий.
- Смородина Красная.
- Саримсоқбой Пиёзов.

Раислик қиулувчи сўрайди: «Ким тайёр?»

Оқ халатли олимлар олдига ранги зарьфарон бўлиб кетган бўлса ҳам ўзини дадил тутиб минбарга Сабзивой чиқди. Келишган қоматини ростлаб гапира кетди: «Соябонгулдошлар оиласидан бўламан. Ибтидоий ота-боболаримнинг ватани Волга бўйларидан то Урта денизгиз ҳавзаларигача майдон бўлгани дейишади. Мени инсоннят 4000 йилдан буён маза қилиб еб келянти. Валерия, Карапат, Мирзоий, Мушак, Нант, Геранда каби анчагина опа-сингил ва оға-иниларим бор. Биз икки йиллик сабзавот қаторига кирамиз. 1930 йилда франциялик олим В. Вильморен бизни ёввойи сабзидан тарқалганимизни исбот қилиб берган. Албатта, биз дарҳол егулик ҳолатига келган эмасмиз, Раҳмат, деҳқонларгаки, улар бизни минг-минг йиллар тарбиялаб маданийлик даражасига кўтаришиди. Энди шаклимиз ҳам, лаззатимиз ҳам ҳар хил. Чунончи: синчалоқдек келадиган Карапат укамдан тортиб бўйи бир метр, эни косадай келадиган Япон сабзи

деган акам ҳам бор. Рангимиз сариққина эмас, қизил, оқ, яшил, ҳатто зангори ҳам бўлиши мумкин.


Профессор: «Таркибингиз тўғрисида маълумот беринг!»


Сабзи доска ёнига бориб бўрни қўлига олди-да, жадвал туза бошлади: қуруқ модда — 11 процент, шакар — 6,5 процент, ҳужайра моддаласи — 1 процент, азотли моддалар, жумладан оқсили — 1,5 процент, А витамин (бу модда менда жуда кўп) — 7 процент. В₁—0,007 процент, В₂—0,006 процент, С—5 процент, РР—0,2 процент. Яна бирмунча минерал тузлар ҳам мавжуд. Шунинг учун мен ҳам ўзбек паловининг жониман, шарбатимиң сиқиб ичганларнинг қони кўпаяди, қириб еса жигилдан қайнашини босаман. Шабкўрликка ҳам шифо бўламан. Қўйинг-чи, менинг таркибимдаги моддалар она сути таркибига тенг. Шу сабабдан бўлса керак, паловга бутунлигимча солиб дамлаб докага ўраб сутдан қолган болаларга эмдиришади. Сувимни сиқиб эммайдиган болаларга эмдиришади. Бу ишимга франциялик олимлар «тасанио сента» дедилар (мақтандоқлик бўлмасин-ку) ва менга «сабзавотлар қироли» деб ном қўйишди. Ўзбек тилидаги «Сабзавот» сўзи ҳам «сабзи» дан келиб чиқсан дейишади. Шу билан гапим тамом.

Профессор: «Раҳмат, биз Сизга бир оғиздан «аъло» баҳо қўйдик!»

Ҳар битта мева, ҳар бир сабзавотни ача шундай имтиҳон топширитсак, болишдек бир китоб бўлар эди. Сизларни зернитирмайликда, бошқа масаллиқлардан қайслари имтиҳондан муваффақиятли ўтганлигини қисқа хабар қилиб қўя қолайлик.

Таркибидаги фойдали моддаларнинг кўплиги ҳамда витаминаларга сероблиги жиҳатидан рўйхатдаги: 1. Анорхон Қуваева. 2. Анжирали Кадота. 3. Беҳиниса Чиллаки қизи. 4. Бодрингjon Яшангов. 5. Гилосхон Қўқонова. 6. Дўланаой Нордонова. 7. Ёнгоқбек Дўрмоний. 8. Жийданиса Чилоннова. 9. Карамхон Узакова. 10. Картошечка Лорх. 11. Лавлагихон Қандова. 12. Лимонашвили Грузинов. 13. Мандаринян Армянов. 14. Наъматакхон Атиргулова. 15. Олмай Наманганова. 16. Олхўрихон Эслингейм. 17. Помидорпошша Юсупова. 18. Редискахон Майская. 19. Саримсоқвой Пиёзов. 20. Смородина Красная. 21. Смородина Чернай. 22. Тарвузвой Қўзибоев. 23. Турпхўжа Марғилоний. 24. Узумжон Ҳусаний. 25. Шафталихон Олёрова. 26. Үрикпошша Қандакова. 27. Қовунбой Кўкчаев. 28. Қоқоқбой Кадибоев каби азаматларнинг барчаси аъло баҳоларга имтиҳон топширилдилар ва лабораториянинг «Имтиёзли дипломини» олишга мушарраф бўлдилар.





IV. АНТИҚА ТАОМЛАР, ЛЕКИН ДИД БОРАСИДА БАҲС ЭТИЛМАЙДИ

Севимли таом деб...

Бразилияда қирол ҳукмронлик қилган даврдан буён шундай бир латифа айтилиб келинар экан.

Саройга узоқдан чопар келиб, дарвозабонларга:

— Мени дарҳол жаноби олийларининг ҳузурига киригинлар, муҳим хабар бор, — дейди. Ичкарига кириб, зиналардан, заллардан югуриб кетаётганида уни соқчилар ушлаб қоладилар.

— Жаноби олийларининг ҳузурига ҳозир кириш мумкин эмас, у киши ҳузур қилиб севимли таом танаввул этмоқдалар!

— Кириб айтинг, муҳим хабар бор, бу — олампаноҳниң ҳаёт-мамотига тааллуқлидир!

Қиролнинг маҳрами ичкарига кириб қайтиб чиқади ва лейди:

— Илтимосингизни бажо келтиролмаганим учун ғоят афсусланаман, капитан, жаноби олийлари итапса таомини танаввул этаётгандаридан у кишига ҳеч ким ва ҳеч нарса халақит бермаслиги зарурлигини яна бор уқтиридилар.

— Афсус.

Овқатдан сўнг капитан қирол қабулхонасига киради ва хабарни етказади:

— Жаноби олийлари! Шум хабар келтирганим учун бир қошиқ қонимдан кечасиз, деган умиддаман, ўғлингиз Фердинандо салтанатга қарши исён кўтарди.

Қирол васвасага тушади, у зодагонларни чақириби, шошилинч тадбир ёўра бошласа ҳам фурсат қўлдан кетган эди. Қирол дастурхонидан идиш-товоқларни йифишириб олгунга қадар ўтган вақт ичида Фердинандо тарафдорлари саройни ишғол қилган эдилар. Қиролни қамоққа олиб кетаётганларида у қичқирди:

— Ошпазга айтиб қўйинглар, эртага нонуштада менга итапоа юборсин!

Ушбу таомни деб салтанатдан айрилган қирол ўғлидан итапоа тайёрловчи ошпазни хизматкор қилиб беришини сўрайди. Қиролнинг тақдирини ҳал қилган ўша итапоа денгиз қисқичбақасидан тайёрланадиган пудунг бўлиб, Рио-де-Жанейро аҳолиси ҳам бир вақtlар ўтган ўша қиролни калака қилиб: «Биз итапоа еяётганимизда, ҳеч ким халақит бермаслиги керак», — деб қўйишиади.

* * *

Қадимги Рим лашкарбошилардан бири Лукулла узоқ вақт давом этган урушларда чарчаб уйига қайтиб келади. Энди у ҳеч бир урушда қатиашмасликка ва қолган умрини меҳмондорчиллик майшатларида ўтказишга қарор қиласди. Лукулла ҳар куни уйига меҳмон чақирап ва ҳар гал ҳар хил алачи, каламири, пиза аля неаполитана каби ноёб таомлар тайёрлатар ва мириқиб танаввул этарди.

Бора-бора унинг ҳарбий қаҳрамонликлари унутилиб, Лукулла меҳмонинавозлиқда ва майшатпарастликда «шуҳрат қозона боради». Кунлардан бирида у сардина балиғидан зайдун ёғига қовуриб тайёрланган алачини таомини ҳузур қилиб еб ўтирганида душман ҳужум қилганилиги тўғрисида хабар келади. Лукулла пинагини ҳам бузмайди ва меҳмонларга мурожаат қилиб: — Жаноблар, алачини емасдан уруш қилиб бўладими? — дейди.

Қочиб қолиш ёки бирор бошқа тадбир кўрилса бўлар эди, лекин Лукулла севимли таомини деб, барча меҳмонлар билан бирга аср олинади.

Ушандан бўён неча минг йиллар ўтиб кетди, бироқ Неаполитан аҳолиси ўртасида ушбу ҳазил-мутоиба ҳа-

мон ҳукм суради. Меҳмондорчилик дастурхонига алачи таоми қўйилди дейилгунча барча: «Аввал алачини ҳузур қилиб еб олайлик, ундан кейин Лукулладек ҳалок бўлсак ҳам армонимиз йўқ», — дейишади.

* * *

Севимли таом танаввули энг муҳим ишдан ҳам зарур эканлиги ҳақида тарихда яна бир мисол бор. Уша қадимги Римда Дентет исмли лашкарбоши бўлган. У кўп жангларда жонбозлик кўрсатиб машҳур бўлган. Мамлакат идораси, раҳбарлик ишлари патрицийлар қўлида, Дентет эса плибейлардан, бироқ унинг қаҳрамонлиги саркарда қилиб тайинланишига сабаб бўлади. Плибей қуллардан келиб чиққани учун саркарда бўлса ҳам ғоят содда ҳаёт кечиради. Бир куни шолғомни қўрга қўмиб еб ўтирган экан (бу унинг энг севимли таоми бўлган). Рим билан жанг қилаётган самнитлардан сулҳ тузиш учун Дентет ҳузурига элчилар келади. Шу сулҳ тузилмаса уруш давом этиб турибди, қанчадан-қанча бошлар кесилмоқда. Йўқ, Дентет пинак бузмайди, у гулхан олдида бемалол қўрни титкилаб ўтириб, бир неча шолғомни пишириб, арчиб тузга теккизиб еб бўлгандан сўнггина ҳайрон бўлиб кутиб турган элчилар билан музокара бошлайди. Лекин Дентет тўрт дона шолғомни деб 400 та бошнинг кесилишига сабабчи бўлади.

* * *

Севимли таомини деб бутун бошлиқ армиянинг мағлубиятга учраганига тарихда яна битта мисол бор.

Воқеа XIV асрда содир бўлади. Люксембург графлиги Герман графлиги билан уруш олиб борар эди. Ғалаба қозонишларига оз қолган, яна бир ҳужумга ўтилса, вассалом. Люксембург графлигининг қўмондони юк тўла араваларда, ҳар бир солдатнинг елкасидаги қаппайган халталарда ўқ-дори кўп деб ишонган ҳолда ўз режасини тузган эди.

Аскарларнинг аксарияти Бруссель шаҳридан тўпланган бўлиб, бу ерликларнинг энг севган таоми товуқ гўсти хисобланарди.

Долзарб пайт, команда эшитилади:

— Запасдаги ўқ-дорилар ишга солинсин! Ҳужумга ўтилсин!

Халталар, аравалардаги яшиклар очилганда ўқ-дори қаёқда дейсиз... Бутунлигича қайнатиб, қизартириб қо-вурилган товуқ гүштлари билан тұла әди. Маълум бў-лишича галабага ишонган брусселлик уй бекалари ва пазандалар солдатларни фронтга жўнатаётганларида ана шу лаззатли таомни сийлов қилган эканлар.

— Ҳужумгаа!! — деб иккинчи команда берилганда, солдатлардан бири:

— Үқ бўлмаса нимани отаман? — деб қичқиради. У товуқнинг бир оғгини ажратиб олиб ея бошлайди.

Яна бир солдат:

— Оғайнilar, ўзи ҳам овқат вақти бўлиб қолди, шекилли — дейди-да дарахтга суюниб олиб танавулга киришади.

Зираворларнинг ҳиди анқиб турган, лаҳими юмшоққина, сирти қоврак қилиб қовурилган бу таом барчанинг оғзидан сув очади. Ҳаккам-дуккам, тўртта-бешталашиб ўтириб олишган солдатлар балойи нафсларини ором олдира бошлайдилар.

Кузатиб турган душман томон дарҳол ҳужумга ўтади. Зеро германлар озчиликни ташкил қилсалар-да, брусселликларни асирга олишга муваффақ бўладилар. Кимдир буларни «Эй товуқхўларей!» — деб калака қиласади. Шу-шу, мана 600 йил ўтиб кетибди-ю, севимли таомини деб таслим бўлган брусселликлар «товуқхўлар» деган камситув лақабидан ҳанузгача халос бўломмай юрадилар.

Палағда тухум ва тўнка замбуруғидан овқат

Гонгконгда қайси ресторан бўлмасин шундай таомлар албатта тайёрланади ва шинавандалар буни севиб истеъмол қилишади.

Ёзувчи Ванда Васильевская Корней Чуковский билаң ўша томонларга саёҳат қилганида шундай таомдан то-тиб кўрганини айтади. «Бу овқатнинг ҳиди палағда туҳумга, мазаси пишлоққа ўхшайди»¹ деб ёзади автор.

Бундай тухумни тайёрлаш усулини биз бошқа манбалардан топиб олдик. Чунончи Ф. И. Васильев ўзининг «Двести пятьдесят блюд китайской кухни» номли китобида ёзишича: «Бу ўрдак тухумининг консерваси бўлиб,

¹ «Новый мир» журнали, 1956 йил, 9-сон.

сун хуа дань» деб аталади. Тайёрлаш усули: тут ёроцива соя хашаги куйдириб, кули олинади. Ўчирилган оҳак, сода, туз, чой баргининг сели — барчаси аралаштирилиб, қуюқ масса (лой) тайёрланади. Ювилган ўрдак тухумларининг сиртига 2—3 см қалинликда ана шу масса суркалади. Сўнгра шоли қипифига беланади ва бочкага солиб, қопқоғи беркитилган ҳолда 80—100 кун сақланади. Сақлаш даврида тухум ириб, оқи сариғига аралашади, намлиги анча буғланиб, жигар ранг тусга киради. Бундай тухумдан яхна ва иссиқ овқатлар тайёрланади¹. Уша китобда тўнка замбуруғидан овқат тайёрлаш усули ҳам баён қилинган. Бундай замбуруғ сян гу деб аталиб, кузда дэҳқонлар ўрмонга бориб, дуб ва канстан тўнкаларининг ёнбошига 3—5 см чуқурликда болта уриб, ёриқ оралиғига вақт-вақти билан сув қўйиб туришар экан. 1—2 ой ўтгач, ёриқ ораларидан бир хил замбуруғ ўсиб чиқаркан. Замбуруғ катта бўлгач, териб олиб, офтобда қуритилар ва овқат пишириш олдидан 30—40 минут қайноқ сувга ботириб қўйилса, шишиб оғирлиги уч баробар ортиб кетар экан. Шундай қўзиқоринни ийланган тухумга ботириб, зигир ёғида қовурилса, ғоят серлаззат ва тўқтутар таом ҳосил бўлади². Мазаси гўштдан қолишмайди. Дарвоҷе жуда кўп халқлар замбуруғни «ернинг гўшти» деб аташади. Ўзбеклар ҳам замбуруғнинг бир тури — сморчкини — «қўзиқорин» деб аташади. Лаборатория анализи маълумотларига кўра ҳам замбуруғ таркиби гўшт таркибига яқин экан.

«Ер билан осмон»

Германиянинг Рейн обlastида ўзига хос бир таомнинг номи «Ди Эрде унд дер Химмел», яъни «Ер ва осмон» деб аталади. «Ер» бу картошка, чунки у ерда тупроқда ўсади, «осмон» эса олма, чунки у тепада, ҳавода ўсади.

Шу иккала масаллиқнинг бирикмасидан «Ер билан осмон» овқати ҳосил бўлади. Буни тайёрлаш жуда оддий: картошка билан олма тенгма-тенг олинниб арчилади ва тилик қилиб кесилади. Ҳар икки масаллиқ алоҳида

¹ Ф. И. Васильев, «Двести пятьдесят блюд китайской кухни», Москва, Госторгиздат, 1959. йил, 153-бет.

² Уша китоб, 59—60-бетлар.

алоҳида идишларда бир оз сув билан димлаб пиширилади. Кartoшкани иссиғида эзиб, олмани эса сим элакдан ўтказиб, пюре тайёрланади. Кartoшкага туз, олмага эса шакар сепиб таъми ростлангач, ҳар иккаласи аралаштирилиб, бир хил масса ҳосил бўлгунча ийланади. Сарифни доғлаб пиёс қовурилади, буни ҳам пюрега аралаштирилади. Сосискани қайноқ сувга солиб, картиллама бўлганда олиб, ёнбошига ўша «Ер билан осмон» пюресидан гарнир қилиб берилади.

Қурбақачилик соҳалари

Агар биз чорвачилик, паррандачилик, балиқчилик каби ишлаб чиқариш соҳалари тўғрисида гапирадиган бўлсак, бу ҳамма учун тушунарли — гап озиқ-овқат саноати учун масаллиқ етиштириб берадиган соҳалар устида кетади. Энди агар жаҳонда қурбақачилик... ҳа ўша, кўл ва ариқчалардаги «вақир-вуқур»лардан озиқ-овқат мақсадида фойдаланиладиган соҳалар борлигини айтсак, ҳайрон бўлишингиз мумкин. Сирасини айтганда териб-термачлаш ва овчилик билан машғул бўлган ибтидоий одамлар балиқлар билан бирга қурбақаларни ҳам тутишиб луқмаи ҳалол сифатида паққос тушира беришган. Исботи шуки: Бразилия ўрмонларида то ҳанузгача ибтидоий жамоа тузумида яшаб келаётган бир қабила борлиги аниқланган, ўшаларнинг энг севимли таоми қурбақа экан. Қурбақа жуда дори нарса, уни бир вақтлар ўзбеклар ҳам еган. Ҳалқ табобатида чиллашир деб аталувчи бир касаллик бўлиб, бунда одам ўта озғинлаб териси суягига ёпишиб, куйган косовдек бўлиб қолади. Ана шу касалликнинг энг яхши парҳези — қурбақа шўрва ҳисобланган. Абу Али ибн Синонинг ёзишича: «Агар қурбақани туз ва зайдун ёғи билан қайнатиб, шўрваси ичилса, бу мохов ва газандаларнинг чаққанига қарши даво бўлади»¹. Қурбақа ўзи ювош, беозор жонивор, у ҳашаротларни тутиб ейди, сувни йод моддаси билан бойитиб одамларга анча фойда етказади. Йод моддаси бўлмаган сувни муттасил ичиб юрган киши бўқоқ касалига мубтадло бўлиши мумкин. Хуллас қурбақа табиий санитарлардан бири, яна у сувни тоза ва муздек туришида ҳам аҳади.

¹Абу Али ибн Сино. Тиб қонунлари. II китоб, ҲзФД нашриёти, 1956 йил, 667-бет.

миятлидир. Масалан, илгари холодильниклар бўлмаган кезларда одамлар эрталаб қўзаларга сув солиб ичига битта-иккита қурбақа солиб қўйганлар, жазира маисиқ кунлари сув то кечгача муздеккина сақланган ва пашиа, ўргимчак, чумоли, ари каби ҳашаротлардан ҳам муҳофиза бўлган.

Хўш, қурбақани ҳозирги замон одамлари ҳам ейдими? Бу саволга «ҳа» деб жавоб берамиз, чунки мисоллар анча кўп. Хитой, Япон ва бошқа Шарқий ва Жанубий Осиё халқлари уни азалдан еб келади. Италия ва Францияда эса қурбақа гўшидан тайёрланган таомлар жуда ноёб, нафис ва серлаззат ҳисобланади, шунинг учун қурбақа таомлар ресторанларда тайёрланади ва тўй дастурхонига ҳам қўйилади. Анча йилдирки, «Польска» журналининг хабар қилишича Польшадан Италияга ҳар йили 3 тоннадан қурбақа гўшти етказиб бериш тўғрисида битим тузиленган.

«Правда» газетасининг 1981 йил 2 январь сонида бо силган А. Кузнецовнинг мақоласида ҳам қизиқ факт бор: унинг ёзишича, жаҳонда қурбақанинг 2000 дан ортиқ турнир бўлиб, ҳаммасини овқатга ишлатса бўлаверар экан. Шулардан, Филлипин оролларидаги шолипоялардагина яшайдиган «сакровчи қўтослар» деб аталувчи тури энг лаззатлиси ҳисобланар экан. Бу турдаги қурбақалар биздагилардан анча катта бўлиб, узунлиги 1 қарич, семизгина, ҳар бири 200 граммдан гўшт қиласар экан. Уша мақолада айтилишича: «Филлипин» Дейли экспресс-газетаси», «сакровчи қўтослар» шоликор деҳқонлар учун қўшимча даромад бўлишлиги, кенг майдонлардаги шолипояларда кўпайтирилиши ва бу масаллиқ экспорт қилишда муҳим ўрин эгаллаши тўғрисида ёзган. «Лусан оролидаги Шимолий Илокас провинциясида серлаззат қурбақа гўшти стиштирадиган ферма ҳам ишлаб турганилиги» тўғрисида хабар бор ўша газетада.

Маълумки, мусулмон дини аҳолига анчагина масаллиқларни истеъмол этишни чеклаб қўйган, шу жумладан қурбақа ҳам «ҳаром» ҳисобланади. Лекин очлик нималарга мажбур қилмайди, дейиз, «Известия» газетасининг 1974 йил, 14 январь сонида босилган бир хабарда айтилишича: «Шимолий Эрондаги Паҳлавий портига 12 километр яқин жойда қурбақа гўшидан консерва тайёрлайдиган завод қуриб битказилган. Заводнинг проектда кўрсатилган қуввати йилига 200 тонна консерва ишлаб чиқаришга мўлжалланган: Ушбу завод яқини-

даги 8 гектар майдонни эгаллаган кўлда зарур ҳом ашё етказиб турилади». Завод ишга тушмасдан 2 йил олдин бир неча Европа мамлакатлари унинг чиқарилажак маҳсулотига пул тўлаб қўйишган. Эндиликда қурбақа консервалари хорижий Узоқ Шарқ ва Жанубий Осиё мамлакатларига ҳам экспорт қилинмоқда. Ана кўрдингизми, гўшт масаллиқлари етказиб берадиган чорвачилик, паррандачилик, балиқчилик каби хўжалик соҳаларидан ташқари яна қурбақачилик соҳаси ҳам бор жаҳонда.

Қовурилган калтакесаклар

Калтакесак кўринишидан анча хунук бир маҳлуқ, уни ейиш мумкин деса, сесканиб кетасан киши. Бироқ, Гватемаладаги индеецлар калтакесакни ҳузур қилиб ейишар экан. Буни ўша томонларга турист бўлиб борган немис пазандаси Ханс Қиоблоҳ ўз кўзи билан кўриб ҳикоя қиласди: «Гватемала шаҳридаги катта бозор... Одамларнинг ола-була, ранго-ранг кийимлари кўзни қамаштиради, ҳошияси кенг шляпаликлар жуда кўп: бунда белларига қандайдир тропик ўсимлигининг катта-катта япроқларини ёки похолларини юбка сифатида боғлаб олган, белидан юқориси эса, ялангоч эркак ва аёллар ҳам учрайди. Тропиканинг ҳамма неъматлари шу бозорда: ананаслару бананлар, апельсинлару лимонлар, яна биз билмаган турли мевалар, анвойи зираворлар билан бир қаторда, қизил ловия билан маккажўхорини кўплаб харид қилишар экан. Бозор.govur-ғувури ичида чинқироқ бир овоз тинмай тараалар эди. Таржимоннинг тушунтиришича бу «чўл балиғи» сотувчисининг овози экан.

— Қизиқ чўлда балиқ нима қиласди?

— Калтакесаклар... — деди у кулимсираб.

Бориб қарасак, пақир ўчоқ устидаги товада доғланган ёф. Бир қаричли калтакесакларни тилимлаб тузлаб қўйибди. Пазанданинг қўли-қўлига тегмайди, «жаз» этиб ҳар иккала томонини қизартириб, хўрандаларга узатиб туриб, яна ўша чинқироқ овозда: «кең қолинг, чўлнинг луқмай ҳалолига». — деб қичқираарди. Бу гватемалаликлар учун энг ноёб таом ҳисобланар экан, буни ҳузур қилиб еяётган одамларнинг юзидан ҳам сезиш мумкин эди...

Бу ҳикояни ўқиб мен унча ажабланмадим. Негаки келтакесак, илон, тошбақа ва бошқа судралувчи ҳайвонлар ибтидоий масаллиқлардан ҳисобланади. Ҳатто

XV асрларда ҳам илонни «ўрмон балифи» номи билан аташиб, Франция ва Италияда ейишгани тўғрисида маълумотлар бор.

Австралияда судралиб юрувчи ҳайвонларни ҳануз овқатга ишлатишади. Айниқса, уларнинг энг яхши кўрган таомларидан бири — тимсоҳ гўштидир. Қийма қилиб қовуриб, қайнатиб нақ ўзини ейишади ва бошқа овқатларга қўшиб пиширишади.

Мельбурн ва Сидней шаҳарларида фақат тимсоҳ гўштидан турли таомлар тайёрлайдиган махсус ресторонлар бор. Тимсоҳдан консервалар ҳам тайёрлашади. Еб кўрганларнинг гувоҳлик беришича тимсоҳ гўшти балиқ ва товуқ гўштларининг муштараклигидаги мазага эга бўлган ўзига хос нафис ва лазиз эмиш.

Таомнинг номи «бумиранг»

Австралия континентида қуёш ёғдуси жуда кўп, аммо оқин сув жуда кам. Шунинг учун бу қитъанинг асосий аҳолиси аборегенлар турли ёвойи ўсимликларнинг мевалари ҳамда кўпдан-кўп ҳайвонларни овлаб тириклик қилганлар. Уларнинг узоқдаги ҳайвонга қўл билан отадиган, агар тегмаса овчининг ёнига яна қайтиб келадиган суюқдан ҳилолсимон қилиб ясалган қуроллари бор, номи — бумиранг. Аборегенлар ўсимлик масаллиқларидан кўра кўпроқ гўшт еганлар. Улар таом тайёрлаш учун олов ёқаётгандарига шундай сифинар эканлар: «Гулхан, гулхан! Тезроқ ёнгин, мен гўшт пишириб олмоқчиман». Ибтидоий тасаввурларига кўра гўшт эмас, бошқа нарса пиширмоқчиман, деса олов ёнмас эмиш. Аборегенларнинг катта бир парча қовурилган гўштдан иборат таоми, ов қуроллари, яъни «бумиранг» номи билан аталади. Ушбу қитъани Англия мустамлака қилиб олгандан сўнг, бу ерда асосан қўйчилик ва чорвачиликнинг боғиқа соҳалари ривожлана бошлаган.

Австралиянинг миллий таоми нима? деб сўрасангиз, европадан бориб қолган киши ҳам, австралиялик ҳам «бумиранг» деб жавоб беради. Эндиликда улар ёлғиз қовурилган гўштнигина эмас, бошқа таомларни, ширинликларни, жумладан тортни ҳам «бумиранг» деб аташади. Чунки қадимда ерли аҳолига овқат топиш имконини берган яккаю ягона ов қуроли бумиранг бўлганлигидан у ҳам гўшт, ҳам нон маъносида юритилади.

Лаган стадионидаги матадорлар (тореадорлар)

Маълумки, Испания ва Португалиядаги катта стадионларда ҳўқизларни қизил матога ром қилиш, елкасига ханжар санчиш, ўткир шохли ғазабланган ҳўқизлар даврасида ўзларини бемалол тута оладиган чақон, жасоратли, мардонавор спортчиларни матадорлар деб аташади. Ўйин тугагач матадорлар учун ўзлари голиб чиққан ҳўқиз гўштидан кабоб тайёрлаб лаганга чиройли қилиб тузаб келтирадилар. Матадорлар эса овқатдан олдин: «Стадион лаган даражасида кичрайиб бизнинг дастурхонимизга келди, биз эса матадорлигимизча қолдик» деб ҳазил-мутониба қиласидилар. Ушбу таомнинг номи «Лаган стадионидаги матадорлар» деб аталади. Бунда ҳўқиз ўрнига қовурилган сон гўшти, қизил матони помидор ва гармдори акс эттиради. Ҳайвон елкасига санчилгани ханжар вазифасини эса пичоқ билан вилка адо этади.

«Товуқнинг чап оёғи»

Парижда «Товуқнинг чап оёғи» номли маҳсус кафе бор. Нега энди чап оёғи? — дерсиз. Нодир пазандаларнинг фикрича, товуқ дам олганда ўнг оёғида тик туриб, чап оёғини йиғиб оладиган бўлгани учун чап сонининг гўшти ўнг сониникига қараганда нафисроқ ва бинобарин лаззатлироқ бўлар эмиш. Ўша кафеда доим одам тавжум. Лекин ширакайф хўрандаларнинг ҳаммаси ҳам оёқнинг ўнг ёки чап эканлигини ажратади. Бунинг аҳамияти йўқ, барибир. Савдо авжи қизиган вақтларда ўнг-чапига қарамай пишириб бераверадилар. Пиширилиши ҳам гайри оддий, ғалати: хўранда ўтирган столида маҳсус кичкина электр плиткаларда хушбўй ҳидини таратиб қовурадилар. Мабодо бирон бир хўранда унга ҳозирланган таом товуқнинг чап оёғидан эмас, ўнг оёғидан эканлигини сезиб қолиб эътиroz билдиргудай бўлса, маҳсус тайёргарликдан ўтган гўзал ва хушмуомала официанткалар ҳозиру нозир. Унда сиз бундай диалогнинг гувоҳи бўласиз.

— Ахир, мен товуқнинг чап оёғини буюрган эдимку?!
Бу эса ўнг оёқ!!

— Мисъе, ҳаммаси тўғри, Сиз ҳақлисиз — дейди официантка хушмуомалалик билан. Фақат иккимиз бир нарсани аниқлаб олмоғимиз даркор.

— Хўш, хоним? — дейди мулоҳим торған хўранда.

— Гап шундаки, Мисье, товук тириклигига қайси то монга қараб турган. Агар у сўйилмасдан олдин менга қараб турган бўлса, унда бу унинг ўнг оёғи. Албатта қуш тириклигига Сиз томонга қараб мунтазир эди, демак бу унинг чап сони. Сизга ош бўлсин, Мисье!

Умумий илжайишдан сўнг эътиrozга ўрин қолмайди. Пазандаларнинг эса қўли қўлига тегмайди, ўнгу чапига қарамай жазиллатаверишади.

Кафе номини «Товуқнинг чап оёғи» деб аталишининг ўзи хўрандаларни қизиқтириши ва кўплаб жалб қилишга қаратилган рекламадан иборат ва демак, лақилла-тишдан ҳам.

Шилиқ қурт — ноёб таом

Зах ерларда, кўкатларнинг орасида усти чифаюқ, ўзи қизил бир кесим хом гўштга ўхшаган шилиқ қуртни кўргандирсиз, буни «гўшт кетди» деб ҳам аташади. Ана шу умуртқасиз жонивор Францияда гастрономларда сотилиади. Ундан шўрва, қовурма тайёрлайдилар, қиймалаб чучвара, котлет пиширадилар ва юзларча таомларга қўшадилар.

Шилиқ қурт солиб тайёрланган ҳар қандай овқат французлар учун ноёб таом ҳисобланади, азиз меҳмонларга атаб ёки тўй ва байрам дастурхонига қўйилади. Ушбу масаллиқقا бўлган талаб шу қадар ортиб кетибдики, ҳар йили 17 тонна моллюска ейиладиган бўлибди. Электрон машинаси орқали олинган маълумотларга кўра 1985 йилга бориб, бу мамлакатда барча шилиқ қурт еб бўлиниб, «Қизил китоб»га ёзилиш хавфи туғилар экан. Ана шунинг учун Экслан Прованс вилоятида зоолог Жан Кауффер ва пазанда Ив Дубле номли икки киши пул жамғаришиб, шилиқ қуртни кўпайтирадиган ферма ташкил этишган. Ушбу ноёб масаллиқни етиштириш учун унча кўп маблағ сарфланмайди, яъни озуқа жамғаришнинг, маҳсус хоналар қуришнинг, парвариш қилувчи ходимлар бўлишнинг сира ҳожати йўқ. Ажратилган зах ерда ўсан ёвойи кўкатлар орасида яшаётган шилиқ қурт тез ва кўп урчиди. Ўша ўзига хос ферма ярим гектар ерни ташкил қиласди, бу майдондан ҳар йили 10—12 бош сигир вазнига тенг келадиган шилиқ қурт гўшти ҳосил қилиш мумкин экан. Суяксизлигини айтмайсизми! Пазандабоплиги ҳам чакки эмас, чифаюғи кертиб ташланиб кесилса бас — нақ тўғралган гўштнинг ўзгинаси-да!

Балиқхўрлик

Нақл қилишларича, қадимги грек файласуфларидан Демонакс денгиз саёчтига чиқмоқчи бўлибди. Энди сафарга жўнайман деб турганида қаттиқ шамол ва бўрон бошланибди. Шу топ дўстларидан бири Демонаксга мурожаат қилиб: «сафардан воз кечсанг бўларди, ахир кеманг ҳалокатга учраши ва ўзинг балиқларга ем бўлишинг мумкин»,— деганида файласуф: «Нега энди балиқлар мени емас эканлар, ахир ҳаётимда мен қанчадан қанча балиқни еб юборганман-ку!» деб жавоб берган экан.

Дарвоқе грек пазандалигига балиқ таомлари асосий ўринни эгаллайди. Греция қирғоқларини дengiz ювиб турди, жуда кўп ороллари бор, атрофи сув, ичи тўла балиқ. Шунинг учун пазандалари: «грекча шўрва пишириш учун ҳам сув, ҳам балиқ керак бўлади» дейишади.

Умрида сира ҳам гўшт емай, фақатгина балиқхўрлик билан тирикчилик қилувчи кишилар жуда кўп бу ерда.

Қошигини ҳам еса бўлади

Мексикада яшовчи ерли аҳоли — индеецлар жуда қадим замонлардан буён маккажўхори унидан юпқа нон тайёрлашни давом эттириб келади, Мексикани босиб олган испанияликлар XVI асрда бу нонни Европага олиб келгандар, ҳозир у Испания ва Португалияда ҳам тайёрланади ва тортильяс деб юритилади. Тортильяс нонини ейишдан ташқари яна қошиқ ўрина ҳам ишлатилади: бўй бурда синдириб курак симон букиб олиб пиширилган гуруч, нўхот ёки салат, винегрет каби овқатларни ейиша фойдаланилади. Бу ҳали қошиқ келиб чиқмасдан илгари пайдо бўлган «қошиқ» нондир.

Шундай нонлар Кавказда ҳам бор. Арман пазандалигига жуда юпқа ёйиб, тандирда пишириладиган нон бор, номи лаваш. Бу ҳам қошиқ вазифасини ўтайди ва унга пишлоқ ўраб ҳам ейилади. Озарбайжон пазандалигига палов тайёрлаганларида қазмағ деб аталувчи юпқа нон ҳам пиширадилар. Паловни ана шу қазмағдан бир бурдасини куракча қилиб олиб ейилади.

Ўзбек ва токик пазандалигига ҳам юпқа ёйиб, тандирда 1—2 минут сергитиб олинадиган нон бор, номи — чевати ёки чапоти. Бу нон ҳам ҳар хил овқатларни ёки бир бурдасига пишган гўшт ёки кабоб жазини ўраб ейилган.

Бизда мураббо, ҳолвайтар, қатиқ, қаймоқ, асал, эри-тилган сариёғ кабиларга кичик бир бурда нон теккизib ялаш одати бор. Овқатланишдаги бу одат жуда ибтидоий бўлиб, бу ҳам қошиқ ижод қилингунга қадар ноннинг ўзини «қошиқ қилиб» ейишга мисол бўла олади. Ҳиндистондаги дехқонлар овқатланганларида ҳануз ҳам қошиқдан фойдаланишмайди, қўлда ёки қуюқ-суюқ овқатларни танаввул этганда қошиқ ўрнида бир бўлак нондан фойдаланишади.

Пашшанинг ўлигими ёки кишимишми?

Ҳамма соҳаларда бўлгани каби пазандалик ҳам тасодифларга тўла. Баъзан ҳеч хаёлга келмаган нарсаларни бир тасодиф ярқ этиб ақлга киритади-қўяди. Фандаги кўпгина кашфиётлар ҳам тасодифлар билан боғлиқлигини биласиз. Шунингдек хамирга кишимиш солиб пишириладиган булочка ҳам бир тасодиф таъсирида келиб чиқсан. Революцияга қадар Москвадаги кондитер ва гастрономия масаллиқлари савдоси капиталист Елисеев тасарруфида эди. У харидорларни ўзига кўплаб жалб этиш учун магазин биносини чунон ҳам безайдики, аста қўяверинг. Бу магазин биноси М. Горький кўчасида ҳануз ҳам бор. Лекин магазиннинг безаги ўз йўлига, харидорни сотилаётган сифатсиз масаллиқ ҳам безитиб юбориши мумкин. Шундай бўлади ҳам: бир куни «Елисеевкага» бир харидор кириб булочка сотиб олади ва шу ернинг ўзида синдириб ея бошласа, ичидан бир неча ўлик пашша чиқади. Ранжиган харидор бошқаларга кўрсатади ва қаттиқ овоз билан мурожаат қиласди.

— Одамлар! Елисеевнинг хашаматига ишонмангалар, у мана бундақа пашша қўшилган булочкалар сотиб бойяётган экан!

Ҳаммани ола-ғовур босади, барча харид қилингай нарсалар эгасига қайтарила бошлайди. Шунда Елисеев пештахта устига чиқади-да, ҳалиги булочкани қўлига олиб пашша ўлигини битталаб териб чайнай бошлайди.

— Одамлар! Бу харидоримиз яхши пайқамаганга ўхшайди, бу пашша эмас, қора кишимиш, биз бугундан эътиборан магазинимизда кишишли булочкалар сотаяпмиз. Мабодо бошқа булочкаларга кишимиш тушмаган бўлса, мен кондитерни уришиб қўяман. Эртага ғарч кишишли булочкаларга яна марҳамат қиласверинглар!

Харидорларнинг безишидан чўчиган Елисеев кечқу-

рун кондитерни ўз уйига таклиф этиб, махфий топшириқ берган: «майзли булочканинг рецепт ва технологиясини ишлаб, эрталаб магазинга чиқарилсн!»

Афсусли жойи шундаки, бир кечада мураккаб технологиядаги майизли булочка ижодкорининг номи тарихда қолмайди, лекин москваликлар Елисеевни онда-сонда бўлса ҳам ҳамон эслашади.

Пиллапўчоқ тамаддиси

Маълумки, ипак қурти пилласини ўраб бўлгач, ичида қолиб, фумбакка айланади. Фабрикаларда пилла дошиқозонларда қайнатилиб, ипаги галтакларга ўраб олингач, ичидан тушиб қолган жуда қўланса ҳидли жигар ранг тусдаги гумбаклар чиқади. Буни ўзбекчасига пилла-пўчоқ деб аталади.

Пиллапўчоқ кўмиб ташланади, ерга ўғит қилинади ёки товуқларга едирилади. Ажабо, Хитой вилоятларидан бирида буни одамлар ер эканлар. Офтобда қутилиб, қозонда қовурилгандан сўнг қурс-қурс қилиб ейишаверади. Меҳмон дастурхонига қўйилган пилла-пўчоқ қовурмаси ноёб таом сифатида қабул қилинади.

Овқатнинг лаззати пишлоқ билан...

Гап Голландия пазандалиги устида боради. Негаки, бу мамлакат пишлоқ тайёрлашда жаҳонда асосий ўринни эгаллайди. Машҳур «голланд сири»ни биламиз. Яна сирти қип-қизил ичи олтин саринқ «эдам» навли сир эса голланд пазандалигининг рамзи ҳисобланади. «Гауда» навли сир ҳам Голландияда кашф этилган, хуллас ўнлаб турлари мавжуд.

Барча мамлакатларда пишлоқ десерт овқат сифатида истеъмол қилинади, яъни асосий овқатдан олдин ёки кейин бир оздан тамадди қилиш — десерт дейилади. Лекин Голландияда пишлоқ барча овқатларнинг асосий компоненти сифатида истеъмол қилинади. Яъни салатда ҳам сир, шўрвада ҳам сир, гўшт билан сир, сабзавот билан сир, балиқ билан сир, хамир билан сир, қовурилган сир, қайнатилган сир, димланган сир, қирилган сир, эритилган сир, барча овқатлар таркибида сир — пишлоқ...

Пазандаликдаги «Гўзалнинг чиройи кўзи билан, овқатнинг лаззати тузи билан» деган машҳур мақолни ҳам голландиялик пазандалар «Овқатнинг лаззати сир билан» деб ўзгартириб айтишади.

Ширинлик шайдолари

Муқаддас Елена оролининг аҳолиси учун энг шарафли ва биринчи ўринга қўйиб истеъмол қиласидиган таоми асал ва қанд ҳисобланади. Ширилликхўрликда булардан ҳам шведлар устун туришади. Статистика маълумотларига кўра ҳар бир швед йилига 47 кг қанд еяр экан. Қанд, конфет, ҳар хил мурабболарни ўзини ейишдан ташқари барча таомларига ҳам қўшишади. Ҳатто жигардан тайёрланган паштетга, сирка ва бошқа зираворлар солиб тузланган балиқقا ҳам шакар сепиб ейишади. Турли хил нонларни ҳам қанд қўшиб тайёрлашади. Швецияда яна шакар қўшиб тайёрланган колбаса ҳам бор, буни кесиб дастурхонга тортганда мевадан қайнатилган ширин компот билан келтирадилар. Шведларнинг энг шарафли ва севимли оши чўчқа ёғида тайёрланган ловияли қора шўрвадир, бунга ҳам пича шакар сепишади. Ушбу шўрвани дастурхонга тортишда брусника қиёми солиб тайёрланган блин билан бирга берадилар. Йичга асал солиб қайнатилган балиқни айтмайсизми!

Бизда, масалан, помидор ва бодрингга туз сепиб ейилади, уларда помидорга шакар сепилиб, бодринг эса қиёмга ёки асалга ботириб истеъмол этилади. Еб кўрганларнинг айтишларига қараганда асалга теккизиб ейилган бодрингнинг мазаси тарвузга ўхшар эмиш.

Қат-қат таом

Мана шу ғоят лаззатли ва энг ноёб таом кўчманчи араб қабилаларининг пазандалигига хос бўлиб, у фақат катта тўй ва байрамларда тайёрланади. Уни тайёрлашда қабиладаги қассоб ва пазандаларнинг барчаси иштирок этиб, кечқурун салқин тушгандা бошлашса, эртасига эрталаб пишади. Аввалига бир тух сўйилади, териси шилиниб ички аъзолари олиб ташлангач, бўйни, икки сони ва кураги ажратилиб тузлаб қўйилади. Таомга туюнинг фақат танаси керак бўлади. Тананинг ичи ва сиртига тузга қўшиб туйилган ҳар хил зираворлар сепиб, ишқаланади. Битта қўй ҳам сўйилади, ич маҳсулотлари олиб ташлангач, тўртала оёқлари ҳам танадан ажратилади. Тананинг ички ва ташқи тамонларига эса ҳалигидай туз ва зираворлар аралашмасидан сопиб ишқаланади. 10 та товуқ ҳам сўйилиб, патлари юлингач, ичак-чавоғидан тозаланади, ювилади, туз ва зираворлар сепилади. Катта-

лиги бир қарич келадиган балиқлардан ҳам 10 та олининг тангачалари қирилиб, ичи олиб ташлангач, ювилади, бунига ҳам туз ва зираворлар сепилади. 20 дона тухумни қайнатиб, қаттиқцина қилиб пиширилади, пўсти арчилади. Ана энди ҳар бир балиқнинг ичига иккитадан тухум жойлаб, доғланган ёғда қизартириб олинади. Сўнгра қовурилган балиқларни товуқларнинг ичига солиб тикилади ва мильтиратиб қайнаётган шўрвада пиширилади. Тайёр тавуқларни эса ҳалиги қўйнинг танасига жойлаб, орасига кесилган думба, жигар ва бўйрак солиб тикилади, буғлаб пиширилади. Бунинг учун қозонга сув қиниб, ёғоч панжара-теглик ўрнатилади, қўй танасини пайжара истига жойлаб, қопқоғи жипс ёпилган суст оловда димланади. Тахминан 1—1,5 соатларда қўй танасининг бутун буғламаси тайёр бўлади. Энди буни аста олиб, тайёрлаб қўйилган тия танасининг ичига солинади. Туяни ҳам катта дошқозондаги ёғоч панжара устига қўйиб, остига сув қуйиб, қопқоғи жипс ёпилади ва буғланади. Тахминан 3 соатларда тия танаси ҳам бутунлигича ҳилхил бўлиб пишади. Қат-қат таомни катта меш устига олиб бир оз тоби чиқарилгандан сўнг қабила оқсоқоли уни моҳирлик билан тилимлайди, Ҳозир бўлганларнинг ҳар бирига тия, қўй, товуқ балиқ гўштларидан ва тухумдан майдалаб тақсимлайди. Товуқ қайнатилгандан қўй ва тия буғланганда ҳосил бўлган шўрвалар аралаштириб юборилиб алоҳида тортилади. Қат-қат таомни тайёрлаш давомида ҳар турли ашулалар янграб, рақслар ижро этиб турилади. Танавулдан сўнг тантаналар яна давом этади.

Тўйдирмаса ҳам митти балиқ яхши

Филиппин оролларида яшовчи халқларнинг энг севимли ноёб таоми митти балиқлардир. 10—15 киши бирга ов қилганда кечгacha атиги 20—30 грамм балиқ тутади. Овчилар чаққон, чидамли ва ўткир кўзли одамлар бўлиб, матробларини қалин докадан ясадилар ва денгиз қирғоғида эртадан то кечгacha сузид «диндака пигмей» ва «мистихтиюс люzon» деб аталувчи балиқчаларни қидирдилар. Балиқчаларнинг катталиги чумолидай бўлиб, танаси тиниқ сув рангида бўлади, овчилар буларни бир жуфт қопқора кўзларидан топиб оладилар.

Ушбу балиқчаларни қовуриб ёки бирон бошقا усул билан пиширишганда ҳеч нарса қолмаслиги аниқ. Шунинг учун мазаҳўраклар митти балиқчаларни маҳсус

қисқичларда илиб олиб тилларининг тагига ташлар эканлар, луқмаи ҳалоллар тупиклар ичра сузиб, оғиз бўшлиғини анча қитиқлаб кўпгина сўлак ҳосил қилгандан сўнг, кўзларини юмиб аста ютиб ҳузур қиласканлар.

Сув қандаласи ҳам овқат

Ушбу жониворни мексикаликлар ва америкаликлар «бармоқхўр» деб аташади. Жануби-Шарқий Осиё мамлакатларида бу ҳашаротни жуда хуш кўриб ейишади. Овловчилар сув остига шўнғиб тухумларини елкасига олиб очириш учун бир жойда жилмай турган сув қандалларини кўплаб териб бозорларда сотадилар, пазандалар эса бундан шўрва қайнатадилар. Офтобда қуритилганини қусурлатиб ейиш учун дастурхонга тортадилар. Сув қандаласининг ўзига хос ҳиди бу ерлик аҳолига жуда манзур тушгани учун ҳам уни зиравор сифатида кўпгина таомларга қўшиб юборадилар.

Тошбақа таом

Тинч, Атлантика ва Ҳинд океанлари қирғоқларида жойлашган мамлакатларда ва шу океанлардаги оролларда яшовчи ҳалқларнинг кўпи денгиз тошбақаларини ейди. Сузувчи тошбақалар анча катта бўлиб, ҳар бирин 50 килограммдан тортиб то 500 килограммгача гўшт қилиди.

Янги Зеландияда тошбақа пиширишнинг ибтидоий усули ҳанузгача сақланиб қолган. Тутилган тошбақанинг ҳажмига қараб ерда чуқур ковладилар, чуқурга тошбақани тўнтариб ётқизадилар, устига шох-шаббалар ташлаб гулхан ёқадилар, бир соатлардан сўнг кулини очиб ташлаб қарабсизки, тошбақанинг қорин томонидағи косаси кўйиб, осонликча кесиб ташлаш мумкин бўлиб қолади. Тўнтарилган сирт косасида эса гўшти ўз селигага ҳил-ҳил пишади.

Қизиги шундаки, ҳали ҳолодильниклар йўқ, консервалар кашф этилмаган, аммо масаллиқни узоқ сақлаш зарурати туғилган пайтда дэнгизчиларнинг узоқ сафарларида тошбақалар жуда асқотган. Буни пиширган ва еган кишиларнинг гувоҳлик беришича шу жонивор гўшти кийик гўштига ўхшаб кетар, аммо сели анча қўпроқ бўлиб, нағислиги товуқ гўштига тенг келар экан. Мазасига келганимизда эса ҳар иккала гўштнинг уйғунлашган лаззатига монанд эмиш. Бунга ишонса бўлади, негаки

тошбақа жуда беозор ҳайвон, қуруқликда яшайдиганлари турли доривор ўсимликларни ейди ёки худди қушлар каби чигиртка, ўргимчак, қўнғиз ва бошқа умуртқасиз қурт-қумурсқаларни еб тирикчилик қилади. Денгизларда яшайдиган тошбақалар эса балиқлар нимани еса булар ҳам шуни ейди. Қўриниб турибдикি, тошбақаларнинг озиқланиши гўштининг луқмаи ҳалоллигидан далолат бериб турибди. Тошбақа гўштини асосан денгизчилар ва денгиз бўйларида истиқомат қилувчи ҳалқлар жуда нафис ва ноёб таом сифатида истеъмол этадилар. Олис океанлар исканжасида адашиб қолган, егулик нарсаси тугаган ва ҳатто балиқ тутишга ҳам имкони қолмаган ҳолларда денгизчиларга кўплаб ғамлаб олинган ташбақалар асқотган. Пароход палубалари ва трюмларига оёғини осмонга қилиб тўнтариб қўйилган тошбақалар ҳафталақ ҳатто ойлаб типирчилаб ётаверган. Худди мана шу тирик консервалардан пароход пазандалари хоҳлаган овқатни тайёрлай берганлар.

Эндиликда гўштдан, балиқдан ва мевалардан тайёрланадиган консерваларнинг ижод этилганига атиги бир аср бўлди холос, холодильникнинг кашф қилинганига эса 50 йил ҳам бўлгани йўқ. Аммо тирик консервалардан фойдаланиш 300 йилдан бўён давом этади. Шунча давр ичida бу тансиқ таом юз минглаб денгизчиларни очлик оғатидан сақлаб қолган.

Яқиндагина Тинч океанда адашиб қолган Австралияning елканли кемасидаги 200 чамаси одамларнинг ҳаётини тирик консервалар сақлаб қолди.

Чигирткахўрлик

Индонезия ва Бирмада кўпгина антиқа таомлардан бири чигирткахўрликдир. Улфатлар оқшом пайтида боғ, дала ёки ўрмон четига йиғилишиб давра қуриб ўтиришади, ўртага гулхан ёқишиади. Чор атрофдаги чигирткалар ловуллаган олов томон учиб кела бошлайди. Ҳар бир иштирокчи ўз ўлжасини ўтирган ерида тутиб чўпакка илади-да, чўқقا тутиб кабоб қилади ва мазза қилиб тушираверади.

Чигирткахўрлик ҳар хил латифалар айтиш ва ширин суҳбат билан алла маҳалгача давом этади, барча тўйгач, секин туриб тарқалишади. Чигиртка шундай таом эканки, унинг хўрандалари қадимда ҳам бўлган экан. Масалан, юон тарихчиси Геродотнинг қолдирган маълумо-

тига кўра Осиёда яшовчи баъзи қабилалар, масалан, насамонлар чигиртка еганлар. Улар ҳашаротни тутгач чўпга илиб офтобда қуритишган, сўнгра талқон қилиб каф отишган ёки сутга қориб ейишган экан.

Чигиртка жуда тез кўпаядиган очофат ҳашарот бўлиб, қишлоқ хўжалиги учун катта зарар келтиради. Унинг галалари учганда қуёш нурларини булатдай тўсиши мумкин. Ерга қўнгандан ҳар қандай экинни ҳам қийратади, ҳатто қуриган қамишларни ҳам еб ташлайди. Бу ҳашарот Саудия Арабистони ва Эрон дехқончилигига фоят катта путур етказадики, дехқонларга егулик ҳеч нарса қолдирмайдиган йиллар ҳам бўлади. Ана шундай вақтларда одамлар чигиртканинг ўзини ейишига мажбур бўладилар. Москвалик журналист В. Песков «Ҳайвонот оламида» телевизион кўрсатуви орқали, (10 январь 1981 йил) ҳикоя қилишича, Арабистонда қовурилган чигирткани тотиб кўрган. «Одамлар еяётганликлари учун мен ҳам бир донасини чайнаб кўрдим. Мазаси япасқи, биз ейдиган овқатларга сира ўхшамайди, лекин буни паллоҳлар (дехқонлар) ноиложликдан ер эканлар, шуни англадим»,— деди у.

Авторлар колективининг «Этнография питания народов стран зарубежной Азии» номли китобида айтилишича: «Овқат етишмовчиликдан бедуинларнинг жуда камбагал қисми чигиртка, калтакесак, илон, барча ёввойи ҳайвонларни, ҳатто тулкини ҳам сайдилар. Энг севиб сайдиганлари чигиртка бўлиб, бу ҳашарот қишлоқлар устидан булатдай учиб ўтади. Минг-минглаб ҳашарот буталарга қўниб, шудринг тушганда қимир этмай тураверади. Беудинлар буни ҳовуч-ҳовучлаб териб, катта қопларга соладилар. Сўнгра чуқур, эни энсиизроқ хандак қазишиб ичига олов ёқадилар. Олов ўчгандан сўнг қўрга чигирткаларни тўкишади (шундай қилинганда чигиртка яхши қовурилади). Чигиртгани ёққа қовуриб ҳам ейишади. Бундан ташқари ҳашаротни офтобда қуритишади, сўнгра дарҳол талқон қилиб олишади ёки узун ипларга чизишади. Чигиртка талқонидан бўтқа пиширишади»¹.

Хомлигича ея беришади

Масаллиқлар борки, уларни хомлигича ейиш мумкин, лекин бир хилларини пиширмасдан еб бўлмайди. Маса-

¹ Этнография питания народов стран зарубежной Азии. Изд-во «Наука», М., 1981 йил, 36—37-бетлар.

лан, помидор, бодринг, редиска, турп каби сабзавотларни ва мева-чевани хомлигича ея берамиз, бироқ картошка, шолғом, ошқовоқ, лавлаги, гуруч, нўхат, гўшт, балиқ ва бошқа масаллиқлар борки, буларни хомлигича сира еб бўлмайди.

Пазандалик — пиширмоқлик деган сўздан олинган, лекин Африка чангальзорларида бир хил элатлар бор, булар ҳатто гўшти ҳам хомлигича паққос тушира беради. Бизда тундра эскимос, чукчи, лавраветян, алият халқлари ошпазлигига ҳам энг ноёб таом хом балиқ ҳисобланади. Қишида янги тутилган балиқни тозалаб шундоққина далага олиб чиқилса бас, бир пастда тошдаккина бўлиб музлайди. Ана шуни оштахта устига қўйиб, тўқмоқ билан уриб яхидан туширишади-да, туз сепиб ея беришади. Ёзда бўлса хом балиқ гўштига пича сирка ва пиёс аралаштиrsa, ажиг таом ҳосил бўлар эмиш.

Энди Перу халқининг пазандалигига мурожаат қўйлийик. Бу мамлакатда денгиз сатҳидан 4 минг метр баландликда Титикака деб аталмиш тоғ кўли бор. Бу кўлга ёлғиз алпинистларгина чиқа олади, чунки Титикака када йилнинг 10 ойи қаҳратон қиши, 2 ойи эса ёз. Ёз бўлганида ҳам жазирама ёз бўлади. Ана шу пайтларда офтобнинг тафтида улкан дошқозондай қайнаб кетган кўлдаги балиқлар ўзини қирғоққа тап-тап ота бошлияди. Алпинистлар ҳам худди шу пайтларда Титикака соҳилларида ҳозир бўладилар. Улар қирғоқларда питирлаб ётган балиқларни бемалол йиғиб келиб, червиче деган таом тайёрдилар. Балиқни тозалаб бошидан думига қаратачувалчангисимон тасмаларга кесиб чиқадилар ва хомлигича лимон шарбатига ботириб, пиёз ва помидорга қўшиб танаввул қиласилар. Парижнинг энг машҳур ресторонларида устрица деб аталмиш денгиз молюскаларининг бир тури албатта бўлади.

Мазакхўраклар заказ бергандага официант тирик устрани ликопга солиб олиб келади, садафини тарс ёриб ўртасидан чиқсан шилиқ молюсканинг устига сирка сепади-да хўрандага узатади, у олиб оғзига солади, ютганида томогидан ўтаётуб «чий-чий» деса ҳузур қиласиди, агар бундай товуш чиқмаса — ўлик экан, деб пул тўлмайди! Ҳа, қоидаси шунаقا бўлгандан кейин биз нимадея оламиш. Эсда тутайлик, дид табиатига келганда баҳс очилмайди деб келишиб олганмиз-ку.

Ёвғонхўрлар

Дунёда турли хислатдаги одамлар бўлади, шуларнинг бир хилли ёвғонхўрлардир. Бундай одамлар ҳайвононг масаллигининг асло яқинига йўлашмайди. Диндорликлариданми, кўнгли бўшлиқданми, фоят даражада таъсирчанликлариданми ҳар ҳолда жонивор нарсани ўлдириб ейиш «одобдан эмас», деган андишага борадилар. Гўшт, тухум, сут, балиқ каби серлаззат таомлардан ўзларини маҳрум қилиб юришади. Буларнинг егани ўсимлик овқат бўлгани сабабли ундай кишиларни лотинча вегетаранлар (ўсимлик єовчилар) деб аташадиган бўлишган.

Ёвғонхўр кишиларнинг аъзоларида овқат ҳазмланиш жараёни қандай кечар экан, деган масала олимларни анча вақтлардан буён қизиқтириб келади. Аввало, бу муаммони ўтган асрда италиялик олимлар ҳал қилишган. Жанубий Италияда яшовчи бир қисм аҳоли қадимий даврлардан буён ҳеч ҳам гўшт емас экан. Булар асосан зогора уни, сабзи-пиёз, мева-чева-ю, зайдун дарахтининг ёғини ер эканлар, холос. Сут, тухум, пишлоқ, балиқ емаганлари учун уларнинг истеъмолидаги ўсимлик овқатлар ҳам тўла ҳазм бўлмаслиги аниқланган.

Бу аҳолига тажриба учун ҳар куни 100 граммдан 15 мартағина гўшт сидирилганда аъзоларидаги ҳазмланиш ва овқатнинг ичакдан сурилиб қонга ўтказилиши яхшилана бошлапти. Гўшт миқдори 200 граммга ортирилганда эса натижа илгаридагидан ҳам яхши бўлган. Аниқлалинишicha гўштнинг 97,5 фонзи танага сингиб кетар экан.

Афтидан, «этники этга, шўрваси бетга», деган халқ мақоли илмий жиҳатдан ҳам тўғри чиқиб қолди.

Шунга қарамай, ҳануз ҳам ёвғонхўрлар жуда кўп ва уларнинг аксарияти асаб касалликлари билан оғрийди. Шу сабабли Лондондаги «Миддлсекс госпиталь» касалхонасининг шифокорлари ёвғонхўрларнинг аъзоларини текшириб яна бир карра шундай хulosага келдиларки, ёлғиз ердан кўкариб чиқсан нарса билангина тирикчилик қиласидан кишилар танасида (ошқозон, ичак ва жигарда) аста-секин ҳаётга қобиллик издан чиқа борар экан. Бинобарин, нерв системаси ҳам бузилишига сабаб бўлар экан.

Шунинг учун англиялик докторлар ҳаммага гўшт ейишни тавсия қилишади. Агар бу маслаҳатга ҳам такаб-

бурлик қилувчилар топилиб қолса, бундайларнинг баданига сигир ва қўй жигарларидан эзаб олинган сел укол орқали юборилади. Йўқса, киши асабийлашади ва меҳнат қобилияти пасаяди. Қийналиб укол олгандан кўра, бир парча гўштни ҳузур қилиб ея қолган маъқул эмасми?

Қалдирғоч уясидан шўрва

Бундай таом Хитой пазандалигига хос Ф. И. Васильевнинг «Двести пятьдесят блюд китайской кухни» номли китобида (Москва Госторгиздат, 1959 йил, 184-бетида) бу таомнинг рецептни берилган. Бу таомнинг ташки кўриниши бир оз сарғишроқ, ёғсиз бульон. Мазаси товуқ ва балиқ қайнатмаларининг уйғунлашмасига ўхшаш, ҳар хил зираворларнинг ҳиди анқиб туради. Шу шўрва билан бирга қайнатилган қалдирғоч уяси алоҳида ликопчада берилади. Буни илк бор тотиган киши ё ютолмай, ё тупуролмай хуноб бўлади, анча бадхўр, лекин хитойликлар учун бу шўрва жуда лаззатли ва ноёб таом ҳисобланар экан. Қалдирғоч уяси деганда биз хас-чўп ва лойдан ясалган уяни тушунамиз. Йўқ, бу бошқачароқ уя. Хайнанъ ва Тайванъ оролларининг тоғли соҳилларида дengiz қалдирғочларининг бир тури яшайди, бу қалдирғоч ўз инини дengиз қирғоққа улоқтирган балиқларнинг лахм гўшти ва булдуриғидан қуради. Қалдирғочнинг сўлаги теккан балиқ гўшти сира айнимайдиган ўзига хос «консерва» бўлиб қоларкан. Овчилар ана шу уяни йифиб келишади. Энди бундан шўрва тайёрлаш пазандаларнинг маҳоратига боғлиқ. Уяни қайноқ сувга 4—5 соат ботириб қўйишади, сув совиса яна янгилаб туришади. Уя бўртиб юмшоқ бўлиб қолганда маҳсус мўйчинак билан ифлосланган жойлари тозаланади, яна иссиқ сувда ишқор (барий гидрат оксиди) билан ювилади. Сўнгра ишқорни кетказиш учун яна ювиб товуқ шўрвага солиб пиширилади.

Утинни ҳам ювиб...

Ҳиндистонда аҳоли паст, ўрта ва олий табақаларга бўлинади. Ана шу ўрта ва олий табақадагиларнинг хонадон ошхонасига ёт кишининг қадам қўйиши мутлақо ман этилади. Үчоғ бошини сигир тезаги аралаштирилган лой билан ёки суюқ тезакнинг ўзи билан сувашади. Мол тезаги уларнинг тушунчасича энг покиза нарса ҳисобланар экан. Шундай сувалган ўчоқда пишган овқат ҳам энг тоза ҳисобланар экан. Мободо ошхонага паст таба-

қадаги одам, ё мусулмон, ё христиан ёки европаликдан бирон киши тасодифан кириб қолгудек бўлса иш тамом: пиширилаётган овқат ҳаром бўлди деб, тўкиб ташлашади. Қайта овқат тайёрлаганида эса барча масаллиқларни неча бор ювиб сўнг таом тайёрлашади. Бу-ку майли-я, ўзоққа қаланадиган ўтинни ҳам ювиб офтобда қуритиб, сўнг ўт қалашади. Бу асосан гонди деб аталувчи ҳалқ-нинг индуизм динидаги раджалари ошхонасида содир бўлади.

Офтоби нон ва қалампир сомса

Жаҳонда фақат Панжоб пазандалигигагина хос офтобда нон пишириш усули бор. Пхурвали деб аталувчи ушбу ноннинг хамири жуда суюқ қилиб, гуруч унидан қорилади. Шу хамирни оқ сурпга юпқа қилиб суркаб офтобга ёйиб қўйишади. Бирор соатлардан сўнг хамир қотиб методан ажралганда олиб дастурхонга тортадилар. Ушбу нонни панжобликлар суюқ ошларга тўғраб истеъмол этадилар. Жаҳонда энг аччиқ сомса ҳам Панжобда бўлади. Хамиртурушсиз хамирдан жилд ёйиб худди биздагидек уч бурчак сомса туғишиади. Номи ҳам ўзбекчасига ўҳшаш сомоса. Фақат қиймаси аччиқ қалампирнинг кўк ва қизилидан чопиб тайёрланади. Бунга туздан бошқа масаллиқ қўшилмайди.

Офтоби нонни тайёрлаш осон, ўзи ҳам қусурмачак, шўрвага тўғраса бўртади. Аччиқ сомса эса панжобликлар учун жуда хушхўр туюлади. Тасаввур қилинг: уйқудан туриб ёки чарчаб, чанқаб келиб бир чойнак аччиқ чой ичганимиздан кейин қандай сермалиб кетамиз, танамиз яйрайди, майнин тер чиқиб, шаббода юргандек салқинлаб ҳузур қиласиз. Қалампир сомсанинг ҳам панжобликларга ана шундай ижобий таъсири бор.

Қон ҳам овқат

XIII асрда италиялик машҳур сайёҳ Марко Поло қолдирган маълумотларга қараганда монголлар ва тибетликлар жуда қадим замонлардан бўён ҳайвоннинг хом ва пиширилган қонини овқат сифатида истеъмол қиласиз эканлар.

Монгол босқинчилари узоқ походларда отларнинг қонини ичиб тирикчилик қилганлар. · Отнинг оёқларини боғлаб, ерга ағанатиб, бўйнидаги венасига тиғ уриб, қонини идишга оқизиб олганлар ёки кесилган жойга оғзини тутиб қонни сўрганлар. Бунда ҳар гал отдан 300 грам-

гача қон олғынса отга зарари бўлмас экан ва у шу йўқотган қонини 7—10 кунда тиклаб олар экан. 300 грамм қон эса бир кишига бир маҳал овқат учун кифоя қилган. Монгол аскарлари миниб юрадиган отларидан ташқари яна қонини ичиб юришга мўлжаллаб бир нечта от олиб юришган.

Тибетликлар одатда сигир ва қўтос қонини ичганлар. Буни улар иситиб, ёғ ва пишлоқ қўшиб истеъмол қилганлар. Еки қонни ичакка қўйиб хасин пиширганилар. Бундай хасипга бир неча турлаги ҳайвонларнинг қони омухта қилиб қўйилган, ичига яна гўшт, пиёз, саримсоқ, туз ва қалампир аралашмасидан тайёрланган қийма ҳам қўшилган.

Ивиб лахта-лахта жигарсимон бўлиб қолган қонни қовуриб ейишган ва яна сомса ҳам пиширишган.

Монголларда кийик қони ўпка касалига дори ҳисобланар экан. Кийик сўйиладиган пайт барча касаллар тўпланишади ва буларга иссиқ қон улашилиб шифо топтирилади.

Ит гўштининг шўрваси

Ит гўштини Шарқий ва Жанубий-Шарқий Осиёда истеъмол қиладилар. Жанубий Кореяда, Хитойнинг баъзи вилоятларида, Бирмада, Лаосда, Вьетнамда, Таиландда шундай бир тоифа одамлар борки, булар учун ит гўшти луқмаи ҳалол ҳисобланади. Масалан, бирмада нага, мару, ака; Лаосда мао, ламен, кхму; Вьетнамда вьет, стент, сен-данг, мног; Таиландда лава деб аталувчи қабилалар борки, буларда ит гўшти ейиш азалий одат. Этнографларнинг маълумотига қараганда ит гўшти истеъмоли Жануби-Шарқий Осиё ҳалқлари маданияти билан Осиёнинг ички районларида яшовчи итдан чорвага қўриқчи сифатида фойдаланувчи ҳалқлар маданияти билан мураккаб алоқадорлик натижасида келиб чиқсан бўлиши мумкин. Сўнгра ит гўшти ейиш диний маросимлар билан боғлиқдир. Чунончи Вьетнамдаги мног қабиласида киши 50 ёшга тўлганда ўз шахсий руҳини шод этмоқ учун итни сўйиб шўрва қайнатар, бошқаларга бошқа қисмини улашиб туғилган кунини нишонловчи ит калласини еяр экан. Табиий оғатларда ҳам ит сўйиб қурбонлик қилиш одатлари келиб чиқсан. Баъзи жойларда эса ит гўштини ейиш ҳеч қандай диний маросимлар билан боғлиқ бўлмасдан шундай одатдаги ҳол ҳисобланади. Бу эса ўша жойда яшовчи ҳалқнинг хўжалик-ма-

даний типи қандайлигига боғлиқ бўлади. Эҳтимол бир табиий оғатда чорва бутунлай қирилиб кетгану итлар қолган. Итдан бошқа егулик ҳайвон бўлмаса, начора. Қолаверса, итни боқиш кўпам маблағ сарфламайди ва у кўп урчийдиган жонивор ва ҳ. к. Хуллас ит гўшти ис-теъмолининг анчагина сабаблари бор.

Бадбўйу, бадхўр...

Тибетликларда бир овқат бор. Молни сўйиб қорнини тўкиб ташлаб, ювиб ичига ичаги, жигари, буйраги, ўпкаси, юрагини тўғраб солиб бижғитадилар, ҳатто бир-икки ҳафтагача ҳам бижғитаверадилар. Масаллиқ қанча кўп вақт сасиб турса ва узоқ-узоқлардан унинг бадбўй ҳиди таралиб турса, бу энг ноёб ва лазиз таом ҳисобланар экан. Бу масаллиқдан улар шўрва тайёрлашади ёки арпа дони билан суюқ ош пиширишади. Яна бир овқати от ва сигир туёқларини узоқ қайнатиб, қора елим ҳолига келганда ейишаверади. Ёки ҳайвон суюкларини майдалаб, тегирмонда ун қилиб тортиб атала пишириб ейдилар. Бу-ку майли-я, харом ўлиб бир неча кун жийиб кетган ҳайвон гўштидан ҳам овқат пишираверадилар.

Агар шу овқатларни бошқа одамлар сса, касал бўлибгина қолмай, ҳатто ўлиб қолиши ҳам мумкин. Аммо тибетликлар бунга ўрганиб қолган, одатланган, организми шунга мослашган. Уларнинг аъзолари ана шу сасиган ва ўлган ҳайвоннинг гўштидаги ғоятда хавфли микробларга ҳам бардошлидир. Агар улар ана шундай овқатлардан вақти-вақти билан еб турмасалар, хумориси тутади. Ахир уларнинг кўнгли шуни тусагандан кейин биз нима ҳам дея олар эдик.


Еб бўлмайдиган масаллиқ йўқ

Африка, Австралия ва Янги Зеландияда истиқомат қилувчи ерли аҳолининг бир тоифаси ўрмонларга боради-да, дараҳтдан капалак ва қуртларни териб туз-пуз сенмасдан ея беради. Японияда энг севимли овқат денгиз саккизоёқларининг гўштидир. Ахир ёмғири чувалчангни нима деган гап. Шуни ҳам териб, ичидаги лойини ситиб ташлаб пиёз, саримсоқ тўғраб, туз ва зираворлар сепиб аралаштирилса, бинойидек қийма. Ана шундан чучвара туккан пазандалар бор. Ёки ипак қуртининг пилла ичидан олинган ғумбагини қовуриб, қурсиллатиб еб юришади. Сичқон, каламуш, мушук ва кучуклардан ҳам овқат

пиширадилар. Чунончи Ҳиндистонда бирхор, кхария, мария, гонд, сантал деб аталувчи майда миллатлар кўп. Булар ит, мушук, каламуш, бақа, илон, ақраб, шилиқ-қурт кабиларни бемалол истеъмол қила берадилар, бу ҳайвонларнинг гўштлари бозорларда ҳам сотилади. Айниқса санталлар учун ов бўлмайдиган ҳайвон йўқ. Вихорлар эса фақат маймун гўштини смас эканлар. Сабаби: маймунлар бу халқ учун муқаллас тотем ҳисобланиб, унга сифинишар ва «бу бизнинг ота-боболаримиз» деб тушунганликларида экан. Бошиқа ҳайвонларнинг барчаси егулик. Пашиб қуртини маҳсус боқиб семиртириб, сўнг қовуриб, азиз меҳмон дастурхонига ноёб таом сифатида тортганларини эшитганмисиз? Бу энди Хитой пазандалигига хосдир. Нақл қилишларича, «Хитойларда еб бўлмайдиган нарса фақат тўрттагина бўлиб, учиб юрувчилардан — самолёт, сузиб юрувчилардан — пароход, судралиб юрувчилардан — танк, тўрт оёқлилардан эса столдир. Булардан бошқасини пиширса ва еса бўлаверди.

Хуллас, «нишира олмайдиган пазанда бўлиши мумкин аммо еб бўлмайдиган масаллиқ йўқдир». Яна бир мақол: «Ҳар ким ўзи севган ошини ошайди». Шу мақоллар амри билан қараганимизда кимлар нималарни ейишга одатланган эканлар, ўшалар шундан лаззатланади, маза қиласиди. Биз эса дид, лаззат ва маза масаласида баҳс очмаймиз.





V. ПАЗАНДАЛИК РАВНАҚИГА ҲИССА ҚУШГАН КИШИЛАР

Пифагор тамаддиси

Карамнинг ватани Европанинг ғарбий, қадимги иберийлар яшаган ҳозирги Испания територияси бўлганлигини кўпчилик биологлар тасдиқлашади. Карамнинг дастлабки номи «ашча» бўлиб, русча «шчи» таомнинг номи шундан келиб чиққан экан. Карам кейинчалик Юнонистон ва Мисрга ҳам тарқалган.

Қадимги рим ва лотин тилида бу сабзавотни «капута», яъни калла деб аташган. Ҳақиқатан ҳам бирбирига киришиб кетган карам баргларининг қабариқ, тарам-тарамлиги мияни эслатиб турса, катта юмaloқ карам каллага ўхшайди. Ўзбекчада «бош карам» дейишида ҳам ўзига хос бир маъно бўлса керак. Карам бош органларига фойда эканлиги тўғрисида табобат илмининг бобоколони Абу Али ибн Сино бундай ёзган: «Карамнинг қайнатмаси ва уруғи маст бўлишини кечик-

тіради, бошнинг қасмогига фойда қилади, карам шира-
си бурунга юборилса мияни тозалайди»¹.

Карамни турли дардларга даво деб билганликлари
учун қадимги мисрликлар овқатидан олдин ҳам, кейин
ҳам дастурхонга қайнатилган карам қўйишарди.

Бундан икки минг йил муқаддам яшаган Рим дав-
лат арбобларидан бири Катон эса: «Карам сабзавот-
лар ичида энг сарасидир. Уни хомлигича ҳам, пишириб
ҳам сябер. Агар хомлигича сайдиган бўлсанг, сиркага
ботириб е, шунда у яхши ҳазм бўлади ва соғлом таом-
га айланади. Ҳар гал овқатдан олдин ва овқатдан ке-
йин оз-оздан карам еб туришнинг кишига катта нафи
бор»,— деб ёзган эди.

Римликлар учун карам таомгина эмас, шифобахш
неъмат ҳисобланган. Ўйқусизликка мубтало бўлганлар-
га карам ейиш тавсия этилади, заҳарланганларга ҳам
карам едирилади. Мастларни ҳушёр қилиш учун ҳам
карам берилган, бош оғриса ҳам карам еб шифо то-
пишган. Мастлиги ўтиб кетган кишига ўйрекарем суви-
дан бир пиёла ичириб юборилса, дарҳол ёзилиб кета-
ди. Лекин карам каби шифобахш сабзавотдаги барча
фойдали неъматларни ғойиб қилиб юбормасдан анти-
қа тамадди тайёрлаш усулини дастлаб буюк матема-
тик олим Пифагор кашф қилган. Пифагорнинг моҳир
пазандалиги шундаки, у карамнинг яшил баргларини
олиб ташлаб, ўзаги билан бирга 2—4 ёки 6 паллага
бўлган, буни тузли сувга солиб милтиратиб қайнатган
гоҳ юзига сепиб, ҳозирги бизнинг мантиқасонга ўх-
шаш идишда буғлаб пиширган. Пишиш муддати 1 со-
ат. Сўнгра ликопчаларга солиб юзига сариёб ёки қай-
моқ суркаб дастурхонга тортган.

Ўз даврида «Пифагор тамаддиси» номи билан атал-
ган ушбу таом шу қадар универсалки, уни хоҳлаган
хасталикда парҳез сифатида қўлланиш мумкин. Агар
соғлом одам ҳар куни кечки овқат пайтида ўша тамад-
дидан еб ётса, эрталаб ўзини жуда енгил ҳис қилади,
кишини ўта семириб кетишдан асрайди.

Пифагорнинг ўзи карам истеъмолидан кўрган таи-
сиҳатлиги тўғрисида анча фикрлар ёзиб қолдирган,
жумладан: «карам шундай бир сабзавот эканки, у ки-
шини доим тетик, руҳини шодон қилиб кайфиятини
ростлайди»,— дейди олим.

¹ Абу Али иби Сино. Тиб қонунлари, II том, 338-бет.

Лағмондан макарон келиб чиқишига Марко Поло сабабчи

Турли қуюқ, суюқ таомлар тайёрланганда қозонни обод қиласидиган хамир маҳсулоти макарон итальянча «маккаре» сўзидан олинган бўлиб, «хамир қормоқ» деган маънони англатади. Шу сабабли уни итальян миллий масаллиги деб юритилади. Ҳатто макаронни фабрикада ишлаб чиқаришни биринчи маротаба жорий қилган қишига Римда ҳайкал ўрнатилганлиги тўғрисида ҳам дарак бор. Макарон итальянларнинг энг севимли овқати ҳисобланади. Макарон жуда қадим даврларда яшаган пазандаларнинг маҳорати билан кашф этилган бўлиб, бироқ унинг ватани Италия эмас, балки Ўрта Осиё ва Хитойдир.

XIII асрда венециялик савдогар ва саёҳатчи Марко Поло Қрим, Яқин ва Ўрта Шарқ мамлакатлари орқали то Бухорогача келиб савдо-сотиқ қилиб юради. Марко Полони кўпроқ бу мамлакатларнинг тарихи, жуфтрофияси, халқининг тили, турмуши ва урф-одатлари қизиқтиради. XIII асрнинг 70-йилларида саёҳатчи Бухорий Шарифнинг гавжум бозорида «лағмон» деган ажойиб таом танаввул қиласиди. Хамирдан чилвир қилиб чўзилган ва ғоят маҳорат билан лаззатли қилиб тайёрланган ушбу таомнинг рецепти Марконинг ён дафтарига тушади. Марко Помир орқали Қашқарга кириб боради, йўл-йўлакай бўлгани каби уйғур элида ҳам лағмон жуда сероб эканлигининг гувоҳи бўлади. Бундан Гоби саҳроси орқали Шимоли-Шарқий Хитойга етганида лағмоннинг конига бориб қолганини билади. Лағмон қадимги Хитой тилида «Лага мян», яъни «хамирдан ясалган илон таом» деган маънони англатади. Марко Поло уни итальянча «вермичели» деб таржима қилди. Маъноси «хамир чувалчанг» демакдир. Лағмонни тайёрлаб кўришга ҳаракат қилган саёҳатчи важуси (қайласини) пиширишини ўрганиб олган бўлса-да, хамир чўзишини ҳеч ҳам эплай олмайди. Ҳақиқий лағмонпазлар ҳам 5—6 йил шогирдликдан сўнггина бу ҳунарни эгаллай олади-да.

Марко Поло лағмонни Италияга олиб кетмоқчи бўлади. Бунинг учун хамирни сал йўғонроқ, бамисоли қаламдай қилиб чўздиради ва ҳар бир хамирчилвирнинг ичига ингичка сим ўтказиб қуритиб олади.

Саёҳатчи 1295 йилда Венецияга қайтиб келгандা

құмматбāҳо шарқ моллари орасида авайлаб жойлаштирилған бир бойлам қуруқ лағмон ҳам бор әди.

Ичи кавак қуруқ лағмонни итальянлар «маккарони»— қорилған хамир дейишларида ҳам жон бор, чунки лагмоннинг хамири ҳам, макароннинг хамири ҳам узоқ ишилаб, ишиштілиб қаттиқ қилиб қорилади. Итальянча макароннинг батызи сортлари хамирига тухум, ёғ қүшиб тайёрланади, лағмоннинг хамирига ҳам баъзан тухум чақилади. Айниқса, ўзбекча кесма лағмонга албатта тухум қўшиллади. Қоида бўйича итальянлар макароннинг узун қалава қилиб ўралган хилини тайёрлайдилар ва иширганда синдирилар пиширадилар ва бунисини улар спагетти, яъни каноп деб атайдиган бўладилар. Лагмон ҳам узун чилвир қилиб чўзилади ва пиширишда узилиб кетмаслигига эътибор берилади. Хитойда лағмонни икки дона чўига ўраб узмай ейиш, Италияда ҳам макаронни вилкага ўраб узмай ейиш санъат ҳисобланади. Урта Осиё ва Хитойда лағмоннинг қайласини зигир ёққа қовурилган пиёз, саримсоқ, гўшт, помидор, карам, тури билан тайёрлаб, юзига кашнич,райхон, мурч ва сирка сепилади. Италияда ҳам макаронли таомларнинг сардагини зайдун ёғида қовурилган пиёз саримсок, гўшт, помидор ёки лимон, қўзиқорин билан тайёрлаб, юзига петрушка, райхон, лавр япроги, сирка ва мурч сепишади.

Одатда лағмон хамири тузли сувда алоҳида пишириб олиниб, соvuқ сувда ювилади ёки бир-бирига ёпишиб қолмаслиги учун юзига ёғ суртилади. Сўнгра қайлага аралаштирилади. Италияликлар ҳам макаронни тузли сувда алоҳида пишириб олиб, ювишади ёки диркиллаб турсин учун ёғ суртишади, шундан сўнг тайёрланган сардакка аралаштириб ейишади. Мана шу ўхшашликлар ҳам макароннинг бобоси лағмон эканигидан дарак беради.

Бинобарин, макарон, вермишель ва спагетти каби хамир таомларнинг лағмондан келиб чиқишига **Марко Поло** сабабчи бўлган. Шунинг учун бу сиймони **биз машҳур географ олим, сайёҳ дебгина билмасдан, балки Осиё ва Европа** каби икки катта қитъа ошпазлигини бир-бирига яқинлаштиришга воситачи бўлган буюк пазанда ҳамдир деб биламиз.

Колумб пиширган ловия хўрак

Куба қирғоқларидағи денгиз бухталаридан бирида тошга ўйилган ёзув бор: «1492 йил 28 октябрь Христофор Колумб Американи кашф қилишидан олдин биринчи қадамини худди мана шу ерга босган эди».

Бухтадан сўнг «Гран Альмиранте» қишлоқ хўжалик артелининг ловиязорлари бошланиб кетади. Маҳаллий аҳоли: «Колумб фақат Американинга эмас, балки ловия пишириш усулини ҳам кашф қилган» дейишиади.

Дарвоқе, Колумб бу ерга келиб тушганда ҳеч ҳам стулик нарсаси қолмаган ва ўз ҳамроҳларини қандай қилиб тўйдириш ҳақида бош қотиради.

Маҳаллий аҳолидан алланарсаларга бир неча тухум ва пича ёғ алмаштириб олади. Атрофга қараса ёввойи ловиязорлар ястаниб ётибди. Шундан анчасини тердингib олади, қўзоқларидағи ажратиб сувда қайнатади, гишгач, сувини тўкиб ташлайди, ловияга туз сепиб тухум чақади, ёввойи ошкўклардан ҳам солиб яхшилаб аралаштиради. Сўнгра додгланган ёққа солиб қоруади, тухум қотиши билан дастурхонга тортади.

Ҳай-ҳай, -ҳай! Ҳамма ҳузур қилиб ейди, ерли аҳолига ҳам пича-пича улашилади. Ўшандан буён қарийб аср ўтиб кетди, аммо бу таом «Колумбнинг ловия ғраги» номи билан ҳанузгача тайёрланиб келинади. Ларҳақиқат, Христофор Колумб буюк географ сайёҳгина эмас, таом кашфиётчиси — пазанда ҳамдир. Ўша таомнинг лаззатидан баҳраманд бўлгингиз келса, янги ловиядан бир ҳовучини олиб, совуқ сувга солиб қайнатинг, сувини сирқитинг. Товага икки қошиқ сариёф солинг, пишган ловияни солиб 2 дона тухум чақиб аралаштириб қовуринг, таъбга кўра туз ва қирқилган укроп ёки петрушка сепинг. Тухуми қотганда оловдан олиб танаввул этиб кўрсангиз, буюк сайёҳнинг зўр пазанда ҳканлигига иқрор бўласиз.

Ф. Аппер — консерва кашфиётчиси

1907 йили англиялик қутб тадқиқотчиларида Скот билан Шеклтондан ташкил топган экспедиция Антрақтидага маҳсус идишларда гўшт, дудланган балиқ, нўхат шўрва ҳамда манго мевасининг шарбатидан олиб бориб қолдиришган ва 1957 йили ўша масаллиқлар

Англияга олиб келиниб, истеъмол қилиб кўрилганда мутлақо айнимаганлиги аниқланади. Бу озиқ-овқат маҳсулотларини узоқ муддат сақлашда бир тажриба эди. Узоқ муддат сақлаш консервалаш дейилади. Маълумки «консерва» «кенсерватория» ҳамда «консерватор» сўзлари лотинчада олинган бўлиб маъноси битта. «Консерва»— масаллиқни ўз ҳолича сақлаш. «Консерватория — талантни сақлаб қоладиган олий музыка мактаби «Консерватор — сиёсий ҳолатни реакционлигича сақлаб қолувчи ташкилот ёки шахс.

Аслида масаллиқни консерва қилиб сақлаш тарихи 1800 йилдан бошланади ва у парижлик пазанда Француа Аппер номи билан боғлиқ. Пазанда хом ва пиширилган масаллиқларнинг мазасини ҳамда таркибини ўзгартирмай узоқ вақт сақлаш мумкин эмасмикан деган фикр устида 4 йил бош қотиради ва анчагина тажрибалар ўтказади. У шишаларга ва банкаларга пиширилган гўшт, шўрва, мева солиб қайнатади, жисплаб бекитади. Француа Аппер шиша оғзига тиқиладиган пўкакни ҳаво кирмайдиган қилиб бекитиш учун маҳсус елим тайёрлашни ҳам кашф қилган. Сақланган масаллиқлар 8 ойдан кейин очиб кўрилса, сира айнимаганлигини аниқлайди. Аппер ўз тажрибаларини давом эттираверади ва масаллиқларни қалайлаб кавшарланган тунука идишларда ҳаво кирмайдиган қилиб бекитиб сақлаш қулай эканлигини аниқлайди. Ниҳоят 1804 йилда Парижда шундай масаллиқларни тайёрладиган фабрика ҳамда шиша ва тунука идишларга солиб сақланган консерва дўкони очади.

1810 йили эса Француа Аппернинг «Усимлик ва ҳайвонот масаллиқларини узоқ вақтга консервалашсанъати» номли китоби нашр этилади. Франция армиясининг таъминот бўлими Француа Аппернинг фаолияти билан қизиқади. Ахир армияни узоқ походларда ҳамда йилнинг хоҳлаган фаслида озиқ-овқат билан муттаасил таъминлаш учун консервалар жуда қўл келади-да. Шунингдек у стратегик аҳамиятга ҳам эга. Қолаверса, тўкин-сочин йиллари кўплаб консерва тайёрлаб олиб, очарчилик йиллари истеъмол қилинса қандай яхши. Йўқ деганда, ёз неъматларини қиши гариматларига айлантиришнинг ўзи катта бир кашфиёт эди. Уша 1810 йили Франция ҳукумати бу кашфиётнинг катта аҳамияти ва истиқболи бор эканлигини англайди. Пазанда Француа Апперга бир йўла 12 минг франк олтин пул

билан бирга «Инсониятнинг валий неъматчиси» деган юксак унвон ҳам беради.

Дарҳақиқат консерва тайёрлаш усули ажойиб кашфиётлардан бири бўлдики, эндиликда у кундалик турмушимизга жуда сингиб кетган. Ўша вақтларда Францияда кўплаб консерва заводлари қурила бошлайди, сўнгра бошқа мамлакатларда ҳам бундай заводлар пайдо бўлади. Эндиликда Ер юзидағи ҳар қандай бошқа саноати ривожланмаган иқтисодий қолоқ ва кичик мамлакатда ҳам консерва заводи борлигини ҳисобга олсак, бу кашфиётнинг ғоят аҳамиятли эканлиги кўзга яққол ташланади. Консервани ҳатто хонадонларда ҳам тайёрлаш эндиликда жуда авж олиб кетди. Сабзавотлар, мевалар ва уларнинг шарбатларини ёзда консервалаб олиб, қишида ҳузур қилиб истеъмол этиш қанчадан-қанча одамларнинг саломатлигини сақлашга восита бўлмоқда, ахир. Ҳатто бизнинг давримизда келиб чиққан ушбу «Ёз неъмати — қиш ғанимати» деган мақол ҳам консерва шарофатига айтилгандир. Консерва мева ҳамда сабзавотлар ўсмайдиган жойларда, баљиқ ва гўшт этиштириш имкони бўлмаган ўлкаларда, узоқ сафарларда, экспедицияларда, ҳатто космосни ўзлаштиришда инсон учун энг зарур таом бўлганлиги учун ҳам қадрлидир. Эндиликда барча мамлакатларнинг таомшунос олимлари, пазандалари ва уй бекалари ҳам турли масаллиқлардан турлича усулларда консервалар тайёрлашни кашф қилмоқдалар. Шу билан инсониятнинг валий неъматчиси Француа Аппер кашфиёти ўз йўлига катта аҳамиятлилигини тан олишимиз билан бирга, яна шуни баён қилишимиз зарурдирки, масаллиқларни узоқ вақт сақлаш борасида инсоният пазандалик санъети келиб чиққан ибтидоий жамоа тузумидан буён бош қотириб келади ва анчагина натижаларга эришган. Чунончи сутдан қатиқ ивитиши, сузма қилиш ва қуртоб тайёрлаш, гўшти тузлаб сақлаш, шабадада қоқлаш, қовурдоқ пишириб сақлаш, қази қилиш — буларнинг бари консервалашдир. Шунингдек мевалардан қоқи тайёрлаш (туршак, олма қоқи, майиз, олча ёки олхўри шарбатидан қоракат тайёрлашлар), сабзавотларни тузлаш (шўр карам, шўр помидор, шўр бодринг ва ҳоказо мевалардан мураббо пишириш ҳам ва бошқалар) консервалаш турларидир. Бинобарин, жаҳондаги барча пазандалар масаллиқларни узоқроқ муддатга сақлашнинг бир неча муҳитлари мавжудлигини аниқла-

танлар. Булар а) иссиклик мұхити: олов ёки қүёш ёрдамида құритиб сақлаш, б) совуқлик мұхити: музлатиб сақлаш, в) шүр мұхит: тузлаб сақлаш, г) нордон мұхит: сиркалас сақлаш, д) аччиқ мұхит: масаллиқтарға қаламнир, мурч ва майдаланған саримсоқ сепиб сақлаш, с) ширин мұхит: меваларға шакар құшиб қайнатиб (муррабболар) сақлаш, ж) ҳавосиз мұхит: масаллиқтар сақланадиган идиш (жой) вакуумдан иборат бўлса ҳам микроорганизмлар ривожланмайди, и) соф ҳаволи мұхит: ҳавоси тоза, беғубор, чангиз кислород ва азонга бой жойларда (масалан тоғли жойларда) ҳам масаллиқтарни анча узоқ сақлаш мумкин.

Қизиги шундаки, Ф. Энгельс масаллиқни узоқ сақлаш усулини ихтиrolар қаторига құшади. У ўзининг «Табиат диалектикаси» асарыда әрамизга қадар 200 йилдан то әрамизнинг XVI асрғача ўтган давр ичида қилинған кашfiётларнинг рўйхатини келтиради. Шулар орасида XIII асрнинг иккинчи ярмида кашф этилган «балиқ тузлаш»ни ҳам келтириб, бу худди соат, дурбин ва компас каби ихтиrolар сингари аҳамиятли эканлигига ишора қиласиди. Зотан бу жуда тўғри, чунки узоқ сафарларға борган денгизчилар ва сайёҳлар учун соат, дурбин, компас қанчалик зарур бўлса, озиқ-овқатни бузмай узоқ сақлаш ҳам шу қадар зарурдир.

«Қүёш гули» мойини ижод қилған шахс

Қүёш гули — бу кунгабоқардир. Ўрта Осиёга буни ўтган асрда рус деҳқонлари тарқатишган. XVI асрда бу ўсимликни Мексикадан Европага олиб келиб экиншанлиги тўғрисида манбалар бор. Лекин у вақтда кунгабоқар пистасидан мой олишни ҳеч ким билмасди. Уни гул сифатида экишар ва номини ажойиб аташар эди: «Мексиканинг қүёш гули» ёки «ердан кўкариб чиққан қүёш». Ҳақиқатан ҳам бу гул улкан диска ҳосил килиб атрофига жойлашган сапсариқ тож барглари шамолда ҳилпираса бамисоли ёниб турган оловни ёки қүёшни эслатади. Ўзи ҳам доим қүёшга қараб ўсади, эрталаб кун чиқишига қараса, кечга томон кун ботарга қайрилади. Ўзбекча номи ҳам ўзига жуда мос — кунгабоқар. Маккажӯхори «дала маликаси» бўлса, кунгабоқар «ўсимликлар шоҳидир». 1794 йилда академик Н. Севергин «Наботот шоҳи» номли китобини кунгабоқарга бағишлиаган. Ўша китобда ёзилишича: уш-

бу ўсимлик яра-чақага дори бўлади, пистасини тўғи-
кушлар хуш кўради. Ундан ёғ олиш ҳам мумкин. Қо-
вурилган пистани чақсангиз кофенинг таъмини беради
дейилади.

Лекин кунгабоқардан ёғ олиш 1835 йилда кашф
этилган. У Воронеж губернясининг Алексеевка қиши-
логида яшовчи крепостной деҳқон К. Бочкарев номи
билин боғлиқ. Кашфиёт тасодифий содир бўлади: бола-
чақаларини боқа олмай қолган бу бечора деҳқонда озги-
на лавлаги-ю, гулхонага экиб қўйилган кунгабоқардан
бошқа ҳеч нарса йўқ эди. Пистани битталаб чақса си-
ра тўйдирмайди, қоринни баттар очиради. Шундан егу-
лик бир нарса тайёрласа бўлмасмикан, деган хаёлда
ҳовончага солиб янчаверади, янчаверади. янчаверади.
Қарасаки, ғарчча мой ҳосил бўляпти. Энди Бочкарев
лавлагини қиради, шарбатига ҳалиги мойдан аралашти-
ради, тотиб кўрса холва таъмини берниб турибди, лаз-
зати ҳам соз.

Ана шундан эътиборан «қуёш гули»нинг пистаси-
дан ёғ олиш урф бўлиб кетади. 1860 йилга келиб ўша
Алексеевка қишлоғининг ўзида 120 та ёғ жувоз ишлаб
тургани тарихий манбалардан бизга маълум.

Эндиликда писта минглаб гектар ерларга, экилиб,
миллионлаб тонна ёғ олинади. Писта ёғи таомларда
жуда кенг қўлланилади, уни доғ қилмасдан ишлатиш
тавсия қилинади, сал қизиса бас, акс ҳолда куйиб ғо-
зи кетиб қолади. Писта ёғига гўшт, балиқ ва картош-
ка қовурилса жуда лаззатли чиқади.

Тунука қутиларда келадиган холвасини егандирсиз,
албатта. Мана шу неъмат ҳам «қуёш гули»нинг мойи-
дан тайёрланади. Бу мойдан яна аъло сифат маргарин
олинади. Станок, машина ва ҳар турли аппаратлар-
нинг нозик деталларини ҳам шу ёғда мойланади.

Учмайдиган бўёқлар, рангдор локлар ҳам писта
мойидан тайёрланади. Хушбўй ироқи совун таркибида
ҳам шу мой бор. Кунгабоқар гултожи баргларидан хи-
нин деган дори тайёрланади. Ушбу дори туфайли биз-
нинг мамлакатимизда безгак касали тамомила тугатил-
ган.

Саводсиз бир деҳқоннинг чорасизликдан қилган хат-
ти-ҳаракати катта бир кашфиётга сабаб бўлган. Ҳамма-
сидан ҳам муҳими К. Бочкаревни биз пазандаликнинг
ривожланишига улкан ҳисса қўшган бир сиймо сифати-
ла ҳурмат қиласиз.

Жан-жак Руссо салат ва нозик қўлларнинг қадрига етган

Болгария атиргуллар мамлакати, бу ўлкада атир ва гул мойни олиш учун териладиган гулларни фақат нозик қўлли қизларга ишониш топширишар экан. Сабаби дейсизми?

Сабаби шундаки, дагал бармоқлар атиргулларнинг нозик тожибарларига теккан ҳамон эзib, таркибидаги ифор мойини буглантириб юборар экан. Тажриба кўрсатади: эркаклар терган гулдан 2 процент мой олинса, қизлар терган гулдан 3 процент олинар экан. Бу ҳам бир гап. Лекин, Жан-жак Руссо нозик қўлларнинг аҳамиятини XVIII асрдаёқ тушунган ва қадрига етган экан.

Машҳур француз мутафаккири демократ ва маърифатпарвар олим Жан-жак Руссонинг пазандаликнинг миридан сиригача тушунган одам эканлигини кўпчилик билмаса керак. Умуман Францияда ўтган алломаларнинг барчаси ҳалқ пазандалигига бефарқ қарашмаган, иложи борича ўз ҳиссаларини қўшишга ҳаракат қилишган. Файласуф Вольтер, ёзувчи А. Дюма ва бошқалар... Аммо ҳозир гап Руссо тўғрисида.

Руссо — салат ижодкорларидан биридир. «Салат» Французча сўз бўлиб, «тўғраб юзига туз сепилган сабзавот» маъносини англатади. Руссо помидордан салат тайёрлаган, бу таомни еганлар унга қойил қолишган. Шундай салатни бир қиз ҳозирлагандан, Руссо татиб кўриб ўзи тайёрлаган салат билан бунинг ўртасида фарқ борлигини сезган. Нега десангиз, нозик қўллар помидорни ишлаганда ҳужайраларига сира зарар етказмай, ўткир пичноқ билан тўғраган-да.

Эркак киши қўли ёки қиз бола қўли билан тўғралган сабзавотнинг фарқини «манман» деган пазанда ҳам ажрата олмайди, бироқ Руссо бу нозик ишнинг фарқини билган. Нозик қўллар тайёрлаган салат чинакам лаззатли бўлишини ҳаммага уқтирган.

Ҳа, нозик қўллар тайёрлаган салатга нима етсин! Сиз салат тайёлаётганингизда помидорни эзib юборманг, пиёз билан қўшиб мижғиламанг. Шунда салат тотли бўлади, айниқса нозик аёл қўлларидан тайёрланган салат айниқса тотли чиқади.

Композитор — пазанда

Францияда таом тайёрлаш ва овқатланиш катта санъат ҳисобланади. Пазандалик бобида кўплаб китоблар нашр этган мамлакат ҳам, пазандалик санъатини юксак даражага кўтара олган ҳам Франция мамлакатидир. Бу ерда пазандаларга ҳатто профессор узвони ҳам берилади. Олим Брайя-Саверенанинг «Лаззат психологияси» номли асарида айтилишича, француз таомларидан киши ҳар куни бир хилидан истеъмол қилиб борса, умрининг охиригача еб тугатмаган бўлар экан. Қолаверса у ерда яна янги-янги таомлар ижод этилмоқда.

Бу мамлакатда барча таом ижод этади, ҳатто кўпгина композиторлар ҳам пазандаликда шуҳрат топган. Чунки салатларни операларнинг номлари билан аташади: «Аида», «Кармен», «Флория Тоска», «Мильон» ва ҳоказо.

Вагно исмли оддий бир ошпаз эса таомларга тузган рецептларини шеърий усулда баён қилган ва музикага солиб кўйлаган. Демак, Вагно ошпазгина эмас, шоир ва композитор ҳамдир. Композитор — пазандалар ҳақида биз Франциядагина эмас, Италияда ҳам эшитганмиз. Кўплаб опера ва ажойиб симфониялар бастакори Россинини дунёда танимаган одам йўқ, аммо у фақат композитор бўлибгина қолмай, таомларнинг бастакори эканлигини кўпчилик билмайди. Шунинг учун эътиборингизга Россини ижод қилган таомлардан биттасини ҳавола қиласиз, унинг номи «Турне до Россини» деб аталади.

Мол гўштининг лаҳм қисмидан олиб, катта-кичиклиги ва қалинлиги шапалоқдек-шапалоқдек қилиб кесилади. Икки юзига майн туз сепиб, доғланган ёғда қизартириб қовуриб олинади. Нондан ҳам худди шундай бўлак кесиб, бу ҳам қовурилади. Нон устига гўштни қўйиб, гўштининг устига жигардан тайёрланган паштет суртилади. Сўнг нон-гўшт-жигар паштетли овқатни ликопчанинг ўртасига қўйиб, чиройли қилиб кесилган помидор ва лимон бўлакчалари ҳамда петрушка барглари билан безатиб дастурхонга тортилади.

2 порциялисига 300 грамма лаҳм гўшт, 200 грамм оқ нон, 50 грамм паштет, 2 дона помидор, 0,5 дона лимон, 2 шох петрушка, 50 грамм мой (қовуриш учун), туз ва зираворлар таъбга кўра солинади.

Ушбу таомни Россияни гастролларга борганда тайёрланган ва дўстларини меҳмон қилган. Шунинг учун ҳам таом «России саёҳати» — «Турне до России» деб аталадиган бўлган. Италия пазандалигида ҳануз ҳам бу таом тайёрланади.

Кавказ кабобининг шуҳратини А. Дюма кўтарган

Машҳур француз ёзувчиси Александр Дюма моҳир пазанда ҳам бўлган экан. У «Пазандалик энциклопедияси» номли катта китоби билан француз ошпазлигининг классик даражага кўтарилишига улкан ҳисса қўшгандир.

1858 йилда А. Дюма Кавказга саёҳат қиласди ва бу ерда кабоб еб кўриб, жуда лол қолади. Кавказча кабоб пишириш усулини ўрганади ва Францияга қайтгач, газеталарда эълон қилиб, ҳаммага ўргатади. Мана кавказча кабобининг Александр Дюма ёзиб қолдирган рецепти: Кўй гўшти, энг яхши лаҳм қисмидан олинади, уни катта-кичиклигини бир хил қилиб ёнгоқдай-ёнгоқдай бўлакларга кесилади, сўнг мўнди кўзага солиб сиркаланади. Сиркалаш учун узум сиркаси, чопилган пиёз, туйилган қалампир, кашнич уруғи (кореандр) туз ва лимон шарбатидан фойдаланилади. Оловни ёқиб, листа кўмир ҳозирланади. Энди гўштни кўздан олиб, металл ёки ёғоч сихларга иласиз, ора-орасига пиёз ҳалқаларини ҳам теринг. Гўштнинг ҳамма томонини қизартириб қовуринг, бунинг учун сих чўғ устида айлантириб турилади.

Агар кабоб ўткир таъмли бўлсин десангиз, гўштни 15 минут эмас, балки бир неча соат сиркалантиринг. Айтайлик, металл сих нималигини билмайсиз. Бу милтиқ шомполига ўхшаш сим, хонаси келиб қолса шомполдан фойдалансангиз ҳам бўлаверади. Масалан, менинг ўзим карабинимнинг шомполида кабоб пишириб ейман. Бу янги хизматидан милтифим камситилаётган бўлса ҳам, лекин унинг обрўйига заррача путур етгани йўқ.»

Шундай қилиб, ўтган асрнинг 50—60 йилларида Кавказ кабоби Францияда шуҳрат қозонади. Милтифи бор ҳамма киши кабобхўр ҳисобланадиган бўлади, солдатларни айтмайсизми, улар тушликка ҳам боришмай шамполга гўшт илиб, жазиллатгани, жазиллатган. Кавказча кабобининг сихи бир метр келадиган узун бўлади

ва унинг номи — французча «Шампур» бўлиб, «милтиқ тозалайдиган сим» деган маънони англатади.

А. Дюма сабаб бўлиб, бу кабоб Франциядан Италияга, Испанияга ва ундан Америкага ҳам тарқалади.

Пазандалик — ҳажвия воситаси

Улуг рус ёзувчиси Владимир Федорович Одоевский ҳам музикашунос, ҳам кимёгар, ҳам пазанда бўлганлигини кўпчилик билмаса керак.

Ўтган асрнинг қирқинчи йилларида чиқадиган «Литературная газета»да В. Ф. Одоевскийнинг деярли ҳар куни эртак, ҳикоя, фельетон ва повестлари билан бир қаторда «Пазандалик маҳорати» туркумидаги мақолалари ҳам босилиб турган. Ўша мақолаларига Владимир Федорович ўз фамилиясини қўймасдан, балки «Ошхонашунослик ҳамда яна бирмунча бошқа илмларнинг доктори, профессор Пуфф» деган антиқа тахаллус ишлатган.

«Пазандалик маҳорати» туркумида В. Ф. Одоевский гўшт, тухум ва ошкўкларни сақлаш усуллари, сабзавот ва мевалардан консерва тайёрлаш қоидалари ҳамда рус халқининг унутилган таомларини тиклаш борасида жуда қизиқарли маслаҳатларни баён этади. Қизиги шундаки, ёзувчи пазандаликдан ҳажвия воситаси сифатида ғоят усталик билан фойдаланган.

Мана ўқинг: «Қаҳратон қишида қўзиқорин, мева ҳамда ошкўклардан истеъмол этганингизни қўриб бирон хоним — Рубинами, Палинами, Виордами — буниси бизга барибири,— қўзи куйиб, хасад қилса, сиз унга қарата: «Вой тентакча-ей, сен ҳали профессор Пуфф жанобларининг маслаҳатларини ўқимадингми?—денг; «Вақтида шиша ва қопқоқ билан бирга арzon сабзавотлардан ғамлаб қўймаганимидинг?»—денг. Барча билib қўйсинки, қопқоғи жисп ёпиладиган шиша банкада таомни узоқ муддат сақлаш ва узоқ элларга элтиш мумкин. Консерваланган гўшти Сибирга ва Камчаткага элтса бўлади. Жанубдаги мевани шимолга келтириш мумкин. Ана ўшанда савдогар Милютин дўконида нуқул Франция меваларигина эмас, Москванинг ўз ананаслари ҳам топиладиган бўларди» деб ёзади автор.

Барча фанлар доктори, профессор жаноби Пуффнинг «Филологик тадқиқотлари туркумидаги мақолаларида рус миллий таомларининг этимологияси баён қилина-

ди ва унутилган таомлар атайлаб ҳалқнинг эсига со-
линади: «Ахир борган сари овқатлар унутиляпти, кул-
чалардан фақат кулябка қолди. Ота-боболаримиз еган
ватрушкалар, пироглар қани? Булар ер юзида йўқ, агар
улар осмонда, калити худода бўлса, билмадим. Пиш-
лоқ солинган пирог, буюртма қўймоқ, юмшоққина оқ
булочка, гўштили пирожки, сарочинча сўк ош каби сер-
лаззат ва ноёб таомларни тотиб кўрган ёки булар ўзи
нималигини айтиб берадиган бирон кимса топилмаса ке-
рак, деб ўйлайман»,— ёзади В. Ф. Одоевский.

Юзаки қараганда ёзувчи унутилиб кетаётган миллий
таомларни тиклаш устида ғамхўрлик қилаётгандек ту-
юлса-да, бироқ очарчиликнинг асосий сабабчиси бўл-
ган чоризмга қарши ҳажвия тифини ўхталади. Ҳамма
ўқийдиган катта бир газетада қизиқарли мунозарани
бөшлаб қўйган доктор Пуфф бир неча ойгача жимиб
қолади, ҳеч қандай мақола ёзмай қўяди, газетхонлар-
дан тушган саволлар босилаверади. Лекин улар жавоб-
сиз қолаверади.

Бу атайнин ўйланган танқидий услуб бўлиб, савол-
ларни ҳам газетхонлар номидан В. Ф. Одоевскийнинг
ўзи беради. Мисол учун: «Бузоқча буйрагини қовуриш
қоидалари қандай?» қабилида саволлар жўрттага бе-
рилади. Нега десангиз, оддий ҳалқ ўша пайтларда бу-
зоқча буйраги тугул бир қадоқ картошкага ҳам зор
яшар эди.

Бу билан машҳур сатиригимиз «Россияда ноёб та-
омларнинг хиллари кўпу, бироқ масаллиқ етишмайди,
бунга мавжуд социал тузум айбдор» демоқчи бўлади.

Бирорлар тилидан таом тайёрлаш борасида ёзилган
саволлар жуда кўпайиб кетгандан сўнг В. Ф. Одоевс-
кийнинг ўзи жавоб қиласиди. Лекин энди у профессор
Пуфф бўлиб эмас, ўша докторнинг шогирди — аспирант
Скормишев бўлиб жавоб қиласиди.

Скормишев ёзади: «Ҳурматли жаноблар! Сизлардан
бетўхтов келаётган саволлар ҳаддан зиёда кўпайиб
кетди, жавоб бермаслик, газета шаънига ҳам тўғри
келмайди. Аммо пазандалик ва бошқа илмларнинг док-
тори, профессор Пуфф жаноблари йўқолиб қолди. Ҳур-
матли домламнинг одати ўзи шунаقا: масаллиқлар
камайиб, қимматлашди дегунча қаёққадир ғойиб бўла-
ди. Пазандалик маҳорати осмонида ёруғ юлдуз бўлган
бу сиймо қаёққа учди экан, ўзим ҳам роса қидиряпман.

Баъзи маълумотларга кўра доктор Пуфф таомшунос-

лик илмени тарқ этгаймиш. Бузоқ буйрагидан русча таом тайёрлашни ўргатадиган олим ўз илмени тарқ этиб, гойиб бўлган экан, саволларингизга жавоб беришни мен ўз зиммамга оламан. Лекин рус миллий овқатлари унутилиб кетгани учун мен улар тўғрисида лом-мим дея олмайман. Ҳа, майли ранжиманглар, бузоқ гўшидан русча таом тайёрлаш унутилган экан, неополитанча тайёрлаш усули мавжуд-ку, ахир. Мана ўша таомни тайёрлаш қоидалари» — деб бузоқча гўшидан неополитанча таом тайёрлаш усулини баён қиласди.

Гап шундаки, бундай таом камбағал меҳнаткашлар учун анқога шафи эди, уни фақат бойлар кирадиган ресторандардагина катта пул эвазига буюртма қилинарди.

«Скормишев» тахаллусининг ўзида ҳам бир гап бор, бу русча «Скормить» феълидан олинган бўлиб, «едириб қўймоқ», «ҳаммасини едириб тамом қилмоқ» маъноларини англатади.

В. Ф. Одоевский, одамлар бир-бирларидан турмуш шароитлари, ҳатто едирган овқатлари билан ҳам фарқ қилганликларини авомга аста-секин уқтира бориб, унинг кўзини очишни ўз олдига мақсад қилиб қўйганлиги мақолаларидан шундоққина сезилиб турибди.

Ресторанларда нуқул чет эл таомлари, оддий халқ овқатланадиган ошхоналарда эса русча таомлар ҳаддан ташқари дидсизлик билан, бузиб, бемаза тайёрланаётганини бу тариқа уқтиради: «Янги йил дастурхони атрофидаги ҳар нарсани ўз номи билан аташингизни истардим. Ошхоналарда содир бўлаётган бемаънигарчиликларнинг сабаби шундаки, ликопчангизга қовурилган болтани солиб бериб, бу бифштекс, дейишади, жингаги чиқиб қовурилган ноннинг куйгани-бисквит, яласқи хўрда — бурдани эса илвасин гўшидан тайёрланган тамадди деб мақтاشади. Начора, одат шундақа: порахўрни — корчалон, ёлғончини — нияти холис, риёкор билан мунофиқни — ахлоқли одам дейишганидан кейин буёғи нима бўларди».

Доктор Пуфф жанобларининг «Пазандалик маҳорати» туркумидаги мақолаларга қарши бир «душман» ҳам пайдо бўлиб қолади. Бу аллақандай магистр Кнуф номли шахс бўлиб, профессор Пуфф жанобларига қаратада газетада ушбу очиқ хатни чоп эттиради. «Сиз жаноб Пуфф, ўз илмингиз билан замондошларнинг қорнинч тўйғазишини зиммангизга олган экансиз, у ҳолда марҳамат қилингда, ҳадеб қийма байрону, лаққа балиқлардан

гапириб одамларни қийнагандан кўра, парча нонга зор бечоралар шу топда нима ейишлари кераклигидан гапиринг!

Жаноби Пуфф! Илмингизни қашшоқларга ҳам нафи борми ўзи? Сиз ўз мақолаларингизда: «Соф ҳаво иштаҳани карнай қилади», деган масалани исботлаб ўтирибсиз, ҳа ундан кўра, инсон билан ҳайвон бир кулбада яшаб, бир хил овқатни ошаяпти, мана шунинг сабабини тушунтириб беролмайсизми?!».

Бу ҳам улуг ёзувчининг ҳажвий усулларидан бири бўлиб, доктор Пуфф ва аспирант Скормишев каби магистр Кнуф ҳам В. Ф. Одоевскийнинг ўзгинаси. Буни ҳажвчнинг услубидан ҳамда пазандаликни восита қилиб кўзланган мақсадни бемалол англаб олса бўлади.

Пазандаликни ҳажвияга восита қилиб олмоқ учун В. Ф. Одоевский чиндан ҳам таомшунослик илмини пухта эгаллаган, халқ таомларини тўплаган, тайёрлаш усулларини тажриба қилиб кўрган. Буни жазлаш тўғрисида юритган мулоҳазаларидан билса бўлади: «Жазлаш — масаллиқнинг сиртидаги намликни қуритиш демакдир. Шўрвага мўлжаллаб майда тўғралган сабзавотлар ёғда жазланиб, сўнг қайнатилганда эзилиб кетмайди». Бундай тўғри хulosага келиш учун ёзувчи ошпазлик соҳасида жуда кўп тажрибалар ўтказган бўлиши керак. Владимири Фёдорович кимё фанига ҳам ихлос қўйган киши эди. У ўзининг уйидаги кимё лабораториясида масаллиқлар таркибини текшириш борасида анча тажрибалар ўтказган, бу тўғрида ҳам ишонарли маълумотлар бор.

Жаҳон пазандалигининг академиги

Сирасини олганда бундай кутубхона биронта давлатда йўқ, гап шахсий кутубхона устида боради. Лекин шу одамга қойилманки, умрининг ҳаммасини пазандаликка бағишлилди. Ўзи ҳам ошпазликка оид 12 та китоб ёзиди, умумий ҳажми 220 босма қофоз.

Ҳаммаси бўлиб 3000 та китобдан иборат каттагина пазандалик кутубхонасининг эгаси ким? У киши Цюрих шаҳридаги «Цум шмиден» қаҳвахонасининг қандолатчиси Ш. Шремли деган кишидир.

¹ Барча цитаталар «Литературная газета»нинг 1842—1844 йил сонларидан таржима қилиниб олинди. Подшиека Т. Шевченко номли Киев Давлат Университетининг асосий кутубхонасида сақланади.

Ш. Шремли ўзи ижод этган таомларга поэтик номлар қўйишга ҳам уста. У ижод қилган печенъелардан бир хили «Нилуфар гултожи» деб аталади. Мана ўша печенъени тайёрлаш усули: маска ёғини шакарга яхшилаб қориширгандан сўнг, бунга қовурилган ва янчилган бодом мағзини ва пича сода қўшиб, хўп аралаштирилади. Кейин шу хамирни пешхонга олиб, диаметри 3—4 сантиметр келадиган чилвир қилиб чўзилади ва 2 соат давомида холодильник музхонасида совитилади. Кейин олиб паррак-паррак қилиб кесилади-да, қиздирилган духовкада 5—7 минут давомида пиширилади. Ҳар бир печенъе юзини эритилган шоколад томчилари билан безатилади.

Масаллиқ: 500 грамм ун, 350 грамм шакар, 250 грамм маска ёғи, 2 дона тухум, 250 грамм бодом мағзи, 1 чой қошиғида сода керак бўлади.

Биз учун қизифи шундаки, Ш. Шремли биттагина эмас, юзлаб таомларни ижод этган ва минглаб пазандалик китобларини тўплаган шахсdir. Жаҳондаги барча ҳалқлар б мингга яқин тилда гаплашади. Пазанданинг кутубхонасидаги китоблар 1753 тилда ёзилгандир. Бу нодир асарларни у кўпгина мамлакатларга қилган саёҳатларида ва бирорлар орқали олдириб тўплаган. Ш. Шремли китобни бебаҳо бойлик деб ҳисоблаганлигидан сотувчи айтган нархига савдолашиб ўтирумай харид гилаберган. Ана шу 3000 томни у полкаларга териб чанг бостириб қўймай таржимонлар ёллаб ўрганиб чиқсан. Шунинг учун биз муҳтарам Шарл Шремлини қичик бир қаҳвахонанинг оддий бир қандолатчисигина эмас, балки жаҳон пазандалигининг академиги деб биламиз.

Ресторан тарихи ва таърифи

Жамоат овқатланиши муассасалари — чойхона, ошхона, буфет, тамаддихона, кафе кабилардан иборат бўлиб, шулар орасида муҳим ўрин тутадигани ресторандир. Рестораннынг юқорида санаб ўтилган овқатхоналардан Фарқи шундаки, бу жойда овқатланиш дам олиш, музика тинглаш билан қўшиб олиб борилади. Яна ресторанда таомни буортма (заказ) бериб тайёрлатиш имкони бўлади, банкет, юбилей, тўй уюштириладиган ҳамда меҳмонни уйга таклиф қилишнинг иложи бўлмаган кезларда олиб кириладиган жойdir.

Рестораннынг келиб чиқиши XVIII асрда яшаган франциялик пазанда Буланже фаолияти билан боғлиқ-

дир. Бу бундай бўлган: пазанда ўзига қарашли кичик бир ошхонани қайта ремонт қилиб кенгайтиради, залга устига мармар тахталар қопланган столлар қўяди, юмшоқ ўриндиқларни эса ҳар бир стол атрофига тўрттадан жойлашитиради. Илгари ошхона ўртасида усти ғадир-будир тахвали узун стол, дастурхон ҳам солинмас, икки томонига қўйилган шалоқ скамейкада одамлар бир-бларига тирсаги тегиб, қисилиб ўтириб овқатланар ёки тўнтарилган бочка устида еб кетаверар эдилар. Энди эса анча қулайлик яратилади.

Ҳар бир ўриндиқ учун биттадан ликопча қўйилади. Ликопча Францияда 1498 йилда пайдо бўлиб, ундан факат Людовик XII саройида уюштириладиган зиёфатлардагина фойдаланилар эди. Буланже ликопча ёнига биттадан вилка ҳам қўяди. Вилка Францияда XVI асрда пайдо бўлган бўлса ҳам, ундан ёлғиз зодагон оиласлар фойдаланар, оддий халқ эса овқатни қўлда ер эди. Пазанда вилка билан бирга учи тўмтоқ пичноқ ҳам қўяди. Бундай пичноқ ишлатишни ўша XVIII асрда Буланже жорий қиласди.

Ҳар бир столнинг ўртасига ва деразаларга тувакда гуллар ҳам қўяди. Аҳамиятлиси шундаки, кираверишга у лотин тилида шундай эълон осиб қўяди. Эркин таржима қилсан маъноси бундай: «Хўрандалар! Барчангиз менинг ошхонамга келаверинглар. Кимнингки ошқозони ишламаса мен реставрация қилиб тузатаман ва кучини тиклайман! Пазанада Буланже».

Ана шу эълон барчанинг эътиборини ўзига тортади. Бу ерга ошқозони касалларгина эмас, бекорчиликдан безор бўлганлар ҳам, қизиқсинганлар ҳам, шинам жойда овқатланиш ҳузурбахш эканини англаганлар ҳам келаверади. Пазанда ҳам ваъдасига вафо қиладиганлардан экан, ким қандай таом буюртма берса, тайёрлаб бераверади. Тез орада Буланженинг довруги ортади, унинг ошхонасини одамлар ҳалиги эълондаги «реставрация» сўзи билан атайдилар, яъни французча талаффузда «реставрацион» бўлади. Кейинчалик бу сўз «рестоврант» тарзida, бора-бора ўзгариб «ресторан» деб аталадиган бўлиб кетади.

Бошқа мамлакатларда ташкил этилган шундай овқатхоналар ҳам ресторон деб атала бошлайди. XIX асрга келиб Парижда ўнлаб ва бошқа йирик шаҳарларда ҳам кўплаб ресторанлар очилади. Ресторанлар айниқса меҳмонхоналар қошида бўлиши урфга айланади.

XVIII асрдан то XX асрғача Франциянинг ўзида ва бошқа Европа мамлакатларида ташкил қилинган ресторанларда ҳар хил ўзига хосликлар жорий этилади. Масалан, Швецарияда ресторанга киришнинг ўзи бир тантанаворликдан иборат бўлсин учун эшик ёнига хўрандаларни хушмуомалалик саломи билан кутиб олувчи ва хайр-хўшни қуюқ қилиб яна ташриф буюришларини илтимос қилувчи дарвозабон қўйилади. Бундай дарвозабонлар ресторанга кирувчилар сонининг кўпайишига сабаб бўлганлиги туфайли кейинчалик Германия, Италия, Англия, Россия ва бошқа мамлакатлардаги ресторанларга дарвозабон қўйиладиган бўлади, уларни швецарлар (яъни швецарияликлар) деб атайдиган бўлади. Швецар-дарвозабонликка соқоли кўкрагига тушадиган нуроний чоллар танланади. Уларга бамисоли генераллар формасини эслатувчи маҳсус кийимлар кийдирилади. Ахир генерал формасидаги кекса бир киши ташриф буюрувчиларнинг барчасига бирма-бир бош эгиб салом билан кийимларини олиб гардеробга илиб, чиқиб кетаётгандарида хушомадгўйлик билан кийинтириб турса қандай яхши, нақадар ёқимли!

Италияда очилган ресторанларда яна бир ўзгача янгилик жорий қилинади: ташриф буюрувчиларни залда музика билан кутиб олинади ва овқатланиш давомида классик опералардан куйлар янграб туради.

Россия ресторанларида жорий этилган ўзига хослик шундан иборат бўладики, бу ерда деразаларга қўлда тўқилган ҳар хил тўр пардалар, деворларга эса табиат манзараларини акс эттирувчи суратлар осиб шинам қилинади. Англияда эса пазандалар Ҳиндистон, Хитой ва Франциядан келтирилган.

Кўриниб турибдики, ресторан ишига Европадаги мамлакатлар ўз ҳиссаларини қўшганлар. Ана шу турли хусусиятлар муштарақ ҳолда очилган ресторанлар Америкада ҳам пайдо бўлади. Бу ерда ресторан ишига киритилган янгилик шундан иборат бўладики, столлар атрофи ўралиб маҳсус кабиналарга айлантирилади. Зотан ташриф буюрувчиларнинг фахш мақсадларига ҳам имкон туғдириш учун шундай қилинади.

Албатта ресторан хизматидан асосан пулдор эксплуататор синфларгина фойдаланган. Дарвоқе, ресторанларда атир сепиши одати ҳам бор. Бу одат қаердан келиб чиқсанлиги маълум эмас, аммо ресторанга кириш худди театрга боргандек покиза кийиниб келишни талаб қила-

ди. Бироқ бу жойга пули бор қиморбоз, юлғич, ўғри шахслар ҳам кириб қолган, соқолини қирдирмаган, устбоши япасқи, танасидан қўланса ҳид келиб турадиган бундай шахслар чиқиб кетаётгандарида швецар уларнинг уст-бошларига атири сепиб қўяди. Маъноси: «Яна ташриф буюрмоқчи бўлсангиз, ўзингизга эътибор бериброқ келинг!» дегани бўлган. Эвазига чойчақа бериш эса шундай муҳтарам швецарни гадой деб ҳақорат қилишга тенг бўлган. Афсуски, буни эндиликда атири сепадиганлар ҳам, сепдирувчилар ҳам билишмайди. Бу одат ҳақоратнинг нозиклаштирилган шаклидир.

Швецарларга «чой-чақа бериш» каби ярамас одат XIX аср ўрталарида келиб чиқкан. Буни бойваччалар, манмансираган шахслар, осонликча пул топувчилар, ўзларини бошқалар наздида «сахий» деб кўрсатмоқчи бўйлиб шундай аҳмоқонона йўл тутганлар: «Чойчақа бериш» билан баъзи ахлоқи бузук кимсалар гўзал раққоса, хонанда ва официанткаларнинг эътиборини қозонишмоқчи бўлганлар.

Бизнинг давримизда бундай мудҳиш сарқитнинг олдини олиш ресторон ишининг муҳим вазифаларидан биридир. Эндиликда рестораннинг вазифаси бутунлай ўзгacha. Бу жой меҳнаткашларга холис хизмат қиласидиган, лаззатли таомлар тортиқ қиласидиган оромгоҳdir. Бунга Фарбий Европа мамлакатлари ва Америка Қўшма Штатлари ўз ҳиссасини қўшган бўлсада, ресторанни дастлаб ихтиро этган Буланжени биз пазандалик ривожига катта ҳисса қўшган киши сифатида ҳурмат қиласиз.

Лавлагидан қанд олиш — К. Кирхов кашфиёти

Инсониятнинг қандга бўлган талаби айниқса XVIII асрга келиб сира қондириб бўлмайдиган даражада ортди. Шакар қамиши дунёнинг фақат тропик мамлакатларида гина ўсади. Нима қилиш керак? Таркибида қанд бор ўсимликлар кўп, лекин улардан қандни ажратиб олиш фоят қимматга тушади.

Лавлагидан қанд олиш айни муддао бўлди. Илдизмевали бу сабзавотдан инсоният икки минг йилдан бўён экиб фойдаланиб келади, бироқ ундан қанд олиш мумкинлиги ҳеч кимнинг хаёлига ҳам келмаган.

1747 йили петербурглик доришунос Константин Кирхов аптека учун зарур бўлган гумми арабик танқислигидан жуда боши қотиб юрарди. Дориларга қўшиладиган

бу нарса араб мамлакатларида ўсадиган махсус дарахтнинг елими эди. Бундай елим фоят камчил ва қимматбахо бўлганилигидан К. Кирхов кимёвий йўл билан уни ҳосил қилиш устида кўп ишлар олиб боради. Бир куни у лавлагини қириб шарбатини ажратиб унга бир оз олтингургут қўшиб қайнатади, қуйилсин учун яна бир оз крахмал ҳам қўшади... Қайнаётган модда тиниқ тортади, суви ва кислотаси бугланиб қуйила бошлайди ва худди араб елимига ўхшаб қолади. Кирхов ўйлади: «Буни дориларга қўшсан, одамларга берсан, бирон кори ҳол бўлиб қолмасин яна? Аввал ўзим тотиб кўрайчи... Тотиб кўрса асал, асал! Шундай қилиб лавлагидан қуюқ шинни олиш усулини кашф қилганлигига доричининг ўзи ҳам лол қолади. Чунки шакарқамиш ўсмайдиган мамлакатларда қанд ишлаб чиқариш учун асосий хом ашё энди лавлаги бўлиб қолиши катта кашфиёт эди. Бу кашфиёти учун Петербург фанлар академияси Константин Кирховга академик унвони беради. Тез орада Россияда дастлабки қанд заводи ташкил этилади. Бундай завод аввалига Тула губернисининг Алябьев қишлоғидаги кичик бир саройда жойлашган эди.

1792 йилда Москва университетининг профессори Бингдегим лавлагидан қанд тайёрлаш технологияси тўғрисида китоб ёzáди. Шундан сўнг қанд заводларининг сони йингирмага етади. Кашфиётдан бир аср кейин — 1848 йили қанд заводларининг сони 340 тага етди. Ўша кезларда лавлаги таркибида шакар моддаси 4—6 процентгача бўлган экан. Кейинчалик селекционер олимларнинг маҳорати билан лавлагининг ширадорлиги 7, 8, 10, 15 процентгача орттирилган.

Ҳозир бизнинг мамлакатимизда қанд ишлаб чиқариладиган лавлагининг шакар моддаси 24—25 процентга боради. Гектаридан олинадиган ҳосил бўйича ҳам, дунёда рекорд натижа ҳам бизнинг мамлакатимизда — 1500 центнер! Бу хом ашёдан 260 центнер шакар олиш мумкин.

Кефир ижодкори — Ирина хоним

Ўтган асрда Осетия элатида сутдан тайёрланадиган ичимлик мавжуд бўлиб, унинг номини кайф деб атар эдилар. Дарҳақиқат ичгандা кишига ҳузур-ҳаловат бағишлайдиган ушбу неъматни 1883 йили ялталик врач В. Димитриев текшириб кўриб: «шифобахш ва анчагина

касалликларни даволашда қўллаш мумкин» деган хуносага келади. Бошқа врачлар ҳам: «кайф ичимлиги иштаҳа очадиган, чанқоқни босадиган, буйрак, ошқозон ва ичак хасталикларига дори» эканлигини тасдиқлашди.

Аммо осетинлар кайфни қандай тайёрлаш керак, деган саволга жавоб бермас, «узумини енг-у, бофини суриштируманг» қабилида иш тутиб, унинг технологиясини сирсақлар эдилар.

1908 йили Бутун Россия врачлар жамиятидан сут саноатининг монополисти Н. Бландовга мурожаатнома келиб, унда Москва касалхоналари учун кайф ичимлиги тайёрлаб бериб турилишини илтимос қилинган эди. Н. Бландовнинг Кисловодск атрофида ўн иккита сут тайёрлов пунктлари ва пишлоқ заводлари бор эди. Кайф ичимлигининг технологиясини аниқлаш иши ўша заводлардан бирининг ходими Ирина Сахаровага топширилади. Бу вақтда Ирина 20 ёшларда бўлиб, Рязандаги чорвачилик ва сут хўжалиги мактабини тамомлаган ва Кисловодска инга янги келган эди.

Топшириқ олган куниёқ Сахарова завод мутасаддиси Васильев билан бирга тоқقا Осетин князи Бек Мирзаникига меҳмонга боради. Карсунка овулида меҳмонларни шарқона илтифот билан қабул қиласидилар, қўйлар сўйиб хўп сийлайдилар, бироқ гап кайф ичимлигига келиб тақалганда тоғликлар лом-лим демайдилар, тилла эвазига сўралган кайф ачитқисини турли баҳоналар билан бермайдилар. Тарвузи қўлтиғидан тушган Сахарова билан Васильев извошга ўтириб маъюс қайтар эдилар. Тўсатдан извошни қандайдир отлиқлар қуршаб олади. Хашпаш дегунча нозанин Ирина ўзини тоғ даралар орасида қушдай учиб бораётган чавандоз ҳибсида кўради ва ҳушидан кетиб қолади...

...Тонгда у ўзига келса, қандайдир кулбада ётиди. Тошбақа нусха бир кампир унга далда берарди:

— Йиглама, тентак қиз, князимизга малика бўласан!

Кампир кўзада муздек, юракни яшнатадиган ичимлик келтириб қўяди.

— Кайф деган ичимлик шуми? — сўради Ирина.

— Ҳа, болам.

— Қандай тайёрланади?

Кампир жавоб ўрнига муғобирона илжаяди ва гапни бошқа томонга буради.

Шу орада Васильев полициячилар билан бирга Иринани қутқаришга келиб қолади. Бир неча кундан сўнг

эса князь Бекмирза ўз қилмишләри учун судга чакиртирилади.

— Балки кечиравсиз, дейишади овул оқсоқоллари. Иринани ўртага олиб, — ахир у сизга сира зарар етказгани йўқ-ку!

— Балки кечиравман, — деди қиз ҳам, — аммо шартим бор: князга айтинглар, у менга кайф ачитқисидан ўн қадоқча берсин.

Қамалишдан кўра, сир очиш афзаллигини сезган князь рози бўлади.

...Мана ўша ачитқи Ирина қўлида. Шифил қуруқ, буғдойсимон дона-дона, ювуқсиз соначнинг бадбўй ҳиди бурқсийди? Ачитқи қўлга киритилди-ю, бироқ тайёрлаш усули ҳамон номаълум. Нима қилмоқ керак? Хўрлик дарвозасидан қайтган бўлса ҳам Ирина ўзини баҳтиёр сезарди.

— Барibir топаман, — деди у ўзига-ўзи, — аввало ачитқини бадбўй ҳиддан халос этиш керак.

Ачитқи ювиб қўрилди, яна, яна ювилди. Доналар чигитдек бўрта бошлади. Сутга ташлаб кўрилса, қатиқ ивиди, аммо уни оғизга солиб бўлмайдиган даражада бадбўй чиқди. Яна ювиш, яна тажриба... бир ҳафтагача мижжа қоқмаган Ирина натижага эришгандек бўлди. Хушҳўр чалоп олинди. Дарҳол микроскоп остига! Ҳаммаси покиза, нодаркор микроорганизмлар йўқ. Энди қанча сутга қанча ачитқи зарурлиги аниқланса бас.

Оддий қатиқقا 4 процент ачитқи солинади, бунга-чи? Кетма-кет ўтказилган тажрибалардан сўнг энг яхши норма икки ярим процент деган хуносага келинди. Ниҳоят, Ирина тайёрлаган кайф ичимлигига баҳо бериладиган кун ҳам келди. Тўғарак стол атрофида синчков чашначилар... Оғзи кенг шишаларда ивитилган маҳсус қатиқ стаканларга қуйилиб, узатиб турилибди. Чашначилар бир-бир хўплашади-ю, тамшаниб ўйга ботишади, дафтарчаларига қандайдир белгилар битишади. Яхши нарса ҳамиша яхши бўлади-да. Үн нафар чашначи бир оғиздан «аъло» баҳо қўйишади. Бирори бундай таклиф ҳам киритади: кайф ичимлигининг тайёрлаш усули маҳфий тутилгани ҳолда Ирина Сахарова матонати билан янги технология жорий қилинганлиги учун ҳам бу нематни «кайф Ирина» қисқаси (кефир) — деб аталсин.

Шу-шу бўлди-ю, 1909 йилда кефир дунёга келади.

«Алифбе» печенъелар

Инглиз пазандалигида кекс, пирожний, вафли ҳамда печенъелар анъанавий таомлар ҳисобланади. Шуларнинг ҳар бирининг келиб чиқиши тўғрисида турлича ривоятлар юради. XIX аср ўрталарида инглизлар орасида саводсизлар кўп бўлган. Саводлиликни ошириш масаласини қирол ҳузурида ёки парламентда кўриб чиқиш ҳеч кимнинг хаёлига ҳам келмаган. Мактаблар кам, кексаларга ҳам савод ўргатиш эса амри маҳол. Лекин Жонатон Керр исмли бир пазанда инглиз алифбесидаги ҳарфларга ўхшаган печенъелар ижод қилади ва ҳарф — печенъелар тайёрладиган машинани ҳам кашф қилади. У ўз олдига, шу печенъелар одамларни ҳарф танишга ўргатади, деган мақсадни қўяди. Натижা ёмон бўлмайди. Ҳарф ўрганишга мойили бор одамлар кўпайганлиги ушбу хил печенъеларга бўлган талабнинг ортиб кетганлиги билан ифодаланган. Масалан, 1840 йилда Жонатон Керр 500 тонна алфавит печенье тайёрлаб сотганлиги тўғрисидаги хабар оғиздан-оғизга ўтиб бизгача етиб келган. Жонатон Керр бир томондан жуда бойиб кетган бўлса, иккичи томондан эса маърифатпарварликда XIX аср Англиясидаги foят катта бир муаммони ҳал этган пазанда ҳисобланади.

Мика! Сиз ўзи кимсиз?

Асримизнинг 20-йилларида Югославияда Мика Алас исмли бир ажойиб шахс ўтган. Мика ким? — деб сўрасангиз, бирор уни Белград университетида 50 йил математикадан дарс берган профессор, 250 илмий асарнинг муаллифи деб жавоб беради. Яна бирор бу саволга Мика Аласнинг машҳур скрипкачи бўлганини, халқ ашулаларининг яхши билагони эканлигини айтади.

Яна бирор Микани балиқчи дейди. Унинг асли фамилияси Петрович бўлган. «Алас» — балиқчи дегани, — унинг таҳаллуси. Бу таҳаллусга у Сава ва Дунай дарёларида студентлик давридан бошлаб ҳафтада бир марта балиқчилик қилгани, ўз қайифи, тўру қармоғи ва ҳаваскор балиқчилардан бригадаси бўлгани учун эришган. Ҳатто мутахассис балиқчилар ҳам Мика Аласдан балиқни қачон, қаерларда, қанақасини тутиб олиш мумкинлигини маслаҳат сўраб юришган.

Тўртинчи шахс зўр бериб Миканинг пазандада бўлганлигини уқтиради.

Юgoslavиянинг энг ноёб ва ажиб лаззатли таоми «аласа чорба» (балиқ шўрваси) Миканинг ижодига мансубдир. У ўзи овлаб келган балиқларини яхшилаб тозалаб, кавшарланган катта мис қозонда пиширар, зира-ворлар солганда атрофни ажиб иштаҳа баҳш этувчи ҳид тутиб кетар экан. Мика «аласа чорба»нинг милтиллатиб қайнашига монанд камон тортиб скрипкада куй чалиб, меҳмонларни кутиб олар экан. Ҳатто чет эл дипломатлари ва баъзи ҳукумат аъзолари ҳам «аласа чорба» дегустациясига таклиф этилишни ўзлари учун шараф деб билганилар. Баъзан бундай меҳмондорчиликка 500 гача одам иғилиб, катта тантана билан давом этган.

Мика Алас ана шунаقا. Математик, музикачи, балиқчи бўлиши билан бирга пазандаликка ҳам катта ҳисса қўшган одам бўлган.

Еленахоним хизматлари

Елена Ивановна оддий уй бекаси, Курск шаҳрининг архитектори И. П. Молоховецнинг рафиқаси. Хизматлари шундаки, Елена хоним рус халқининг пазандалиги тўғрисида дастлабки китоб ёзган. 1981 йили «Ёш уй бекаларига тұхфа» деб номланган ана шу китоб нашр этилганига ро-са 120 йил тўлган эди. Автор кўп йиллар давомида бепоён Россиянинг барча губерняларига шахсий экспедициялар уюстиради, юзлаб шаҳар ва қишлоқларда, минглаб одамлар билан суҳбатлар қуради. У айниқса, уй бекалари, деҳқонлар, боғбонлар, чорвадорлар, ошхона ва тамаддихоналарнинг мутахассислари, зодагон оиласаларнинг хизматкорлари (губернаткалар, кухаркалар, экономиклар) дан халқ пазандалигига оид жуда кўп қўмматли материаллар тўплайди.

Маълумки, Россиянинг узоқ ўтмишидан то шу китоб ёзилган 1861 йилга қадар тарихда қанчадан қанча урушлар, босқинчиликлар каби ижтимоий оғатлар билан бирга қурғоқчиликлар ва ҳосилсизликлар каби табиий оғатлар кўп бўлган. Мана шу оғатлар пазандаликка салбий таъсир етказади, халқ ижодига мансуб кўплаб таомлар узоқ вақтлар ҳукм сурган масаллиқсизликлар натижасида тайёрланмай қолиб, унутилиб кетади. Айниқса, пазандаликдан китоблар ёзилмаган бўлса бундай унутилиш давом этаверади. Кўплаб ноёб, серлаззат, ши-

ғобахш таомларнинг рецептти ва тайёрлаш усуллари сўмзиё бўлади. Пазандаликда сир тутиш усули бўлганлигидан эса талантли ошпазлар, нонвойлар, қандолатчилар ва ш. к. мутахассисларнинг вафотидан сўнг ҳам халқ кўпгина анвойи таомлар тайёрлаш усулларидан маҳрум бўлиб қолади.

Елена Ивановна Молоховецнинг хизматлари шундаки, у ана шу унутларга биринчи бўлиб чек қўяди. Уз саёҳатлари давомида одамлардан кимнинг эсида пазандаликка оид нимаики сақланиб қолган бўлса дафтарига ёзизб юради. Узлуксиз тажрибалар ўтказиш давомида юзлаб таомларнинг рецептти ва тайёрлаш усулини қайта тиклайди. 10 йил машаққатли меҳнатлари давомида автор рус халқининг 8000 хил таоми бор эканлигини аниқлайди.

Бунча маълумот қалинлиги бир қарич келадиган иккита китобга жо бўлади (муболага эмас, ҳар бир томи минг варақдан). Еленанинг хизматлари яна шундаки, у ўз китоблари билан рус пазандалигини шу вақтгача классик деб ҳисобланиб келинаётган Хитой ва Француз пазандаликлари қаторига қўша олади. Бошқа халқларнинг пазандалиги бу даражага етиши учун жуда кўплаб китоблар ёзилиши керак. Аммо Еленахоним ўзининг биринчи китобидаёқ бунга эриша олган сиймо. «Ёш уй бекаларига тухфа» китобининг аҳамиятлилигини яна шу фактдан ҳам англаш мумкинки, бир аср ичida (1861—1961) ҳар 3—4 йилда бир мартадан 29 марта нашр этилган. Уша китобнинг дастлабки нашри Москвадаги Салтиков-Шчедрин номидаги кутубхонада нодир асар сифатида сақланмоқда.

Елена Ивановна Молоховецнинг бу китobi жаҳон пазандалиги тарихида ўзига хос катта тўнтириш ясади, десак ҳам муболага бўлмас. Негаки, анъанага кўра ҳозир ҳам бутун дунёдаги врачлар дори-дармон рецептларини лотин тилида ёзадилар, шунга ўхшаш бир вақтлар пазандалар ҳам таомларнинг рецептларини фақат француз тилидагина ёзар эдилар. Е. И. Молоховец ўз китобини рус тилида ёзди. Шундан сўнг барча миллий ошпазликдаги китоблардаги рецептлар ҳам ўз она тилларида ёзиладиган бўлади. Бу ҳол пазандалик сирларидан барчанинг бемалол баҳраманд бўла олиши имкониятини келтириб чиқаради. Яъни «пазандалик — пазандалар учун» деган нотўғри фикрга барҳам берилиб, «пазандалик халқ учун» деган шоир ғалаба қиласди. Бунинг сабаби

шундаки, автор ушбу китобни халқ билан бирга ёзади: барча материални халқдан тўплади, халқнинг урф-одати, тилини яхши ўрганди, халқ пазандалигидаги услубларга беистисно риоя қиласди. Барча таомларни ўз уй лаборатория-ошхонасида тайёрлаб тажрибада синаб, системага солиб, ўз олимлик назаридан ўтказиб ана шу таомлар коллекциясини бебаҳо бойлик, пазандалик санъатининг дурдоналари сифатида китоб сандиқчасига жойлаб халқнинг ўзига қайтариб беради.

Сосиска ижодкорининг тақдири

Ўтган асрда германиялик Паул Шульц исмли қассоб иш қидириб Америкага бориб қолади. У узоқ вақт касбига лойиқ иш тополмай хуноб бўлиб юрганда газеталардаги бир эълон унинг эътиборини тортади: «Чикаго шаҳридаги катта күшхонада вакант жой бор» дейилган эди унда. Шульцнинг баҳти кулгандай бўлди. Мана энди у ўз севган ҳунари билан машғул бўлиши мумкин, лекин ҳаёт кечириш жуда оғир, ойликка яшаш қийин, ишга келиб ҳар минутда ҳайдалиб кетиш хавфи ҳам бор эди, албатта. Бошқа яна бирор ҳунар орттирсаммикан, деб ўйлаб юради, бироқ қандай қилиб? У ҳар куни бир қулочча аччиқ ичак олиб кетар ва арендага олган япасқи кулбасида шуни пишириб, қовуриб еб тирикчилик қилиб юради. Бир куни аччиқ ичакка қийма солиб хасип тайёрлайди, биноидек.

Күшхонада минглаб сўйилаётган ҳайвонларнинг узундан-узун аччиқ ичакларининг озгина қисмидан музика асбобларига тор ясалар эди, қолгани хандакка улоқтирилар, итларга берилар эди. П. Шульц ўз тажрибаларини давом эттираверади. Қиймага янчилган пиёз, саримсоқ қўшиб тайёрлайди. Қалампирмунчоқ, лавр япроғи қайнатмаларидан ҳам қўшиб кўради. Қиймага яна таомларга қўшиладиган селитра ҳам солиб тажриба ўтказади. У ўзи ижод қилган хасипни «сосиска» деб атайди. Мол гўштидан, қўй гўштидан, чўчқа гўштидан тайёрлаб кўради. Энг яхши сосиска кичкина чўчқачаларнинг гўштидан тайёрлангани бўлиб чиқади. Автори уни «сутли сосиска» деб номлади. Билмаганлар ҳануз ҳам сутли сосискага сут қўшилса керак деб ўйлашади, йўқ, ундей эмас, балки «сут эмиб турган чўчқа боласининг гўштидан тайёрланган» деган маънони англатади. Хуллас, П. Шульц сосисканинг жуда хушхўр ва картиллама хилини кашф

қилади. Буниси селитра, саримсоқ ва ҳар хил зираворлар аралаштириб тайёрланган қиймани аччиқ ичакка қуиб калта-калта қилиб боғлаб буғда пиширилади. У ўз кашфиётига она шаҳри Франкфурт номини ҳам беради. Аммо содда қассоби тушмагур пазандалик соҳасида қилган ушбу ажойиб кашфиётини сир тутиши зарурлигини англамай қолади. У ким кўринса унга майда хушхўр колбасачалар тайёрлаш рецептини ва технологиясини оғзаки айтиб юради, тажрибада пишириб ўргатаверади. Натижада капиталистик рақобат бу камбағалнинг бошига ҳам бало бўлади. Сосиска тайёрлаш технологиясига патентни бошқа корчалонлар олиб боийиб кетишади. Чикаго, Сан Франциско, Вашингтон, Нью-Йорк ва бошқа шаҳарларда кўплаб сосискахоналар очилади. Фалакнинг гардиши билан П. Шульцини қушхонадан ҳайдаб юборишади. Қариган чоғида борйўғидан ажраган бу ғарид бирорта сосискахонага ишга киришга умид боғлар эди. Унга ваъда ҳам қилдилар, бироқ «эртага келинг», «индинга келинг» деган бюрократлик жонига теккач, очлик азобидан изтироб чеккан бу кашфиётчи сосискахоналарнинг бирига бориб остонасига бош қўяди-ю э воҳ, жон беради!

Одамийлик юзасидан шуни айтишимиз керакки, юз йилдан буён җаҳон мамлакатларида тайёрланган сосискалар неча миллион километрни ташкил қиласкан? Буни ҳисоблаб бўлмайди, албатта, лекин ана шу беҳисоб неъматнинг ижодкори Паул Шульц эканлиги ва бу таом «Франкфурт сосискаси» номи билан жаҳоннинг турли мамлакатларида ҳамон сотилаётганлигининг ўзи ушбу таом ижодкорига бўлган ҳурматимиз далолатидир.

Замонамизнинг энг ижодкор пазандаси

Ҳар бир ошпаз тайёраётган таомларини рисоладагидек пиширишга интилса чакки бўлмайди, албатта, бироқ бу касб. Агар пазанда ўз тажрибалари, маҳорати ва фантазиясига таяниб тайёрланайтган ҳар бир таомга қандайдир фойдали ўзгартиришлар киритса, ёхуд янгича овқат пишириш усулини ва рецептини кашф этса, буниси — ижод бўлади. Пазандалик — санъат экан, у ижодсиз равнақ топа олмайди. Шу сабабли биз, ёлғиз мутахассис ошпазлардагина эмас, ҳатто кундалик таом тайёраётган ҳар бир уй бекасида ҳам қандайдир янгиликлар борлигини, пишириш ишига ижодий ёндашаётганликла-

рини доим кузатиб борамиз. Худди шу ҳол янги-янги таомларнинг келиб чиқишига сабаб бўлади.

Ҳозир ҳикоя қилмоқчи бўлган пазанданинг бошқалардан фарқи шундаки, у ўз ижодини илмга асослаб юқори даражада олиб боради, яъни новаторлиги билан ажралиб туради. Бу киши таом ижодкорлиги тўғрисида диссертация ёқлаб, фан кандидати деган илмий даражага сазовор бўлган, Москвадаги Г. В. Плеханов номли Халқ хўжалиги институтининг доценти Владимир Михайловдир. Унинг тавсиялари аср-асрлардан бўён тайёрланиб келинаётган юзларча таомларнинг технологиясини тамомила ўзгаришишга қаратилади. Зероки, у киши анъанавий эски технология барчага бирдай мақбул бўлса-да, барibir камчиликлари борлигини аниқлайди. Яъни кўп қовуриш, узоқ қайнатиш давомида масаллиқлардаги анчагина фойдали неъматлар беҳуда ғойиб бўлаётганини, тайёрлаш жараёнида узоқ вақт ҳамда ортиқча иссиқлик энергияси сарфланаётганлигини исботлаб беради. Масалан, асрлардан бўён рус пазандалигига боршч тайёрлаш учун ҳар 3 соат вақт сарфланиб келинарди. В. Михайлов ижод этган технология бўйича бу таомни 30 минутда пишириш мумкин экан. Чунончи, гўшт қайнатилган шўрвага майда тўғралган карам, лавлаги, сабзи, картошка, помидор, пиёз ва ошкўкларни бирданига солиб қопқоги жипс ёпилган ҳолда 10—15 минут давомида бир қайнатиб олинади-да, шу ҳолда очмасдан 15—20 минут димлаб қўйилади. Шунда таом ҳалиги 10—15 минут қайнатиш давомида масаллиқлар бафрида тўпланган (яъни аккумуляция қилинган) иссиқлик ҳисобига батамом пишиб етилади. Буни узоқ қайнатишнинг ва кўп кутишнинг ҳожати йўқ, қолаверса, қопқоги жипс ёпилган идишдан зарур неъматлар: витаминалар, жавҳарлар, сабзавотларнинг хушбўй ҳиди (ифорлар) буғ билан беҳуда учиб кетмайди, натижада шундай бир лаззат гаммаси ҳосил бўладики, буни ўша-ўша масаллиқлардан тайёрланган бўлинса-да, мутлақо янги таом рўйхатига киритиш мумкин. Ёки яна бир мисол: гўштни ҳил-ҳил қилиб пиширишнинг анъанавий усулида камида 2 соат вақт ва шунга кўра энергия ҳам сарфланар эди. В. Михайлов беҳуда сарфланаётган энергия билан вақтни тежаш учун ҳамда гўшт каби муҳим оқсилли масаллиқдаги тўйимли ва лаззатли моддаларни тўла сақлаб қолиш учун уни «антрикот усулида» пиширишни тавсия қиласди, яъни 5 минут пишириб, 5 минут оловини ўчириб димлаш. Уш-

бу операцияни 4 маротаба қайтариш зарур, шунда 40 минут сарфланади, охирида яна 15—20 минут димланади — ҳаммаси бўлиб 60 минутда гўшт жуда юмшаб ипир-ипир бўлиб пишади, экстрактив моддалари, оқсил компонентлари, минерал тузлари тўла сақланиб, ажиб бир лаззат касб қиласди. Биз В. Михайлов ижодидан фақат иккита-гина мисол олдик, холос, аслида у юзлаб таомларнинг технологиясини ана шундай мантиқий ўзгартирадики, бу кашифийтлар СССР Халқ Хўжалиги Ютуқлари Вистав-касининг олтин медалига сазовор бўлган. В. Михайлов ижодда назариячигина эмас, амалиётчи ҳамдир. У ўз маҳоратини Алушта ва Ялта шаҳарларидаги курорт ва санаторийларда намойиш этиб хўрандалар, мутахассис диетологлар ҳамда овқатланиш физиологияси билан шугулланувчи врачларнинг олқишиларига сазовор бўлган. Пазанда мавжуд таомларнинг технологиясини ўзгартиришдан ташқари кўплаб янги рецепслар тузади ва илгари сира ишлатилмаган масаллиқлардан бир неча хилини таомномага киритади. Унинг чой дамлашдаги тавсиялари ҳам қизиқ: қуруқ чой билан бирга ялпиз, райхон, кашнич, укроп, исмалоқ каби кўкатлардан сиқиб олинган селини қўшиб дамланса, шифолиги янада ошишини исботлайди ва бундай дори ичимликни у «балзамий чой» деб атайди.

Биз хонадонларда ҳам, жамоат овқатланиши корхоналарида ҳам сабзи, лавлаги, редиска баргларини ва қарам ўзагини ҳар доим ташлаб юборамиз. В. Михайлов булардан аъло сифат таомлар тайёрлаш мумкинлигини кашф этади. Мисол учун редиска баргини яхшилаб ювиб, бир қайнатиб ёки қасқонда буғлаб, сўнг сариёққа қувурилса (жазланса), мазали гарнир ҳосил бўлар экан. Ёки далаларда, тоғларда ва ўрмонларда турли гиёҳлар мавжудки, одамлар булардан дори-дармон сифатидагина фойдаланиб келарди. Ижодкор пазандамиз эса ўша гиёҳларнинг кўпини, хусусан зубтурум (бўзчи, отқулоқ), сариқчой (зверобой), қичитқон (чалақан, крапива), ола буға (шўра) кабиларни овқат сифатида бемалол ишлатиш мумкинлигини кашф қиласди. Ижодкор пазанда инсон таомномасини бойитишда шундай бир тўғри йўлдан борадики, Фарб табобатининг отахони Гиппократнинг ушбу гапларини беихтиёр эслайсан киши: «Барча озиқлантирувчи моддалар шифолик хусусиятларига эга бўлмоғи даркор ва биз қўлланаётган шифо воситаларининг барчasi албатта озуқа моддаларидан иборат бўлмоғи ке-

рак». Шундай қилиб Владимир Михайловнинг «таом — дори, дори — таом» формуласи асосида узоқ йиллар мобайнида олиб борган назарий ва амалий изланишлари СССР Медицина Академияси Овқатланиш институтининг кўзга кўринган олимлари томонидан маъқулланди. Янги технологиядаги ана шу таомлар барча касалхона, дам силиш уйлари, санаторий ва курорт ошхоналарида тайёрлашга тавсия этилди.

Пазандалик соҳасидаги бу ижодни фандаги катта кашфиётга қиёс қилгулик, чунки бу ёлғиз вақт, энергия ҳамда масаллиқлардаги фойдали моддаларни тежабгина қолмасдан, балки бебаҳо бойлик — инсон сиҳат-саломатлигини сақлаш ва мустаҳкамлашга бафоят катта хисса қўшади.

Пазандалик гроссмейстери

Бу одам ҳали ёш йигит. У Москвадаги «Арагви» ресторонида ишлайди, исми-шарифлари Владимир Александрович Гудков. «Неделя» газетасининг мухабирлари В. Назаров билан Э. Церковер бу ошпаздан:

— Неча хил таомни биласиз? — деб сўрашганда у.

— Тўрт юз хил, — деб жавоб берган.

Бироқ ҳамкасларининг фикрига қараганда у бундан анча кўпроқ таом тайёрлаш усулини билар экан. Чунончи, «Мосресторантрест» бошлиғи В. Г. Горшунининг айтишича, В. А. Гудков «Катта пазандалик» китобидаги барча таомларнинг моҳир устаси экан. Уша китобда эса 8000 хил таом тайёрлаш усули ёзилган.

В. Г. Горшунинга ҳам савол беришган:

— Бизда пазандаларнинг энг юксак унвони қанақа?

— «Уста пазанда», холос, лекин «Ошпазлик гросмейстери» деган унвон таъсис этилса-ю, дастлаб бу унвон билан Владимир Гудковни табриклашни истардим, дейди у. Негаки у уста Бутунниттифоқ пазандаларининг ҳар иили уюштирилиб туриладиган конкурс-ларида доим «чемпион» бўлиб чиқади, қолаверса унинг номи чет элларда ҳам машҳур.

Монреал шаҳрида бўлиб ўтган «ЭҚСПО—67» да 8 ой ошпазлик қилиб икки томлик китобга тенг келадиган «таҳсинлар дафтари» олиб келади. Рус ошпазлигидан баҳраманд бўлиш мақсадида Жаклин Кеннеди ўз болалари билан В. Гудковга таом заказ берган.


Прага, Пловдив, Хельсинки, Схевенген, Токио, Дех-

ли ва бошқа шаҳарларда ўтказилган пазандалик виставкаларида у алоҳида маҳорат кўрсатган.

Осако шаҳрида бўлиб ўтган «ЭКСПО—70» халқаро виставкасида В. Гудков шундай таом тайёрлаганки, банкет қатнашчилари пазандани ўринларидан туриб олқишилаганлар.

Москвага Жавоҳарлал Неру ташриф буюрганида В. Гудков ҳинчча «Тандурий-чикен» таомини тайёрлаб беради. Меҳмон таомдан танаввул этар экан, буни ҳинд ошпази тайёрлаган,— дейди. Унга Владимир Гудковни таништирганларида унинг қўлини сиқиб лол қолади.

Бир куни София Лорен бу лаззатшунос пазандани ёнига чақириб, орқасига шундай сўзлар ёзилган ўз фотосуратини тақдим этади, «В. Г. Сизга раҳмат. Рус пазандалигига оғарин!».





VI. ЖАҲОН ПАЗАНДАЛИГИДАН ЛАВҲАЛАР

Табиий қозонлар

Китоб бошида биз «Пазандалик санъати оловнинг кашф қилинишидан бошланади» деган эдик. Олов ибтидоий даврнинг қуий босқичида кашф қилинган бўлиб, бу тош даври эди, одамзод ҳали металлардан фойдаланишин билмас, бинобарин, овқат пиширадиган бронза, темир, чўян, мис алюминий идишлар мутлақо йўқ эди. Шунинг учун дастлабки қозон тошдан ясалган, чунончи «дош қозон» тушунчаси шунга ишора. Катта харсанг тошнинг теппаси чуқурча қилиб ўйилган, остидан эса олов ёқадиган қилиб ўчоқ қазиганлар. Тилимиздаги «қозон» атамаси ана шу «қозган» маъносини англатади. Манти ва бошқа таомларни буғда пиширишга мўлжалланган идиш — «қасқон» деб юритилади, бу ҳам «қозган» ва «қозон» тушунчалари билан боғлиқдир.

Қозонни тошдан қазиш усули бошлангунга қадар дастлабки пазандалар таомни олов устида қовуриб (кабоб сингари), қўрга кўмиб (кўмоч каби) пиширганлар ёки табиий қозонлардан фойдаланганлар. Табиий қозон деганимизда гейзер сувли булоқлар, вулқон (ла-

ва» иссиқлигидан фойдаланиш ёинки гулхан ёқилган хандақ кабилар тушунилади. Бундай ибтидоий овқат пишириш усулларининг баъзи халқларда ҳанузгача сақланиб келаётганинг шоҳидимиз. Масалан: Янги Зеландиядаги Маори қабиласи олов ёқмасдан овқат пиширади. Бу қабила тоғ этакларида яшайди. Сойларда балиқ шу қадар кўпки, уларни қўлда тутиб олиш мумкин. Ён бошида иссиқ булоқ қайнаб чиқади. Балиқ булоққа ташланса бас, у ҳил-ҳил пишади. Балиқ кўпроқ ташланса борми, булоқ ёғлиққина шўрвага айланиши мумкин. Биз «табиий қозон» деб атаган ана шу булоқларда тошбақа ва ёввойи қушларнинг тухумидан тортиб, ҳар хил сабзавотларни ҳам пишириб ейишаверади.

Австралия ўрмонларида яшовчи ерли аҳолининг «табиий қозони» бошқачароқ: лахча чўғ устига қалин кўкат тўшалади, кўкат устига тозаланган балиқни териб, устидан яна кўкат тўшалади ва тепасига ҳам чўғ тўкилади. Бундай таомни еб кўрганларнинг айтишларича, балиқ худди духовкада пишгандек қовурилар эмиш.

Янги Гвинеядаги папаусларнинг «табиий қозонига» келганда бу ҳам ўзига хос. Балиқми, бир парча гўштми ёки нима овлаб олинган бўлса, шунинг устига туз ва зираворлар сепиб банан баргига ўрашади. Ерда қозон шаклидә зовур ковлаб, остига қизитилган тош ташланади, тёшнинг устига эса баргга ўралган гўшти қўйиб, тепасига яна қизитилган тош териб, тупроқ тортишади, энди бемалол бошқа иш билан машғул бўлавериш мумкин. Тахминан уч соатлардан кейин бу «табиий қозон» титкилаб очилса, ана лаззату, мана лаззат, зираворларнинг ва банан баргининг атрофига таратган хушбўй ҳиди кишига ҳузур баҳш этади.

Табиий қозоннинг бир намунаси Узбекистонда ҳам сақланган бўлиб, у асосан Қашқадарё ва Сурхондарё областларининг тоғли районларида пишириладиган тандирий баррадир. Ёнбағир жойдан сомса тандирга ўҳшатиб ўра қазилади, остидан ҳаво кириб олов ёнишига ёрдам берсин учун билак сиққудек тешик очилади. Ўранинг ичи гуваласимон тошлар билан айлантириб уриб чиқилади. Ўрага арча ўтини ёқиб тошни роса қизитгандан сўнг тўпланган лахча чўғ устига арчанинг яшил барглари ташланади-да сўйиб тайёрланган қўзини симга илиб осиб ўра усти ёпилиб, бир неча соат давомида димлаб пиширилади. Ана энди бу таомни есангиз...

Табиий қозоннинг яна бир ўзига хос хилини биз Қо-

ЗӨҒИСТОНЛИК олим Содиқ Қасмановнинг 1977 йили Ол-маотада нашр этилган «Қозоқ миллий таомлари» китобидан ўқыймиз. У «күмма» номи билан бир неча таомни пишириш усулини таниширади, яъни қўй кўмма, сувама кўмма, қорин кўмма, тандир кўмма ва бошқа. Кўмма деб умуман ҳеч қандай идиш ишлатмасдан гўшт, жигар, буйрак, картошка, маккажўхори, тухум, хамир қаби масаллиқларни чўқقا кўмиб пиширишга айтилади. Булар асосан қадимда кўчманчи бўлган чорвадор халқларга хос таомлардир.

С. Қасмановнинг ёзиичи: «Қўй кўмманинг бир тури қозоқча (силама комбе) сувалган кўмма деб аталади. Уни қоидаси билан пиширганда ҳайвоннинг териси шилинмайди, суяклари чопилмайди. Қорнини ёриб ичак-чавоги, юрак-ўпкаси, жигар-бағри олиниб, яхши тозаланиб, гўштининг қалин жойлари тилиниб туз, мурҷ, янчилган саримсоқ билан ишқалаб тана ичига солинали ва тикилади-да жун томонидан қуюқ лой билан сувалади. Шундан сўнг танани қиздирилган ўрага солиб устидан кучли олов ёқилади. Иssiқлик таптидан пишган тери буғланиб лой чапланган жунни ажратади, тери эса гўшт билан бирга қолади. Жун лойга ёпишиб ўзига хос идишга айланади. Пишган гўшти бошқа идишга олишнинг ҳожати йўқ. Уни шу табиний қозоннинг ичидан олиб ся берса бўлади»¹.

Скандинавия мамлакатларида қадимги даврларда викинг деб номланган халқлар яшаган. Ана шулардан товуқ пиширишнинг ибтидоий усули шведларга мерос бўлиб қолган. Товуқни сўйгач, ичак-чавоги олиб ташланади, ювилади ва туз сепилади, пати юлинмайди. Соз тупроқдан лой қорилиб товуқнинг устига чапланади, бу бамисоли гуваладек бўлади. Сўнг у бундай усулда пиширилади: ердан ўчоқ ковланади, ўчоқ устига йўғонроқ симданми ёки ингичкароқ темирданми қўйиб панжара ҳосил қилинади. Металл панжара устига муштдай-муштдай келадиган тошлардан терилади, унинг устига лой чапланган товуқни қўйилади, атроғига ва устига яна тошлар терилади. Ана энди остидан слов ёқилади, аланга тошлар орасидан ўтиб ёнади. Тахминан бир соат ёнгандан сўнг тошлар олиб ташланиб гувала аста синдирилиб, орасидан буғланиб тур-

¹ С. Қасманов. Қазақтын улттық тағамдары. «Қайнар» баспаси, Алматы, 1977 йил, 100—101-бетлар.

ган селликкина товуқ гүшти ажратиб олинади. Патларни ва териси лойга ёпишганлиги учун осон ажрайди. Ҳудди шундай усулда карп, сазан балиқларини ҳам пишириш мумкин. Балиқ ичига сельдерей, укроп каби ошкўклардан ва пордон мевалардан солса яхши бўлади. Буни 15 минутча пиширлса бас.

Қадимги чорвадор туркманларнинг табиий қозони ҳам ўзинга хос бўлган. Қўй ёки мол сўйиб қоринини олиб фақат бир жойидан пиçoқ уриб ичидағини тўкиб ташланади ва ағдариб ювилади. Қитир томони ташқарига ва силлиқ томони ичкарига қилиб тайёрланган қориннинг ичига эса гўшт, ниёз ва пича сув қўйиб, зираворлар ва туз сепилади ва оғзинга мол оёғининг найсимон суюги бўланади.

Қумни обдан қиздириб, қорин шунга кўмилади, найсимон сукт қумдан чиқариб қўйилади, чунки қориндаги сув қайнаганда буғ шундан чиқиб туради, йўқса тарс ёрилиб кетиши мумкин. Ана энди кўмма қорин устига шох-шаббаларни ташлаб олов ёқилади, 1,5—2 соатлардан сўнг таом тайёр бўлади.

Курдлардаги табиий қозонда тайёрланадиган овқат қуллама деб аталади, буни фақат эрқаклар пиширадилар. Қўйни сўйиб, этини майдалаб, ўз терисига ўрайдилар. Хандак қазиб ичидан олов ёқадилар, аланга ўчиб қўр қолганда ҳалиги пўстакка ўралган гўштни солиб тупроқ ташлаб кўмадилар-да, устидан гулхан ёқадилар. З соатлардан кейин таом тайёр бўлади.

Қадимги қўчманчи монголлардаги табиий қозон яна ўзгача: кичикроқ тана (қўй, эчки) ни сўйиб териси шилинмайди, калласи ва ички аъзолари олиб ташланади. Сўнгра қорин бўшлиғига қизитилган тошларни солиб пиширишган. Ёки тананинг чор атрофига тош қоплаб устидан гулхан ёқиб пиширишган.

Рамзий масаллиқлар

Кундалик таомларимизда ишлатиладиган жуда кўп масаллиқлар орасида айrim зиравор, ошкўк, сабзавот, мева, дон-дун ва бошқа хиллари борки, булар турли халқларда бирон-бир воқеа, нарса ёки ҳодисалар рамзи ҳисобланган. Чунончи, бир хил масаллиқлар борки, мукофот рамзи, яна бир хил масаллиқлар муҳаббат рамзи ёки айрилиқ мусибат рамзи, яна ўзгачалари меҳмондўстлик рамзи, яна тўқчилик, узоқ умр, маъмурчилик рамзи бўлганлари ҳам бор.

Лавр япроғи. Қўланса ҳид тарқатадиган гўштлардан шўрва пиширганда лавр япроғисиз иш битмайди, чунончи балчиқ ҳиди анқиб турадиган чўчқа, ўрдак ва балиқ гўштини фақат шу барг хушхўр ва хушбўй қиласди.

Тропик ва субтропик миintaқаларда ўсадиган шу дарахтнинг барги ва шохчалари қадимги Грекияда мукофот рамзи ҳисобланган. Лаврдан тайёрланган чамбар Олимпия ўйинларида ғолиб чиққанларнинг бўйнига илиб қўйилган. Бу одат кейинчалик Франция, Италия ва Испанияда тарқалиб, лавр япроғининг чамбари машҳур олимлар, рассомлар, шоирлар ва бошқа алломаларнинг бошларига кийдирилган. «Лауреат» сўзи ана шундан келиб чиққан. Ҳозирги тинчлик учун курашчилар мукофотининг лауреатларига, Ленин ва Давлат мукофотларининг лауреатларига тақдим этиладиган медалларга ҳам лавр япроғининг рамзи туширилгандир.

Зайтун. Ушбу дарахт Ўрта дengiz ҳавзасидаги мамлакатларда ўсади, ҳам мева, ҳам мой беради. Худди сарви каби бир неча йил давомида ям-яшил гуркираб ўсиб тураверадиган шу дарахт ҳар доим ёшлиқ, узоқ умр кўришлик рамзи ҳисобланади. Қадимда унинг новдаларидан тўқилган чамбар физкультура ва спорт ғолиблари ва олимпиада чемпионлари бўйинларга тақуб қўйилган. 1980 йили Москвада бўлиб ўтган 12-олимпиада ғолибларига берилган медалларда ҳам зайдун шохчасининг рамзи бор.

Нақш олма. Олманинг бу нави жуда чиройли, қипқизил бўлиб нафис, хушбўй ҳиди ҳам бор. Ўзбекистоннинг барча областларида айниқса Фарғона водийсида боғларда кўп етиштирилади. Эрта пишади ва асосан десерт мева сифатида истеъмол қилинади.

Ана шу олма қадимда муҳаббат рамзи ҳисобланган: севишганлар бир-бирларига гул тақдим этганлари каби нақш олма ҳам тақдим этганлар ёки бир-бирларига қараб олма отганлар. Йигит ва қиз ўртасида олма отиш одати революцияга қадар Хоразмда мавжуд бўлганлигини ёзуви ва олим Жуманиёз Шарипов ўзининг «Хоразм» романida тасвирлаб берган. Шунингдек, бу одат Фарғона водийсида ҳам бўлган: севган қиз йигитга олма отади, йигит ҳам қизга олма отади, бу билан улар бир-бирларига бўлган самимий муҳаббатларини изҳор қиласдилар.

Помидор. Бу неъматнинг тарихи ва қачондан буён истеъмол этилиши, ўзбек пазандачилигига қачон кириб

келганлигини ушбу китобнинг тегишли жойида айтиб ўтдик. Помидорнинг ошпазлигимизда жуда кенг қўлланилиши, мустақил ва ёрдамчи масаллиқ вазифасини ўтаси, юзлаб таомларга қўшилишини ҳамма ҳам билади.

Қизиги шундаки, бу неъмат ҳам бир вақтлар муҳаббат рамзи ҳисобланган. Қип-қизил, оловдай товла-нувчи помидор XIX аср бошларида Қrimдаги Богчасарой шаҳрининг гулхоналарида манзарали ўсимлик бамисоли гул каби тувакларда ўстирилган. Ёшлар эса чўғдек мевасини узиб олиб, ўз севгилиларига тақдим этишган. Ўша кезларда Қrimда уни помидор эмас, балки «муҳаббат олмаси» деб аташган, лекин таомларга ишлатишмаган.

Сельдрей. Барглари қайчи-қайчи, худди кашнич баргини эслатадиган, бироқ кашничдан каттароқ ва баландроқ ўсадиган бу ошкўқ лағмон қайласи ва шўрваларга солиб пиширилади, салатларнинг юзи безатилади.

Қадимда эса Миср ва Юнонистонда сельдрей барглари билан спортда, илм-маърифатда ва мушоираларда ғолиб чиққан кишиларнинг юзи безатилган, бошларига сельдрей чамбарлари тақишиган. Сельдрейни муқаддас деб билган юон ва римликлар унинг рамзини ганчга ўйиб иморатларнинг пештоқига ва устунларнинг плястрларига ёпиштирганлар. Архитектурадаги сельдрей баргининг кунгурадор қолипи бошқа мамлакатлардаги ганчкорлар томонида ҳам қўлланган.

Пиёз. Овқатга гўшт солиб пиширинг-у, аммо пиёз солманг—бемаза бўлади. Пиёзнинг ажойиб хусусиятлари ва тарихи тўғрисида китобимизнинг тегишли ерларида айтиб ўтдик. Пиёзнинг гўзаллик ва ботирлик рамзи ҳақида икки оғиз сўз. Пиёзнинг асли ватани Тяншань тоглариdir, бироқ баъзи олимлар пиёз Мисрдан келиб чиққан дейишади. Бундай фикр хато бўлса ҳам ҳар ҳолда қадимги Мисрда пиёзни гўзаллик рамзи ва муқаддас масаллиқ деб ҳисоблашган. Миср деҳқонлари (паллаҳлар) нинг кўзига пиёз бамисоли ой бўлиб кўринар экан. Уни «ерда битган ой» деб аташган ва кўзига яхши, чиройли, иффатли одам бўлиб кўринган кишиига бир бош пиёз тақдим этишар экан. Тўхтанг ўзбекларда ҳам шундай нақл бор-ку! «Топган гул келтирур, топмаган бир бош пиёз...» Маъноси: меҳмонга борганда совфасиз келган кишиига нисбатан «мезбонни хуш кўриб хонадонига қадам ранжида қилди» дегани бўлади.

Урта асрларда Германия ва Швейцарияда пиёзни жангда жонбозлик кўрсатган рицарларнинг бўйнига ўдди медальон каби осиб қўйилган. «Пиёз куни» қаҳрамонлик байрами ҳисобланган. Немисларда ҳанузгача давом этиб келаётган цвибултаг (цибул — пиёз, таг — кун) бундан далолат беради. Тарихдан маълумки швейцарияликлар эрамизнинг 640-йилида сакслар устидан ғалаба қозонадилар, шу ғалабани ҳануз ҳам ишонлайдилар. Ҳар йили 1 марта әркаклар бош кийимларига пиёз қадаб кўчага чиқадилар, чунки пиёз қаҳрамонлик рамзи-да.

Сабзи. Палов ошимизнинг жони бўлган сабзини қадими Африкада тилланинг рамзи деб ҳисоблагандар. Эртакларда айтилишича: «Ўрмонларда афсонавий бўйи бир қарич одамлар — гномлар яшар эмиш. Қимда ким сабзини тиллага айлантироқчи бўлса кечқурун пиширилган сабзини ўрмонга олиб бориб қўйсин. Пишган сабзи гномларнинг энг севимли таоми ҳисобланган. Майда одамчалар уни ҳузур қилиб ейишиб эвазига тилла қолдириб кетишади. Эрталаб бориб сабзи солинган идишдаги тиллани олиб келавериш мумкин. эмиш». То ўрта асрларгача шу эртакка ишонувчилар бўлган. Улар сабзини пишириб ўрмонга олиб бориб қўйганлар, лекин афсус эвазига ҳеч қандай тилла қайтариб олмаганлар. Шундай бўлса-да кўп халқларда сабзининг сариқлигини тиллага нисбат қилиш сақланиб қолган. Мисол учун ўзбек халқининг «Ер остида олтин қозиқ» топишмоги ҳам сабзини билдиради.

Петрушка. Ушбу ошкўкни ҳам ҳаммамиз биламиз — соябонгулдошлар оиласига мансуб кўкат ўсимлигидир. У таомларимизни хушхўр, хушбўй қилишда, витаминларга бойитишда, салатлар тайёрлашда, помидор ва бодринг тузлашда ишлатилади. Бироқ, қадимда бу ошкўк мусибат ёки масхарабозлик рамзи бўлган.

Эрамиздан илгариги даврларда кимсаси вафот этган ёки бирон бошқа сабабдан асаблари изтиробга келган мисрлик ва юнонлик петрушкадан чамбар ясад бошига кийиб кўчага чиқсан, шу билан бошқаларга ўзининг ғамнок эканлигини англашган. Кейинчалик бу одат Европага ҳам тарқалган. Лекин бу ерда у масхара-бозлик рамзи ҳисобланган.

Рус халқи маталлари орасида: «никакой петрушки» деган ибора бор. Маъноси: баъзи қитмир одамга бирон ишни бажариш топширилганда шу ибора айтилиб,

ишикал чиқарилмасин, деган фикр англатилади. Сўнгра рус ҳалқ қўғирчоқ театрда масхараbosлиқда бош ролни бажарувчи қўғирчоқ қаҳрамоннинг номи ҳам Петрушка эканлиги шу фикрга бир далолат бўлади.

Укроп. Барглари майдагача, худди бурган баргини эслатадиган бу ўсимлик ҳам соябонгулдошлар оиласидан. Ёш, майдагача 10—15 сантиметр танаси ва барглари таомларни хушбўй ва хушхўр қилишда, ўсиб бир метрдан ортган танаси, барги ва гул, соябонлари эса сабзавотларни тузлашда ишлатилади.

Укропнинг асли ўзбекча номи шивит деб аталади. Хоразмда шивитни эзиз сувига қорилган ҳамирдан лағмоннинг бир тури бўлган «шивит оши» тайёрланади. Самарқандда эса қирқилган шивитга чакки (сузма, қатиқ) аралаштирилиб, узоқ муддат ачитиб хушхўр ва ҳазми таом тамадди «Чивот» тайёрланади. Шивитни чопиб қуюқ ва суюқ таомлар юзига соламиз ҳамда салатларнинг юзини безаймиз. Аммо қадим замонларда шивит уят рамзи ҳисобланган. Масалан, бирон одамнинг ножӯя иш қилганлиги билиниб қолса, унинг юзига шивит барглари ёпиштирилиб, аҳоли ўртасида сазойи қилинган. Тилимизда сақланиб қолган «юзи шивит бўлди» деган ибора ҳам «роса уятга қолди» деган маънони англатади. Яна «шивир-шивир гаплашди» деган ибора ҳам бор, аслида «шивит-шивит гаплашди»-дир. Маъноси бир-биришнинг қулоғига уят калима айтишди, дегани бўлади.

Лавлаги. Бу сабзавот қизил ва оқ—икки хил бўлиб, қизилча (лавлаги) шўрваларга солиб пиширилади, винегрет тайёрланади, оқи эса шакарнинг хом ашёси—қанд лавлагидир. Худди мана шу ажойиб неъмат қадимги Эронда бевафолик, жудолик ва жанжал рамзи ҳисобланган. Қўйди-чиқди бўлмоқчи эр ёки хотин уйининг тўрига бир неча ёввойи лавлаги олиб келиб ташлаган. Маъноси: энди бизни ҳеч ким яраштира олмайди, деган бўлган. Жанжаллашиб қолган қўуни-қўшини ёки муҳолифнинг хонадонига бир бош лавлаги ташлаб кетиши жуда қаттиқ ҳақоратга тенг ҳисобланган.

Шуниси қизиқки, бу одат Шимолда—англо-саксларда ҳам бўлган экан. Масалан, бирон йигит бирон қизга хуштор бўлади-ю, уйланмоқни кўзлаб совчи юборади, уларнинг одатича йигитнинг ўзи келиб, ота-онасидан қизнинг «қўлини сўрайди». Ҳар иккала томон ўртасидаги келишиш ёки келишмаганликни гап-сўз би-

лан эмас, дастурхон устига қўйилган таом ҳал қиласи, чунончи бизда совчилар келтирган патир нон бўлажак қудалар хонадонида ўртада ушатилса, демак бу розилик аломати, ушатилмаса, майл йўқлигини билдиргани каби англо-саксларда дастурхонга малинадан пиширилган кисель келтирилса, демак иш битадиган, ҳамма рози — тўйга ҳаракат қиласи мумкин, деган маънени англашган. Энди, борди-ю, дастурхонга қайнатилган қизил лавлагини келтириб қўйишса — иш тамом, йигит индамай жуфтакни ростлайверсин, акс ҳолда уни туртиб-суртиб кузатиб қўювчилар ҳам тайёр турган бўлади.

Ўзбек тилидаги «роса лавлагиси чиқди» деган ибора тўғрисида ҳам ўйлаб кўриш керак, чунки бунинг маъниси ҳам «юзи қизарди, уятга қолди» деган фикрни англатади.

Маккажўхори. Ушбу дон ўсимлигининг думбил сўтларидан олиб чўгда қовуриб есангиз ҳам, сувда қайнатсангиз ҳам лаззатлидир. Думбил донларини пичоқда қириб, сутга солиб қайнатилса, қаймоқ мазали суюқош ҳосил бўлади. Макканинг етилган ва қуритилган донидан парҳез масаллиқ — маний крупаси тайёrlаради, унидан қирилган ошқовоқ қўшиб зорора тўғралган пиёз қўшиб патрак деб аталувчи нонлар ёпиш усули ўзбек пазандалигида қадимдан маълум.

Маккажўхорининг ватани Мексика бўлиб, бу неъмат тахминан тўрт аср муқаддам Европага келтирилиб экилган. Ўрта Осиёга эса «Макка шаҳрига ҳажга борганлар олиб келган»— деган ривоят ҳам юради. Бу тўғрими ё нотўғрими аниқ билмаймиз. Ҳар ҳолда номининг маккажўхори эканлигига ишора қилиб шундай дейишса керак.

Марказий ва Жанубий Америкада яшаган қадимги майя, ацтек ва инк қабилалари учун маккажўхори асосий озуқа бўлиб, уларнинг ҳаёти ва фаровонлиги ана шу доннинг ҳосилига боғлиқ эди. Табиат инжиликларини енгишга ожиз бўлган ўша қабилалар маккани ҳимоя қиласидиган, ҳосилини кўпайтирадиган Синтеал номли худо тўғрисида афсона тўқийидилар ва унга сифинадилар. Маккажўхори ўсимлигини эса одамнинг — ёш йигит ёки қиз рамзи деб билганлар. Испан ёзувчиси Логфелло америкалик ҳиндилар орасида юриб, то ҳанузгача куйланни келаётган «Гайавата қўшифи»ни ёзиб олган. Унда маккажўхори Мондамиин исмли йигит образида куйланади. Мазмуни бундай:

«Бошида ҳилпираб турған тож патлари бор, сочлари майин тилла ранг, либоси ям-яшил э, Мондамин, Мондамин!

Барваста қомати даламиз кўрки, ёзи билан сенга эгилиб таъзим қиласиз, эй муқаддас маис (маис-жўхори). Мондамин, Мондамин!

Гайавата сени шундай атайди, инсоннинг асл дўстисан ўзинг, куз келганда қаҳрабо донинг сариқ тобланар, уни бўйнимизга маржон қиласиз, эй азиз, Мондамин, Мондамин!»

Қадимда ўзбек деҳқонлари баъзи жойларда маккани «Жўхори полвон»— эркак киши рамзи деб ҳисоблашган, баъзи жойларда эса қомати келишган, бола қуучоқлаган, бошида тожи бор аёл образида тасаввур этишган. Ҳануз ҳам биз маккани «дала маликаси» деган эпитет билан атаймиз, донини эса қаҳрабо «дон» деймиз.

Гуруч. Паловни гуручсиз тасаввур қилиб бўлмайди. Бу неъмат Ўрта Осиёдагина эмас, жаҳоннинг энг катта қитъаси, дунё аҳолисининг энг кўп қисми яшайдиган Осиё халқларининг асосий овқати ҳисобланади. Гуручнинг ватани Хитой, Ҳинди-Хитой ва Ҳиндистон ҳисобланади.

Гап рамзий масаллиқлар устида борар экан, гуручга тенг келадигани ийқ. Ҳиндистонда гуруч тўқчилик рамзи ҳисобланади. Никоҳдан сўнг келинчак яланг обёқлари билан гуруч уюмини кечиб ўтади. ва гуруч худоси — Деви Сирига сифинади. Шундай қилинса, гўё оила ўз бола-чақалари билан донм тўқ яшайдиган бўлармиш.

Японияда ҳам гуруч маъмурчилик ва узоқ умр кўриш рамзи ҳисобланади. Шу сабабли янги уйлангандарга гуруч унидан махсус ёпилган нон едиришиб, будда худосига сифинтиришади. Шундай қилинса, гўё келин-куёв маъмурчиликда узоқ умр кўриб яшашар эмиш.

Ява оролларининг аҳолиси учун ҳам гуруч тўқчилик рамзидир. Бунда янги туғилган чақалоққа она кўкрагини эмизмасдан туриб, илоҳий овқат ҳисобланган қайнатма гуручдан бир чимдим ютқизишади. Шундай қилинса, гўё бола то умрининг охиригача ҳеч оч қолмай яшар эмиш.

Тайланд тилида «пада» сўзи «шоли» ва «шоли» экиладиган дала» (шолипоя) маъносида келар экан.

Вьетнамда гуруч марварид рамзидир. Улар: «Марварид денгизда бўлади, аммо экин майдонини сувга кўл-

латиб меҳнат қилисанг марварид ўсаверади,— деган нақлни кўп айтишади.

Қизифи шундаки, ўзбекларда ҳам гуруч қадимда ана шундай рамзий масаллиқ бўлган. Тилимизда сақланган «марварид дон» деган эпитет гуручни англатади. Дехқонлар бир-бирларига яхши ният билан:

— Ўйингиз гуручга тўлсин!— деб хитоб қилганлар. Бу ҳол гуручнинг тўқчилик рамзи эканлигини англатган.

Янги уйланганда палов ош дамлаш одати ҳам тўқчилик рамзи эканини билдиради, қолаверса, «тўй» сўзининг маъноси «тўймоқ» ни билдиради. Балки палов энг тўқ тутар таом бўлганлигидан ҳам шундайдир.

Сут-қатиқ. Сутнинг таркибини ўрганган олимлар уни инсон қонига тенг деган хulosага келганлар. Сут тўйимили озуқа, энг яхши шифо неъматдир. Сутни узоқроқ сақлашнинг энг қадимги усули қатиқ ивitiшdir. Бунда сутдаси зарур моддалар яхши сақланиб қолади.

Сут-қатиқ Ер куррасининг турли жойларида яшайдиган халқларда меҳмондўстлик рамзи ҳисобланади.

Оман мамлакатининг Дафар шаҳри аҳолиси ўртасида шундай одат бор: азиз меҳмонни кутиб олаётган мезбонлар меҳмон яқин келганда уни даврага олиб, ҳар бири уч мартадан ўпишади, сўнг назокат билан бир коса түя сути узатишади. Меҳмон сутдан танаввул этгач, ҳамма хурсанд бўлади ва меҳмондорчилик кўнгилли ўтишига ишонч ҳосил қилишади. Монголияда азиз меҳмон келиши билан унга бир коса түя, бия, қўй, эчки ёки сигир сути тутиб мулозимат қилишади. Ана шундан кейин уни тўкин дастурхонга таклиф этишади. Дастурхонда албатта бия сутининг қатиғи — қимиз ёки түя сутининг қатиғи — қимрон бўлади.

Бу одат Қозоғистонда ҳам бор: меҳмон дастурхонининг кўрки қимиз ва қимрон ҳисобланади. Қозоқ миллий пазандалигига қимизнинг 9 хили тайёрланади.

Меҳмон дастурхонига атаб тайёрланадиган сут-қатиқ таомларининг хили эса 50 дан ортиқ.

Кения республикасида меҳмондўстлик рамзи қатиқ, ҳисобланади. Бирон-бир кимсаси сафардан қайтаётган бўлса ёки бошқа жойдан меҳмон келишини кутаётганида вокзалдами, аэропортдами, дарҳол қатиқ ичиришади.

Келган меҳмонга қатиқ ичириш одати, бизда Наманган аҳолиси ўртасида қадимдан урф.

Хўш, нима учун турли жойларда сут-қатиқ меҳмондўстлик рамзи? Бу саволга ҳали ҳеч ким жавоб берган эмас. Эҳтимол бунга сутнинг шифобахш неъмат эканлиги сабабдир. Балки унинг оқ ранги шунга ундарки, кўп халқларда оқ ранг яхшилик, баҳт-саодат, хотиржамлик рамзи ҳисобланади, қора ранг эса бунинг акси. Меҳмонга «Оқ йўл» тилаганда ҳам сут ранги кўзда тутилади ва мижозий матънода сафар бехатар бўлишлигини англатади.

Яна эҳтимол, меҳмонга сут ичириш орқали қадрдан, бир онадан туғилган ака-ука, опа-сингилдек бўлдик, деган маъно англатилади. Ҳар ҳолда сут-қатиқ кўп халқларда меҳмондўстлик рамзи ҳисобланади.

Калла гўшти, тўш ва жигар. Қозоқ ва қирғиз халқларида қўй сўйилса каллани бутун пишириб меҳмонлар орасида ёши ва мартабаси улуғ, оқсоқол кини дастурхонига ҳурмат рамзи сифатида қўйилади. Қозоқ пазандалигида буни «бас табақ», яъни пеш дастурхон деб юритилади ёки «сий табақ», яъни сийлов дастурхени деб атайдилар. Бунда калла гўшти, биқин бўлиши шарт. Тўйларда «келин табақ» деб аталувчи дастурхон ҳам бўлиб, асосий масаллифи севгининг рамзи пиширилган тўш ва юракдан иборат бўлади. «Қиз табақ» дастурхонида эса буйрак ҳамда қақажонликнинг рамзи сифатида пиширилган тил қўйилади. «Қудаларнинг табаги» га эса қариндош бўлганликнинг рамзи сифатида жигар, тез-тез келиб турсинлар маъносиде пайчоқлар ва қайнатилган иликли сон гўшти тортилади.

Ўзбек, тоҷик, туркман, қирғиз ва қозоқларда «жигар»—«жигарим» (қозоқча: бовур, яъни бағир маъносида), «жигар бағир», «жигарчилик» иборалари. Қариндошликини, бир туққанликни, ака-укаликини билдириши ҳам жигар — қариндошлик рамзи эканлигидан далолат беради.

Қозоқ халқ анъаналаридағи қудалар дастурхонига иликли сон, калла-почча ва жигар тузаш ўзбекларда ҳам бўлган ва ҳозирда онда-сонда амалга оширилади. Бироқ куёвнавкарлар дастурхонига тўй куни келин төмон — қайнота, қайнона, қўйнинг тўшини пишириб келтирилиши севги ва қариндош бўлганлик рамзи сифатида қилинади. Қизиги шундаки, калла гўшти оила бошлиғи, кекса ёки қария кишини ҳурмат қилиш рамзи эканлиги фақат биздагина эмас, Польшада ҳам бор экан. Лекин бунда дастурхонга қўй калласи ўрнига

балиқнинг боши тортилар экан. Ёзувчи Леопольд Комперт ўз ҳикояларининг бирида ушбу детални келтиради: «Ўй бекаси Дебрахоним катта лагандада пиширилган балиқ келтириб дастурхонга қўйди. Ёш Робинер таомга қўл чўзган эди, хоним унинг олдидаги ликончани олиб карп бошини солди-да, оила бошлиғи отанинг қаршиисига қўйди. Карп балиғининг калласи қадимий полякларда кексалар ҳурматининг рамзи ҳисобланган ва уни дастурхон атрофида тўплангандар орасида энг ҳурматлиси ва ёши улуғи танаввул этиши жоиз бўлган». Ўзбек, қозоқ, қирғиз ва тожикларда куёв дастурхонига тўш қўйиш одатига ўхшаш таомил испанларда ҳам бор экан, фарқи шундаки, қўйнинг тўши ўрнига қайнота ва қайнона ўз куёв боласига хўрознинг тўшини пишириб юборар эканлар. Бу одат ҳам қариндош бўлганликни билдирад экан.

Тухум. Араблар овқатланишида тухум асосий масаллиқлардан биридир. Шу билан бирга товуқ тухуми куч-қувват рамзи ҳам ҳисобланади. Силласи қуриган киши бир неча дона тухумни пишириб, арчиб шайхга олиб келади. Диндор тухумга турли оятларни битиб беради, шундай тухумни еган киши дарҳол куч-қувватга тўлар эмиш.

Бошқа бир одатга кўра, хотини ўлган эркак бир йилгача уйланмаслиги керак, агар у олдинроқ уйланаб қўйса ўлган хотиннинг синглиси ёки бирор аёл қариндоши қабристонга бориб, товуқ тухумини кўмар экан. Шундай қилинса, гўё уялганидан марҳуманинг кўзлари чаноғидан чиқмай ётар эмиш.

Қадимда ўзбеклар, тожикларда тухум ували-жували бўлишлик рамзи ҳисобланган. Келиннинг онаси тўй куни куёвнавкарлар дастурхонига тухум пишириб келтириши ана шу рамздан нишона. Тожикларда янги фарзанд кўрган оиласга яқин кишилари тухум пишириб бориб қутлайдилар.

Юрак. Юқорида кўриб ўтганимиздек қўй ва сигир юраги Ўрта Осиё чорвадор халқарида севги рамзи ҳисобланган. Бедуинларда отнинг юрагини пишириб еган одам «қаҳрамон бўлади» деган тушунча бор, аксинча қуш, айниқса майда илвасинларнинг юрагини ейишга улар салбий қарайдилар. Барча араб кўчманчилари орасида қуш юраги қўрқоқлик ва журъатсизлик рамзи ҳисобланар экан. Қўрқоқ, ҳадиксировчи одамга қаратади: «Қуш юрагини еганимисан!?", «Хе, чумчук юрак!»— дейишар экан.

Бизда: «Чумчук пир этса, юрагинг шиғ этади» ёки «Юраги оттайдай» деган ибораларнинг айтилишига ҳам бир сабаб бўлса керак, албатта.

Масаллиқ «пуллар»

Металл танга-чақалар ва қофоз пуллар зарб этилгунга қадар турли мамлакатларда бозор-ўчар, олди сотди ишлари овқатларга солинадиган масаллиқлар воситаси билан амалга оширилган. Буни биз тарихий китоблардан, археологик қазилмалардан, сайёҳларнинг эсдайларидан, халқ оғзаки ижодидан ҳамда тилимизда сақланган атама ва иборалардан билиб оламиз. Модайирбошлаш, сотиш ва харид қилишда ҳар жойда ҳар хил масаллиқлар фақат баҳо эталонигина эмас, ҳатто оғирлик ўлчови сифатида ҳам қўлланилган. Мисол учун Абу Али ибн Сино. Абу Райхон Беруний ва бошқа ўрта осиёлик олимларнинг асарларида дори-дармонларни қалоқловчи ўлчов сифатида данак (ўрик данаги), жавза (ёнгоқ), бавза (бодом), шиъара (арпа дони), нуқот (нүхат), боқилло (ловия), аруза (гуруч) каби масаллиқлар қадоқ тош вазифасини ўтаганилигини билиб оламиз. Бироқ масаллиқларнинг пул вазифасини ўтаганилиги тўғрисида анчғина материаллар бор, пазандалик ишқибозлари учун бу маълумотлар ҳам қизиқарли бўлиши мумкин.

Балиқ «пуллар». Археолог олимлар қадимти Новгород шаҳрининг тарихини ўрганиш мақсадида қазув ишлари олиб бораётганларида қайнин дарахтининг пўстлоғига ёзилган аллақандай хатларни топиб оладилар. Топилма XIII асрга оид бўлиб ўша даврда қофоз ва металл пуллар муомалага киритилган бўлишига қарамай қадимги удумга кўра бозорларда нарх-навони белгиловчи этalon сифатида лосось балиғидан фойдаланилган экан. Балиқ «пул» тез айнийдиган бўлгани учун, айниқса ёз пайтларида, бозорга бориб, шўр балиқ бериб, хоҳлаган нарсани харид қилиш мумкин бўлган. Исландияда ҳам хўжаликнинг асосий тармоғи балиқчилик ҳи собланади. Қадим даврларда балиқ овининг машаққатли эканлиги масаллиқнинг қадрини ошириб юборган. Шу сабабли бу мамлакатда ўртacha катталиктаги треска балиғи «пул» бирлиги вазифасини ўтаган.

Мурч «пуллар» Ўрта асрларда Цейлон, Ява оролларига ва Ҳиндистон мамлакатига қатнаб юрган савдо-гарларни «пул қопи» деб эмас, балки «мурч қопи» деб

атаганлар. Чунки ўша кезларда мурч тилла каби қадрли бўлган ва бир қоп мурчга эга бўлган киши бой ҳисобланган. Мурч дони бозорларда танга вазифасини ўтаган бўлиб, кимга нима керак бўлса мурчдан санаб бериб, олиб кетаверган. Мурч «пуллар» қадимда Перу ва Боливияда ҳам амалда бўлганилиги тўғрисида маълумотлар бор. Мурчнинг бу қадар қадрланишининг сабаби бу неъмат таомларга лаззат ато қилувчи зираворгина эмас, балки терлатувчи, овқат ҳазмини тезлатувчи ва ҳар хил микробларга қирон келтирувчи дори ҳамдир.

Какао «пул». Мексикада то XVI асргача ловия ҳамда какао дони «пул» вазифасини ўтаган. Бунинг сабаби: ловия тўқутутар оқсил манбаи ҳамда буйрак касалига доридир. Какао эса қон айланишини яхшилади, уйқуни очади, бош оғригини қолдиради ва кишига қандайдир куч-қувват бағишлайди.

Хурмо «пул». Бир вақтлар араб саҳроларида кўчманчилар учун пул вазифасини хурмо меваси ўтаган. Сувсиз саҳроларда ўсадиган бирдан-бир мева ҳам шу бўлганилигидан унинг қадри баланд бўлган.

Чой «пул». Монголияда ўрта асрларда бир бўлак тахта чойга битта қўй ёки эчки, ёхуд 2 та тери ё битта кингиз алмаштириш мумкин бўлган. Бу ҳолни Марко Поло ўз саёҳатномасида қайд қилиб ўтади.

Туз «пуллар». Улуғ рус олимни М. В. Ломоносов асарларида туз тўғрисида қизиқарли фактлар айтиб ўтилади. Шулардан бири: Эфиопияда муштдай-муштдай тўрт бўлак тузга битта қулни алмаштириш мумкилиги айтилади. Бу воқеа олим яшаган XVIII асрнинг ўрталарига тўғри келади. Тузнинг пул вазифасини ўтаганлигини академик А. Е. Ферсман ҳам тасдиқлайди. Унинг ёзишича Африка қитъасининг туз танқис жойларида бир ҳовуч тузга бир ҳовуч тилла алмаштириш мумкин бўлган, яъни бу воқеа бундан бир аср муқаддам содир бўлган. Ўша кезларда Африкага борган саёҳатчиларнинг айтишича, туз пул вазифасини ўташи билан бирга туздан пул ясалганлиги тўғрисида ҳам ёзишади. Яъни тузнинг катта кристалларидан эни 5, узунлиги эса 65 сантиметр, оғирлиги 640 грамм келадиган тахтакач қирқиб олиб тўртга бўлинадиган қилиб тайёрланар экан. Мана шундай туз «пуллар» бозорларда харид вазифасини ўтаган, кимга нима керак бўлса бутунлигича ёки бир бўлагини «кирт» этказиб синдириб бериб, олиб кетаверар эканлар. Марко Поло XIII асрда туз «пуллар»нинг қан-

дай тайёрланишларини Хитойга бориб ўз кўзи билат кўрган. Танга тайёрлаш учун сувли идишга туз солиб эрита берар эканлар, намакоб жуда қўйилиб туз эримайдиган бўлганда оловга қўйиб қайнатилар экан. У қайнаб, қўйилиб бамисоли хамир ҳолатига келганда, ёнгоқдай-ёнгоқдай зувалачалар ясаб устига император муҳрини босиб, ясси дискалар ҳосил қилинар, сўнгра буларни обдан қизитилган гиштлар юзасига териб маҳсус ўчоқларда қовурилган. Шундан сўнг бу туз «пуллар» худди металга тангалардай жиринглайдиган ва синмайдиган бўлар экан.

Қаттиқ нон «пул». Аляскани кашф қилиш даврида у ерга борган саёҳатчиларнинг маълумотларига қараганда бозордаги олди-сотди муомаласида пул вазифасини қаттиқ нон ўтаётганлигини кўриб ҳайрон қолишиади. Но маълум катталиқда қилиб кесилиб, печкада қуритилиб сухари қилинар эканда, бунга хоҳлаган нарсани алмайтириб ола берар эканлар.

Пишлоқ «пул». Масаллиқ «пуллар» фақат ўтмишдагина эмас, бизнинг асримизда ҳам мавжуддир. Масалағ. Бутан мамлакатида. Бу Ҳимолай тогларининг шарқида жойлашган кичкина қироллик бўлиб, бозорларида пишлоқ пул вазифасини ўтайди. Эндиликда маҳаллий тикчунг деб аталувчи металл тангалар ва Ҳинд руپияси жориий этилган бўлишига қарамай, олди-сотди ишларида маълум катталиқда кесилган пишлоққа ҳам нарса харид қилиш мумкин ёки қофоз пулнинг қайтимиға сотувчи бир бўлак пишлоқ берса, харидор рози бўлиб кетаверади.

Гуруч, буғдой, майиз, қуртоб, нон «пуллар». Яна ўрта асрларга қайтамиз, бу энди Ўрта Осиё, хусусан қадимий Ўзбекистонга тааллуқли. Маълумки илгари бу ўлкада босқинчиликлар ва ўзаро урушлар кўп бўлиб турган, хон ва сultonлар тез-тез янгиланиб турган. Мана шу воқеалар пул курсининг пастлаб ёки юқорилаб кетишига сабаб бўлган. Шу сабабли баъзи чекка қишлоқ бозорларида пул эталони вазифасини гуруч, буғдой, майиз каби масаллиқлар ўтаган. Мисол учун бирор бирордан зарб қилинган пулдан қарз олди дейлик, бунда томонлар шу пайтда бозорда гуруч ёки майизнинг баҳоси неча пул эканлигини аниқ билиб келишиб олганлар. Яъни қарз берилган пайтда 1 қадоқ гуруч 2 танга, 1 қадоқ майиз эса 1 танга дейлик. Берилган қарз 100 танга бўлса, бунга 50 қадоқ гуруч ёки 100 қадоқ майиз харид қилиш мумкин. Энди маълум вақт ўтиб пулнинг курси ўзгариб қолади ва 1 қадоқ гуруч 10 тангага чиқиб кетади. Бинобарин, қарз-

Бор судхўрга гуруч ёки майизнинг шу пайтдаги баҳоси қанча бўлса ўшанча пул қайтаришга мажбур бўлган, яъни 500 танга. Гуруч ва майиз тортиб бериб бошқа наргалар олиш ҳам урф бўлган, чунончи 2 қадоқ гуруч ёки 4 қадоқ майизга 1 қадоқ гўшт каби. Ёки тарозининг бир галласига майиз, бир палласига эса буғдой солиб алмаштирилган. Ёинки бирор бирордан буғдой қарз олган бўлса, танга пул ёки майиз бериб қарзидан халос бўлган. Тилимизда ҳануз ҳам «Майиздек қилиб санаб бердимку!», деган ибора юради. Буни қарз берган айтса: «сен мендан қарздорсан» дегани бўлади, энди агар қарздор айтса: «сен билан ора очиқ, қарзни тўлаганман» деган маънони англатади.

Яна «Қуртобдек санадик» деган ибора ҳам бор. Бунинг маъноси бир вақтлар сузмадан ёнғоқ катталигига қилиб юмалатиб офтобда қуритилган қуртоблар ҳам майда чақа вазифасини ўтаганлигидан бир далолатdir. Чунончи баққолдан бирон нарса харид қилинса, зарб қилинган пулга сотилган, аммо кўпинча қайтимиға баққоллар танга-чақа ўрнига бир неча дона қуртоб бериб харидорни рози қилишган. Қизиқ, бу ҳолни Бутандаги қайтимиға пишлоқ бериш одати билан солиштириб кўринг.

Революцияга қадар Ўзбекистон қишлоқларида натуран хўжалик ҳукм сурган. Шунда одамлар ўзига керакли масаллиқни бошқа бирон масаллиққа айирбошлишган. Масалан, 10 дона анжирни 50 дона бодрингга, 1 бошузумни 1 дона нонга ва ҳ. к. Дарвоҷе қадимги Ўзбекистоннинг баъзи жойларида мардикорнинг иш ҳақига нон билан тўлов берилганлиги ҳам маълум. Ишнинг оғиренгиллигига қараб 1 донадан 10 донагача нон берилишига келишиб олинган. Бу одат йўқолиб кетган бўлса ҳам тилимизда «нон топиш» ибораси ҳануз ҳам сақланиб келади: «Бу бола нонини топадиган бўлиб қолди» (вояга етиб қўлидан бирон иш келадиган бўлганлигини англатади). «Нони доим бутун» (кишининг ҳунарга эга эканлигини англатади).

«Уйга битта ҳам нон олӣб келмайди» (дангаса, ишламасдан санқиб юради, деган маънода). Ушбу иборалар ноннинг меҳнатга тўлов вазифасини ўтаганлигидан келиб чиққанлигидан ва нон асосий овқат, азиз неъмат эканлигидан далолат беради. Фақат нонгина эмас, буғдой ҳам тўлов вазифасини ўтаганлигини этнографияга оид асарлардан билиб оламиз. Масалан, кулоллар бозорга коса, лаган, кўза, хум каби идишларни олиб бориб пулга ҳам

сөттар ва буғдойга ҳам алмаштирганлар. Эталони идишнинг сифими ҳисобланган. Қимга қандай идиш керак бўлса (косами, хумми) ўшани буғдойга тўлдириб тўккан, дон кулолники, идиш эса харидорники бўлиб қолган.

Одамлар ўз меҳнат маҳсулотларини, шу жумладан масаллиқларни қиймат сифатида бир-бири билан айрбошлаш ёки таққослаб иш кўришларининг сабаби нимада экан? Ушбу саволимизга ҳам марксизм илмида жавоб бор. Буюк К. Маркс ўзининг «Капитал» асарида бундай дейди: «Кишилар айрбошлаш чоғида ўзларининг турли маҳсулотларини қиймат сифатида бир-бирига тенглаштиришлари билан ўзларининг турли хилдаги меҳнатларини киши меҳнати сифатида бир-бирига кенглаштирган бўладилар. Улар буни англамасалар ҳам, лекин шундай қиласдилар»¹.

Демак, нарсанинг баҳоси меҳнат билан ўлчаниб, қиймати эса икки шахс ўртасидаги ҳар бирининг ўзига зарур бўлган маҳсулотлар пардасига ўралган муносабатдан иборат бўлар экан. Бинобарин, турли даврларда ва турли халқларда масаллиқлардан пул сифатида фойдаланиш ана шу К. Маркс кашф этган қонуният таъсирида содир бўлганлиги ана энди биз учун равшандир.

Одамлар номи билан аталган таомлар

Пазандаликда жойларнинг номига қўйилган таомлар жуда кўп, мисол учун москвача пирог, киевча котлет, сибирча чучвара, кавказча кабоб, фаргонача палов, тошкентча норин ва ҳ. к. Агар чет мамлакатларни оладиган бўлсак, мамлакат, шаҳар номлари билан аталадиган овқатлар мингларча. Бизни қизиқтиргани одамлар номи билан аталадиган таомлардир. Сиз «бифштекс», «биғстрогонов», «Сандвичи», «Катерина печеньеси», «России салати», «Мика Чорба», «Шодибеги палови» каби таомлар номини эшифтган ва танаввул қилган бўлишингиз мумкин, лекин нега бундай аталган деб ўйлаб кўрмаган сиз албатта. Буни ҳам билиб қўйган яхши. Одамлар номи билан аталишининг асосан икки принципи бор, биринчидан айни таомни тайёрлаган пазанда бошқалариникидан кескин фарқ қиласдиган янги ёки оригинал таом ижод қиласди. Иккинчидан эса бир тасодиф туфайли таом бирор кимсаннинг номи билан аталадиган бўлиб қолади.

¹ К. Маркс. Капитал, 1-том. «Ўзбекистон» нашриёти, 1983 й. 82-бет.

Бифштекс. «биф» дегани инглиз тилида мол гўшти-ни англатади. «Штекс», бу немис пазандасининг исми. Штексга қадар ҳеч ким бундай таом тайёрламаган. У мол гўштининг талиқ қисмидан қалинлигини 2—2,5 см келадиган шапалоқдай бўлак кесиб олиб тўқмоқлаб юма-лоқ ёки тухумсимон шаклга келтиради, юзига туз ва зираворлар сепиб сариёғда қовуради. Хўранданинг буюртма беришига қараб уч хил усулда қовуради. 1) чала қориленган бифштекс — 7 минут. 2) Ўртача қовурилган бифштекс — 10 минут. 3) Тўла қовурилган бифштекс — 12 минут.

Бифстрогонов. Ўтган асрда москвалик машҳур пазандалардан бири Строгонов ижод қилган таом. У мол гўштининг сон қисмидан қалинлиги 2 см келадиган парчалар кесиб олади-да тўқмоқлаб нафислигини 5—7 мм га келтиради. Сўнгра гўшт бўлакларини кўндалангига қараб сомонча усулда, бамисоли норинга тўғрагандек қилиб тўғрайди. Бунинг юзига туз ва зираворлар сепиб сариёғда қовуради ва қаймоқли сардак билан димлади. Ён бошига каврак қилиб қовурилган картошкадан гарнир қилиб беради.

Катерина печеньеси. Магазинларга кирганда печенье харид қилганда кўрган бўлишининг керак. Юрак нусха қилиб ясалганлари ҳам бўлади. Бу ўтган асрда яшаган польшалик нонвой Жозеф ижодига мансубдир. Унинг Катерина исмли маъшуқаси бўлиб фалакнинг гардишидан булар қовуша олмайдилар, шунда йигит юрак нусха печенье ижод этиб, унга Катеринанинг номини беради.

Россини салати. Шу китобнинг «Пазандалик равна-қига ажиб қисса қўшган кишилар» номли бобида айтиб ўтилганидек, ушбу салат италиялик композитор Rossini ижодига мансуб бўлиб, «Турне де Россини» деб аталади.

Мика чорба ёки аласа чорба. Бу тўғрида ҳам ўша бобда муттасил ёзилган, яъни бу югославиялик математика профессори Мика Алас ижод этган балиқ шўрвадир.

Шодибеги палови. Революцияга қадар Андикон шаҳрининг Тупроқхона маҳалласида истиқомат қилувчи Шодибек пазанда ижод этган паловдир. Тупроқхона маҳалласи азалдан ўзига хос ошпазлар яшайдиган жой бўлган. Улар доим бир-бирлари билан таом тайёрлашда мусобақалашиб туришган, натижада таомларнинг оригинал хиллари ижод этилган.

Маълумки, паловга сабзи ҳамма вақт сомонча усулда тўғралади. Шодибек пазанда сабзини кубик, яъни «нў-

хотча» қилиб тўғраб палов дамлайди ва бу ошга нўхат ва беҳи ҳам солади. Пазандаликнинг қоидасига кўра одатда пишириладиган масаллиқларнинг барчаси бир-бирига монанд қилиб тўғралиши керак. Шунга амал қилган Шо́дикеб паловида сабзи ҳам, нўхат ҳам, беҳи ҳам бир хил қатталикда ва ранги ҳам сариқ бир-бирига монанд бўлиб, бу ош жуда чиройли кўринишга ва ажаб лаззатга эга бўлади.

Сандвичи. Сандвич ҳам одамнинг исми, лекин у ижодкор ошпаз эмас, қиморбоз бўлган. Париж қаҳвахонала-рининг бирида эрталабдан то ярим кечагача қиморбоз-ликка муккасидан кетган бу кимса ўтакетган зиқна, бирорвга бир тийинни ҳам ўтказмайдиган, ҳатто овқатланганда ҳам бошқаларга ҳеч илтифот қилмайдиган қизғанчиқ бўлган экан.

Бир куни карта ўйнаб ўтириб, гўшт еяётса бошқа қиморбозлар унинг таомидан тотиб кўришибди. Сандвич катта гавро кўтарибди. Эртасига у гўшт эмас, қуруқ ноннинг ўзини ебди, индинига ҳам, ҳар куни уч маҳал ошпаз унга икки бўлак нон келтириб берар экан. Қуруқ ноннинг ўзи билан қандай тириклик қилаётганини сирини ҳеч ким англай олмабди. Қунлардан бирида ўша ошпаз «Сандвичи, Сандвичи!» — деб қичқириб, бир хил таом сатаётганини ҳамма эшишибди. Бориб қарашса, икки бўлак нафис кесилган нон орасига олинган зираворлар сепиб пиширилган гўштдан иборат таом экан. Шунда ошпаз айтган: «Буни менга Сандвич ўргатди. У иккита картанинг орасига пулни қистириб менга ишора бергандা, мен унга икка бўлак нон орасига гўштни қистириб олиб келиб берар эдим».

Бундай таом ҳозир ҳам бор. Буфетларга кирганда пишган тухум, ёки сосиска, ё гўшт, ёхуд котлетни хамирга ўраб пиширилган овқатни кўргандирсиз, ўшанинг номи сандвичдир. Пирожки, сомсалар шундан сўнг ижол этилган.

Кайзер қўймоғи. Германия императори Фриц Иосиф Кайзер бир куни ўрмонда ов қилиб юриб адашиб қолади. Юриб елиб ўрмон четига чиққанда ўрмончининг кулбасига дуч келади. Очликдан силласи қуриган Кайзер кулбага кира солиб:

— Егулик ниманг бор? — деб сўрайди.

Ўрмончининг хотини қўймоқ пишириб, тўғрамчилаб энди болаларининг олдига кўйиб турган экан.

— Мана бундан бошқа ҳеч нарса йўн, — дейди да, Кайзерга узатади.

Оч қолган ҳукмдор ҳузур қилиб ейди ва эртасига сарайдагиларга ўрмончиникида антиқа таом еганини айтиб мақтанади. Ўрмончи аёлини саройга чақиртириб келадилар ва ўша овқатдан тайёрлашни буюрадилар. Аёл қўпгина қўймоқ пиширади ва қирол менга нишхўрд берган эканда, деб ўйламасин учун барча бутун қўймоқларни бурдалаб-бурдалаб дастурхонга тортади. Шу-шу бўлади, ҳануз ҳам немисларда дастурхонга бутун эмас, тўғралган қўймоқ тортадилар ва буни улар «Кайзер қўймоғи» деб атайдилар.

Мана уни тайёрлаш усули: Сут, тухум, шакар ва ун кўшиб суюқ хамир қилинади. Товада ёғни доғлаб устидан хамирни қўйиб остки томони қизаргунча қовурилади, сўнг ағдариб иккинчи томони ҳам қизартирилади. Кейин иккита вилка ёрдамида қўймоқ бурда-бурда қилиниб қусур-қусур бўлгунча қовурилади.

Келин танлашга восита бўлган таомлар

Палов ош. Маълумки, ҳар бир ҳалқда ота-онани, қариндош-уругни, ёру биродарни, ҳамкасларни, уйига меҳмон бўлиб келган азиз одамларни сийлайдиган шарапли ва анъанавий таомлари бўлади. Бизда ана шундай таом палов ош ҳисобланади. Палов тайёрлаш технологияси ва рецепти бўйича энг мураккаб таомdir. Агар бўлажак келин ушбу таомни тайёрлашни билар экан, демак 20—25 хил таомни бемалол тайёрлай олади, деган хulosha чиқади. Илгари совчи бўлиб келганларга атаб дамланадиган паловни бўлажак келинчак пиширган, тоқи совчилар бу қизнинг расомадли, чаққон, пазанда эканлигини ҳисобга олсинлар.

Блин. Рус ҳалқида қадимда келин танлашга восита бўлган таом блин ҳисобланган. Тухум чақиб ийланган суюқ хамирдан товада нафис ва тўгарак шаклда пишириладиган ушбу чалпак қўёшнинг рамзи ҳисобланган. Христианликдан анча илгари кишилар қўёшга сажда қиласидиган байрамларида, айниқса ёшлар тўпланишиб блинхўрлик меҳмондорчиликлари уюстирилган. Мана шу издиҳом қаллиқ танлашга ҳам восита бўлган.

Боршч. Украиналарда энг шарафли таом бу боршч ҳисобланади. Энди бўлажак келин нечоғли гўзал бўлмасин, унинг боршчни қандай тайёрлай билиши ҳам ҳисобга олинган.

Келган совчиларга боршчни бўлажак келинчак пи-

ширган. Бу таомни кўпни кўрган одамларга мазур қилиш учун қиз уқувли, расамадли, пазандади бўлиши зарурдир.

Чой. Маълумки, Ҳиндистонда жуда қадим замонлардан буён чой ўстириб келинади. Ҳинд чойлари ҳануз ҳам жаҳонга машҳурлигининг гувоҳимиз. Ҳиндулар чойни муқаддас неъмат деб биладилар, унга атаб ривоятлар, ҳикоятлар, шеърлар тўқилган. Ҳинд мутафаккири, шонри ва давлат арбоби Рабиндрат Тагор чарчаб, асабийлашиб турганда рафиқаси дамлаб берган чойни ичиб туриб илҳоми жўшиб кетади-да, чойни улуғлаб шеър ёзади. Бу шеър ушбу китобдаги «Чой— қувватга бой» номли мақолада келтирилган.

Чой ҳиндулар учун ичимликкина эмас, овқат ҳамдир. Бир пиёла чойдаги қувват бир бурда нонга тенг эканлиги ҳисоблаб чиқилган. Яна чойга улар сут, қаймоқ, ёғ, асал ва бошқа масаллиқлар қўшиб дамлайдиларки, бундай чой дарҳақиқат ичимлик эмас, таомга айланади.

Чой дамлашнинг Ҳиндистонда ўнларча усули бўлиб, Деҳлида ўзгача, Қалькуттада бошқача, Мадрасда бўлакча, қўйингки ҳар бир вилоятнинг ўзига хос чой дамлаш қоидалари бор. Ана энди бўлажак келинчакка чой дамлаш қоидаларини билиш шарт қилиб қўйилади.

Вермишель шўрва. Италияда макарон, вермишелдан тайёрланадиган таомлар энг шарафли таомлар ҳисобланади. Ушбу масаллиқларнинг ўнларча навлари бўлиб, юзларча таомлар пиширилади, қизларни оилада ёки маҳсус мактабда вермишель ва макарон таомлари тайёрлашга ўргатишади ва гувоҳномалар беришади. Ана энди никоҳга борганларида қиз ўз гувоҳномасини кўрсатиши шарт. Агар бундай гувоҳнома бўлмаса никоҳдан ўтказилмайди.

Қимиз. Қимизни барча қадимий чорвадор халқлар: қозоқлар, қирғизлар, туркманлар ва бошқаларда аёллар ҳам, эркаклар ҳам тайёрлайверади. Монголларда эса бияни соғиб қимиз ивитиш асосан аёллар иши, айниқса турмушга чиқадиган қизлар қимиз тайёрлашни билиб олмоқлари зарур бўлган.

Маккажўхори таомлари. Шимолий ва Жанубий Америка қитъаларининг қадимий ёдгорликларини қолдириб кетган ацтек ва майя қабилаларида бўлажак уй бекаси маис (маккажўхори) дан ўнлаб таом тайёрлашни ўрганиб олмоги шарт бўлган.

Олмали рулет. Австрияда келинни стudeal номли таомни тайёрлай билишларига қараб танлар эканлар. Бу олма солиб тайёрланадиган рулет бўлиб, унинг хами-

ри шундай қорилиши ва ёйилиши зарурки, ранги ва нағислиги Вена қизларининг танасига монанд бўлсин.

Хурмо ҳолва. Арабларда хурмо энг муҳим озиқалардан бири ҳисобланади. Дастурхонда доим янги, қоқи қилинган ёки пиширилган хурмо бўлиши шарт. Хурмони давагини олиб ташлаб янчиб, қовурилган ун ва бошқа масаллиқлар қўшиб ҳолва тайёрлайдилар. Бундай ҳолвани силада фақат аёллар тайёрлайдилар, шунинг учун турмушга чиқадиган қиз ўз онасига ва бошқа хотинларга хурмо ҳолва тайёрлаш бўйича имтиҳон топширади. Ун қўшиб тайёрланган хурмо ҳолва фақат физогина эмас, унинг арабларда анъанавий аҳамияти ҳам бор: келинчакни янги хонадонга кузатиб келаётган дугоналари қўлларида хурмо ва буғдой дони олиб келадилар ёки келинчак қадам ранжида қиласидиган хонадон дарвозаси ёнига кўзага тўлдирилган хурмо ёки хурмо ҳолва қўйиб кутиб оладилар. Ҳатто ётогидаги кўрпа устига ҳам бир сиким буғдой сепиб, бир нечта хурмо ташлаб қўядилар. Нақл қилишларича мана шу одат келинчакка катта баҳт келтирас әмиш. Арабларнинг фикрича хурмодан 100 хил таом тайёрлашни билган уй бекаси энг яхши хотин ҳисобланар экан.

Бетел. Бетел овқат эмас, лекин таом ҳазмини енгилаштирадиган сақич бўлиб, тропик мамлакатларда ёввойи ҳолда ўсуви қалампир барги, ёввойи чой, арека хурмосининг меваси, тамаки барги, турли зираворлар ва нича ўчирилган оҳак қўшиб тайёрланади. Бетел чайнаб юрилса, 15 минут давомида киши кайфиятини яхшилайди, овқат тез ҳазмланади ва ошқозонда кислота кўп бўлса ҳам, оз бўлса ҳам нормал ҳолига келтиради. Бетелга қўшилган гиёҳларда алкалойдлар бўлиб, оҳак уларни рўёбга чиқаради.

Бетел чайнаш Ҳиндистонда, Вьетнамда, Хитойда, Мелонезияда ва барча Шарқий Осиё мамлакатларида урф.

Қизифи шундаки, бетел ҳам Ҳинди-Хитойда келин таилашга восита бўлар экан. Қиз бирон йигитга турмушга чиқмоқчи бўлса унга бетел совға этар экан, бу қизнинг розилик аломати бўлиб, тўйга тайёргарлик кўра бериш мумкин. Вьетнам фольклорида бетел қалампирин билан арека хурмоси бирлиги муҳаббат рамзи ҳисобланар экан. Ривоятларга қараганда чўғдай муҳаббатли икки ёш бир-бирига етишолмай ҳалок бўладилар. Йигит қабридан арека хурмоси униб чиқади; қиз қабридан эса бетел қалампирин ўсиб хурмога чирмашиб мевалари бир-

бирига етишади. Шундай қилиб бетел ҳам муҳаббат рамзи ва келин танлашга восита бўладиган неъматdir.

Қуймоқ билан сардак. Францияда келин бўлмиш қиз қуймоқ билан сардак тайёрлашни билиши шарт. Қуймоқ бу тухумни товага чақиб қовуриш. Юзаки қараганда жуда осон бир таом, лекин уни тайёрлаш ғоят масъулиятли: а) серёғ бўлмасин, б) товага чақилган тухум орасига ҳаво кириб пуфак бўлсин, в) сарифи ийланиб кетмасин, г) сира куймасин, д) қақирмачоқ бўлиб кетмасин ва ҳ. к. Сардак пиширишга келганимизда, бу ҳам мураккаб «Францияда қанча одам бўлса, сардакнинг хили ҳам шунча» деган тушунча бор. Бинобарин қиз турмуш қуришдан олдин ўз рецепти ва технологияси асосида янги хил сардак ижод қила олса, энг яхши келин ҳисобланади.

Мураббо ва морожний. Австралия қитъасида тропик мевалар кўп ўсади. Шунинг учун бўлажак уй бекалари ўзларининг пазандалик маҳоратларига шакарни ҳамроҳ қилиб, анвойи мевалардан мурабболар ва морожнийлар тайёрлашни ўрганиб олишлари зарур.

Жаҳондаги турли халқларнинг урф-одатларидан келтирилган ана шу мисоллар пазандаликнинг турмушни мустаҳкамлашда ғоят аҳамиятли эканини кўрсатиб туриди. Уй бекаси пазанда бўлса у албатта покиза, чақон, омилкор, расамадли, борида тежайдиган, йўғида йўндирадиган, уқувли ва меҳмондўст бўлади. Аёлнинг бундай хусусиятлари эркакнинг муҳаббатини янада кучайтиради. Пазанда бўлишлик оила аъзоларининг лаззатли овқатланиб, сиҳат-саломат юришларида ҳам аҳамияти каттадир.

Ана шунинг учун қизларнинг арзанда бўлмай, балки пазанда бўлиб тарбияланишлари уларнинг оиласида баҳтили бўлишларига сабаб бўлади.



СҮНГТИ СҮЗ

Хурматли китобхон! Мана китобни ўқиб ҳам бўлдингиз, эътибор бергандирсиз, баъзи сарлавҳалар остида ёзилганлар махсус ишланган илмий мақолаларга ўхшаб кетади, баъзилари — шунчаки хабар. Бир хил жойлари ҳикоя тахлит, бадиийликка яқинроқ, бошқа жойлари эса кичик бир лавҳа, холос.

Гап шундаки, ушбу китоб учун зарур фактларни автор узоқ йиллар тўплаб вақти ҳам, жойи ҳам турлича бўлган шароитларда ёзган.

Мазкур китобдан асосий мақсад жаҳон пазандалигида икир-чикир ё мураккаб томонлари борми, буларни баҳоли қудрат ўрганиб, шулар орасидан энг қизиқ фактлар, воқеалар, ҳодисалар, урф ва одатлар олинниб битта китобга жойлаш, ана шулар орқали сизга бир оз билим бериб, мароқ ҳам ато қилиш эди.

Бунга автор эриша олдими ёки йўқми, бу ҳақда ўз фикр-мулоҳазаларингизни нашриётга ёзиб юборарсиз деган умиддамиз.

ФОЙДАЛАНИЛГАН АДАБИЁТЛАР

- Маркс К. Капитал. т. I, T., «Ўзбекистон» нашриёти, 1983 й.
- Маркс К. Экономические и философские рукописи 1844 года. Госполитиздат. М., 1956 год.
- Маркс К. Энгельс Ф. Танланган асарлар. II том. «Ўзбекистон» нашриёти, Т., 1959 й.
- Маркс К., Энгельс Ф. Уч томлик танланган асарлар. «Ўзбекистон» нашриёти, 1981 й.
- Энгельс Ф. Анти-Дюринг. Т., «Ўзбекистон» нашриёти, 1983 йил.
- Энгельс Ф. Оила, хусусий мулк ва давлатнинг келиб чиқиши. Т., «Ўздавнашр», 1959 й.
- Энгельс Ф. Маймуннинг одамга айланишида меҳнатнинг роли. Уздавнашр, Т., 1956 й.
- Ленин В. И. Материализм ва эмпириокритицизм. Тўла асарлар тўплами, 18-том.
- «СССРнинг 1990 йилгача бўлган даврга мўлжалланган Озиқ-овқат прогрессаси ва уни амалга ошириш тадбирлари». Т., «Ўзбекистон» нашриёти, 1982 й.
- «Умумий таълим ва ҳунар мактабини ислоҳ қилишининг асосий йўналишлари» тўғрисидаги КПСС Марказий Комитетининг қарори. «Совет Узбекистони», 1984 й. 5 январь
- Абу Али ибн Сино. Тиб қонуплари, II китоб, УзССР ФАН нашриёти, 1956 й.
- Аль Джахиз. Китоб аль-бухана (книга о скучих), Изд-во «Наука», М. 1965 г.
- Альхасов А. Азербайжон хўраклари. Госиздат. Азерб. ССР. Б., 1954 й.
- Алексеев В. П. Становление человечества. Изд-во Политической литературы. М. 1984 г.
- Ахмиров С. А. Таомхон тоҷики. Душанбе, Тоҷикистон давлат нашриёти, 1959 йил.
- Армянская кулинария. Госторгиздат, М., 1960 й.
- Ахматжанов Ю. А. Татар ҳалық ашлари. Тат. китоб нашриёти, К. 1960 й.
- Бертельс Е. Э. Авиценна и персидская литература. Изд-во «Наука» М., 1960 год.
- Бичурин Н. Я. Собрание сведений о народах обитавших в Средней Азии в древние времена. Изд. АНССР, Москва, 1958 й.
- Борубаев Т. Қыргыз даамы. «Қирғизистан» нашриёти, Ф. 1984 й.
- Вамбери Г. История Бухары и Трансокеании. Издание Я. А. Исакова, С.-Петербург, 1873 г.
- Верзилин Н. Растения в жизни человека. Госдетиздат. Ленинград, 1954 й.
- «Вестник древней истории» № 1 за 1957 г.
- «Вестник древней истории» № 3 за 1948 г.
- Wir Kochen gut. Verlag für die Trau. Leipzig—Berlin, 1956 j.
- Васильев Ф. И. Двести пятьдесят блюд китайской кухни. М. Госторгиздат, 1959.
- Гиергиевский М. И. и Шемякинский О. С.— Страви украинской кухни, изд-во «Технической литературы». Киев, 1956 г., Gümter Linde, Heinz Knobloch. Dobrý chut. Bratislava, 1970 j.
- Гюктер Л. и Хайнс К. Приятного аппетита. Изд-во «Пищевая промышленность». М. 1973 г.
- Зайцев В. Б.— Рассказы о рисе. Изд-во «Колос» М. 1980 год.

- Ивашура Л. И. Сут ва ҳаёт. «Ўзбекистон» нашриёти, Т., 1977 йил.
 «Известия АН УзССР», 1955 г. № 2.
- Инайтуллах Қанбу. Бехаре донеш. Изд-во «Восточная литература», М., 1966 год.
- «История народов Узбекистана» т. I, Изд-во АНУзССР. 1950 год.
 История народов Узбекистана, т. II, Изд-во АН УзССР, 1953 г.
- История УзССР т. 1. — Изд. АН УзССР, 1955 г.
- Иойирш Н. Г. Пчела и медицина. Изд-во «Медицина», Т., 1966 год.
- Калила ва Димна. Бадий адабиёт нашриёти, Т., 1966 йил.
- Қасиманов С. Қазақтың улттық тағамдары. «Қайнар» нашриёти, А. а. 1977 йил.
- Қобуснома. «Ўқитувчи» нашриёти. Т., 1968 йил.
- Коллектив авторов. Этнография питания народов стран зарубежной Азии. М. Изд-во «Наука», 1981 г.
- Косвен М. О. Очерки истории первобытной культуры. Москва, «Госполитиздат», 1953 г.
- «Литературная газета» двухлетняя (1842—1844 гг.) подшивка. Фундаментальная библиотека Киевского Государственного Университета им. Т. Г. Шевченко.
- Мадъяр Э. Кулинарное искусство и венгерская кухня. Изд-во «Парония» Будапешт, 1955 г.
- Маҳмудов К. Узбек таомлари. Учинчи тўлдирилган нашри, Тошкент, «Ўзбекистон» нашриёти, 1970 й.
- Маҳмудов К. Ўзбек овқатларида ишлатиладиган мева ва сабзавотлар. Бирлашган нашриёт. Т., 1958 й.
- Махмудов К. Узбекский плов. Изд-во «Ўзбекистан» Т., 1979 год.
- Маҳмудов К. Нон. журн. «Гулистан» № 5, 1967.
- Маҳмудов К. Пазандга — таом олими. «Фан ва турмуш» № 3, 1967 йил.
- Маҳмудов К. Пул ўринига масаллиқ. «Фан ва турмуш» № 11, 1985 й.
- Мудрость веков. (Древняя таджикская медицина о сохранении здоровья). Изд-во «Ирфон» Д. 1981 год.
- «Новый мир». № 9, за 1956 год.
- Петровский К. С. Основы рационального питания. Изд-во «Знание», М., 1966 год.
- Покровский А. А. Беседы о питании. Изд-во «Экономика», М., 1964 г.
- Санда Марин. Кулинарное искусство и Румынская кухня. Техиздат. Бухарест, 1958 г.
- Смирнова — Ракитина В. А. Абу Али ибн Сино қиссаси. Т., «Ёш гвардия» нашриёти, 1966 й.
- Сўз кўрки — мақол. «Ёш гвардия» нашриёти. Т., 1970 йил.
- Титюнник А. И., Новоженов Ю. М. Советская национальная и зарубежная кухня. Изд-во. «Высшая школа». М., 1977 год.
- Токаров С. П. Этнография народов СССР. Изд-во «Наука», М., 1958 год.
- Ҳасанов Х. Үрта Осиёлик географ сайдечлар, Т., «Ўзбекистон» нашриёти, 1964 й.
- Ҳикматуллаев Х. Ибн Синонинг «Юрак дорилари» рисоласи. «Фан» нашриёти, Т., 1966 йил.
- Франке Г., Хаммер К. и Ханальт П. Плоды земли. Изд-во «Мир», М., 1979 год.
- Частный П. М. Национальные блюда казахстана. Госиздат КазССР. Алма-ата, 1962 год.
- Шилов П. И. и Яковлев Т. Н. Справочник по витаминам. Медгиз, М. 1960 год.
- Югославская кухня. Изд-во «Югославия», Белград, 1963 г.
- Юсуф Хос Хожиб. Қутадгу билик. «Фан» нашриёти, Т., 1971 йил.

МУНДАРИЖА

Муаллифдан

I. Пазандалик санъати	7
Пазандалик таърифи	7
Оловнинг кашф қилиниши	9
Чорвачиликнинг келиб чиқиши	11
Деҳқончиликнинг келиб чиқиши.	13
Қоида, усул ва сирлари кўп соҳа.	15
Арчиш қоидалари	16
Тўғраш усуллари	18
Пишириш сирлари	22
II. Нон, туз, палов ва чой тарихи.	25
Энг азиз ризқи-рўзимиз	25
Дараҳтда битган нонлар	25
Буғдой ионининг кашф этилиши.	27
Нон рамзи	29
Бир татим тузу, юз оғиз сўз.	30
Туз — номи билан боғлиқ шаҳарлар.	31
Туз — муқаддас	32
Туз — дори	33
Иессиқ олов, ёғлиқ палов.	34
Палов тарихи гурӯчдан бошланди.	36
Шолининг асли ватани қаер?.	37
Палов ош — ҳалқ ижоди	40
«Палов ош» — этимологияси ҳалқ афсонасида.	45
Чой — қувватга бой	48
Чой — кимёси ва чой давоси.	49
Чой тарихи	51
III. Масаллиқлар.., масаллиқлар.. тарихлари таърифлари, таъсирлари.	56
Минг дардга даъво неъмат	56
Зайтун ёғининг хосиятлари.	58
Қуёш қуши	59
«Ер олмаси»нинг тарихи	61
Помидор бизга қачон ва қаёқдан келди?.	63
Шолғомнинг шарофати	65

Музқаймоқ тарихи ва таърифи.	67
Илоҳий ичимлик нима?.	68
Қора ичимлик тарихи.	70
Ая, Айва, ҳайва.	72
Пиёз — етти дардга ниёз.	74
Ошқовоқ — қишининг қовуни.	77
Ҳидсиз саримсоқ	79
Паловнинг жони	81
«...Бир туп турп турипти..»	84
Сакхара, суххар, шакар, сахар.	86
Сут ва унинг шифолиги.	87
Қалампир ва мурч.	91
Сирканинг хисиятлари	93
Зарчава	95
Куб шаклидаги тарвузлар.	95
Қовун тўғрисида эртаксимон қақиқат.	98
Масаллиқлар имтиҳон тоғширади.	100
IV. Антиқа таомлар, лекин дид борасида баҳс этилмайди	104
Севимли таом деб	104
Палағда тухум ва тўнка замбуруғидан овқат.	107
«Ер билан осмон»	108
Қурбақачалик соҳалари	109
Қовурилган калтакесаклар	111
Таомнинг номи «бумиранг»	112
Лаган стадионидаги матадорлар (тореадорлар)	113
Товуқнинг чап ёғи	113
Шиллиқ қурт — ноёб таом.	114
Балиқхўрлик.	115
Қошигини ҳам еса бўлади.	115
Пашшанинг ўлигими ёки кишмишми?	116
Пиллапўчоқ тамаддиси	117
Овқатнинг лаззати пишлоқ билан	117
Ширинлик шайдолари	118
Қат-қат таом	118
Тўйдирмаса ҳам митти балиқ яхши.	119
Сув қандаласи ҳам овқат.	120
Тошбақа таом	121
Чигиткахўрлик	122
Хомлигича ея беришади	122
Ёвғонхўрлар	124
Қалдириғоч уясидан шўрва	125
Ўтинни ҳам ювиб	125
Офтоби хон ва қалампир сомса.	126
Қон ҳам овқат	126
Ит гўштининг шўрваси	127
Бадбўй-у, бадхўр	128
Еб бўлмайдиган масаллиқ йўқ	128
V. Пазандалик равнақига ҳисса қўшган кишилар.	130
Пифагор тамаддиси	130
Лағмондан макарон келиб чиқишига Марко Поло сабабчи	132

Колумб пиширган ловия хўрак	134
Ф. Аппер — консерва кашфиётчиси	134
«Қуёш гули» майини ижод қилган шахс	137
Жан-жак Руссо салат ва нозик қўлларнинг қадрига етган	139
Композитор — пазанда	140
Кавказ кабобининг шуҳратини А. Дюма кўтарган.	141
Пазандалик — ҳажвия восита	142
Жаҳон пазандалигининг академиги	145
Жаҳон тарихи ва таърифи	146
Лавлагидан қанд олиш — К. Кирхов кашфиёти.	149
Кефир ижодкори — Ирина хоним	150
«Алифбе» печеньелар	153
Мика! Сиз ўзи кимсиз?	153
Еленахоним хизматлари	154
Сосиска ижодкорининг тақдиди	156
Замонамизинг энг ижодкор пазандаси.	157
Пазандалик гроссемейстери	160
VI. Жаҳон пазандалигидан лавҳалар	162
Табиий қозонлар.	162
Рамзий масаллиқлар.	165
Масаллиқ пуллар.	175
Одамлар номи билан аталган таомлар.	179
Келин танлашга восига бўлган таомлар.	182
Сўнгги сўз	186